

افشاریہ

اوجنچی جلد

مغوری

استانبول اوقاف مدیریۃ قیود و اوقاف عربی مترجمی

اماسیہ لی عبدی زاده

حسین حسام الدین

مرحق محضر طدر .

استانبول — نجم استنبال مطبعہ سی

۱۹۲۷

افانسیس

اوچنجی جلد

محرری

استانبول اوقاف مدیرینده قیود وقفیه عربی مترجمی

اماسیه لی عبدی زاده

حسین حسام الدین

هر حق محفوظادر .

استانبول — نجم استقبای مطبعه بی

۱۹۲۷

عرض شکران

۲

اماسیه تاریخی ، اشبو اوچنچی جلدینک طبعنه دلالت و
همت ایدهرک وطن و عرفان ملیمزک اعتلاسنه بویوک یاردیملری
سبق ایدن سابق اماسیه والیسی حلمی ، اماسیه مبعوثی محترم
اسماعیل حق بکاره و اماسیه ولایتی انجمن دائمی اعضای کرامنه
وخاصه فضل و عرفان مجسم اولان اوقاف مدیر عمومیس
محمد رشدی و استانبول اوقاف مدیری استاد اکرم اسماعیل حق
بک افندیلر حضراتنه عرض شکران ایدر .



طقوزنجی فصل

سلطان ابوسعید بهادرخانک وفاتندن صو کرا اماسیه و حوالیسندہ
تنفذ ایدہ رک اجرای امارت ایدن یرلی تورک بکلیخی ، بونلرک زمانلرنده
اماسیه و حوالیسنک تابع اولدیغی حکومتلری ، حادثات و رجال و احوال
تاریخیه سنی بیان و تفصیل ایدر .

سلطان علاءالدین ابو سعید بهادرخان ، ایلخانلیر ایچنده ک زیاده
منصف ، تورکره اسلافندن زیاده متوجه بر موغول حکمداری ایدی .
عدل و حقانیتہ اولدقہ رعایت ایدر ؛ دین اسلامک اصول و ارکانہ ،
اهل سنت مذهبہ ، علمای دینہ پدرندن زیاده حرمت ایلردی .

بهادرخانک دور سلطنتنده تورکر ، آزاچق رفاه و سعادت یوزی
کورمشلر ، موغول و تاتار اشراسنی بر درجه اسکا ته موفق اولمشلر ،
بو سایه ده بر تساند ملی تأمین ایدرک وارلقلرینی بیلدیره جک چاغه
ککشلردی . بو ایشلرده بهادرخانک امیرالامراسی اولان چوبان نویین
ایله اولادینک بویوک یاردیملری ، اییلکلی سبک ایتشدی .

بهادرخان ، نادولوده اکثریتله تورکلی استخدام و تورک بکلیخی
الترام ایلردی . سیواس والیسی امیر چوبان اوغلو تیمور طاش بکک

کندیسنه تقریب ایتدیکی بکرده تورکاردی . تورکار ، تیمور طاش بکی چوق سوه لرلردی . چونکه تیمور طاش بک ، بهادر خان کیبی تورکلکی التزام ایدردی .

بوندن طولایی امیر چوبانک اعدامی ، تیمور طاش بکک سیواسدن مصره فراری ، صوگرا انادولو ایالتنک بغداد حاکمی امیر شیخ حسن جلا یرییه توجیهی ، داها صوکره اماسیه والیسی بابوقشاهک وفاتیه خویلو شادی بکک ولایتی اماسیه حوالیسنده اوطوران تورکری و بکرری پک زیاده متأثر ایتمشدی . چونکه موغول و تانار نفوذواستبدادی جانلانیوردی .

اماسیه والیسی شهاب الدین شادی بک ، کرک وقفیه سندن و کرک الله ایدیلن اوراق رسمیه دن مستبان اولدیغی اوزره آذر بایجانک (خوی) شهرنده اقامت ایدن یازارلو تورکمنلرندن ایدی . خوی شهرنده دوغمش ، ایران تربیه سی کورمش ، ایرانک لسان و ادبیاتی دماغنده آذریلر درجه سنده یر ایتمشدی . پک متوهم اولدیغندن کنایه اولارق (خویلو) عنوانیه مشهور اولمشدی .

آذریلر ، آذربایجان ایلنده اوطوران تورکلردی . بونلرک دماغلرنده اوتهدن بری ایران حسیاتی ، ایران ادبیاتی ، ایران تاریخی یاشادیغندن ایرانیاکه پک زیاده مفتون ایدیلر . لسان رسمیلری ایران دیلی ، علم و عرفانلری ایران ادبیاتی ایدی . فارسیجه او قویوب یازماق ، هله قونوشماق ، بونلرجه اکبویوک فضیلتدی . دیل و سنجیه لری بیله تورکلردن فرقلی اولمشدی . موغول و تانار بکلرینه محبتلری پرستش درجه سنه وارمشدی .

بو یوزدن آذریلر تورککری و تورکلیکی تحقیر و تذلیل ایده جک احوال و اطواردن چکینمزله ، ساکن اولدقلری محیطک افکار و حیساتنه اهمیت ویرمزلردی . بونکله برابر مسلمان و دیندار آدملردی . آذریلر انادولونک هر طرفنده بولونورلر ، ریا و تمقلریله هر یرده نفوذ و حیثیت صاحبی اولورلردی . موغول بکلرینه اجرای وکالت وایشلرینی رؤیت ایدرلردی . انادولوده ایلخانیلرک نفوذ و استبدادی اکی زیاده یاشاتان آذریلردی .

اماسیه والیسی شادی بکک اوچ قارداشی واردی : شمس الدین محمد بک ، کمال الدین احمد بک ، جمال الدین فیروز بک . بونلردن فیروز بک ، اماسیه سپهسالاری ، عسکری قوماندانی ایدی . ایکی کوزی مثابه سنده ایکی ده اوغلی واردی : امرالله ، نصرالله چلییلر . شادی بکک کولهلری ، جاریه لری بک چوقدی . نفوذ و حکومتی بک کسکیندی .

شادی بکک زماننده اماسیه ولایتی ، سینوب ، صامسون ، قره حصار شرقی ، چوروم ، توقاد و اماسیه سنجاقلرینی شامل اولوب شادی بکک نفوذامارتی ارزنجانه قدر جاری ایدی . ۷۲۵ سنه سنده انقره ده تنظیم و ۷۳۵ سنه سنده اماسیه ده تصدیق ایدیلن فارسلی عبارت و قفیه سنده بویرلرده کی املاک و اموالنی وقف ایتشدی . (۱)

اماسیه ده مستوفی ، یعنی دفتردار و محصل اموال اولان امیر کبیر (شمس الدین محمد شاه) بن احمد بن ابی البدر النخجوانی ، صدالعلماء دینیلن مفتی مملکت ده مولانا (شمس الدین محمد) بن احمد النخجوانی ایدی . مستوفی به بویوک ، مفتی به کوچوک دینیردی . هر ایکسی ده کبار

علمادان ايديلير . محتسب مملكت ، يعنى امامسيه نك ضابطه و پوليس
مديرى ده امير كبير (عمادالدين عمر) بن ابراهيم اللورى ايدى .
بوكا امامسيه توركلارى (لور عمر) ديرلردى . (۲)

بونلرك دوراقبالنده امامسيه قاضى القضاى مولانا (عمادالدين ابوالفضائل
عمر) بن شمس الدين محمد الحلاطى ايدى . بوذات امامسيه ده دوغمش ،
كوزل تورك تربيه سى كورمش ، نسللاً و روحاً تورك ايدى . علم و فضيلت
اخلاقه سى يوكسك ، تدبير و بصيرتده يكتا ايدى . بابا زاده خواجه
(علاءالدين على شاه) بن قوتلو بكك شريك درسى ، رفيق عرفانى
ايدى .

امامسيه جاندارى ، يعنى محافظى ، شهر كتخداسى ، شهرامى
امير كبير (مصلاح الدين قوتلو بك) دى . شسادى بكك كوله سى ،
كوموشلى زاده محمود چلبى دامادى ايدى . بونك زمام اداره سى ظاهراً
شادى بكك و باطناً محمود چلبى زاده (جلال الدين عبدالله چلبى) نك
النده ايدى . امامسيه اعيانى بو قوتلو بكى بوتون امور مليه و بليده ده
كنديلرينه سپر اتخاذايتمشلردى . بوكا (قوتلو جاندار) دينيردى .
امامسيه قلعه سنك ديزدارى ، يعنى قلعه محافظى والى شادى بكك
برادرى اولان امير (كمال الدين احمد بك) دى . بوكاده (احمد ديزدار)
دينيردى . مولانا (بهالدين محمد) بن اخى حسن الخوارزمى ده قلعه
بالانك امامى ، شيخ بنامى ايدى . خرشنه قلعه سنك بوتون ايشلىرى
بونلرك النده ايدى .

(۲) لور افه جامع الدولده مسطور اولديغى اوزره بيچ و چاپقن معناسنه در
شادى بك وقفه سنده (عمرلور) يازيليدى .

ابوسعید بهادرخانك وفاتی اثناسنده اماسیه ده اعیان علمادن مولانا جمال الدین ابراهیم بن الیاس آقسرائی ، مولانا رکن الدین احمد بن محمد سینوبی ، مولانا کمال الدین ابواسحق اسماعیل بن یعقوب سالاری ، اماسیه نائی مولانا نورالدین عثمان بن یعقوب زیاری بك مشهور ایدیلر . کمال الدین احمد بن زیاری ، مصلح الدین موسی بن محمود سیواسی ، بهاء الدین محمد کبروی ده شهرتلی مدرسلردندی .

اماسیه اعیانی ایچنده طور و مطای اوغلو شرف الدین یعقوبشاه بن ناصر الدین محمد پروانه ، کوموشلو اوغلو جلال الدین عبدالله چلبی بن تاج الدین محمود چلبی ، خلقت غازی اوغلو (علاء الدین علی بك بن محمد) بك ذی نفوذ ایدیلر : یعقوبشاه باش اعیان صاییلردی . علی بك دامادی اولان کل بك اوغلو دیمكه مشهور (عز الدین محمد بك) بن صالقی بك ده قاین پدرندن آشاغی دكلدی .

بونلره نسبتله کوموشلو زاده برهان الدین احمد چلبی ، خواجه قطب الدین محمد چلبی ، بابا زاده نورالدین قوتلو بك بن فیروز بك ، سنقور بك زاده سلیمان واسماعیل بكیر ، بابا زاده لر دن خواجه فخر الدین جوهری ایکنجی درجه ده اعیاندن ایدیلر .

آماسیه حوالیسنده بك مهم تورك بكلیری واردی . بونلردن قانی توركلری اماسیه نك جنوب غربی طرفلرنده اوطورورلردی . بكلیری مشهور بوشاقلو (امیر بهاء الدین كورت بك) دی . برادری (سونج ار ، سونجر) بك ده مشهور ایدی . بونلرك پدرلری (قانی بك) سلطان مسعود سلجوقی اصدقا سندنندی . اقامت ایتدكلری یرلر ، بوكون قانی ، قانی كورتلر ، سونجر دیمكه مشهور كویلردر .

اماسیه نك قبله طرفی اولان اوز ناحیه سنده یازارلو اویماغی توطن ایتشلردی . بونا حیه نك حاکمی یازارلو بکی (کریم الدین ایرمش بک) بن طوراق بکدی . بونک اقامت ایتدیکی چفتلکنه بوکون (ایرمش ، ویرمش کونی) دینمکده در . ایرمش کونی ، بونک حفیدی اولان جمال الدین فیروز بکک وقفی در . بوکا قیود رسمیه ده (جمال الدین بیک یازاری) وقفی دینمشد .

اماسیه نك شمال طرفلرنده کائن اقطاع ، آرغوما ناحیه لری پک مهمدی . بورالرده اک زیاده اجرای نفوذایدن تورکملردن آباد اوغلو (مبارزالدین سوندوک بک) ده مشهورایدی . بوزات ، اماسیه نك شمال بوغازی اوکنده صولو اووایه ناظر اولان (حقاله) کوینده اوطورور ، بوتون تورکره کندیسینی طانیدیددی . بونک همتیه حقاله ، شیرین بر قصبه اولمشدی . [۲]

لادیق قضاسی ، اوتهدن بری قیزاوغلو دیمکله مشهور (اختیارالدین سوینج بک) ک مالکانه سی ایدی . اقرباسندن عبیدی بک زاده حمید بک ، قضانک الیوم (حمید ناحیه سی) دینیلن یرلرینه و (احمد بک) ده شمال طرفلرنده (احمد سرای) دینیلن یرلرینه حاکملردی . سوینج بکک زماننده رفاعی مشایخندن (السید احمد صاحب الحال) پک زیاده محترم بر سیما مبارکدی .

کوپری ایله حوضه آراسنده امارت ایدن امیرداد اوغلو (جلال الدین

[۲] بوقصده بوکون خرابه شکنده کورولن جامع ، مدرسه . مکتب زاویه کبی آثار عمران و مدینت ، سوندوک بکک وأولادینک آثار همتیدر . بونلرک آدلری و همتملری آشاغیلرده کوروله جکدر .

طاشان بك) ك نفوذ و سطوت بونلردن آرتيقدى . كوپرى ، حوضه ،
مرزيفون قضالرينه حكيم ايدردى . كوپرى ايله مرزيفون آراسنده
اولان يوكسك داغلرده ، يايلارده اوطوروردى . بوداغلره (طاشان
داغى) ديمشدى . طاشان بكك برادرى (ادريس بك) كوپرى
قضاسنك غرب طرفلرينه زيتون وكول ناحيهلرينه وصاموق اوغللرندن
(اسن بك) ده صاموق آلاكى ناحيهسنه حاكملردى .

كوموش حاجى كويى قضاسى ، اماسيه اعيانندن كوموشلو زاده
عبدالله چلبى برادرى (برهان الدين احمد بك) ك مالكانهسى ايدى .
مشهور (ارمغان بك) بونك نامنه قضايى اداره ايدردى . كوموش
قصبهسى ، بوئالرده (كوموش بازارى) ديه آكيليردى . بورانك
قاضيسى مولانا (نظام الدين عبدالملك) بن عمرالتخجوانى بك معروف
ايدى .

حوضه قضاسنده اولدقجه نفوذوشهرتى اولان طور على بك زاده
(بركاتشاه) بونلره نسبتله او قدر نفوذى يوقدى . فقط : مجيد اوزى
قضاسنه حاكم اولان (علاء الدين صالتق بك) بن بايندر بك ، طاشان
بك عيارنده بر ذات ايدى . پدريك اعمار ايتديكى (بايندر) قصبه-
سنده اوطوروردى . بوراسى شيمدى كوى حاله اينمش ، شمال
غريبسنده (مجيد اوزى) قصبه اولمشدر .

واراى قضاسى ، امير بابوقشاه اوغلو (عماد الدين اسن بك) ك
اداره سنده ايدى . شيمديكى (شرفدر-شرفلر) كوينده اقامت ايدردى .
موغول بكلرندن (اجايتوباي ، اجه بك) بوقضانك شيمديكى مركزى
اولان (واراى) قصبه سنده اوطوروردى . لاكن اسن بكك نفوذ

واقبالی زیله قضاسنه قدر جاری ایدی . زیله بی اداره ایدن (شمس الدین ساییس بك) مشهور ایدی بوندن صوگرا (قره جعفر بك) اسن بكك بر معتمدی ایدی .

شیمدیکی چوروم ولایتنه حاكم اولان امیر کبیر (شرف الدین عثمان بك) بن غازى محمد بك [۳] عثمانجق قلعه سنده اوطورور ؛ حاجی حمزه ، اسكاب ، چوروم و ملحقاته حكمنی یوروتوردی . برادری (نورالدین الحاج حمزه بك) شیمدیکی حاجی حمزه قصبه سنه حاكم اولان قلعه سنده اقامت ایدرك برادرینه معین اولوردی .

چورومده عثمان بكه و كالت ایدن ، چوروملو اویماغی رئیس (سعد الدین سولو شاه) بن خضر شاه ایدی . بوتون چوروملو اویماغی سولو شاهك امر و نفوذینه [۴] منقاد ایدی . لاكن دوه لو حصارنده اقامت ایدن (حسام الدین تیمور بك) چورومی تهدید ، عثمان بكه رقابت ایدیوردی . بونك مخدومی (حسین بك) چوروم جوارنده اوطوروردی . (۵)

شیمدیکی اسكلب « ایسکیلیب » قضاسی ، ججه لی و قطارلی دیه مشهور اولان ایکی توركن عشیرتنك بككری اداره سنده ایدی . ججه لیلر جاجا بكك آدیله مشهور اولوب جبریل بك بن جاجا بكك اولادندن

[۳] بو عثمان بك ، امامیه والیسی شادی بكك و فقیه سنده (بیکلار چلی) دییه . مذکور و گئندی و فقیه سنده « السلطان الغازی شرف الدین عثمان » دییه مسطوردر . عثمانجقه (بکار چلی جامی) ، چورومده (بك جامی) بو عثمان بكك اثر خیریدر .

(۴) چورومك اسکی آدی (چوروملو) اولدیفنی بوتون قبود عتیقه کوسترمکده در . « ۵ » حسین بكك چقلدی بوگون « حسین آباد ناحیه سی » دیمکه مشهوردر . بونك مخدومی « عثمان پاشا » داما مشهور ایدی .

یحیی بکک ، قطار « قوتار » لیلرده قطار اوغلو یعقوب بکک امرینه
منقاد ایدیلر .

امیر یحجار اوغلی نورالدین حمزه رومی یرینه توقاد امیری اولان
«مذهب الدین اولوبک»، موغول امراسندن خبق بای بن سبکتای «۶»
مخدومی اولوب عرقاً تورک ایدی. عمزاده سی (ظهیرالدین طایرتش بک
بن شیخ عمر) ارزنجان امیری «۷» وعمه سی، مصر حکمداری «ملک
ناصرالدین محمد» بن قلاونک والده سی ایدی. بوندن دولای اولوبکک
بو یوک نفوذی واردی . توقادک دفترداری «السید شرف الدین
علی» بن قوام الدین محمد اصفهانی ، ابو سعید بهادر خانک معتمدی
ایدی .

آنحاق توقادک جهت شرقیه سنه حاکم اولان نیکسار امیری «تاج الدین
طغانشاه»، اولوبکک رقیبی ایدی. مسالک الابصارده بوکا «امیر طغانحق»
دینمشدی. بونک معارضی ده کندی برادر «نورالدین البارسلان بک» دی
نیکسارک لادیق ناحیه سنده اوطورور، فرصت بولدقجه برادر یله اوروشوردی
بونلرک پدرلری «علاء الدین صاوحی بک» اماسیه امراسندندر .
شایان دقتدرکه نیکسارده ملک دانشمند غازی تربه سی یولی

(۶) عقدالجمان و کتاب السلوک ده تفصیل ایدلدیکی اوزره سبکتای بن
قراچین بن جیفان (۶۷۴) ده توقاددن مصره فرار ۶۷۷ ده مصرده وفات
ایدوب کریمه سی مصرملکی (قلاوزالافی) ۶۸۰ ده تزوج ایتشدی اوغللری
خبق بای ، شیخ عمر ، موغول حکمداری «غازان محمودخان» دورنده ائادولویه
کلشلردی .

«۷» امیرالحاج طایرتش ، ملک ناصرالدین محمد بن قلاون طرفندن «۷۲۹» ده
مصره جلب ایدیلش و «۷۴۹» ده فوت اولمشدر «الدرر الکامنه»

اوزرنده دره كئارنده بولديغ بو ايكي برادر ك تربلري بيله بربرينه معارض صورتده يان يانا بنا ايدلمشدر.

اماسيه نك جهت شرقيه سنده اولان قره حصار شرقي اميري «مبارزالدين بيرامشاه» بن داوود بك، كنديسي آل عباسدن صاياردى. شيخ معين الدين سايمان زاويه سنه مزارع وقف ايلديكي وقفه سنده «عباسي» اولديغنى كمال اهميته قيد ايتديرمشدى.

صامسون اميري، اميرالسواحل عنوانيله هابل اوغلو «زين الدين تولى بك» بك مشهور ايدى. سيواس اميري ارتنا بك قاي برادري اولديغى مناسبتله بك نافذالكلم بر ذات ايدى. صامسون قاضيى «محمدالدين اسحاق چلبى» اماسيه ناغى نورالدين عثمان برادر ايدى.

اماسيه شالنده كائن سينوب ولايتى معين الدين سايمان پروانه بك زاده امير «ناصرالدين احمد غازى چلبى بن مهذب الدين مسعود چلبى» اداره سنده ايكن «۷۲۸» سنه سنده وفاتيله «۹» رينه مخدومى «علم الدين سليمان بك» امير اولمشدى. فقط قسطنطينى بكى شمس الدين تمورجانداز اوغلو «حسام الدين سايمان پاشا» دن امين دكلدى.

سليمان پاشانك معارض ورقبى اولان آنقره اميري «دولتشاه» ده مشاهير امرادن ايدى. شوبكوردن زياده حكم ونفوذى اولان سيواس اميري «رشيدالدين ارتنا بك» ده بك دكرلى بر نورك ايدى. مستشار

۹۵ قبر طاشنده «غازى احمد چلبى بن مسعود چلبى» اولوب
«۷۲۸» سنه سنده وفاتى محكوك اولديغنى قرائت ايدن مدقق مشهور فاضل
«احمد توحيد بك افندى» برادر مرز خبر وىردى. بصورتله حوضه قرينده
شيخ ساوجى قريه سنده مدفون اولان «غازى چلبى» اولاد سلاجقيه دن
سلطان التونباش بن سلطان مسعود اولور.

اموری ، سپهسالارذی اقتدارى «شرفالدين احمد بك» بن جلادت بن چاقرخان ایدی . «۱»

ابوسعید بهادرخانك و فائنه قدر اناطولى اياالتى ، ارضروم ، سيواس آنقره ، قسطنمونى و ملحقانندن عبارت اولوب «ایالت رومیه» عنوانيله عراق امير کيرى شيخ حسن کير جلايرى اداره سنده ایدی . بناءً عليه : يوقايریدن برى تعداد ايدیلن بکالر ، والى عمومى اولان شيخ حسن کيرك نايجى ايدیلر .

بونکله برابر شوتورك بکلى بهادرخانك دورسلطنتنده وارلقلرينه تصاحب ایده جک بر موقع ممتازه ایرمشلردى . هر برى کندی محیطنده مستقلانه اداره امارت ایدیورلردى . موغول و تاتار بکلرینک بورونلری اولدقجه قیریلشدى .

جامع الدولده مذکور اولدینى اوزره وفات ایدن سلطان ابوسعید بهادر خانك یرینه «سلطان معزالدين ارپاخان» «۲» بن شعبان بن ملک تیمور بن آرتق بوغا بن تولى خان بن جنکیز خان «۷۳۶» سنه سی ربیع الاخرینک نصفنده سلطانیه شهرنده وزیر اعظم خواجه «غیاثالدين محمد» بن خواجه رشیدالدين همدانى یازدیمله سریرایلخانی یه جلوس ایتشدی .

بو تبدل سلطنت ، آنادولو و خاصه سیواس ایاالتی تورکلرینى

۱۰۰۰ . اشارالیک «۷۲۷» سنه سنده تنظیم ایتدردیکی وقفیه سنده بوبله یازیلیدر .

«۲» اعیان المعمرده صلاحالدين صفدى ، کتاب السلوکده تقىالدين مقررزى آرپاخانى «ارناکوز» و (اربکوزور) شکنده یازمشلردر . هر حالده «ارپا» لفظندن غلط اولمالیدر .

و بکرینی پک زیاده سسويندیرمشدی . چونکه آذریلرله ایرانیلرک استناد ایتدکری موغول بکری آراسنده نفاق وعداوت، حرص جاه و دولت بردن پارلامش، آذریلرک و ایرانیلرک موقعلری فنا صارضلمش، تورک بکری داها زیاده قوت بولمشلردی .

آرپا خان ، پک ظالم و جبار آدمدی . هلاکو نسلندن اولمادیغی جهتله هلاکو خاندانی طرفدارلرینی قهر ایدهرک تختی محافظه ایتمه چالیشیوردی . بونک ایچون ابوسعید بهادر خانک دایسی و دیاربکر والیسی اولان امیر «علاءالدین علی پادشاه» بن سولامیش بن تنکیر کورکان «۳» قیام ایدهرک بوتون قوتیه تبریز اوزرینه یورودی .

آرپا خان ، علی پادشاهی قارشیلادی . آرارلنده آچیلان قانلی محاربه ده مقتول اولدی . امیر علینک ملتزمی اولان «موسی خان» بن علی بن باید و خان بن طراغای «۴» بن هلاکو خان «۷۳۶» سنه سی رمضانک اون دپسنده ، جامع الدولده شوالک غره سنده سریرایلیخانییه او طور دی . بوتون نفوذ حکومت علی پادشاهک الله کجدی .

امیر علی پادشاه ، موغول عرقندن و «اویرات ، هویرات» ایلندن وجهاً چیرکین ، طبعاً مستبد و خودکام آدمدی . بونک ظلم و استبدادی آرپا خانک جبروتی باصدیردی . آنادولو بکرینی عراق و روم ایالتلری والیسی «امیر شیخ حسن کبیر» ایله دیاربکر ایالتنه

«۳» تنکیر — دیوان لغاتده تا کیر ، عالم ، عارف معناسنه در . صیغه

مبالغه سی تنکیری ، تا کیری در . اعلم ، اعرف ، علام معناسنه اولور . اکیر — اکری ، آغیر — آغیری کبی کورکان — موغول دیلنده کویه کی ، دامادم معناسنه در .

«۴» اعیان المعصره «توغایچق بن هلاکو» یازیلدر .

استیلا ایدن (حاجی طغای «۵» طوغاجار) اطرافنده برلشدیری .
 شو ایکی امیر کیر آنادولو، دیاربکر وعراقدن جمع ایده بیلدکاری
 قوتلرله متحداً قیام ایدوب «علی پادشاه» ایله حربه کیریشدیلر . آلا
 طاغ جوازنده ایدیلن محاربهده «امیر علی» مقتول و «موسی خان» ده
 فراره مجبور اولدی . امیر حسن کیرک ملتزمی اولان «محمد خان»
 بن یوزی قوتلغ بن التمر بن ایبارجی «۶» بن منکو تمرین هلاکو
 خان «۷۳۶» ذی الحجه سنک اونجی کونی تحت ایلجانی یه چیقدی .
 یویوزدن آنادولو بکاری براز دها قوت بولدی .

بو قارغاشالیق ائناسنده تورکاره قارشی خیرخواهانه بر مسلک
 طوتان امیر چوبان و مخدومی تیمور طاش اوغلاری ، ۷۲۷ سنه سندن
 ری اختفا ایتدکاری یرلردن خروج و قیام ایده رک تورک بکاری
 الله ایتمهک چالیشیورلر . تیمور طاشک طرفداری اولان تورکار و بکرده
 بونلره التحاق ایدیورلردی .

چونکه امیر تیمور طاش بن امیر چوبان (ایان العصر واعوان النصر) ده
 یازیلدیغی اوزرر (۷۲۸) سنه سنده مصرده ذبح و قتل ایدیلشدی .
 اولادی شونلردی: شیخ حسن ، مصر ملک ، حمدوغان ، پیر حسن ،
 شیدون ، ملک اشرف ، اشتر . بونلرک هپسی آنادولونک برکوشه سنده
 اختفا ایتشدی .

«۵» حاجی طغای، الدرر الکامنه و کتاب السلوک ده یازیلدیغی اوزره بکری
 بیل قدر دیاربکر والیدی اولان «امیر سوتای» ک مخدومی و «۷۳۲» سنه فوتنده
 یرته والی اولان «بارابای» ک برادریدر . بارام بایک «۷۳۵» سنه سنده
 وفاتله دیاربکری استیلا ایدن «امیر علی پادشاه» ک خصم بی امانی اولشدی .
 «۶» بوکا «انبارجی» عتبرجی «ده دینشدر» .

شیخ حسن، تیمور طاش اوغللرینک اکبری ایدی. بوکا (کوچوک حسن، شیخ حسن صغیر) دیندی غایت دساس، زکی، سیاسی بر آدمدی. ابتدا پدرینه بک زیاده بکزه یین بر شخص مجهولی (۷) پدری تیمور طاش اولماق اوزره اعلان ایدهرک پدرینک اصدقاسنی کندیسنه جلب ایتدی. کوچوک حسن بکک نفوذ و دعواسنه حمزه و یعقوب بککر بویوک یار دیملر ایتشلردی. حتی شیخ حسن کیرک نزدنده اولان (امیر حمزه رومی) تصدیق ایدهرک حسن کیری بویوک تلاشه دوشورمشدی.

بوندن دولای اماسیه والیسی شادی بکک و موغول مفتونی آذریلرک موقعلری صارپه صارمشدی. شادی بک، عراق و آناتولی والیسی امیر شیخ حسن کیره مالا و بدنا معاونت ایتمهک موقعاً مجبور ایدی. چونکه امیر مشارالیهک اماسیه ده ناچی، قائم مقامی بولونیوردی. حال بوکه انادولو بککری تیمور طاش اوغلو شیخ حسن صغیره بویوک یار دیملر ایدیورلر، قوتلر ویریورلردی بونلرک باشنده اماسیه نیک عین الاعیانی طور ومطای اوغلو «شرف الدین یعقوب شاه» بولونیوردی. حسن کیرک مغلوب اولدیغی کون، شادی بکک سقوطلی محقهقدی.

شرف الدین یعقوب شاه، امیر تیمور طاشک خواص اصدقاسندن معدود ایدی. بونک ایچون تیمور طاش اوغلو کوچوک شیخ حسن بکه بذل معاونت ایدهرک آنی تقویه ایتمش، سهپسالاری ومدبر اموری اولمشدی. امیر شیخ حسن صغیر، ترتیب ایلدیکی زخده حربه سایه سننده امیر شیخ حسن کیره غلبه چالدى. بوغلبه یی متعاقب «شادی بک» دنیادن کیتدی.

(۷) اعیان المصرده بو شخصک آدی (ابوبکر) کوسه قریلکده در. بوکا (ابوبکر الدعی) دیور وترجه سنی یازیور.

شرف الدین یعقوبشاه

اماسیه بککر بکیسی سیف الدین طور و مطای اولادندن ناصر الدین محمد بک بن مبارز الدین موسی بکک اوغلو اولوب اماسیه لیدر. عراق حاکمی بویوک شیخ حسنک انهرامنه بناءً قازاندیغی شهرت سایه سنده «۷۳۷» سنه می اوائلنده اماسیه امیری اولدی. آذر یلرک نفوز و اقبالی ختامه ایردی. کوچک شیخ حسن بک، انادولوده بویوک شیخ حسن بکک یرینی طوتدی.

اماسیه دفتر داری بویوک شمس الدین محمد نخجوانی اختقا ایدوب یرینه کوموشلو زاده امیر «جلال الدین عبده جلی» مستوفی اولدی. یعقوبشاه اوغلو «معین الدین سلیمان بک» جاندار، «مصلح الدین قوتلو بک» محتسب اولدی. قاضی و نایب یرلرنده قالدی. مولانا «رکن الدین احمد سینوی» صدرالعلما و مفتی بلده اولدی.

بو ائنده صحنه سیاستده اوچ سیانک ییلدیزی پارلاقدی: یعقوبشاه ارتنا، اولو بککر. بونک ایچون محمد بن علی العجمی (مجمع الانساب) آدلی اثرنده «احوال امیر ارتنه و اولاد امیر ترمتای و سبکتای» دهرک بر فصل آچمش، ارتنا بکله ترمتای و سبکتای اوغللرینک مناسباتی و احوالی بیان ایتمشدی.

مؤلفک (امیر ارتنه) دیدیکی، سیواس امیر کیری مشهور (رشید الدین ارتنا بک) در. (اولاد امیر ترمتای) دیدیکی امیر شیخ حسن صغیرک سرداری و آماسیه والیسی اولان طور و مطای اوغلو (یعقوبشاه) و اولادیدر.

(اولاد سبكتای) دیدیکی ده توقاد امیری و شیخ حسن صغیرك كوزده سی اولان سبوكتای اوغلو (مذهب الدین اولوبك) و اولادیدر .

آنحاق (ارتنا بك) بك زكى و سیاسى بر ذات ایدی . اماسیه امراسندن بابا الیاس خراسانی اوغللری قوتلو ، الیاس ، مسعود بکلری و توركن بكارندن كورت و طاشان بکلری برر صورتله اله ایدهرك (یعقوبشاه) نفوذینی قیرماق ایسته یوردی .

نورالدین قوتلو بك ، وزیر مشهور شمس الدین محمود طغرانی بن بابا الیاسك مخدومی امیر جمال الدین فیروز بكك اوغلیدر . برادرلری الیاس و مسعود بکلردر . مخدوملری (علاء الدین علی شاه) ایله (خیرالدین خلیل بك) ی ارتنا بكك نزدینه كوندرمشدى .

ارتنا بكك بونلره تلقین ایتدیكى فكرك غایه سی ، ظاهرده سلطان مسعودك شهزاده سی (سلطان التونباش) ك اجدادنن موروث اولان اماسیه تختیه اجلاسی ایدی . حقیقت حالده یعقوبشاهی بر طرف ایدوب اماسیه ولایتی اله ایتكدی . یعقوبشاه ، بك شجیع و مدبر بر ذات ایدی . ارتنا بك ، بونك نفوذندن بك زیاده چكین یوردی .

امیر بهاء الدین كورت بك « ۱ » سلطان التون باشك دامادی و حامی یكانه سی ایدی . ۷۱۹ سنه سنده سلجوق شهزاده لری قتل عام ایدیلدیكى اثناده سلطان التونباشی چفتاكننده اخفا ایدهرك قتلدن قورتاران « كورت بك » دى . امیر تیمور طاشك سیواسدن مصره فرارنده

(۱) كورت - دیوان لغاتده عرمحه (نسیم) دینیلن آغاك توركجه سیدر . غایت سرت ، متین اولوب قاین آغاحی دیمكده مشهوردر . غایت سرت و متین اولانلره (كورت) دیمكده در . خالص توركجه در مصر تورك بكارندن برقاج ذاتك آدی ده (كورت) در .

سلطان ابوسعیدك عفوینه مظهر اولان «سلطان التونباش» طاشان بكك اداره سنده بولونان سیمره چفتلكنده منزویانه یاشایوردی .

كورت بك ، سلطان ابوسعید بهادر خانك امرا و سفرا سندن امامیه لی سنقور اوغلو «شهاب الدین احمد بك» «۲» سایه سنده تحصیل امارت ایدرهك سلطان ابوسعیدك منظوری اولمشدی . اوغلاری «قوتلوشاه» طوغانشاه ، قزانشاه» بك مشهور ایدی . بونلر سلطان التونباشك كریمه زاده لریدی .

بویوك شیخ حسن بك، تیمور طاش اوغلو كوچوك حسن بكك حربنده منهزم اولدیغی مناسبتله خراسان بككر رینك یاننده نفوذ و اعتباری قالمامشدی بویوزدن خراسان بككری موغول حكمداری «محمد خان» ی طانمادیلر . جنكیزك برادری جوجی اقسار بن یسوكا بهادر اولادندن «طغتمور خان» بن سوتای بن بابا بهادر ابوكار بن تور بن جوجی اقساری «۷۳۷» سنه سی شعباننده حكمدار یاپدیلر .

كوچوك شیخ حسن بك ، بو وقعه دن بالاستفاده یانته آلدیغی بر قوتله تبریز اوزرینه یورودی . بویوك شیخ حسن بكی حرباً قاجیردی . سلطان محمد خانى اعدام ایدرهك یرینه جدی امیر چوبانك منكوحه سی اولان «ساتی بك سلطان» بنت سلطان محمد اولجایتو خانى «۷۳۸» سنه سی ذی الحجه سنك بگرمیسنده تخته اجلاس ایتدی .

لاكن ساتی خانك سلطنتی شریعت اسلامیه مخالفدی . بویوزدن

(۲) مورخ تقي الدين احمد مقریزی (كتاب السلوك لمعرفة الدول والملك) آدی ائرنده مصر سفارتی شویله یازیور . قدم سادس شهر ربیع الاول سنة اثنی وثلاثین وسبعمائه الحاج احمد بن سنقر رسولامن المكابی . عید

عراق و دیادبکر بکری ساتی بیکی طایمادیلر. ارالرنده هلاکو خاندانندن
«جهانمور خان» بن الاقونك بن کیخاتوخان بن اباخان بن هلاکو خانی
«۷۳۹» سنه سی صفر نده سلطان یابدیلر.

کوچوك حسن بك، ساتی بیكك سلطنتی کندیسنی خالقك نظردن
دوشوزده جكنی آكلادی. کندیسیده ساتی بیکی خلع ایدوب یرینه
هلاکو خاندانندن «سلطان سلیمان خان» بن محمد هوکای بن سنکی
«یاخود جمودار» بن یشموت بن هلاکو خانی «۷۳۹» سنه سی ربیع الاولنده.
تبریز تحتنه اجلاس ایتدی.

«نزهة القلوب» ده یازیلدیغی اوزره «۷۳۹» ده امراء چوبانیان
و آذربایجان و کرجهستان «سلیمان خان» نیره هوکای نواده هلاکو خانی
وامرای دیاربکر و بغداد «جهان تیمور خان» پسر الاقونك بن کیخاتو
خانی و امرای خراسان و روم دخی «طغای تیمور خان» بن جوجی قساری.
موغول تحتنه اجلاس ایدهرک فرقه، فرقه اولملشردر.

مورخ فاضل احمد توحیدبك افندبنك بكا لطفاً و یردیکی بر کومش
آقهنك بر یوزنده «السلطان الملك الكامل طغایمور سنه تسع و ثلاثین
و سبعمائه» دیکریوزنده «ضرب باماسیه» یازیلیدی. بوندن آکلاشیلرکه
ارتنابك نفوذی آنادولو بکرینی بویوک و کوچوك حسن بکرك
نفوزندن اوزاقلاشیدرماق ایچون خراسان سلطانی اولان طغای تیمور
خانه بیعت ایتدیرمشدر.

چونکه ارتنابك، ذاتاً دیاربکر والیسی «حاجی طوغای» ایله عراق
والیسی امیر شیخ حسن کبیرك تجاوزاتندن قورقارکن امیر تیمور
طاش اوغلو کوچوك شیخ حسن بکك کیتدجه آرتان نفوذ و اقبالندن

پك اندیشه ایدیور، حسن بكك فعین ومعمدی اولان اماسیه امیری «حاجی یعقوبشاه»ك دلیرانه حرکاتندن قوشقولانیوردی. هله یانی باشنده البستان بکی اولان دولقادیر اوغلو «زین الدین قراجابك» بن علی بکدن هیچ امین دکلدی .

قراجابك ، بوزوق تورکملرینك بکی اولوب نفوذ و قوتی شایان اهمیتی. کندیبی مصر حکمداری «ملک ناصر محمد» بن قلاونه تابع و ظرفندن امیر اولدیغی مناسبتله حکومت مصریه نك یاردیمله سیواسی استیلا وحوالیسنی غارت ایتمکه موقعی مساعددی .

بوندن دولانی «ارتناك» کندی موقعی تحکیم ایچون مصر حکمداری «ملک ناصر محمد» بن قلاون درکاهنه بابا زاده «نورالدین قوتلوبك» ی سفیر کوندردی. آغیر هدیله رتقدیم ایتدی. «کتاب السالوک» ده مفصلاً یازیلدیغی اوزره ملک مشارالیه عرض مطاوعت ، ملک ناصر نامه خطبه قرائت ، سکه ضرب ایده جکنه سوز ویردی . حمایه سنی طلب ایتدی . حکومت مصریه طرفندن مطلوبی اسعاف ایدیلهرك «نائب بلادالروم» عنوانی ویریلدی .

دیگر طرفندن ده اماسیه بککری «یعقوبشاه» علیه چوبرمکه تشبث ایده رك سیمره چفتلککنده کندی حالنده اطوران «سلطان التون باش» بن مسعود سلجوقی پك زیاده التزام ایدیور . سلطان التون باشی اماسیه تختنه اجلاس ایتمکه چالیشان کورت و طاشان بککری حمایه وتشجیع ایتمکدن کیری طورمایوردی .

حاجی یعقوبشاه، بوایکی امیرك حرکات وتشبثاتندن شبهه ایتدیکی جهته تعقیباته قیام ایده رك بونلری سیواسه قاچیردی. بوندن دولانی امیر

تیمورطاش اوغلو شیخ حسن بکه اولان ارتباطی تحکیم ایدهرک موقعی واماسیه امارتی ایتنا بکک استیل و تجاوزاتندن قوزوماق ایسته دی .
 ۷۳۹ سنه سی اواسطنده کوچوک حسن بک ، یعقوبشاهی تبریزه دعوت ایدهرک « سلطان سلیمان خان » نفوذینی انادولو بککرینه قبول ایتدیرمکه چالیشیوردی . امیر یعقوبشاه ، بویوک مخدومی اولان « امیر مین الدین سلیمان بک » ی کندی رینه قائم مقام نصب ایدهرک تبریزه کیتمشدی .

امیر سلیمان بک ، پدرینک امارتی قبول ایدن تورکمن بککرینک نفوذینه استناد ایدهرک اماسیه ولایتی پدری نامه اداره ایدیوردی .
 بونی خبر آلان کورت و طاشان بککری سیواسدن عودت ایدهرک اماسیه حوالیسنده اولان تورکمن بککریله اتفاق و سلطان التون باشی اجلاس ایتمه عهدومیشاق ایتدیلر . پروانه بک زاده « امیر علم الدین سلیمان بک » اولانجه قوتیلر بومیشاقی ترویج ایدیوردی .

چونکه سلطان التون باش ، امیر معین الدین سلیمان پروانه بکک کریمه زاده سی ایدی . پروانه بک زاده « علم الدین سلیمان بک » ده سینوب امیری ایدی . قسطنونی امیری جاندار اوغلو (حسام الدین سلیمان پاشا) اکسزین سینوبه هجوم ایدوب سلیمان بکی اماسیه یه قاچیرمش ، یعقوبشاهه صیغندیرمشدی

سلیمان بک ، سینوبی قورنارماق ایچون یعقوبشاهدن استمداد ایتدیکی حالده یعقوبشاه برطاقم مواعیدایله امدادینی تعویق ایدهرک سلیمان بکی قیز دیرمشدی . حاجی یعقوبشاه ، اماسیه دن تبعاعداidr ایتزارتتا بکه مراجعت و مقتضای قرابت « سلطان التون باش » ک طرفدارلرینه مظاهرت ایتمشدی .

کورت بکی التزام ایدن اماسیه بکری ایچنده سنقور اوغلری
الحاج کمال الدین اسماعیل وشجاع الدین سلیمان بکرله ممتاز بکلردن کل بک
بک اوغلو «عز الدین محمد بک» واردی. ایشته بونلرک یاردیمله کورت و
طاوشان بکر، سلطان التون باشی چفتلیکنندن قالدیروب عزت واکرام ایله
اماسیهیه کتیردیلر. تخته اجلاس ایده رک اولمش سلطنت سلجوقیه یی
دیرلتمکجه چالیشدیلر.

(سلطان تاج الدین آلتونباش)

انادولوده حکومت ایدن سلجوق «سلجوقلو» خاندانک صوک
پادشاهی اولان سلطان مسعود بن عز الدین کیکاوسک شهزاده سیدر. والده سی
توقادده احمدپاشا جامعی وسنبیل بابانکیه سی قبولرینک اوزرنده محکوک
اولان کتابلر [۱] دن مستبان اولدیی اوزره مشهور معین الدین سلیمان
پروانه بک کریمه سیدر. [۲]

سلطان التونباش، اماسیه ده «۷۳۹» سنه سی اواخرنده ایکنجی
دفعه سریر سلجوقیه اوطوردی. رسماً پادشاه سلجوق اولارق
امیر «جلال الدین طاشان بک» انا بکی، امیر «بهاء الدین کورت بک»
بکربکی، پروانه بک زاده «علم الدین سلیمان بک» وزیر، نوموشلو
زاده «جلال الدین عبدها چایی» ده مستوفی اولدی.

بوسنه کبار فضلادن اماسیه ده صدرالعلما اولان مفتی رکن الدین
احمد بن محمدالسنوبی ایله اماسیه خانقاهی شیخی ومدرسی ایکن سیواس

[۱] بو کتابلر اسماعیل حق بک (کتابلر) آدلی اثرنده یازیلیدر.

[۲] آدینک (ایلدی خوندختون) اولدیی قیوددن استدلال ایدلمکده درم.

قاضی اولان مولانا « جمال الدین ابراهیم الاقسرائی » وفات ایتدیلر.
کبار علمادن مولانا « شرف الدین محمد الهروی » امامیه ده صدرالعلماء
ومفتی مملکت اولدی .

لاکن سلطان التونباش ، یکرمی ایکی ییلدن بری کاه طاشان بکک،
کاه کورت بکک چفتلکرنده و صوکر سلطان ابو سعید بهادر خان
طرفدن کندیسنه تخصیص و تملیک ایدیلن سیمره چفتلکندنه مزویانه
باشامشدی . بچاره اختیارلامش ، نعلایت دماغیه و بدیهه سی دورمش ،
بوتون ایشلرینی طاشان و کورت بککک الیرینه ویرمشدی . سلطنتی
قوری بر عنواندن عبارت ایدی . کندیسنه « غازی چلی » و « شاه
ملک چلی » دینردی .

بناءً علیه : امامیه ولایتده نفوذ امارت طاشان و کورت بکک
انتقال ایدهرک امامیه ولایتی بو تاریخدن اعتباراً سیواس امیری
ارتنا بکک نفوذی آلتنه کیردی ، امیر تیمور طاش اوغلو کوچوک
شیخ حسن بکک نفوذندن حاجی یعقوب شاه لندن چیقدی .

امیر کمال الدین اسماعیل سنقوری ، سلطان آلتونباشک سلطنتی
امرای اطرافه تبلیغه مأمور ایدیلهرک تورک بکککینی مشارالیهک قوتدن
عاری اولان قوری عنواننه بیعت ایتدیرمکه چالیشیوردی بونلرک
مظاهری ومدبری « ارتنا بک » دی . توقاد امیری « اولوبک » ده ارتنا
بکک مروج افکاریدی .

سلطان التونباش ، فرصت الده ایکن کندیسنه مقدما طرف سلطانیدن
تخصیص و تملیک ایدیان اراضی و املاکنی « ۷۴۰ » سنه سنده امامیه ده
وقف و حاصلات وقفیه سنی نسلاً بعد نسل اولاد ذکورینه تخصیص

ایده رک کن دیسندن صو کرا اولادینی احتیاجدن تخلیصه همت ایتدی
مکمل بر وقفیه تنظیم ایتدیردی . وقفیه نی تسجیل ایدن آماسیه
قاضی القضا نی مولانا « عماد الدین عمر » و شاهدلری ده یوقاریده اسملری
بازیلان ذوات ایدی . [۳]

بو وقفیه نك عنواننده « سیدالملوک و السلاطین الصدر الاعلیٰ القدوة
المعلیٰ اعز الدولة والدين » اوصافیه « تاج الدین آلتونباش بن السلطان
مسعود بن کیکاوس السلاجوق » توصیف ، بعده وقف ایتدیکی سیمره
چفتدیکی مشتملاتی اولان قرا ، مزارع ، اراضی ذکر و تعداد ایدیلشدر .
شو اوصاف عالیه ، کمال صراحتله افاده ایدیورکه « تاج الدین
آلتونباش » آماسیه ده « ۷۴۰ » سنه سنده رسماً سلطان ایدی . مشارالیه
اکر سلطان اولماسایدی ، یالکیز (سلاله الملوک و السلاطین) دینیردی
[سیدالملوک و السلاطین ، الصدر الاعلیٰ ، القدوة المعلیٰ] دینه مزیدی .
بو صفتر آکلاتیورکه سلطان التونباش ، سریراعلاده جالس بر متبوع
معلی ایدی

فقط : مشارالیهک ساطنتی ، ارتنا بکک بر خدعه سیاسییه سنندن عبارتدی
ارتنا بک ، بو خدعه سایه سنده آماسیه ولایتندن شیخ حسن و خاجی
یعقوب شاهک نفوذینی قالدیردی . توقاد ، قیصریه و صامسون امیر
لرینی کن دیسنه ربط ایده رک موقعنی تحکیم ایتدی . مصر حکمدارینه
قارشى تعهد ایلدیکی خطبه وسکه مسئله سننی ییله اونوتدی .

بوندن دولای مصر حکمداری « ملک ناصر محمد » بن قلاون ،
ارتنا بکدن دلکیر اولدی . ویردیکی امر اوزرینه ارتنا بکک زیر
[۴] . مشارالیهک بو عربی وقفیه سی طرفدن تورک تاریخ انجمنی مجموعه سنده

ترجمه ونشر و شاهدلری و مندرجاتی حقنده بعض ملاحظات سرد ایدیلشدر .

اداره‌سندن اولاز « طرنده ، درنده » شهرینی دولقادر اوغلو قراجا بکه اشغال ایتدیردی .

مقریزی (کتاب السلوك) نده دییورکه : « ۷۴۰ سنه‌سنده درنده

قلعه‌سینک محافطی ارتنا طرفندن خادم مرجان ایدی . مرجان ، بر مصلحت مهمه ایچون ارتنانک نزمینه کیتمشدی . بونی خبر آلان ابلس‌تین امیری « زین‌الدین قراجا » بن دلغادر تورکان بکلرندن کرکرلی اوغلو علی ، کندلک « کوندوک » اوغلو ابراهیم ، بوکاداش اوغلو خلیل بکاری قرق نفر بهادرله درنده اوزرینه کوندردی .

« بوبکر ، درنده قلعه‌سی ایچندن بر آدمی آلدی ایتدیلر . بوآدم ، قرق نفری وبکاری قلعه‌سیندن ایلرله چکوب ایچری‌یه آلدی . بونلر ارتنانک آدم‌لرینی قتل ایدوب قلعه‌ی مصر سلطانی نامنه ضبط ایدرک دلغادر اوغلی قراجایه تسلیم ایتدیلر »

ملک ناصر محمد بن قلاون ، بونکله قناعت ایتدی حلب والیسنه ویردیکی امر اوزرینه سیواس حوالی‌سینی غارت ویغما ایتدیردی . ارتنا بکک مکرر مراجعتلرینه جواباً خطبه‌سکه مسئله‌سی اخطار ایدیلرک ارتنا بک حکومت مصریه طرفندن تضییق ایدیلکده ایدی . دیگر طرفندن امیر تیمورطاش اوغلو شیخ حسن بکله یعقوب‌شاه ، اماسیه ولایتنده نفوذلرینک ضیاعندن دولایی بک متأثر اولمشلردی . فقط عراق‌امیری بویوک‌شیخ حسن بکله مشغول اولدقلری مناسبتله ارزنجان وقراحصارشرقی بکلرینی وخاصةً اماسیه‌نک یانی باشنده اولان نیکسارامیری « تاج‌الدین طوغان‌شاه » ی تحریک ایدرک برطرفندن ارتنا بکی ، دیگر طرفندن اماسیه بکلر بکیسی کورت بکی تهید ایدیورنردی .

بونىكە برابر سلطان آلتونباشك امراسى اراسنه كىرن نفاق و حسد بلاسيه اماسيه بىكلىرى ده بربرينه كىرمشلىرى. خلفت غازى و كل بك اوغللىرى كورت و طاشان بىكلرك نفوزىنى بردورلو هضم ايدىمىورلر، جراتكارانه حرىكتلىرىنى چىكەمىورلردى. سلطان آلتونباش، بونلىرى حسن اداره ايدىجىك عقل و تدبىره مالك دىكلى .

بوئىشاده بويوك و كوچوك شيخ حسن بىكلر، بويوك برىرىدە يە كىرمشلىرى . جهان تيمورخان ايله بويوك شيخ حسن، سليمان خان ايله كوچوك شيخ حسن اوزرىنه يورومشىدى . جامع الدوله تفصيل ايدىلدىكى اوزره كوچوك حسن بك، « ۷۴۰ » ذى الحجه سى آخىرنده غلبه ايتدى . نفوز و شهرتى فوق العاده آرتدى .

ارتىنا بك، حكومت مصرىه نىك كوندردىكى غارتكاران ايله، اماسيه بىكلىرى ده بربريله مشغول اولدىقلىرى ائىشاده نىكسار امىرى « طوغانشاه » امىر تيمورطاش اوغلو شيخ حسن بىكدن آلدىنى و كندىسنىك تدارك ايتدىكى برقوة مهمه ايله نىكساردن قالقوب اماسيه اوزرىنه يورودى. طاش اووا حربىندە كورت و طاشان بىكلرى مغلوب ايدىرەك غالبانه آماسيه يە « ۷۴۱ » سنه سى اوائلندە كىردى . اماسيه ولايتىنى اشغال ايتدى .

(تاج الدين طوغانشاه)

اماسيه نىك جهت شرقىه سىندە كاشن طاش آباد « آربعه » قضاىسنىك اسكى مركزى « صونسا » جوارىندە زاويه و تربەسى و « ۶۵۵ » تاريخلى وقفىه سى اولان الشىخ نورالدين البارسلان بن صارم الدين

محمد بن ابی بکر الکماخی الرفاعی زاده علاءالدین ساوجی بکک
اوغلودز .

عزیزبن اردشیرالاسترابادینک سیواس تاریخی اولان «بزم و رزم»
آدلی اثرنده « نیکسارده امارت ایدن اولاد تاج الدین » دیدیکی ،
یوتاج الدین طوغانشاهک اولادیدر . نیکسارده طرفدن بولونوب
طوپراق آلتندن چیقاریلان مزار طاشنده « تاج الدین طغانشاه
البین ساوجی » دیه اوقونمقدهدر . حفیدی امیر بهاءالدین بکک ال
یازیسیله جدی « تاج الدین طوغانشاه » دیه یازیلش اولدیغی برکتابک
صوکنده کورولدی .

شهاب الدین احمدنوری ، ایاصوفیه کتبخانه سنده اولان «مسالك
الابصار » آدلی اثرنده دیورکه : « طغانجق بک ، نیکسار امیری
اولوب حدود امارتی شمالاً قسطنونی امیری سلیمان پاشانک حدود
امارتنه قدر امتداد ایدردی . بلارومده نفوذ و شهرتی واردی .
خاطری صایلیر امرادن ایدی .»

طوغانشاه ، اماسیه ولایتی استیلا ایدهرک امیر تیمورطاش اوغلو
شیخ حسن بکک نفوذینی اعاده ، کورت وطاشان بککری و غازی
چلبی طرافدارلرینی فرار واختفایه مجبور ایتدی . غازی چلبینی کلدیکی
سیمزه چقتلکینه کوندردی . کندیسیده اماسیه تختگاهنده اوطوردی .
سیواس امیری ارتنا بک ، بوحاله قارشى احتیاط وبصیرتله حرکت
ایدهرک بر مدت اغماض عین اتمکه مجبور اولدی . اماسیه دن کندیسینه
التجا ایدنلری تلطف و حمایه ایدهرک بونلردن کورت بکه قیصریه

امارتی ویردی. کندیسنه معارض اولان صمغار و تاج قیزیل اوغلارینی دفع ایتدی .

چونکه کورت بکک دوستی اولان بابا زاده قوتلو بکک بویوک محدومی « علاءالدین علیشاه » ارتنا بکک نزدنده پک مقبل و مقبول ایدی . کورت بککده ابوسعید بهادرخان امراسندن شجیع، مدبر ، ذی نفوذ بر تورکمندی. قیصریهده « کورتلر محلهسی » بونک و اولارینک اقامت ایتدیکی یرلردی .

ارتنا بک ، طوغانشاهدن و بونک افندیسی ومتبوعی اولان تیمور طاش اوغلو شیخ حسن بکدن قورقاجق بر مرقعده دکلدی . ارتنا بکی الک زیاده دوشوندورن مصر حکمداری « ملک ناصر محمد » بن قلاونه قارشى تعهد ایلدیکی خطبه وسکه مسئلهسیدی . محمد بن قلاون بای حال کندی نامه خطبه اوقوتماسنی وسکه کسیدیرمهسنی شدتله طلب ، بوطلمنی ده قوه عسکریه ايله تأیید ایدیوردی .

ارتنا بک ، مصر حکمداری نامه خطبه اوقوتسه ، سکه کسیدیرسه سائر بکارک و خلک نظرندۀ نفوذ و حیثیتی خللدار اولویوردی . آچیقدن ردایتسه حاب والیسیله دولقادیر اوغلو قراجا بکک تجاوزاتندن اورکویوردی . نظرندۀ قراجا بکک اهمیتی یوقدی . لاکن بونی حمایه ایدن حلب والیسندن قورقویوردی .

بوندن دولایی « ارتنا بک » طوغانشاهک جرأتکارانه حرکته موقتاً سس چیقارمادی . چونکه توقادامیری اولو بککده کندیسنه قارشى وضعیتی شایان دقتدی . بونکه برابر برطرفدن اماسیه بکارندن خلفت غازی، کل بک، سوتقور اوغلرینی و طرفدارلرینی طوغانشاه

عليه تحريك ، ديكر طرفدن سامسون اميرى تولى بكي اماسيه نك
تخليصنه تشويق والندن كلديكي قدر يارديملى ايديوردى .

ارتنا بلك بوتريبتانه طالعى ده يارديم ايتدى . ۷۴۱ سنه مى
دى الحجه سنك اون طقوزنده الكزياده قورقدينى مصر حكمدارى ملك
« محمد بن قلاون » وفات ايدوب يرينه بويوك مخدومى ملك منصور
« سيف الدين ابوبكر » مصر حكمدارى اولدى . بويوزدن مصر
بكلرينك آزالرينده فتنه لر كيردى . ارتنا بلك ، بوندن استفاده ايدرك
اعلان استقلال ايدى ويردى .

ارتنا بلك استقاللى اوزرينه تداركاتنى اكمل ايدن « تولى بك »
سامسون طرفدن حركت ايتدى . اماسيه بكلرينك ايجردن يارديملىله
طوغانشاهى نيكساره قاچيردى . اماسيه نى « ۷۴۲ » سنه مى اوائلنده
حرباً آلدى . اماسيه ولايتى ، بوتون ملحقايله دوغرودن ارتنا بلك
نفوذى آلتنه كيردى . ارتنا بلك ممالكندن اولدى . طوغانشاهده بو
وقعدن صوكرا نيكسارده وفات ايتدى .

محرر فقير ، نيكسار قاضيسى ايكن طوغانشاهك قبرينى چوق آرادم .
نيكسارك جنوب طرفنده دانشمند غازى تربه سنه كيدن يول اوزرنده
يكدى كرينه معارض ، يان يانه بولونان ايكي تربه نى تدقيق ايدوب جبهه مى
شماله ناظر اولان تربه نك ايجنى تطهير ايتديردم . طوپراقلى نى قازديردم
طوپراغك آلتندن چيقارديغم بر مزار طاشنك شمال جبهه سنده
شوكتابه نى كمال مشكلات ايله او قوياييلدم « هذا قبر الامير الاسفهلارا لاجل
الكبير الملك المظفر المجاهد المرباط ... اج الدين طغانشاه الب بن ساوجى ..
رحمة الله - ... ع وار بعين وسبعماه »

بوكتابه ، طوپراغك التنده اوزون برمدت قالمش اولديغندن يازى اولديغى بيليرسىز بر حالده بولوندى . كره ميد پارچارى سورولهرك يازى اولديغى آكلاشيلدى . اج كلمسى تاج ، ياخود سراج اولابيلير . او قويا مديغى رلرى نقطه لادم ، برنجيسى «انتقل الى» اولمايدر . ايكنجيسى سبع ، تسع اوقونابيلير . فقط «سبع» اولماسى بك محتملدر [۱] بوقبرك ياننده كى جبهه سى غربه ناظر اولان تربده برادرى «نورالدين الب ارسلان» ك اولديغى اكلاشيلدى .

سلطان رشيدالدين ارتنا خان [۲] جامع الدولك «آل ارتنا» فصلنده وسائر مواقفنده منجم باشى احمدافدينك ضبطى اوزره قيصريه بكى اولان «جعفر بك» [۳] بن ارتنا بكك مخدوميدر . [۴] قيصريه ده دوغمش ، سلطان ابوسعيد بهادر خانه انتساب ايدهرك سلك امزايه كيرمش ، همشيره سنى سيواس واليسى «امير تيمور طاش» بن امير چوبان

[۱] بو حوالى ده كائى كتابه لرى جمع ايدن معارف مفتش لرن دن اسماعيل - قى بك برادر بى ريكا ره كتيكى حالده مع الاسف نه بو تره لرى ، نه ده بوكه لرى كوره مه مشدر

[۲] اخيه مفتيسى محمد آوارى افندى ، بشير آغا كى تخا - سنده موجود اولان «راموزالاعياز» آدى اثر كيرنده بويله يازمش ، ارتنا بن همزه نك وتانك فتحى ، رانك سكونيله حر كله مشدر .

[۳] احمد ابن حجر ، ولى الدين كى تخا - سنده موجود اولان «الدرر الكامنه فى اعيان المائة الثامنه» آدى اثر نده ارتنا بك زاده كىنج حسن بكك ترجمه - سنده «حسن بن ارتنا بن حسن يازيور . ارتنا بكك پدرى «حسن» اولديغى تصريح ايدىيور سه ده جامع الدولك ضبطى هر حالده دوغرو اولمايدر . حسن بك ، ارتنا بكك قاين پيدىر .

[۴] جعفر بك ، امير نورالدينك قاين پدرى ومشهور قرامان بك بن نورالدين بكك والده سندن جدى اولديغى ده يازيور سه بوروايته تاريخ مساعد دكار .

تزوج ایلدیکندن قیصریه امیری اولمش، ابوسعید بهادر خانک توجه واعتمادینی قازانوب تیمور طاشک مصره فرارندن صوگرا سیواس والیسی اولاراق تعیین ایتشدیر .

محمد اوارى افندی، راموزالاعیانده دییورکه: «امیر تیمور طاشدن صوگرا سیواس و ملحقاتی تیمور طاشک قاین برادری اولان سلطان رشیدالدین ارتناخان اخذ و تملك ایتدی»

محمد بن علی العجمی «مجمع الانساب» نده دییورکه: «امیر ارتنه، سلطان ابوسعیدک فرمانیه روم ایالتنه برمدت حاکم اولدی. سلطانک وفاتندن صوگرا او مملکتی عدالتله کوزل اداره ایتدی . خلق اكا عدالتدن دولایی (کوسه پیغمبر) لقبی ویردی . »

محمود عینی ده ولی الدین افندی کتبخانه سنده اولان (عقدالجمان) [۱] ادلی اثرنده «۷۵۳» سنه سی وقایعنده دییورکه: «روم سلطانی نوبن ارتنه، ابتدا سلطان ابوسعید طرفدن روم ناظمی «والیسی» اولدی . سلطانک وفاتندن صوگرا مصر حکمداری ملک ناصر محمد» بن قلانه عرض

[۱] ارتنه ، عین اثرک یوقاریلرنده «ارتنا، ارتنه» و اعیان العصر، کتاب السلوک، الدرر الکامنه ده «ارتنا» یازیلشدیر. حتی مقریزی کتاب السلوککک برقاج برنده «ارتنا» بی همزه و تانک فتیح ، رانک سکونیه حرکهله مش واردنا» شکل و وزنده تحریر و ضبط ایدیلشدیر . معاصر لویمزدن یعضیلری «ارطانا» شکنده یازوب «ارکک طانا» معاسنه اولدیغی ادعا ایتکده درلر .

حال بوکه «ارتنا» ارکنه وزنده «ارتنه» دره بوکا کلنبه وزنده «ارتنا» ارته و کردنی وزنده «ارتتی، اردنی» دینیر . ارتتی ، دیوان لغت الترندده قیمتدار ایغبی معناسنه اولدیغی مصر حدر . دیگر لر ی ده عین معناده مستعملدر . دیلزده «دانا ، طانا» اینکک یاورییی دیمکدر . ارککته «طوسون»، دیشینه «دووک» دینیر طوسونه «ارطانا» دینیر .

بیعت ادوب طرفدن نائب الروم اولدی . کندیسنه برخعت سلطانه
ویریلدی . مکاتب سلطانیده «نائب الاطنة الشریفة بالبلا-الرومیه»
عنوانی یازیلدی . (۲۲)

(زین الدین تولى بك)

اماسیه امراسندن خلقت غازى برادرى امیر بدرالدین ابراهیم بك
بن تولى بك بن تركانشاه بن كودو بكك مخدومی «هابل بك» اولادندن
امیر شیخ عزالدین حسن بكك اوغلودر . همشیرسی «سولى پاشا خاتون»
ارتنا بكك زوجه سیدر کندیسنه «هابل اوغلو» دینمشدر . خلقت غازى
اولادینك عمزاده لرندندر .

ملت کتبخانه سنده موجود اولوب بو کتبخانه یی احیا ایدن مرحوم
علی امیری بكك النده کوردیکم خلاصه وقایع تاریخیه یی حاوی بررساله
مهمه ده «فتح اماسیه دردست ولدهبل سنه ۷۴۲» یازیلدر . شو
خلاصه تاریخیه کوستریورکه اماسیه هابل اوغلو یدنده «۷۴۲» سنه سنده
فتح وتخلیص ایدیلشدر .

۷۴۲ سنه سنده هابل اوغلنك «زین الدین تولى» اولدیغی حقیدی
امیر کمال الدین کامل بن تاج الدین ابراهیم اخى طایبی بن امیر کبیر زین الدین
تولى بكك «۷۹۱» تاریخى وقیه سی کوسترم کده در . کامل بكك برادرى
«امیر جلال الدین هابل بك» ۷۹۸ سنه سنده اماسیه رجالندن ایدی .
توقانده «اخى طایبی زاویه سی» وقفی واماسیه ده «هابل زاده سلاله سی»
مشهوردر .

امیر تیمور طاش اوغلو شیخ حسن بک، اماسیه ولایتک ضیاعنه پک
زیاده نأسف ایتمش، ارتنا بکله حرب ایتمکله قرار ویرمشدی. انحاق
بویوک رقیبی و دوشمنی اولان عراق والیسی شیخ حسنی کبیرک و جهان
تیمور خانک تجاوز اتندن امین دکلدی.

نهایت «جامع الدول» ده تفصیل ایدیلدیکی اوزره برادری ملک اشرف
خانی جهان تیمور خان اوزرینه و صوکر ا ترتیب ایتمدیکی بویوک بروردوی ده
سر عسکری «حاجی یعقوب شاه» ایله سلیمان خانه رفیق ایده رک ارتنا خان
اوزرینه کوندردی. ارتنا خان ده بوتون قوتیه قارشیلادی.

انحاق حاجی یعقوب شاه، اماسیه لی بر وطن پروردی کندی وطنی
موغول نفوذندن قورتارماق ایون ییللرجه مجاهده لر ایتمشدی. کوچوک
شیخ حسن بکک ارتنا خانه غلبه سی، انادولوده موغول و تاتار اشرا سنک
تکرار ظلم و ستملرینی، نفوذ جبارانه لرینی دیریلته بیلیردی. پک محتملدر که
حاجی یعقوب شاه، بونلری دوشوندی ارتنا خان اوردوسی ارکانندن اولان
اماسیه بککری طرفندن جلب و استماله ایدیلدی.

خلاصه جامع الدولک ضبطی اوزره حاجی یعقوب شاه و سلیمان خان
ایله ارتنا خان اوردولری سیواس ایله انجان آراسنده کائن «اکری
بوک» دینیلن اوواده بربرینه مقابل موقعلر آلدیلر. قانلی بر محاربه یه
کیردیلر.

ارتنا خان و تورک بککری، «۷۴۴» سنه سی جمادی الاخرینک اون
دوردنجی پنجشنبه کوننده سلیمان خانی و موغول سورولرینی تپه له دیلر.
قطعی بر غلبه کمله اله اده رک موغول نفوذینی انادولودن سیلوب
سوپردیلر. شیخ حسن بکله قارشی پک مشکل بر موقعه قلدی.

ایاصوفیه کتبخانه سه «۱۰۰۶» نومروده بولونان بررساله ده شویله
محرردر: «منهزم شدت سلیمان خان از آرتنا (۲) در اکر بوك «۳»
روزخمس چهاردهم ماه جمادالآخر سنة اربع واربعین وسبعمانه درفصل
خریف «عقدالحمان ، اعیان العصر ، کتاب السلوک ده عین تاریخ ایله
مضبوطدر .

کورلویورکه بوتون تورکر و عرب مورخلری ارتناخانک غلبه سی
دقتله قید ایدهرک بوغابه نک تورکر و انادولو ایچون پک مهم اولدیغی
آکلاتمش اولویورلر چونکه چوبان اوغلرینه ک غلبه سی ، انادولو
تورکر ایچون فلاکت اولاجقدی . حاجی یعقوبشاه بوفلا کتک مسبی
اولاراق تلغین ایدیه جکدی .

منجم باشی «جامع الدول» نده دییورکه «امیر تیمور طاش اوغلو
شیخ حسن صغیر ، اوردوسنک بوزولدیغنه پک زیاده جانی صیقیدی ،
دوشمنه قارشى مساهله و مماشات ایتدیکنه قناعت کتیردیکی حاجی
یعقوبشاهی (۷۴۴) سنه سنده محاربه دن عودتنده اعدام ایتیردی .
حاجی یعقوبشاهک تعلقانندن (۳) اولان زوجه سی (عزت ملک خانون) ده
شیخ حسن صغیری سرخوش بر حالده یاتارکن سنه مزبورده رجب نک
یکرمی یدنجی صالی کیجه سی جاریه لرینه بوغدوردی .

[۲] ارتنا، برساله ده همزه و تانک فتحی و رانک سکونیه حرکه له نمشدر .
[۳] اکر بوك — اکر بيوک ، اکرى بوك ديمکدر . کتاب السلوکده
واعيان العصرده «اکسبوک شکنده یازیلش ، صوکرا (اکر بيوک) دییه
تصحیح ایدلشدر .

[۴] عزت ملک خانون، حاجی یعقوبشاهک کریمه سی اولدیغی ظن اولونور .

ارتنا بك بوغلبه كامله اوزرينه بويوك برنفوذ و حيثيت قازاندى .
 كنديسنه سلطان رشيدالدين ارتنا خان « ديدردى . اماسيهلى قوتلوبك
 زاده خواجه علاءالدين على شاه » ى وزير ، احمد يكانه ناميله معروف
 اولان مولانا « شمس الدين احمد » بن يوسف بن احمد المهاجرى « ۴ »
 ى قاضيسكر « ۵ » نصب ايتدى .
 اكرى بوك محازبه سنده فداى جان ايدن قيصره اميرى « كورت
 بك » رينه مخدومى « نورالدين قوتلو شاه » كچدى . چونكه بو محاربه ده
 اك بويوك يارارلقلر ، فدا كارلقلر كوسترمشدى . اماسيه واليسى
 تولى بك ده قوتلو شاهدن زياده چالشمش ، ظفرك عواملندن
 اولمشدى .

سلطان ارتنا خانك نفوذ و شوكتنى آرتيران عواملندن بيرى ده
 كوچوك شيخ حسنك مخنوقاً وفاتيله چوبان اوغللرينك آراسنه كيرن
 رقابت و نفاق ايدى . سلطان ارتنا ، بورقابتى تزييد ايتك ايچون
 كوچوك شيخ حسن بكك قراحصار شرقى قلعه سنه حبس ايتدردىكى
 عموجهلرى سيورغان و ياغى باستى بكلىرى بيرامشاهه اطلاق ايتدردى .
 منجم باشى احمد افندى (جامع الدولنده) ديوركه : « كوچوك
 شيخ حسنك وفاتنده سلطان سليمان خان ، اوردونك باشنه كچدى .
 آذربايجان حكمدارى اولوب قراباغ ده اوطورمشدى . امير چوبان

[۴] بوذاك خراسان مهاجرلرندن اولديغى اولادى طرفندن قيد ايديلشدر .
 مشهور لغت صاحبي مولانا « لطفاء ابن بى يوسف الحلبى » بولك نسلندنر .
 [۵] سيواسده وفقى اولان اميراخى احمدك « ۷۳۳ » تاريخلى و فقيه سى
 بالاسنده « احمد بن يوسف بن احمد المهاجرى القاضى عمالك الروم و عا كرهاه امضاسى
 بوذاكدر . بونى « ۷۴۵ » سنه سنده امضا ايتدىكى محرردر .

اوغلری سیورغان ویاغی باستی بکیر قراحصار شرقی مجسندن قور تولدقلری
آنده تبریزه کیتدیلر . شیخ حسنک برادری ملک اشرف خان ایله
برلشدیلر . سلیمان خان اوزرینه قراباغه دوغرو یورودیلر .

« سلیمان خانک معیتی ، بونلرک کلمه سندن خبردار اولدقلری انده
سلیمان خانک یانندن داغیلدیلر . یالکیز قالان سلیمان خان دیاربکیره
کیتدی . چوبان اوغلری شیخ حسنک بیراقدینی بلاده استیلایتدیلر .
صوکرکرا ملک اشرف خان ایله عموجه لرینک آرالری بوزولدی . قانلی
محاربه لردن صوکرکرا ملک اشرف خان عموجه لرینه غلبه ایتدی . انلری
کسوب تبریزده اعلان استقلال ایلدی . بوکا (اشک اشرف) دینیردی .
سلطان ارتناخان ، چوبانیلر اراسنه بوفتنه بی قویدقدن صوکرکرا
حضور وامنیتله انادولوده استقلالنه انکل کوردیکی امرایی جبراً
کندیسنه انقیاد ایتدیردی . نفوذی قراحصار شرقی ، جانیک ، ارزنجان
ولایتلرینه ده جاری اولدی . توقاد امیری مذهب الدین اولوبکی قالدیردی
توقادی اماسیه امیری زین الدین تولى بکک عهده سنه ویردی .

زین الدین تولى بک ، نفوذ و اقتدار عسکری اعتباریله انشته می
سلطان ارتناخان درجه سنده برامیر معظم دی کندیبی اماسیه ده اقامت
ایدوب توقاده کندی طرفندن مخدومی تاج الدین ابراهیم بکی امیر نصب
وارسال ایتمشدی . کندیسنه (تولى سلطان) و (تولى خان) دینیردی . بونکله برابر
سلطان ارتناخانه انقیاد ایدردی .

ارتناخان ، بویله برصاحب نفوذی کندیسنه داها زیاده ربط ایدره رک
انقیادی نی تأیید ایچون تولى بکک کریمه سنی کندی مخدومی ناصر الدین
محمد بکه آلمشدی محمد بک ، ذاتاً تولى بکک همشیره زاده سی ایدی

ارتناخان ، بو مصاهرته هم كندیسنىڭ خلت اولماسنى تامين ايتىش اولدى (۱) بوندن دولايى تاج الدين ابراهيم بكة اخى طايى دىنمىشى .

(الحاج نورالدين قوتلو شاه)

سلطان التونباشك دامادى امير «بهاءالدين كورت» بكك اوغلودور . تولى بكك وفاتندن صوكرا قىصريه امارتندن اماسيه يه كلوب امير اولمىشى . بوكا منجم باشى افندى جامع الدولنده (الحاج قوتلو شاه بن كرت) و «قوتلو شاه الكردى» دىيور ، نسللا كورد؛ ياخودموغول اولديغنى يازييور .

قوتلو شاهك معاصرى اولان مورخ فاضل صلاح الدين الصفدى «ايعان العصر» آدى اثرنده بونى موغول امراسينده «نورالدين قتلو شاه الوشاقى» ديه ضبطايدىيور . بوشاقلو عشيرتندن برتورك اولديغنى كوسترييور . چونكه «وشاق» ديلمزده «بوشاق» ديمكدور . [۲]

حاجى قوتلو شاه ، هانكى تاريخده اماسيه اميرى اولديغى آكلا- شىلامادى . چونكه تولى سلطانك تاريخ وفاتى معلوم اولهمدى «۳»

(۱) تولى بكك ديكركريمه-نى ده خلقى قوتلو شاه ، كندى مخدومى شهاب الدن احمد شاهه آلمىشدر . بوندن حفيدى مشهور (تولى بك) در .

[۲] بوشاق - ديوان لغات التركدده ضجور . مضطرب ، غمناك ، دردلى ، تيتيز ، كوكللى دار ، صبر واعتدالى قيت ديمكدور .

[۳] تولى بكك مىزارى ، اماسيه ده طورومطاطاي ترهسنىڭ شرق طرفنده برباغجه ايچنده سياه مىرمرلى قىرلردن برى اولمايدور . فقطبائش واياق طاشلىرى ضاييع اولمىشدر .

انجاق قوتلو شاهك اماسیه ده میدان کوپری باشنده اخى سابق الدین
 محمده سنت اوکنده ایرماغه ناظر بر موقعد، گوشه باشنده بنا ایلدیکی جامع
 شریف، امیر مشارالیهك اماسیه ده امارتی و نازینخی کوستر مکده در .
 قیود عتیقه و اماسیه سجالاتنده «مسجد شریف مصلح الدین قوتلو»
 و بعضاً «جامع شریف الحاج نورالدین قتلوشاه» ديه مختلف صورتلرله
 کور و نمکده در بوکون ویران بر حالده اثبات وجود ایدن بو جامع شریفك
 «۷۴۸» سنه سندن اعتباراً وارلیی مثبتدر.

بوندن بر درجه ا کلاشیلیر که «حاجی قوتلو شاه» هر حالده «۷۴۷»
 سنه سنده اماسیه امیری اولمشدر . حاجی قوتلو شاهك اماسیه ده اعتماد
 ایلدیکی ایکی سیماك مشهور ایدی: بری لغمور بك زاده امیر «سابق الدین
 ابوبکر»، دیگرى صدر العلماء مولانا «سعدالدین محمد» بن اسماعیل الرومیکى .
 بونلره «اخى سابق الدین» و «اخى سعدالدین» دینیردی
 امیر سابق الدین ابوبکر بك، اماسیه ده ایچ قلعه نك میدانه
 ناظر اولان قیوسى خارجنده حاجی قوتلو شاه جامع شریفك
 جوارنده، مولانا سعدالدین محمد رومیکی ده قلعه قیوسنك ایچ طرفنده
 اقامت ایدرلردی. بونلرك او طور دقلری یرلره بوکون اخى سابق الدین
 محله سی، اخى سعدالدین محله سی دینمکده در . سابق الدین ابوبکر
 برادری امیر «صارم الدین ابراهیم بك» حاجی قوتلو شاهك اصدقا سندن
 ایدی .

حاجی قوتلو شاهك زماننده اماسیه قاضی الفضاتی مولانا «نورالدین
 عثمان» بن یعقوب الزیاری، دفتر دارى بابا زاده لردن خواجه «فخرالدین
 محمد» بن عبده الجوهرى» ایدی. خواجه فخرالدین محمد چلی، ارنا خانك

وزیری اولان قوتلو بک زاده «علاءالدین علی شاه» ک عمزاده سیدی . سابق اماسیه قاضی القضائی «عمادالدین عمر» بن الخلاطی ده ارتناخانک قاضی عسکری اولمشدی .

حاجی قوتلو شاهک برادری «شرفالدین طوغانشاه» تورحال بکی ایدی . بابوقشاه اوغلو «عمادالدین اسن بک» حاجی قوتلو شاهک معتمدلر ننددی . بوانشاده مولانا فخرالدین الیاس بن جمال الدین اقسرانی ، مصالح الدین موسی بن محمود سیواسی ، هاءالدین محمد بن حسن کبروی شرف الدین محمد بن وجیه الدین عمر ارزنجانی بویوک مدرسلر دندی . حاجی قوتلو شاه ، نسلاً تورک ایدی . پدری موغول سلطنتنده احراز امارت ایتمش اولان «کورت» ایدی «۳» غایت مدبر ، شجیع ، تورکلکی کندیسنه شرف بیلمش برقهرماندی . سلطان ارتنانک کوزده سی ، اماسه لیلرک مدار افتخاری ایدی . وزیر اماسیه لی خواجه «علی شاه» ایله قاضی عسکر اماسیه لی «عمادالدین عمر» ک اعتمادلرینی قازانمشدی .

حاجی قوتلو شاهک زماننده قسطنمونی امیری «ابراهیم بک» «۷۶۸» ده وفاتیه یرینی سلیمان پاشا زاده «عادل بک» طوتدی . آنقره بکی دولت شاه اوغلو «ملک ناصرالدین بختیار» بکدی . قونیه حکمداری قرامان اوغلو «ملک بدرالدین محمود» بن امیر شمس الدین محمد بکک وفاتیه اوغللری یخشلی خان ، فخرالدین قرامان ، شمس الدین محمد صیراسیه امیر اولدقدن صوگرا «خیرالدین خلیل بک» بن محمود ایدی . لارنده شهرنده اقامت ایدردی .

[۳] منجم باشی احمد افندی . غالباً «کورت» کلمه سندن . مشارالیه کورد . اولدیفنی ظن ایتمش اولمالدر .

البستان امیری دولقادیر اوغلو مشهور «زین الدین قراجابک» بن علی بکدی. بوزوق تورکمنلری بونی طانیردی. البستانده اقامت، مصر حکمدارینه اطاعت ایدردی. دیوریک بکی شهر «چغری» اوغلو محمد بک بعضاً ارتناخانه، بعضاًده قراجابکه تمایل بر صورتده بکلک ایلردی. مخدومی «ابراهیم بک» دی.

انجاق ارتنا اولادیلہ قرامان اوغللری آراسنده مصاهرت اولدیغندن یکدیگرینه قارشى خاطر نوازانه مناسباته دوام ایدرلردی. قرامان اوغلو «خلیل بک» بن محمودک وفاتیلہ تقریباً «۷۵۱» سنه سنده بویوک مخدومی «شجاع الدین سلیمان بک» قونیه بلادینه حکمدار اولدی. کندیسى «لارنده» شهرنده اقامت ایدوب برادری «داود بک» ی قونیه یه والی کوندردی. ارتناخان، ارزنجانده امارت ایدن «امیر ظهیر الدین طایرتن» بکلک کریمه سنى، برادری بوراق بکه آلمش ۷۴۹ سنه سنده بوراق بکی ارزنجانه امیر تعیین ایتشدی. بوراق بکده مدبر، شجاع برزات ایدی. ارتناخان ممالککنک شرق حدودینی بک کوزل محافظه ایدیوردی.

مصر حکومتی طرفندن حلب والیسى مشهور امیر سیف الدین بیغا القاسمى [۱] ۷۵۲ سنه سنى رجبنده مصر حکمداری «ملک ناصر حسن» بن محمد بن قلاونک خلعیله برادری «ملک صلاح الدین صالح» ک مصر تختنه اجلاسندن بک متأثر اولمشدی. بویوزدن تورکمن بکلرینى وخاصةً «ابلستین، البستان» بکی دولقادیر اوغلو امیر زین الدین قراجا، حابکی احمد الساقی،

[۱] بیغا، بی بوغا دیمکدر. نسلاً روس اولدینى مناسبتله بوکا «بیغا روس» دیمشدر. اوروس بی بوغا دیمک اولور. شجاعت و فطانتی اولقله برابر متحرک، حریص اقبال ایدی. «اعیان العصر»

طرابلس شام بکي بکلمش، صفد بکي (الطنبغا، آلتون بوغا) بکري دائرة اتفاقه
آلوب قيامه حاضر لانيوردي .

ارتناخان، تام بوئانده «۷۵۳» سنه سي اوائل محرمنده وفات ايدي (۱).
ارتناخانك وفاتي، هر كسي، هر طرفي متأثر ايتمشدي. چونكه امثالي نادر
بولونور برزات ايدي. حتى مصر و حلب مورخلري بيله اظهار تأثر ايده رك
مرثيه لرياز مشلردي . مؤرخ مشهور صلاح الدين صفدي «اعيان العصر» نده
مشار اليهك تاريخ وفاتي و ترجمه سني يازوب شو مرثيه يي ده علاوه
ايدييور :

بمملكة الروم حل الردي لاجل النوين الذي قد فقدنا

فتباً لصرف الليالي التي ارتنا ارتنا كمالا اردنا

صوكرا ديور: «ارتنانوين، بك ايني برآدمدي . متدين ، ظاهرآ
و باطنآ اهل اسلامه بك مائلدي . نه اكرى ، نه خائن دكلدي
اهل علمي بك سوه ردي . علماي مجلسنه طوپلار ، آنلرك مباحثاتي
ديكله مكله ذوقياب اولوردي . خاتوني ده بو مجلس آرقاسنده علمانك
مناقشات علميه سني ديكر، بونلردن بويوك بر حظ ديواردي . اهل اسلام،
ارتنانويندن ايلكدن باشقا برشي گورمه مشلردي . »

ارتناخان، حقيقه وفاتنه آجينا حق امرادن ايدي. غايت عادل، فقرا
پرور، مشفق، ديندار، مرحمتي غالب دي. خلقك كنديسنه «كوسه
يغمبر» ديدكري قدر واردي. تكلفات و احتشامات اميرانه دن اجتناب ايدر.
هر كسله بلا تكلف كوروشور ، خلقك بوتون شكيتلرتي كنديسي
ديكلردي .

بوندن دولایي هر طرفدن ، خاصةً تبریز حکمداری چوبان اوغلو «اشرف خان»ک ظلميله ویران اولان ممالکندن علما، امرا ، آقین ، آقین کلیر ، ارتناخانک ممالکینه التجا ایدردی . ارتناخانده کلنلره رعایتلر ایدر ، زعامتلر ، اراضی ویریردی . موغول و تاتار بکارینسک ییقدیغی کوکلری ویرلری یاپار ، خلقلر فراه و سعادتلرینه همتلر ایدردی . ارتناخانک نفوذی ، قرامانیلری تجاوزدن منع ایدر . کندیسینه تابع اولان بکاره خشیت ویریردی . شیمدیکی اماسیه ، توقاد ، جانیک ، چورو ، سیواس ، قیصریه وارزنجان ولایتلری ملحقاتیله برابر ارتنا خانک حکم و نفوذی آلتنده بولونان ممالکندن ایدی .

شایان دفتدرکه ارتناخانک صاغلغنده بکلری آراسنده تاریحاً کندیسینه عصیان ایتیش یر کیمسه معلوم دکلدیر . الک زیاده کندیسینه قافا طوتان توقاد امیری (اولوبک) بیله انقیاد ایدردی . تولى بك ، سلطان کبی یاشار ، کیمسه یه بویون اکمز بر آدم ایکن ارتناخانه اطاعت ایتمشدی . بونک ایچون ارتناخانک وفاتی ، حقیقهً بر مصیبت اولمشدی . چونکه ارتناخانک ایکی مخدومی واردی : بویوکی جعفر ، کوچوکی محمد بکلردی . محمد بک ، بک کنچ اولقله برابر غایت کوزلدی . جاذبهً حسن و جمالی هر کورنی کندیسینه تسخیر ایدردی .

وزیر علاءالدین علی شاه ، محمد بکی التزام ایدیور ، ارتناخانک تحتیه چیقارماق ایسته یوردی . محمد بک ، امیر اولورسه (علی شاه) مستقلانه وزارت و تدویر امور مملکت ایده جکدی . بونکله برابر خواجه علی شاه ، محمد بکک حسنه مفتون ایدی . حال بوکه قاضی عسکر (عمادالدین عمر چلبی) خواجه علی شاهک بو حرکتی بکه میور ، جعفر بکک

حقى تسليم ايدييوردي .

جامع الدولده مذ كور اولديغى اوزره خواجه على شاه ، بوتون مخالقلره رغماً جعفر بكي حبس ايدهرك (ناصرالدين محمد) بكي تخت امارته اجلاس ايتدى . چونكه كنديسنى خاقه كوسترملك وسوديرملك ايسته يوردي . بوضورتله (ملك ناصرالدين محمد بك) ارتناخانداننده ايكنجى حكمدار طانيندى .

لاكن بو ايكي اميرزاده نك عوجهلرى اولان ارزئخان اميرى بوراق بك، برادري ارتناخانك يرينه كنديسنك داها مستحق اولديغى ادعا ايدهرك اجلاس ايديله جكنى اميد ايدييوردي . بويوزدن محمد بكك جلوسنى خبر آلدقده بك منفعل اولدى . درحال قيام ايتدى . جعفر بكي التزام ايدن بعض امراده محمد بكك جلوسنه اعتراض ايتمشلردى . بوندن دولايي بوراق بكك قياميله مركز امارت اولان سيواس شهرى دوچار تهديد اولمشدى .

وزير خواجه علاءالدين على شاه ، بومخدوره بناءً مركز امارتى قيصر يه نقله مجبور اولدى . محمد بكي آلوب قيصر يه كيتدى . سيواسى مدافعه ايتمكه مقتدر اولان اماسيه واليسى حاجى قوتلو شاهى ضميمه سيواس واليكنه نصب ايتدى . حاجى قوتلو شاه ، اماسيه امارتنه مخدومى شهاب الدين احمدشاهى نصب ايدهرك سيواسه كيتدى .

شهاب الدين احمد شاه

كورت اوغلو حاجى قوتلو شاهك بويوك مخدومى وتولى بكك دامادى

اولدینی مناسبتله امیر ناصرالدین محمد بن ارتناخانك باجناغیدی. پدرینك
یرینه اماسیه امارتنه (۷۵۳) سنهسی اواسطنده تعیین ایدیلدی.
قاین برادری (تاج الدین ابراهیم بك) ده توقاد امیری ایدی. احمد
شاه، اماسیه امارتنده پدرینك قائممقامی حکمنده ایدی. کندیسنه
(یرافلی غازی) دینیردی.

حاجی قوتلو شاه، شجیع ومدبر برزات ایدی. سیواسی کوزلجه
مدافعه ایدهرك بوراق بکی صلحاً ارزنجانه اعاده ایتدی. بوراق بك ده
ارزنجان قناعت ایدوب مستقلانه اداره امور ایدر؛ نه تبریز حکمداری
اشرف خانی، نه دیکنی ناصرالدین محمد بکی طایمزدی.

کذلک حلب والیسی (بیغاروس) ده متفقیرله برابر قیام و
عصیان ایدوب (۷۵۳) سنهسی رجبده شام اوزرینه یوروموش،
حرباً شامه کیروب اعلان سلطنت ایتشدی. بونك اوزرینه مصر
حکمداری ملک صالح، اتابکی (امیر سیف الدین ارغون الکاملی) ایله
مصرفدن قالقوب شام اوزرینه کلشدی.

ارغون الکاملی، بیغاروسی حرباً شامدن چیقاروب حلبه دوغرو
قالچان بیغایی تعقیب ایتدی. ملک صالح طرفندن حلب والیسی اولوب
سرعتله حلبه کلدی. عاصیلری اخذ واستیصاله چالیشدی. احمد الساقی،
بکلمش، الطنبغا بککری طوتوب جزالینی ویردی. بیغاروس، البستانه
فرار ایدوب قراجابکه التجا ایتشدی.

ارغو الکاملی، بیغاروسی قراجابکدن شدتله طلب ایتدی. قراجابك،
کندیسنك عفو ایدیله جکخی امید ایدهرك (بینغا) نی برنجی طلبده
باغلا یوب آدمترینه ترفیقاً حلبه کوندردی. قراجا بکک بو حرکتی

مصری‌لری فنا قیزدیردی . چونکه اقتدار وشجاعتیله طاینمش اولان
بیغاروسک حلبده باشی کسیلوب مصره کوندریلشدی .

ملک صالح ، قراجا بکی‌ای حال اخذ ایدهدک مصره ارسالی ارغونه
امر ایتمش ، معینه بفرقه عسکریه ایله امرادن شیخو ، طاز ،
طقطای بکری مأمور ایلمشدی . ارغون الکاملی ، بو بکدرله برابر
حلبدن قالقوب البستان اوزرینه یورودی . سیواس والیسی اولان
حاجی قوتلو شاهده کندیسنه عسکریله معاونت ایتمسنی یازدی .

حاجی قوتلو شاه ، سیواسدن قالقوب عسکریله البستانه حرکت
ایتدی . ارغون الکاملی ، عساکر مصریه ایله البستانی صادردی .
قراجا بک هرا یکی طرفدن صاریلدیغنی کورونجه البستاندن قاچوب
قیصریه یولنی طوتدی . محمد بکه التجا ودخالت ایتک ایستهدی .

صلاح الدین صفدی (اعیان العصر) نده ارغون الکاملی ترجمه‌سنده
دیورکه : « امیر سیف الدین ارغون الکاملی ، معیتنده امیر عز الدین
طقطای الدوادار اولدیغنی حالده حلب عساکریله ابن دلغادر طرفنه توجه
ایدوب ابلستینه واردی . شهری و کوی‌لری یاقوب خراب ایتدی .
ابن دلغادر قاچوب قیصریه‌یه کیردی . محمد بک ابن ارتنایه دخالت
ایتدی . بونک اوزرینه ارغون الکاملی دونوب (۷۵۴) سنه‌سی
رجب بک بشنجی صالی کونی حلب شهرینه کیردی . بک چوق صیقینتی
چکدی . بعضی یرلرده یایا یورودیکی اولدی . »

امیر عز الدین طقطای ترجمه‌سنده بووقعه‌نی شویله یازیور : « امیر
عز الدین طقطای ، شامدن دونوب حلبه کلدی . ارغون الکاملی
معیتنده عسکدرله برابر بلاد رومه توجه ایتدی . قیصریه‌یه واردیلر .

نهایت ابن دلغادری طوتدی . ابن دلغادر ، (ناصرالدین محمد باک)
بن ارتناک یاننده ایدی . عسکر ، پک چوق صیقینتیلره معروض
اولدیغی حالدہ عودت ایدوب امیر عزالدین «۷۵۴» سنهسی رجبنک
بشنجی کونی دمشقه کلدی . بوخبری کتیردی .

امیر زین الدین قراجا بن دلغادرک ترجمه سنده ده ینہ بو حادثہ یی
شویله آ کلاتیور: « ابن دلغادر، عسا کر مصریہ دن قاچوب کیدرکن
ابلسٹین وقراسنی یاقوب خراب ایتدی . امیر طقٹای ، عسا کر یله
تعقیب ایدوب قیصریہ قربنده بو طرفدن عسا کر مصریہ ، او طرفدن ده
ابن ارتنا عسکری ابن دلغادری احاطہ ایتدی . رومده موغول
امراسندن «قطلو شاه» دلغادر اوغلانی طوتوب ابن ارتنا یه کوندردی .
«حلب والیسی ارغون الکاملی، دلغادر اوغلانی ابن ارتنادن ایستہ دی .
ابن ارتنا برطاق تعویقات ایله کوندرمه مک ایستہ یوردی . نهایت ارغونک
طلب و تهدیدینه دایانامادی . دلغادر اوغلانی باغلا یوب کوندرمه کجوز
اولدی . ابن دلغادر «۷۵۴» سنهسی شعبانک اون ایکنجی کونی حلبه
کلدی .

« امیر ارغون الکاملی ، دلغادر اوغلنک باغلرینی ، زنجیرلرینی
چوزمه یوب آتیردی . حلب قلعه سنده حبس ایتدی . ابتدا قلینجی
کولهسی « امیر علاء الدین الطنبغا » ایله کونده روب طوتولدیغنی خبر
ویردی . مؤخرآ دلغادر اوغلانی بر بولوک عسکره ترفیق ایدہ رک مصره
کوندردی . ابن دلغادر بر مدت مصرده محبوس قالوب صوکنده
اورتاسندن ایک یه ییچیلدی . کوودهسی ایکی پارچا اولاراق باب زویله
اوزرینه «۷۵۴» سنهسی ذالقعدہ سنده آصیلدی .

کورولو یورکه کورت اوغلو (قطلو شاه) ارتناخان اوغلو (ناصرالدین محمد بك) عسکرینه سردار و قوماندان ایدی . پدری و کندیسی موغول دولتمده امارت آلمش اولدیغندن (موغول امراسندن) دیمشدر ذاتا عرب مورخلری ارتنایده موغول امراسندن کوشرتمکده درلر . بوراده (روم) تعیری سیواس دیمکدر . اوتهدن بری روم ایالتی، سیواس ولایتی دیمکدی .

روس بی بوغا، مصره سلطان اولاجم حرصیله کندیسینک و آرقاداشلرینک باشلرینی یمکه قالمادی ، ارتناو دلغادر اوغللری آراسینه اوکولماز بر انتقام یاراسی آچدی . بویکی خاندانک بر بیله ییللرجه چارپیشمالرینه سبب اولدی . قراجابک، کندی عملنک جزاسنی کوردیکی حالده اولادی ارتنازاده محمد بك یاقاسنی بیراقادی .

بوئشاده اماسیه قاضی القضاتی مولانا «نورالدین عثمان چلبی» بن زیاری وفات ایتدی . قاضی عسکر «عمادالدین عمر چلبی» ده محمد بك جلوسنه مخالف کوروندیکندن کوزدن دوشمشدی . بوسبدن عمادالدین عمر چلبی، کندی طلبیله قاضی عسکر لیکدن چکیلدی . اماسیه قاضی القضاتی اولارقینه وطننه قاووشدی . یرینه مولانا « بدرالدین محمود چلبی » قاضی عسکر اولدی .

ارتناخان اوغلو ناصرالدین محمد بك، کنج و تجربه سزدی . پدرینک علمایی و تجربه دیده امرایی طوپلادیغنی مجلسه کندی کبی کنجلیری طوپلار، انلرله عیش و عشرت، ذوق و سفاهت ایدرک نه خلقک شکایتلرینی دیکلر، نهده حکومت ایشلرینه باقاردی . وزیرری خواجه علی شاهه بیله یوز و یرمزدی . بوتون امور حکومت کنجلك النده قالمشدی .

محمد بكك بوحالی برطرفدن امرای كندیسندن صوغوتدی. دیگر طرفندن ده خله آغیر كلدی. خواجه علی شاه، محمد بکی خله عزم ایدر ك تصدیق ایتمكه باشلادی. چونكه خلك نظرند كندیسنگ بوايشلر باعث اولدیغی جهتله موقع ووزارتی صارصیلمغه یوزطوتمشدی. منجم باشی احمدافندی «جامع الدول»ك آل ارتنا فصلنده دیوركه: «محمد بك، حادث سنی بلاسیله كنجلری باشنه طویلادی. ذوق وسفاهتله دمكذار اولاراق امور حكومه كنجلر قاریشدی. خلقی و امرای بیزار ایتدی. نهایت وزیرى خواجه علی شاه، محمد بکی حبس ایدب قارداشی «جعفر بك»ی تحت امارته كچیردی.»

امیر عزالدین جعفر بك، اوچنجی امیر اولاراق (۷۵۴) سنه سی اواخرنده، یاخود (۷۵۵) سنه سی اوائلنده قیصریه ده پدرینك یرینه كچوب اوطوردی. محمد بکی طوتان بكلردن قاین برادری (تاج الدین ابراهیم بك) ده عزل اولونوب یرینه (صدالدین سلیمان شاه) توقاد امیری اولدی. (۱)

محمد بك، كندیسی سوه نلرك یار دیملریله محبسدن قورتولوب قونییه قاقش، قرامان اوغلو (امیر شجاع الدین سلیمان بك) بن خلیل بكه دخالت ایتمشدی. قرامانیلرله ارتناخان آراسنده قرابت صهریه واردی. بومناسبتله سلیمان بك، محمد بکی قیصریه امارتنه جبراً نصب واعاده ایتمكه قالدیشدی. برادری قونییه والیسی (بدرالدین داود) بکی برقوة عسكریه ایله كوندردی. بدالدین داود بك، بك ظالم وسفیه برآدمدی. ظلم وسفاهتیه قونییه «۱» یجار اوغلو نورالدین حمزه بكك محدودی ظن اولونور.

اعیانی و خلقی بیزار ایتمشدی . حال بوکه داود بکه قارشی کونده ریلن
 قوهٔ عسکریه قوماندانی سیواس والیسی کورت اوغلو (حاجی قوتلو
 شاه) عادل، دیندار، مردبر ذات اولاراق طاینمیشدی. سیواس واماسیه
 خلقی امیر مشالیهک اداره سندن پک ممنون ایدی .

بوندن دولای قونیه اعیانی حاجی قوتلو شاهه فریادنامه لر ، آدم لر
 کونده روب کندیلرینی داود بکه مظلاندن قووتارماسنی رجا ایده رک
 کندیسنه هر دورلو معاونت لر عرض و قونیه قلعه سنی تسلیم ایده جک لرینی
 تعهد ایدیورلردی .

آنحاق وزیر خواجه علی شاهک ابتدا جعفر بیکی ، صوکر محمد
 بیکی حبسندن، نفوذ واستبدادندن دولای (حاجی قوتلو شاه) خواجه
 علی شاهدن دلکیر اولمقده ایدی . کذلک ارتناخان اوغلرینک هیچ
 برنده امارته لیاقت و اهلیت کوره میوردی . چونکه هر ایکسی ده
 تنپور، شهوت پرست آداملردی .

حاجی قوتلو شاه، سیواس، توقاد، اماسیه و ملحقاته بردن والی
 عمومی ایدی . تدبیر و شجاعتی ، عدل و دیاتی اعتباریه ارتناخانه
 خیر الحلف اولاجق فضائل عسکریه و ملکیه یی حائز بر ذات ایدی .
 علمایی ، علم و عرفانی پک سوه ردی .

منجم باشی الحاج احمد افندی «جامع الدول» ک آل قرامان فصلنده
 دیورکه : «قرامان امیری سلیمان بیکی بن خلیل بیکی، کندی طرفندن
 برادری داود بیکی قونیه والیسی نصب ایتمشدی. داود بیکی، پک ظالم
 ایدی . بونک مظلوم و تعدیاتندن بیزار اولان قونیه اعیانی کیزلیجه
 «کردی»، یاخود «مغولی» اولان حاجی قوتلو شاهه خبر کوندردی .

« حاجی قوتلو شاه بلادرومه والی ایدی. قونیه اعیانی داود بیكك تعدیاتندن بیزار اولدقلر یچون حاجی قوتلو شاهلی دعوت و قونیه یی کندیسینه تسلیم ایده جکارینی تعهد ایتشلدی. حاجی قوتلو شاه کلوب قونیه یی ضبط ایتدی. داود بیكك ده برچوق مشقتلرله قاچوب لارنده یه جان آتدی.» خلاصه بدرالدین داود بکله حاجی قوتلو شاه آراسنده جریان ایدن محاربه، داود بکك انهزاميله ختامه ایردی. داود بک قاچوب قونیه یه تحصن ایتدی. حاجی قوتلو شاه ده تعقیب ایده رک کلوب قونیه یی صاردی. محاربه دن صوکر قونیه یه جبراً کیردی.

منجم باشی احمد افندی دیورکه: «حاجی قوتلو شاه، کندیسيله حربه قیام ایدن دورت بیكك قدر قرامانلی تورک لری و یکر می دورت قرامانلی شهزاده لری قیلجدن کچیردی. چونکه ملوک قرامانیه نك، شهزاده لری علم و ادب تحصیلچون قونیه شهرینه کوندرمك عادت لری ایدی. قونیه شهری برمدت قوتلو شاه النده قالدی»

حاجی قوتلو شاه، بوموفقیت اوزرینه قونیه «سیواس، توقاد، اماسیه و لایترینه والی عمومی اولدی. نفوذ و شهرتی هر طرفی طوتدی. بوندن دولانی هم قونیه لیلری کندیسینه داها زیاده جلب و تقریب، همده ارتنا اوغوللرینه یوز چویره ن امرای کندیسینه مجبور انقیاد ایده جك چاره یی سلطان آلتونباشك اجلاسنده بولدی.

بونك اوزرینه حاجی قوتلو شاه، اماسیه والیسی اولان مخدومی امیر شهاب الدین احمد شاهه سلطان التونباشك اماسیه ده تحت سلجوقیه اجلاس ایتمه نی امر ایتدی. احمد شاهه التونباشی تکرار اقامت ایتدیکی سیمره چفتلکندن جلب ایده رک اجلاس ایلدی.

(سلطان تاج‌الدین التونباش)

حاجی قوتلو شاهک دده‌سی اولدیغندن اوچنجی دفعه اولاراق اقامت‌ایلدیکی سیمره حوضه‌دن کلوب «۷۵۵» سنه‌سنده اماسیه سیمره سنده سریر سلجوقه جلوس ایتدی. بودفعه‌سنده مشارانیه داهایاشلی ایدی. شهاب‌الدین احمد شاه، سیواس ولایتی قائممقامی، حاجی قوتلو شاهک دیگر مخدومی «سیف‌الدین شاد کلدی پادشاه» ده بکلربی اولدی.

سلطان التونباشک اوچنجی جلوسنی اثبات‌ایدن وثیقه، مشارالیهک ایکنجی وقفیه سیلیه پدربینه عابد اوقافک وقفیه سیدر. مشارالیهک ایکنجی وقفیه‌سی (اواخر شوال ۷۵۶) تازیخلیدر. بووقفیه‌سنده ده برنجی وقفیه‌سنده مذکور اولان اوصاف والقاب سلطانیه‌عیناً مسطوردر. فضله اولاراق پدربینه عابد وقفیه‌سنده «ولماوفق الله سبحانه وتعالی صاحب السعادات السلطان المذکور» یازیلیدر.

کرك بالاده‌کی اوصاف سلطانیه وکرك شوتعیرات شرعیه دلالت ایدیورکه سلطان آلتونباش سلجوقی ۷۵۶ شوالنده اماسیه‌ده سلجوقیه سلطانی ایدی. التونباشک هر حالده جلوسی وقونیه‌نک ضبطی ۷۵۵ سنه‌سنده واقع اولمشدر. بووقفیه‌نک حاکمی ده مولانا عمادالدین عمر چلبی در.

سیف‌الدین شادکلدی پادشاه، حاجی قوتلو شاهک ایکنجی مخدومیدر. اماسیه‌ده سلطان التونباشه عادت سلجوقیه اوزره بکلربی اولدینی مناسبتله مشارالیهک بو عنوانی کندیسنه عام اولمشدر. کریمه

زاده سی اولان بایزید پاشانك وقفیه سنده بو عنوانی مسطور در .

قونیه لیلر ، اوتهدن بری سلجوقیلره دوشکونلردی . قرامانلیلرک
مظالم و سیمئاتندن بیزار اولدقلری مناسبتله سلطان التونباشك جلوسی ،
حاجی قوتلو شاهك ده کوزل اداره سی قونیه لیلری محبوب ایتدی .
قرامان وارتننا اوغللرینی فوق العاده تلاشه دوشوردی . چونکه حاجی
قوتلو شاه ، تن آنادلوی استیلا ایده جك بریارارلق کوستریوردی .
سنان التونباشك جلوسی ایجاب ایدن سبب ، یالکیز قونیه لیلرک
جلای دکلدی . بلکه ارتنا اوغللری محمد و جعفر بکلرک امراسی و
طرفدارانی طرفندن کوستریلن مخالفترده بر عامل اولمشدی . بوندن
دولایی بر طرفندن قرامانلیلر ، دیگر طرفندن ارتنا اوغللرینک وزیر
اولان خواجه علی شاه ایله حاجی قوتلو شاهك مخالفلری حاجی قوتلو
شاهی مغلوب ایده جك چاره لر آریورلردی .

لارنده امیری قرامان اوغلو (شجاع الدین سلیمان بك) قونیه یی غیب
ایتدیکندن دولایی بك زیاده متأثر اولمشدی . قونیه یی قورتاماق
ایچون بر طرفندن قوتلرینی جمع و تدارکاتی ا کماله چالیشیور ، دیگر
طرفندن فوزان و رمضان اوغللرینی ، حاجی قوتلو شاهك مخالفلرینی
کندیسنه جلب ایتمه اوغراشیوردی .

خواجه علی شاهك برادری اولان (خیرالدین خلیل بك) ده
اماسیه ده بفرقه مخالفه اویاردی . علمادن مصلح الدین موسی چلبی و
ظرفدارانیله خلفت غازی اوغلو شجاع الدین سلیمان ، پروانه بك زاده
علم الدین سلیمان ، کل بك اوغلی علاء الدین علی و رجب بکلر و بونلرک طرفدارلری

مخالفلك رؤساسندن اولمشلردى بونلك باشنده « خواجه على شاه »
بولونيوردى .

خلاصه قرمان اوغلو سليمان بك ، معيته آلديني برقوة مهمه و
برادري علاءالدين على بکله قونيه اوزرينه يورودى . حاجى قوتلوشاه
ايله مکرراً حرب ايتدى . بريل قدر صاواشدقن صوگرا حاجى قوتلو
شاهى قونيه دن چيقارايلىدى . سيواسه قدر تعقيب ايتدى . دونوب
قيصريه يي استيلا ايتدى . ياننده بولونان ارتناخان اوغلو ناصرالدين
محمد بکه قيصريه امارتى ويروب لارنده يي کلدی . ۷۵۷

منجم باشى الحاج احمدافندى ديورکه « قرمان اميرى سليمان بکله
سيواس واليسى (ابن کرت) آراسنده مکرراً محاربه لر اولدى .
صوکنده سليمان بيک غلبه چالدى . ابن کرت فرار ايتدى . سليمان بيک
آنى سيواسه قدر تعقيب وقيصريه يي استيلا ايلدى . قيصريه حکومتى
محمد بکه وقونيه واليلکني ده برادري علاءالدين على بکه ويردى . «
حاجى قوتلو شاه ، بوانهزام اوزرينه قونيه دن دونوب سيواسه
کلدى . فقط اسكى نفوذنى غائب ايتديکندن مخالفلى هر طرفدن باش
قالديردى . بونلردن خلعت اوغلو « سليمان بك » اماسيه ده قيام ايدوب
اماسيه ولايتنى ضبط ، عمزاده مى تولى بك زاده « ابراهيم بك » ده
توقاد امارته استيلا ايتدى .

(امير کبير شجاعالدين سليمان بك)

اماسيه امراسندن خلعت غازى اوغلارندن علاءالدين على بك بن
جلالالدين محمد بك بن شجاعالدين تکور سنان بکک مخدوميدر . حاجى

قوتلوشاهك مغلوب اولماسی اوزرینه بکلبکی شادکلدی بکی بر طرف ایدوب (۷۵۷) سنه سنده اماسیه امیری اولدی . سکسنك بر پیرفانی اولان سلطان آلتونباشی سیمره چفتلکنه اعاده ایتدی . خواجه فخرالدین محمد جوهری ینه مستوفی اولدی .

چونکه آلتونباشك سلطنتی قوری بر دیدبه وعنواندن عبارتدی . بویه قوری عنوانره نه خلق ، نه ده امرا اهمیت ویرموردی . فقط بکلبکی اولان « شادکلدی پادشاه » علم و عرفانی ، حسن اخلاقی ، کوزل اداره سی ایله کنديستی خلقه سودیرمشدی .

شایان دقتدرکه بوتبدل اوزرینه دفتردار خواجه « فخرالدین محمد جوهری » اماسیه ده کدیسنه بنا ایلدیکی تر به مصالحه یاورى چفتلکنی وسائر املا کنی ، عاشق پاشا زاده « الشیخ صدرالدین علوان چلبی » ده کندی چفتلکنده « ۱ » یاپدیردیغی جامع ، زاویه ، مکتب ، عمارت حمام و تر به سی مصالحه بوتون املا کنی « ۷۵۷ » سنه سنده وقف ایتمشردر . چونکه خواجه علی شاه ، برادری خلیل بك ایله بونلر ، الیاس خراسانی اولادندن اولاراق اقربا ایدیلر .

اماسیه و توقاد وقعه سی خبر آلان حاجی قوتلوشاه ، فرصت زمانه قدر سلیمان و ابراهیم بکارك امارتلیغی قبول و تصویب ایتمکه مجبور اولمشدی . قیصریه دن سیواسه کلن خواجه علی شاهی جاب و تطیب و قیصریه ده حکومت ایدن ارتنا زاده محمد بکی تأمین ایدهرك آنلری قرامانلرك علیه تحریك ایلدی .

حاجی قوتلوشاه ، جمع و تدارك ایتدیکی تازه قوتلرله یکیدن بر

(۱) بو چفتلك ، صوكرادن (الوان چلبی کوبی) نامنی آلمش ، بر ناحیه

مرکزی اولمشر .

اوردو ترتیب ایتدی . برطرفدن قیصریه حاکی ارتنازاده «محمد بك»
لارنده وديكر طرفدن «حاجی قوتلو شاه» قونیه اوزرلرینه یورودیله .
قرامانلیری ایکی طرفدن فنا صیقیشدیله .

حاجی قوتلو شاه، قونیه والیسی علاءالدین علی بکی قانلی محاربه لردن
صوگرا مغلوب ایدوب قونیه دن چیقاردی . انی فراره مجبور ایدوب
قونیه نی ایکنجی دفعه ضبط ایتدی . ارتنازاده محمد بك ده مرکز حکومت
اولان لارنده شهرنی تضییق ایتکده ایدی .

قرامان اوغلو سلیمان بك ، اك زیاده کندیسنه قارشی نقض عهد
ایدن محمد بكه قیزیوردی . بونك ایچون وار قوتی جمع ایدوب ابتدا
محمد بكه محاربه لر ایتدی . صوکننده سلیمان و برادری علی بکله غلبه
ایدوب محمد بکی فنا حالدده بوزدیله .

محمد بك بو هزیمتنی خبر آلان برادری (عزالدین جعفر بك) ده
صمغارلو خضر وتاج قیزیل اوغلو خیرالدین بکله برلشوب قیصریه نی
ضبط ایتدی . دولغادیر اوغلو خلیل بك بن قراجا بك ده جعفر بكه
معین اولدیغندن ذاتاً انتظامی وقوه معنویه سی بوزولش اولان محمد
بكك عسکری ایلک مصادمده تارومار اولدی . محمد بك ده درویش
قیافته کیروب سیواسه قاچدی . بر تکیه بوجاغنه سیندی .

قرامان اوغلو سلیمان و علی بکله ، قازاندقلری بوموقفیتله تجدید قوت
ایده رك قونیه نی قورتارمغه کیتدیله . حاجی قوتلو شاه ایله محاربه لر
ایتدیله . صوکننده غلبه ایدوب قونیه نی حرباً آلدیله .

حاجی قوتلو شاه ، ایکنجی دفعه قونیه دن رجعت ایدوب سیواسه
کلدی . قیصریه ده ایکنجی دفعه امیر اولان (عزالدین جعفر بك) طرفندن

والی اولاراق کافی السابق سیواسده حکومت امورینی تدویره باشلادی .
اسکی نفوذینی تدریجاً اعاده ایتدی .

منجم باشی الحاج احمد افندی (جامع الدول) ندهینه آل ارتنا فصلنده
دیورکه: «ارتنا زاده محمد بک، قرامانیلر حربندن منهزماً فرارایدوب
درویش قیافتنده سیواسه کلدی . بر زاویهده کیزلندی برادری جعفر
بکک سیواسده والیسی اولان (ابن کرت اولوب) محمد بکک عشاقندن
بری ایدی .

والینک بعض خواصی ، محمد بکک قلندر قیافتنده سیواسه کلوب
فلان تکیهده کیزلندیکنی والی حاجی قوتلو شاهه خبروردی . والی
تبدیل قیافتله متسکراً او تکیهیه کیتدی . محمد بکی کوردیکی آنده
طانییدی . محمد بکه کندیسینی بیلدیردی . آنی آلوب اکرام و عزتله
دائرة حکومته کتیردی . کندیسینی تخت امارته اجلاس ایدرهک خواجه
علی شاهیده جلب و استمالت واکوزارتی اعاده ایتدی . « (۱)

امیر ناصرالدین محمد بک، اوچنجی دفعه سریر اقباله جلوس ایدرهک
(حاجی قوتلو شاه) امیرالامرا مقامنده طوردی . خواجه علی شاه،
اسکی مقامنی بولدی . فقط بوتون امور حکومت (حاجی قوتلو شاه) ک
رأی وتدیرینه مفوض اولدی .

سلطان تاج الدین آلتونباش ، اوچنجی دفعه خلعدن پک زیاده
متأثر اولمشدی . چقتلکنه عودتنده کمال تأثرندن خسته لندی ، یتمش

(۱) بوراده منجم باشی « فبتد بیرهما طفر محمد بیک باخیه جعفر و قتله »
دیور . جعفر بکک بو تاریخده اعدام ایدلدیکی ادعا ایدیور حال بوکه (۷۸۸)
سنه سنده جعفر بکک بر حباب اولدینی وقفیه سیله ناستدر

یاشنی متجاوز بر پیر فانی اولدینی حالدہ بر قاج آی صوکرا وفات
ایتدی . چفتلیکی اولان (شیخ ساوجی) قریه سنده شیمدی به قدر
(غازی چلبی مزاری) دیه مشهور اولان یرده دفن ایدلدی . ۷۵۸

سلطان آلتونباشک دورت شهزاده سی پک مشهور ایدی : مسعود
الب ارسلان ، کیقباد ، کیخسرو . بونلرک هر بری اماسیه حوالیسندہ
کندیلرینه تخصیص ایدیلن چفتلیک کرده اوطوردیلر . شهزاده مسعود
اوغلو (قیلج ارسلان بک) ک سیواس امیری اولدینی قریباً کوزوله جکدر .
بو ائشاده اماسیه قاضیلکنه کبار علمادن مولانا « پیر نظام الدین
محمود) بن محمد الجرجانی نصب ایدلدی . چونکه « عماد چلبی » طرفدن
مخدومی دیکر « نظام الدین محمود چلبی » اماسیه نائی ایدی . مولانا
عمادک وفاتیه اماسیه قاضیلکی منحل اولمشدی . « ۲ »

حاجی قوتلو شاه ، همشهریسی اولان خواجه علی شاه ایله برلشدی .
بونلرک تدبیر و معاونتیه محمد بک ، برادری جعفر بکی برطرف ایدوب
قیصریه ولایتی آلدی .

اماسیه بککری ایکی غروبه آیریشلردی . بر بولوکی اماسیه امیری
اولان خلقت زاده « شجاع الدین سلیمان بک » طرفدارانی ایدی .
پروانه و کل بک اوغللری بو طرفی التزام ایدیورلردی . یاغور اوغلو
« صارم الدین ابراهیم بک » ده سلیمان بکه موافقت ایدردی
ایکنجی غروب « حاجی قوتلو شاه » طرفدارانی ایدی . بونلرک
باشنده طور و مطای اوغلو معین الدین سلیمان چلبی ، مشهور ایدی .

مخدومی محمد چلی ايله سنقور و بيجار اوغللری ده بو طرفی التزام ایديیوردی :
 كذلك توقادك بکری ده ایکی فرقه اولمشلردی . بر فرقه سی توقاد
 امیری تولى بك زاده « تاج الدین ابراهیم بك » طرفی ، دیگر فرقه سی ده
 حاجی قوتلو شاهى التزام ایديیورلردی . حاجی قوتلو شاهى سوه نلرک
 باشنده کاووللو اوغلو « جلال الدین محمد بك » واردی . بونک عشیرتی ،
 عونیه سی چوقدی . عشیرته « کاووللو » دینیردی . کابلی زاده دیمکله
 مشهور ایدی .

اماسیه امیری سلیمان بك ، توقاد امیری ابراهیم بکله متفقدی .
 هر ایکسی ده ارتناخان اوغلو ناصر الدین محمد بکه انقیاد ایتمکده ایدی .
 حاجی قوتلو شاه ، کندى اوغلو شاد کلدی بکه روا کورولن معامله
 سابقه دن بك متأثردی .

بناءً علیه : حاجی قوتلو شاه ، اماسیه و توقاده اولان طرفدارلریله
 بالخابره بویوک مخدومی « شهاب الدین احمد شاه » ی بر قوه کافیه ايله
 توقاده کوندردی . احمد شاه ، توقاده تقرب ایتدکده کابلی زاده
 (جلال الدین محمد بك) بوتون قوتیله احمد شاهى استقبال ایدوب توقاده
 سهولتله ایندیردی . کندیسی توقاد امیری اولدی .

احمد شاه ، توقاد امیردن آلدیغی قوتی کندى قوتنه ضم ایدهرک
 داهنا دیرانه بر صورتده اماسیه ده دوغرو یورودی . اماسیه امیری
 سلیمان بك « احمد شاهه قارشى حرب ایده جک قدر قوی دکلدی .
 بو سببدن احمد شاه ، سهولتله اماسیه یی ضبط ایدهرک اماسیه امیری
 اولدی .

شهاب الدین احمد شاه

حاجی قوتلو شاهک بویوک مخدومی اولوب «۷۵۹» سنه سنده ایکینجی دفعه اماسیه امیری اولدی . طورومطای زاده « سلیمان بک » ایله سنقور بک زاده « سلیمان بک » اماسیه ولایتک اداره سنه وضع ید ایدهرک احمد شاهه وکالت ایتمکده ایدیلر

حاجی قوتلو شاه ، اماسیه و توقادی ده آلدقن صوکردها قوت بولدی . قرامانیلره هجومی تکرار ایتک عزمنده ایدی . لاکن ارتناخن زاده محمد بک ، مائل اولدیغی کنجلیری تکرار باشنه طوپلایوب اسکی سفاهتیه مشغول اولمش حاجی قوتلو شاه ایله خواجه علی شاه علیهنده عشرت عالمده آتوب طومغه باشلامش ، هر ایکیسینی ده فنا حالد قیزدیرمشدی .

حاجی قوتلو شاه ایله علی شاه ، محمد بکی بوسفاهتندن واز کچیرمکه چالیشدیلر . بوکا امکان کورمه نیجه آنی افنا ایدوب یرینه برادزینی کچیرمکه عزم ایتمشلردی . محمد بک ، بونلرک عزم و نیتدن خبردار اولدیغی آنده قاچوب قرامان حکمداری سلیمان بکه التجا و دخالت ایتدی . جعفر بک ده اوچنجی دفعه تخت امارته اوپوردی . (۷۶۰) منجم باشی الحاج احمد افندی « جامع الدول » نده دییورکه « محمد بیگ ، حاجی قوتلو شاهک نفوز و معرفتی سایه سنده تکرار امیر اولدقن صوکردها اسکی خفت و سفاهتنه عودت ایتدی . ابن کرد ایله خواجه علی کندیسندن متوهم اولوب سوء قصده قیام ایتدیلر .

محمد بيك ، سوء قصدی دويوب قاچرى . قرامان اوغلو سليمان بيكه
التجا ايتدی . »

قرامان اوغلو امير شجاع الدين سليمان بك ، ارتنا ممالکنى استيلايه
بر وسيله اولور اميديله محمد بيكى اكرام و عزتله قبول ايتدی . فقط
قونيه واليسى اولان برادری « علاء الدين على بك » بو قبولی موافق
کورمدی . چونکه محمد بکک يوزندن قرامانيلر چوقزيان کورمشلردی
بونکله برابر قرامان اوغلو سليمان بك ، ارتنا ممالکنى استيلا
سوداسنه دوشدی . تدارک ايلديكى عسکرى علاء الدين بکک اداره سنه
ويروب قيصریه و سيواس اوزرينه کوندردی . بورالری ، هولته اله
ايدجکنى اميد ايديدوردی .

لاکن حاجی قوتلو شاه ، مدبر ، امور حربيه واقف ، ضابط بر
ذات ايدی . قرامانيلرک حرکاتنى رصد ايدوب تشبثاتنه واقف اولدقده
بويوک مخدومی احمد شاهى سيواسه جلب ايدوب ديگر مخدومی
شاد کلدی پادشاهی اماسيه امارتنه نصب ايتدی .

(امير سيف الدين شاد کلدی پادشاه)

حاجی قوتلو شاهک ايکنجی مخدومی اولوب « ۷۶۰ » سنه مى
شوالنده اماسيه اميرى اولاراق کلدی (۱) اماسيه ده مولانا فخر الدين الياس
بن جمال اقسراييدن او قومش ، کوزل تحصيل کورمش علمادن اولمشدى .
[۱] بوندن اول قيصریه اميرى اولوب اماسيه ده قيصریه دن کلدیكى ظن اولونور .

مشهور « جمال الدین محمد اقسرای » کندیسنک شریک درسی ، رفیق عرفانی ایدی . [۲]

شاد کلدی پادشاه ، خلق آراسنده « شاد کلدی پاشا » دیمکله مشهور اولمشدی . چونکه (پاشا) تورک دیلنده عفو و ستری غالب ، حلیم ، منبر ، معتدل و عناسنه ایدی . شاد کلدی بک ، بوصفتلرله حقیقه متصف ، عالم ، خلوق بر ذات ایدی .

شاد کلدی پادشاهک ایکی عموجه سی واردی : بری « بدرالدین غازانشاه » ، دیگرى « شرف الدین طوغانشاه » ایدی . طوغانشاه ، تور حال بکی اولوب مخدوملری « مبارکشاه ، مقبل » بکلردی . حاجی قوتلو شاه ، هر طرفدن آلدیغی مهم قوتلرله قرامان اوغلو علاء الدین بکه قارشى کیتدی . قرامانلرله محاربه لر ایده رک اوچنچى دفعه قرامان اوردوسنى فنا بوزدی . علاء الدین بکی فراره مجبور ایده رک قونییه یی تکرار آلدی .

حاجی قوتلو شاه ، قونییه نك اوچنچى دفعه فتحی اوزرینه ارتدان زیاده نفوذ و شهرت قازاندی . تورکار ایچون ارتنا اوغلارندن برخیر و منفعت کلیه جکمه قناعت کتیردیکندن « امیر جعفر » ی بر طرف ایده رک اعلان استقلال ایتدی .

بونک اوزرینه حاجی قوتلو شاه ، قیصریه امارتنه برادری « بدرالدین غازانشاه » ی نصب ایده رک جعفر بکک امر محافظه سنه

[۲] بوجال اقسرای امیر مشارالیهی (الاسئله و اجوبه) آدلی اثرنده (سیف الدینا والدین) دییه توصیف و تلقیب ایتشد .

مأمور ابتدی . بواشاده انقره بکی دولتشاه اوغلو « ملک ناصر الدین بختیار بک » دی .

بختیار بک، جامع الدوله مذکور اولدینی اوزره پدری « دولتشاه » دن صوکرانقره امیری اولمشدی . فقط : سرکش و ظلمکار آدمدی . کاه قرامانیلرله برابر اولوب عثمان ایلی تاراج ایدر . کاه قوتلو شاه ایله اتفاق ایدوب قرامان ایلی اوروردی .

حاجی قوتلو شاهک استقلالی ، ارتنا اوغلرینه طرفدار اولان بکله ، خاصه « خواجه علی شاه » ایله دولقادیر اوغلو « خلیل بک » بن قراجا بکه کوچ کلش، هربری حاجی قوتلو شاهه قارشى وضعیت آلمشدی

قرامان اوغللری سلیمان و علاء الدین بکر ، قونیه یی قورتار مق ایچون هر طرفدن کندیلرینه متفق آرارکن بو بکری سهولتله الده ایتمشله ، وار قوتلرله حاجی قوتلو شاه اوزرینه یورومشله دی .

حاجی قوتلو شاهک غایه سی ، حرکاتندن آ کلاشیلیورکه متفرق امارتلردن دولانی آرا لرینه تفرقه کیرن تورک لری برلشدیروب اوروپاده غربه دوغرو ایلری کیدن عثمانلی تورک لرینه مظاهرت ایتمکدی .

نه چاره سی وارکه آتحاق کندى منفعت لرینه باقان بویوک بکر و افندیلر ، بوغایه یی تقدیر ایده میورلر ، حاجی قوتلو شاهک مغلوب و منکوب اولسنه چالیسیورلر ، حاجی قوتلو شاهه یار دیم ایده جک بکری بیله المرندن کلدیکی قدر جایدیریورلردی .

بوسبدن حاجی قوتلو شاهه یار دیم ایده جک یالکیز بویوک مخدومی « احمد شاه » ایدی . دیگر مخدومی « شاد کلدی پاشا » اماسیه دن آریلیدی

کون خلفت اوغلو « علاءالدین علی بک » بن سلیمان بکک اماسیه‌ی
ضبطه قیام ایده‌جکی محققدی .

کسندینک نصب ایتدیکی برادری « غازانشاه » ایسه صمغار اوغلو
خضر بکدن چکیندیکنی درمیان ایده‌رک قیصریه‌دن حرکت ایتدیور ،
عسکر بیله کوندرمیوردی . حاجی قوتلو شاه هروجه‌له یالکیزباشنه قالمشدی .
حاجی قوتلو شاه ، قرامانلرله مکرراً چارپیشدی بعضاً غلبه ایدیور ،
بعضاً مغلوب اولویوردی .

قوتی آزالدینی جهتله بکلردن استمداد ایتدی . اولانجه قوتیله یارديم
ایدن ، یالکیز سیواس امیری « شهاب‌الدین احمد شاه » اوندی . شادکلدی
پاشا ایله کابلی زاده محمد پاشا اماسیه و توقاددن عسکر کوندردیلر .

حاجی قوتلو شاه ایله مخدومی احمد شاه ، صوک بر غیرتله وشدتله
حرب ایده‌رک موقعارینی محافظه ایدیورلردی . فقط : قرامان اوغلو
علاءالدین بک ، آلدینی یکی ومهم قوتلرله تجدید صولت ایده‌رک حربی
قازاندی . حاجی قوتلو شاه ایله مخدومی مقتول اولدی . ۷۶۲

علاءالدین بک ، قونیه‌ی قورتاردقندن صوکره قیصریه اوزرینه
یورودی . قیصریه امیری غازانشاهی ودامادی اولان مذهب اوغلو
علم‌اندین سلیمان بکی فراره مجبور ایدوب ارتنا زاده محمد بکی مقام
امارتیه نصب واعاده ایده‌رک عودت ایتدی .

منجم‌باشی احمد افندی « جامع‌الدول » نده دییورکه « قرامان زاده
علاءالدین بیک ، ابن کرد ایله مکرراً حرب ایتدی . صوکنده غلبه
ایدوب ابن کردی اولدوردی ارتنا زاده محمد بیک مقام امارتیه نصب
و اعاده ایلدی . »

غازانشاه ایله دامادی واولاد وعیالی، اماسیه عودت ایتک امکاتی
کوره مدکرندن شامه فرار ایتدیلر . بورادن قدسه کیدوب اوراده
یرلشدیلر. [۱]

حاجی قوتلو شاه ایله مخدومنک وفاتی، قرامانیلری پک زیاده
سویندیرمش، لاکن ارتنا ممالکینی عادتاً برهرج و مرجه ویرمشدی .
هله اماسیه ایچون بر فلاکت اولمش، شادکدی پاشانک معارضلرینی
قانی حرکتلره سور وکله مشدی .

قرامانیلر، بو ظفرله نشئه لنه رک آنقره ده دولتشاه اوغلو بختیار
بکی کندیلرینه اویدورمش، عثمان ایلی تاراج ایتکه قیام ایتمشدی .
چونکه بروسه امیری عثمان اوغلو «اورخان بک» ۷۶۱ سنه سی رجینده
وفات ایدوب یرینه مخدومی «خونکار مراد بک» کچمشدی .

اورخان بک دورنده عثمان ایلی ایکی ده بر ازعاج ایدن بختیار بک،
قرامانیلره او یوب ینه ازعاجاتی تکرار ایتدیکندن عثمانلی قوماندانلرندن
مشهور سنقور پاشا [۲] بر قوه مهمه ایله کلدی. آنقره یی فنا حالده صاردی.
بختیار بکک تجاوزاتندن ذاتاً یزار اولان آنقره خلقی سنقور
پاشایه قلعه یی تسلیم ایدره ک مراد بکه بیعت ایتشلردر . بختیار بک،
مخدومی «قره دولتشاه ایله اماسیه قاجوب شادکدی پاشایه التجا ایتدی .

[۱] الانس الجلیل فی تاریخ القدس والحلیلده بونلرک ترجمه سی واردر .
سلیمان بک (۷۷۱) ده وفات ایتمش، حلیله سی اصفهان خاتون بنت غازانشاه ده (۷۸۲)
سنه سنده اوراده بر مدرسه یاپدیرمشدر .

[۲] یکیشرده سنقور پاشانک جامع و عمارتی و اوقافی واردر .

اماسیه اعیان امر اسندن خلفت اوغلو (علاءالدین علی بك) پدری دورندن
بری فرصت زمانی کوزلرکن حاجی قوتلو شاهك مقتول اولدیغنی
دویدیغنی آنده حرکتیه کلدی. کندینه معین اولان بکله باش اولدی
اماسیه امارتی ضبطه قیام ایتدی .

چونکه کل بك اوغلو علاءالدین علی بن محمد و برادری رجب ، تولى
بك زاده ابراهیم، یاغمور بك زاده دیگر ابراهیم بکله خلفت زاده علاءالدین
علی بك طرفدارانی ایدیلر. کوپری امیری طاشان زاده (حیدر بك)،
عثمانچق امیری (صارم الدم احمد بك) ده علی بکی التزام ایدیورلردی.
علاءالدین علی بك، بو قدر قوتی بولمقدن صوكر اقیام ایدوب اماسیه
امارتی ضبط ایدرک شاد کلدی پاشایی اماسیه دن چیقاردی . چونکه
(شاد کلدی پاشا) کندیسنی مدافعه ایدن عسکری پدرینك یانه کوندرمش،
اماسیه نی مدافعه سز بر حالدیه یراقشدی .

(امیر علاءالدین علی بك)

اماسیه نك سابق امیری خلفت زاده شیجاع الدین سلیمان بك
بن علاءالدین علی بكك مخدومیدر ۷۶۲ سنه سی او اخیرنده کندیسنه
معین اولان بکله اتقاقيله اماسیه امیری اولدی . قاضی ومقتی یرنده
قالدی. یاغمور بك زاده «صارم الدین ابراهیم بك» اماسیه جابدارى ،
کل بك اوغلو «علاءالدین علی بك» ده قلعه دیزدارى اولاراق تعین
ایتدی. بونك برادری «شرف الدین مقبل بك» دی. فقط شاد کلدی پاشا

اماسیه دن چیقدیغی زمان تور حاله کیدوب عموجه سی «طوغان شاه» یاننده
قالدی . امرادن طور و مطای اوغلو سراج الدین محمد « بابوقشاه اوغلو
« علاء الدین علی پاشا ، سلیمان شاه اوغلو تاج الدین احمد ، سنقور اوغلو
سلیمان ، آباد اوغلو محمود ، بایتمور اوغلو عماد بکری کنندیسنه جلب
ایلدی . کوموشلو اوغلو (خواجه سنان چلبی) ذاتاً کنندیسنه طرفدار ایدی .
توقاد امیری کابلی زاده جلال الدین محمد پاشا ، لادیق امیری
سوینج بک زاده حسین ، نیکسار امیری تاج الدین زاده سراج الدین
محمد بکلرده شاد کلدی پاشایه معاونت ایدرک آنی تقویه ایتمکده ایدیلر .
شاد کلدی پاشا ، هر طرفدن آلدیغی قوتلرله اماسیه اوزرینه یورودی .
اماسیه امیری « علی بک » ده کنندیسنی الترام ایدن بکارله قارشیلادی .
قاینار اوکننده یاپدقلری محاربه ده (شادکلدی پاشا) غلبه ایتدی . مظفرانه
اماسیه کوروب ایکنجی دفعه امیر اولدی .

امیر سابق علی بک ، اماسیه ده « قاینار وقعہ سی » دییه مشهور
اولان محاربه ده بک چوق ضایعات و یردیکسندن نه کنیدیسی ، نه ده
طرفداری دورامادیلر اماسیه دن تامامله چیقوب کیتمکه مجبور اولدیلر ،
خلقت زاده علی بک انقره یه [۱] کل بک زاده علی ورجب ، یاغمور

[۱] علی بک . انقره ده مدت مدیده او طور دی . آماسیه نک صولوا ووا ناحیه سننده
کائن ای بک جادار وارچوک چقتلکارینی اماسیه ده جدی مدرسه سی مصالحنه
انقره قاضیسی (محمد بن یونس) حضـ ورنده ۷۶۸ سنه سی جمادی الاولاسی
اوانلنده وقف و قلاتی اماسیه ده مفتی نظام الدین عبدالملک بن عمره واولادینه
شرط ایتشد . فیود اداره سننده موجود اولان بوروقیه سی بالاسنده «علاء الدین
امیر علی بن المرحوم شجاع الدین سلیمان بک بن امیر علی المشتهر بامیرزاده الخلیفی»
دیه مسطوردر .

زاده ابراهیم بکگر مصره ، طاشان زاده حیدر بکده البستانه فرار
ایتدیلر .

(الحاج سیف الدین شاد کلدی پاشا)

حاجی قوتلو شاهک اوغلودر . قاینار وقعه سندن صوگرا «۷۶۳»
سنه سی اوائلنده ایکنجی دفعه اماسیه امیری اولدی . فقط پدرینک
وفاتندن صوگرا ارتنا اوغللرینه انقیاد اتمه یوب اماسیه ده مستقلانه
اداره حکومت ایتدی . اماسیه ده اوافق بر « امارت مستقله » یاراتدی .
اماسیه ده بوامارت مستقله یه (آل قوتلو شاه امارتی ، کورتلر
حکومتی ، قوتلوزاده لر بکلکی) دینیردی . بوامارتی ایلک دفعه یاراتان
« حاجی قوتلو شاه » ایدی . فقط اماسیه امارت مستقله سنی قوران
« شاد کلدی پادشاه » اولدی . بوکا « برنجی شاد کلدی » دیندی .
حاجی قوتلو شاهک اوچ اوغلو مشهور ایدی . برنجیسی « شهاب الدین
احمد شاه » اولوب قونیه حربنده مقتول اولدی . بایراقلی غازی دیمکله
مشهور ایدی . مخدوملری « تولی ، شادی » بکلردر . تولی بک مصره
کیدوب « شادی بک » اماسیه ده فالمشدر .

ایکنجی مخدومی « سیف الدین شاد کلدی پادشاه » اوچنجیسی
« عماد الدین سلیمان شاه » در . بونک مخدومی « قوتلو پاشا » ایله « یاقوت
پاشا » عثمانلی وزراسندندر . سلیمان شاه « کورتلر چیقتلکی » دیمکله
مشهور اولان جدینک موقعنده اقامت ایدردی .

شاد کادی پاشا [۱] نیکسار امیری اولان (سراج الدین محمد بک) ی جلب ایدوب کندیسنه وزیر، اماسیه قاضی القضااتی « نظام الدین محمود » ی قاضی عسکر انخاذا ایتدی. شریک درسی اولان مدرس مشهور « جمال الدین محمد اقسرانی » ی اماسیه قاضیسی یاپدی. نظام الدین عبدالملک چلبی یی مقامنده بیراقدی. کوموشلواوغلو خواجه « سنان الدین یوسف چلبی » یی ده دفتر دار یاپدی.

قوتلو شاه اوغلو احمد شاهدن انحلال ایدن سیواس امارتنه خواجه علی شاه اوغلو « تاج الدین ابراهیم بک » استیلا ایتدی. چونکه ارتنا زاده محمد بک وزیر ی اولان « خواجه علی شاه » حاجی قوتلو شاهک وفاتیه تفرد ایدهرک نفوذ حکومت کندیسنه منحصر اولمشدی.

کوپری و مرزیفون امارتنده طاشان اوغلو حیدر بکه برادری « اومور بک » خلف اولدی. خواجه علی شاهک برادری « خلیل بک » قاینار وقعه سنده تلف اولدیغندن اوغللری « عبدالمجید ، عبدالعزیز » بکالر الوان چلبی تکیه سنه کیدوب الوان زاده « عبدالرحمان چلبی » یه صیغینه مشلر در.

طانون قضاسی آدیله مشهور اولان شیمدیکی مجید اوزی قضاسنه بایندر اوغلو « الحاج شمس الدین محمد بک » بن صالتق بک حاکم اولارق اوتهدن بری کورت اوغللرینه منقادایدی. شاد کادی پاشانک غلبه ایتمه سنه یازدیم ایدلردندی.

[۱] شهاب الدین احمد بن عربشاه عجائب المقدور فی نوائب تیمور (آدلی اثرنده شاد کادی یه « و منهم جی کادی وکان نائب آماسیه) قولیه (جی کادی) دیدیکی ظن اولونورسه ده جی کادی ، شاد کادی حقیقی (کی کادی بک) در

انجاق عثمانحق وچوروملو امیری بکیر اوغلو « صارم الدین احمد بک » بن عبدالله بک [۲] قسطنیونی امیری عادل بکه بک مائل اولدیغندن حاجی شاد کلدی پاشایه بویون اکرزدی. قلعه سنک متانتنه، عادل بکک قوتنه کووه نیوردی .

حاجی شاد کلدی پاشانک اوائل دورنده امامیه امارتی، امامیه ، توقاد ، جانیق ولایتلریله بونلرک ماحقاتندن عبارتدی. یالکیز عثمانحق، اسکلب قضالریله اسکیدن « چوروملو » دیمکله مشهور اولان شیمدیکی « چوروم » ولایتنک بر قسمی امامیه امارتنه تابع دکلدی. بورالرک حاکمی احمد بکدی .

حاجی شاد کلدی پاشا ، بک مدبر و سیاسی برزات ایدی. امامیه ده مشاهیر اعیانی ، علمایی ، خاصه خلقی تمامیه کندیسنه بند ایتشدی . علما و اعیانی مجلسنه دعوت ایدر . آنلرله مشاوره ایدرک اداره حکومت ایلر ، علمانک مباحثاتی کمال اهمیتله دیکلردی .

حاجی شاد کلدی پاشا، غایت سخی ، عفو و کرمی خلقه شاملدی. مشایخه حرمت ایدردی . قونییه ده اولو عارف چلبی دن فیض آلمش اولان امامیه مولوی خانیه سی شیخی مولانا « حسام الدین حسین چلبی » و خانقاه مسعودی شیخی مولانا « شمس الدین احمد چلبی » بن الشیخ موسی چلبی امیر حاجی شاد کلدی نفوذینه خادم لردی . علمایه بک محب ایدی .

حاجی شاد کلدی پاشا ، احمد بک بادره سنی سهواتله ازاله ایتک ایچون دوه لو قرا حضاری بکی دوه جی اوغلو (شجاع الدین حسین)

(۱) احمد بکک حفیدی محمد پاشا بن . ظفر الدین محمود چلبی و فیه سنده بویه یازیلبدیر

و برادری (بدرالدین عثمان) بکری کندیسنه جاب و اماله ایدرک
احمد بکک اوزرینه تسلیم ایتدی .
چونکه دوه جی اوغلو (توره خان) ایله عثمانجق و چورو ملو امیری
(غازی عثمان) آراسنده اوتهدن بری عداوت واردی . بو عداوت ،
بونلرک اولادینه میراث اولارق قالمشدی . حاجی شاد کلدی پاشا ،
ایشته بو عداوتدن استفاده ایدیوردی .

حاجی شاد کلدی پاشا ، ۷۶۴ سنه مننده اماسیه قلعه سنی تعمیر
و ضربخانه سنی تجدید ایتدیردی . ترابوت دینیلن موقعده جسیم برکاغد
قاپریقه سی یاپدیردی . بوراسی (کاغذخانه) دیمکه مشهور اولدی .
مشهور کاغذجی (اخی محی الدین محمد چلبی) ینده کاغذخانه امینی
یادی . [۱]

کچن سنه اماسیه دن مصره فرار ایدن کلک اوغلو علاءالدین علی
ویاغمور اوغلو صارم الدین ابراهیم بکله مصر حکومتی طرفندن (۷۶۴)
سنه مننده امارت ویریلدی . طاشان اوغلو (حیدر بک) ده مرعش
جوازینه کیتدی .

حاجی شاد کلدی پاشا ، دوه جی اوغلو حسین بکه برابر عثمانجق
قلعه سنی محاصره ایتشدی . قلعه بکی احمد بک ، قسطنطونی امیری عادل
بکدن استمداد ایدرک دایانیردی . نهایت کلن قوه امدادیه نی تارومار
ایدن حاجی شاد کلدی پاشا ، قلعه ایچندن آلد ایتدیکی آدمرو واسطه سیله
قلعه نی آلدی ، اسکلب و چورو ملو جهتلر نی ضبط ایتدی .

[۱] بایزید پاشا وقفیه مننده بو کاغذخانه و امینی حقنده معلومات قیدیه واردر .

بکەر اوغلو احمد بك ، بوانئاده مقتول اولديغندن يرينه حاجي شاد
كادي پاشا طرفندن كنيج مخدومي (مظفر الدين محمود چلبی) وچوروملو
ولايتنه (شجاع الدين حسين بك) امير اولدی . عثمان پاشا ، دوهلو
قراحصاری امیری اولوب كوچوك مخدومي (قوچ حسين بك)
اماسیهده حاجي شاد كادي پاشا نزدنده قالدی .

قائمار وقعهسنده اماسیهدهن فرار ایدن بکوردن كلبك اوغلو علی
بكك برادری رجب بکه (ملك اشرف شعبان) طرفندن ۷۶۵ سنهسنده
عشره بکلكی ویریلدی . بونك مخدومي (ناصر الدين محمد بك) ملك
ظاهر برقوقه ايکی دفعه وزیر اولمشدر .

عثمانچق موفقیتی ، حاجي شادكادي پاشانك نفوذ واقبالنی پارلاتدی .
کندیسنی هر طرفه طایتیدی . فقط اماسیه امارتیله قسطمونی امارتی
آراسنی جدی بر صورتده آچمشدی . قسطمونی امارتی ، حاجي شاد
كادي پاشانك پارلاماسنی قیصقانیوردی .

بوندن دولانی ايکی امارت آراسنده مخابره لر ، محاربهر اولمش ،
حاجي شاد كادي پاشا صامسون وبافره بکارينك يارديمليله سينوبی ده
آلمش ، دائرة نفوذ و امارتی براز داها بويومشدر .

مسكوكات متخصصى فاضل (احمد توحيد بك) افندی برادریمز
دييوركه « طربزون قرالرينك مسكوكاتنه دائر يازيلان بر اثرده
طربزون قرالی اوچنچی (يانی قومئوس) كندی همشيره سی (تۇدورا)
بی (۱۳۵۸ — ۷۶۶) سنهسنده (خالپیا ، سينوب) و آماسیه امیری
حاجي میری یه ویرمش اولديغی يازيليور حاجي میری ، حاجي امير شاد
كادي پاشادر . »

بوندن آکلاشیلپیورکه حاجی شاد کلدی پاشانک نفوذی قره دگیر
سواحلنده بر اهمیت عظیمه کوسترمش، طرزون قرالی اوچنجی یانی یه خوف
و دهشت ویرمش، حاجی شاد کلدی پاشایه کندی همشیره سنی تقدیم
ایده رک امنیتنی قازانمشدر.

۷۶۶ سنه سنده ارتنا زاده محمد بک کندی وزیر ی خواجه علی
شاهی اولدیرمه سی، بر وقعه مهمه اولدی. تاثیراتی هر طرفی صارصدی.
بو وقعه دن دولای حاجی شاد کلدی پاشانک نفوذ واستقلال داهانزایده
قوت بولمشدی.

ارتنا زاده محمد بک، پک سفیه بر آدمدی. بونی خلقه قارشی
کوزل اداره ایدن وزیر (خواجه علی شاه) ایسه عالم، خلوق،
محب عدالت بر ذات ایدی. فقط محمد بک سفاهتی، سفهایه اولان
میل و محبتی بونلرک آرالینی فنا بوزمشدی. بوندن دولای هر ایکسی ده
بر بردن امین دکلدی.

حال بوکه محمد بک امارتنی ادامه ایدن، نفوذ و اقبالنی پاشاتان
خواجه علی شاه ایدی. خواجه علی شاه، محمد بک باعث حیات
و اقبالی ایدی. خواجه علی شاهک یکانه قصوری، عدل و حقانیت
مخالف اولان محمد بک بعض امرلرینی انفاذ ایتمه سی ایدی. دولقادر
اوغلو خلیل بک تجاوز اتندن محمد بکی قورتاران ده خواجه علی شاه ایدی.
بو قدر حمایتلره، صیانتلره قارشی متشکر و منتدار اولماسی لازم
کلن محمد بک، خواجه علی شاهی بوسنه افنا ایتش، یرینه پدرینک
خواص اتباعندن و اصدقاسندن (خواجه بدرالدین یاقوت) ی وزیر
یامش، کندیسینی بکلره و خلقه قارشی بدنام ایتمشدی.

محمد بكك بوسه بيسز جنایتي ، خلقه بك زياده آ غير كمشدى . چونكه خلق و خاصه توركار ، چيلغين اصالتدن متنفر ، وفاوعدا لته قارشى دائما منتدار اولورلر . محمد بك ، اصالتنه مغرور اولارق جنایتي ارتكاب ايتمش ، بونك ايچون محمد بك ، خلقى وبكلىرى كندى عليه نه چور مشدى .

قونيه حكمدارى قرمان اوغلو علاء الدين بك ، ذاتا محمد بكه وفاسز لغندن ، اخلاق سز لغندن دولايى فوق العاده قيزغيندى . بوجنايتى وتأثيراتى دويار دويماز محمد بكك استيصالنه قيام ايتدى . باباسنك انتقامنى آلمغه تشنه اولان دولقادير اوغلو (خليل بك) ده قرمان اوغلي له برابردى . ارتنازاده محمد بك ، ارتكاب ايتديكى سفاهت وجنايتنك بويوكلكنى ، عاقبتنك فجاجتنى تقدير ايدرك مصر حكمدارى ملك اشرف شعبانه مراجعت واستمداد ايتدى . پدري نك ملك ناصر محمد بن قلاونه مراجعت واستمدادى تنظيم ايدىوردى .

ملك اشرف شعبان ، حلب واليسى (امير جرجى الادريسى) يه ارتنازاده محمد بكه عسكريله يارديم ايتمه سنى امر ايتمشدى . مقرزى دييوركه : « حلب واليسى امير جرجى الادريسى ، ناصر المدين محمد بك بن ارتنايه امداد ايتك اوزره (۷۶۶) سنه سى ذى القعدة سنده عسكريله حلبدن بلاد رومه دوغرو حركت ايتدى » .

فقط جرجى بكك قوه امداديه سى ، براز كييج قالمشدى . محمد بكك اك ياقيننده بولونان قرمان اوغلو (علاء الدين بك) قيصر يه ني محاصره ، دولقادير اوغلو (خليل بك) ده سيواسى تضيق ايتمش ،

جرجی بک امدادندن بر فائده اولماشدی . محمد بکه امداد و معاونت ایدن ده یوقدی .

چونکه محمد بکه عسکر و نفوذیله یارديم ایده جک انجاق (خواجه علی شاه) ایله مخدومی اولان سیواس بکی (حاجی ابراهیم بک « دی . حال بوکه خواجه علی شاه اعدام ایدلمش ، مخدومی « حاجی ابراهیم بک » ده عزل و تعقیب ایدیلرک اماسیه امیری حاجی شاد کلدی پاشایه التجا ایتشدی .

قرامان اوغلو علاءالدین بک محاصره سندن عاجز قالان ارتنا زاده محمد بک ، قیصریه قلعه سندن کیجه چیقوب سیواسه دوغرو قاچدی . علاءالدین بک ، قیصریه یی آلدقن صوکره محمد بکی تعقیباً سیواسه دوغرو یورودی . سیواسی ده آلدی .

سفاهتندن دولای خلقک منقوری اولارق کندی چاناق یولداشلرندن بیله یوز بولامایان محمد بک ، سیواسدن ده قاچوب منسکوبانه کویلرده دولاشیرکن یاقاسنی دولقادور اوغلو خلیل بکه قایدردی . خلیل بک ، « ۷۶۷ » سنه سی اواسطنده محمد بکی اولدوردی ، پدرینک انتقامی آلدی .

مقریزی « کتاب السلوک » نده دیورکه : « ناصرالدین محمد بک بن ارتنا ، وزیر خواجه علی شاهه قارشى مغلوب بر حالده ایدی . بونی اولدورمکه استقلاله ایردیهده قتل وزیر کنیدیسنه یارامادی . هر طرفدن هجوم ایدن دوشمنلری ننده مقتول اولدی . »

منجم باشی احمد افندی « جامع الدول » نده دیورکه : « قرامان زاده علاءالدین بک ، ارتنا زاده محمد بکی ملکندن اخراج ایدوب

قیصریه و سیواسی آلدی . محمد بیک ، منکوبانه کویلی دولا شیرکن
طوتولوب قتل ایدلدی . »

محمد بیک ، مقتول اولدوقده ایکی مخدومی قالمشدی : بری ایکنجی
« رشیدالدین ارتنا بیک » ، دیکری « علاءالدین علی بیک » دی .
علی بیک ، پیک زیاده شهوتنه مغلوب اولدیغندن کنایه اولارق کنندیسنه
« خوروز بیک » دینیردی . ایکنجی ارتنا بیک ، محمد بیکه خلف اولدی .
ایشته بووقه دن صوکر ااماسیه امیری حاجی شاد کلدی پاشا ،
بو یوک بر نفوذ و حیثیت قازانمشدی چونکه امرانک ان زیاده کنندیسندن
چکیندیکی « خواجه علی شاه » ایدی . اورتادن بوکیدنجه « حاجی
شاد کلدی پاشا » اصالت و عدالتیه تفرد ایتدی .

ینه بوسنه زیتون امیری عرب اوغلو « زینل بیک » بن مراد
کوپری و مرزیفون امیری طاشان اوغلو « اومور بیک » آراسی آچیلمش ،
بر بریله عادتاً جنسک ایدیورلردی . زینل بیک ، زیتون قضاسنک
عربلی کوینده اقامت ایدیوردی . عربلی کوی ، بونک همیله کوزل
بر قصبه حالنی آلمشدی .

حاجی شاد کلدی پاشا ، اوموروزینل بکری ااماسیه یه جلب
و محاکمه ایدره ک هر ایکسنی باریشدیردی . بونلری بر برینه دوشورن
صاموق اوغلو « بوراق بیک » بن اسن بکی بر مدت مرکزده
آلیقویدی . صوکر آتی ده مطیاً اعاده ایتدی .

۷۶۸ حدودنده قاضی عسکر (پیر نظام الدین محمود جرجانی) وفات

ایدوب رینه ااماسیه قاضیسی و دارالعلم مدرسی (جمال الدین محمد اقسرای)

قاضی عسکر ، قاضی عماد زاده (مؤیدالدین محمد چلبی) ده امامسیه قاضیسی اولدی .

انقردهده مقیم اولان امیرسابق خلعت زاده (علاالدین علی بك) بوسنه امامسیه نك (ارغوما ، صولواوا) ناحیه سنده کی اویوك جاندار وارچوك چققلكرینی جدی مدرسه سی مصالحنه انقردهده وقف ایدهرك امامسیه مفتیسی (نظام الدین عبدالملك) بن عمری واولادینی متولی نصب ایتدی .

۷۶۹ سنه سنده حاجی شاد كلدی پاشانك عموجه سی اولان تورحال بكی (شرف الدین طوغانشاه) ایله امامسیه مفتیسی (نظام الدین عبدالملك چلبی) وفات ایتشلردر . طوغانشاه اوغلو (مبارکشاه) تورحال بكی وفضلادن اتابکیه مدرسی اولان مولانا (عزالدین محمداماسی) امامسیه مفتیسی و دیوریکلی شیخ اورا اوغلو (زین الدین سیاوش چلبی) ده خلعت غازی مدرسه سنه مدرس اولدی .

حاجی شاد كلدی پاشا ، فضلادن بر ذات ایدی . هر طرفدن ارباب فضل وکالی امامسیه جالب ایدهرك آنلره بویوك حرمتلر ، رعایتلر ایدر ؛ آنلرك مباحثات علمیه سندن ذوقیاب اولوردی . حاجی شاد كلدی پاشانك علوهمتی امامسیه بی بردار الفنون حالنه قویمشدی . قاضی عسکری مولانا جمال الدین اقسرای ، شیخ الاسلامی مولانا عزالدین امامسی ، طبیب خاصی مولانا برهان الدین سرامدان فضلادندی . بونلردن باشقا مولانا محی الدین محی بن ارمغان ، مولانا مصلح الدین موسی بن محمود سیواسی ده کبار علمادن ایدیلر .

حاجی شاد كلدی پاشا ، خواجه علی شاه زاده الحاج تاج الدین

ابراهيم بك همسیره سنی آلمش (۱) بو صورتله حاجی ابراهيم بك كندیسنه قارشى محبت وارتباطنى قازانمش، مخالفتك اوكنى آلمشدى. چونكه حاجى ابراهيم بك نفوذى، پذرندن آشاغى دكلىدى.

حاجى ابراهيم بك، ارتنا زاده لردن پدرينك انتقامنى آلماق اچون پدرينك اصدقاسنه مراجعت ايتمشدى. توقاد اميرى سليمان شاه اوغلو (تاج الدين احمد بك) كندیسنه معاونت ایده جكنه سوز ویرمشدى. حاجى شاد كلى پاشا ذاتاً انشته سى اولدینى مناسبتله یازدیم ایده جكلىدى. ارتنا زاده ايكنجى « رشیدالدین ارتنا بك » كوچ حال ايله سیواسى آلوب اوراده جلوس واقامت ايتمشدى. حاجى ابراهيم بك، كندیسنه معین اولان بکلر ك یازدیملریله ارتنا بكي حرباً مغلوب ایدوب سیواسدن قاچیردی. غالبانه سیواسه کیروب امیر اولدی.

نور عثمانیه کتبخانه سنده موجود اولان « کتاب العجایب » ده « حاجى ابراهيم ارتنا بكي قوب جلوسندن برو سیواس تحته طقسان اوج ییلدر » یازیلیدر كه بوتاریخ، کیسه اعتباریله « ۷۶۹ » سنه سنی کوستر مکده در. بو صورتله شاه زاده حاجى ابراهيم بك سیواس نامارتى، انشته سى اولان اماسیه امیری حاجى شاد كلى پاشانك ارهتقى اولمش، سیواسده حاجى شاد كلىنك نفوذى آلتنه کیرمش دیمكلىدى.

ايكنجى ارتنا بك، حاجى ابراهيم بكه مغلوب اولاراق فرار ایتدیكى حالده قیصریه یی قورتارماق املیه قرامان ایلنه غارتکرانه

[۱] شاد كلى پاشا، حاجى ابراهيم بك انشته سى اولدینى (بزم وزم) ده

یازیلیدر.

کیروب علاءالدین بکی تهديد ايدييور ؛ قيصريه يي گنديسنه تسليم
ايتديرمکه چالشيوردي .

۷۷۰ سنه مي اوائلنده اماسيه مولويخانه سي شيخي اولان کبا
فضلا وادبادن (شيخ حسام الدين حسين چلي) وفات ايتدي . يرينه
زيله لي شيخ نصرت زاده (الشيخ جمال الدين احمد چلي) اماسيه
مولويخانه سي شيخي اولدي . بزم ورزموه (بسر نصرت) ديزيلن ذات ،
ايشته بو (جمال الدين احمد دوده افندي) در .

بوني متعاقب شيخ مشاراليهك پدري اولان « الشيخ ناصر الدين
داعي الملوك والاسلاطين نصرت بن المرحوم حمزة الزلوي » املاکني
زيله ده بنا اينديکي زاويه سي مصالحنه وقف و توليتي ده ديگر مخدومي
اولان (جلال الدين حبيب چلي) يه شرط ايتمشدر .

شيخ نصرت افندينك بو وقفه سي (۷۷۰) سنه مي شوانك
اوائلنده تنظيم ايديش ، بالاسنده « محمد بن محمد الاقصراني الحاکم
بممالك الروم و عساكر شاکدي پاشا » امضاسي کورولمشدر . بوامضا ،
صريحاً کريسترييورکه جمال الدين محمد اقسراي ، شاکدي پاشانك
اماسيه ده قاضيسکريدي .

اماسيه نك امير سابق اولوب قاينار وقعه سندن بري آنقره ده مقیم
اولان خلقت زاده علاءالدین علی بك ، بويوك شفاعة تجيلرك توسطيله
حاجي شاکدي پاشانك مظهر عفوي اولوب (۷۷۱) سنه سنده اماسيه
اولاد و عياليه برابر کلدی .

جامع الدوله مذکور اولديني اوزره ايکنجي ارتناک ، سيواسدن

چیتقدن صوکر باشنه طویلادیغی آدملیله قیصریه هجوم ایدوب
آمش، اوراده امیر اولمشدی.

فقط ایکنجی ارتناک، قرامانلرک عثمانلرله مشغول اولدیغی بر
زمانده قرامان ایلنه هجوم و غارت ایتکده ایکن قرامان زاده علاءالدین
بک باصیردی. آرالرنده جریان ایدن محاربه ده ایکنجی (ارتناک)
بوزولوب مرعش طرفنه قاچدی. دولقادیر اوغلنه صیغیندی. عموجه سی
جعفر بک، قیصریه بکی اولدی.

اماسیه دن مصره کیدوب اوراده امرادن اولان کلبک اوغلو
(علاءالدین علی بک) کچن سنه امیرالحج اولراق حجازه کیتمشدی.
بعدالج مکه مکرمه ده اقامتله حرم شریفک بر مناره سنی تعمیر ایتدیروب
(۷۷۱) ده طواشی سابق الدین مثقال الانوکی ایله مصره عودت ایتشدرد.
(کتاب السلوک)

ینه بوسنه لادیکنده مدفون صاحب الحال السید شمس الدین احمد
کیرالرفاعی مخدومی اولوب رفاعی شیخلرینک قطبی، عامه خلقک
معتقدی اولان (السید نجم الدین یحیی الرفاعی) حقالده وفات ایتدی.
اوراده بنا ایلدیکی زاویه سی حجره سنده دفن ایلدی. «۹»

حاجی شادکلدی پاشانک قاین برادری اولان سیواس امیری حاجی
ابراهیم بک، ایکنجی ارتناکک مرعشه فرارندن صوکر قیصریه نی
استیلا ایتک سوداسنه دوشوب جعفر بکله اوغراشوردی.

حال بوکه سیواس حوالیسینده بولونان حاجی ابراهیم بکک بعض

«۱۰» بو ذاتک تربه سی اوراده شهردر. تاریخ وفاتی مدفون اولدیغی
تابوتنک کنارنده بولایلدیم.

احوالندن دلكير اولان ارتاليلر، ايكنجي ارتابكك كوچوك برادري «خوروز علي بك» اطرافنده طويلانوب سيواسه هجوم ايتديلر. حاجي ابراهيم بكي «۷۷۲» سالنده حرباً سيواسدن چيقاروب علي بكي تحت امارته كچيرديلر .

«كتاب العجائب» ده «وحاجي ابراهيم واقعه سندن و محمد بك اوغلو شاه زاده جلوسندن برو سكسن ييش ييلدر» ديه يازيلديغنه كوره بو وقعه «۷۷۲» سنه سنده جريان ايتمش اولور . شاه زاده ديديكی، محمد بك اوغلو (خوروز علي بك) در .

علي بك، سيواس اميري اولدقده پدرينك وزيري اولان خواجه «بدرالدين ياقوت» ي كنديسنه وزير و مشاهير سادات حسينيه دن (سیدی حسام) ي ده قرين و مصاحب يامشدي .

خواجه بدرالدين ياقوت ، بويوك ارتاخانك خواص قرناسندن اولوب حاجي شاد كلدي پاشانك كوچوك برادري (سليمان شاه) ك قايين پدری ایدی . (سیدی حسام) ده ماوراءالنهر دن سيواسه هجرت ايدن (السيد حسام الدين حسين) بن فريدالدين محمد الفرغاني القبائي ایدی . (۲)

چونكه بو ائالرده سيواس والبستان حواليسني اوروب تالان ايديرك هر طرفه دهشت و يرمش، مشاهير اشقيادن (هوموز اوغلو

(۲) سیدی حسام ، اماسيه ده (قوبالي اوليا) و (قوبا اوليا سي) ديمسكه مشهور اولان (شيخ السيد حسام الدين حسين چاي) نك جديدر . بونك سلسله نامه سني كان مشكلات ايله اماسيه ده بولوب مموز قرداشم حلواجي زاده (حسن شوقي افندي) الله كوردم .

احمد) نامنده بر تورکمن توره مشدی . احمد ، شجاعت و جسارتیه
اشتهار ایتش ، تڭ باشنه یکریمی ، اوتوز بابایکیتیه قارشى دورمقله اون
آلمش بر قهرماندی .

حواجه یاقوت ، ایشه بو قهرمانی الله ایده رڭ خوروز علی بکک
سرداری اولوب امیر (سیف الدین احمد بک) و مخدومی (صارم الدین
ابراهیم بک) دیه مشهور اولمشدی . بونلره (هوبوز اوغلو) ده
دینیردی . [۳]

بو ائشاده قیصریه قاضیسی اولان قاضی زاده (برهان الدین احمد چلبی)
علوم شرعیه و ادبیّه مهارتی و امور حکومتده ذکا و درایتیه اشتهار
ایده رڭ کندیسنی (حاجی شاد کلدی پاشا) یه هم عیار کوسترمک
ایسته یوردی . همشیره زاده سی کوموشلواوغلو « شیخ مؤبد الدین محمد »
بن برهان الدین احمد چلبی ایدی .

۷۷۳ سنه سی حدودنده حاجی شاد کلدی پاشانک امامسیّه ده بنا
ایتدیردیکی جامع ، مدرسه و عمارتی ختامه ایرمش ، شیخ الاسلام مولانا
عزالدین محمد امامی ، مدرسه شاد کلدی پاشایه ایلك مدرس اولمشدی .
بو جامع و مدرسه ، مؤخرأ (سراجخانه جامی) و (سرجخانه
مدرسه سی) دیه شهرت بولمش ، حتی جامع شریفی قیوسی بالاسنده
اولان کتابه سی بیله سوکولمشدر . [۱]

[۳] کتاب السلوکده (احمد بن هز القزقانی) دیه یازیش و همز ،
هانت و میمک ضم لریله حرکه لشمدر .

[۱] شایان دقتدرکه شاد کلدی پادشاه دورنده یاپیلان سراجخانه و جریبایشی
جامه لرینک کتابه لری سوکولمش ، شاد کلدی نامی و امارتی عادتاً یوق ایدیشدر .
بونلری بولماق ایچون ییللرجه چالیشدم .

سلطان التون باشك شهزاده لرندن (مسعود چلبی) حوضه
سیمره سنده پدرینك یرینه قائم اولوب برادرلی (کیتباد چلبی) لادیک
سیمره سنده ، دیگر قارداشی (الب ارسلان چلبی) اماسیه
سیمره سنده یاشایورلردی . اوچنجی قارداشی (کیخسرو چلبی)
یاشنده قالمشدی .

بوندن اول (مسعود چلبی) وفات ایتمش ، قارداشلیله اوغللری
« قیلیچ ارسلان ، عبدالملک ، سعید » بکیر آراسنه دده لرینك اوقافه
تولیت اختلافی دوشمشدی . قیلیچ ارسلان بك ، قارداشلیرنك بویوکی
و التونباش اولادینك اولدجه ارشدی ایدی .

واقفك شرطی اوزره « قیلیچ ارسلان بك » متولی اولدیغی
حالدده حاصلات و ققیه دن قارداشلیرنه و عموجه لرینه عائد اولان حصه لرینی
ویرمیور ، بونلره جفا ایدیور ، کندیسینه (حاجی شاد کلدی پاشا)
طرفندن مکرراً اخطار ایدیلدیکی خالدده اصغا ایتمه یوردی .

قیلیچ ارسلان بك ، اولدجه جسور ایدی . حوضه قضاسنی
کندیسینه تامینه بر چفتلك عدایده رك قضانك امور حکومتنه مداخله دن
خالی دکلدی . بوندن دولایی طاشان زاده اومور بکله ارالری بوزولمش ،
اومور بکی امور قضایه مداخله دن منع ایتمشدی .

بو ائشلرده هر ایکسی ده تجاوزاته قیام ایده رك حوضه و کوپری
قضالرنده آماشی اخلاله جرأت ایتشلردی . قیلیچ ارسلان بکی کزیه
قیشقیرتان عموجه سی « کیخسرو چلبی » ایدی . قیلیچ ارسلان بك
کندیسینه سلطان « رکن الدین قیلیچ ارسلان » عنوانی ووروب « حاجی

شاد کلدی پاشا « یه قارشی بویون اکمز اولمشدی .

قیلیچ ارسلان بك، سرکشانه حرکاتندن دولایي عموجه سیله برابر
اماسیه امارتی حدودندن طیشاری چیقاریلیدی . تولیت ، دیگر برادری
« ملك بك » و « ملكشاه » دیمکله مشهور اولان « عبدالملك » عهدده سنه
ویریلیدی . قیلیچ ارسلان بك ده عموجه سیله برابر ارزنجانه کیتدی .
ارزنجان امیری حسین بکه التجا ایتدی .

۷۷۴ سنه سی رمضاننده توقاد بکی سلیمان شاه اوغلو (الحاج تاج الدین
احمد شاه) املاکنی توقاده مدفون اولان الشیخ اوران زاویه سی مصالحنه
وقف ایده رک تولیتنی قارداش لری « ملك عزیز ، طورسون » بکلره
و بونلرک اولادینه شرط ایتدی [۱] چونکه اولادی یوقدی .

الحاج احمد بك ، بو وقفیه سنی تنظیم ایتدیردکن بر مدت صوکر
وفات ایتمشدی توقاد امارتنک انحلالی اولدقجه بر حادثه اولمشدی .
چونکه ارتنا زاده علی بك ، توقادی کندی حدود امارتی داخلنده
عد ایده رک وزیر (خواجه یاقوت) بکی توقاد امیری نصب وارسال
ایتمشدی .

انجاق توقادک اعیان و خلقی ، علی بکک مظالم و سیأت سفیهانه سنی
بیلدکلری جهتله خواجه یاقوتی توقاده آمادیلر . اماسیه امیری (حاجی
شاد کلدی پاشا » طرفندن توقاده تعیین ایدیلان قاضی عماد اوغلو

[۱] احمد شاهک بو وقفیه سنده اوصاف و القابی شویله یازیلیدر :
« الصدر الخطیر القرم الخبیر الکبیر اعز الاکرام والا کابر جمع المکارم والمفاخر
صاحب الخیرات والحسنات ولی الایادی والمبرات زائر الحرمین الشریفین تاج الدوله
والدین الحاج احمد بن المرحوم صدرالدین سلیمان »

(شیخ نجیب الدین موسی) بکی قبول ایتدیلر . « امیر شیخ نجیب »
 دیمکله مشهور اولان بوزات ، اماسیه قاضیسی مولانا « مؤید الدین محمد چلبی »
 برادریدر .

ارتنازاده خوروز علی بك ، عزیز بن اردشیرك « بزم و رزم »
 آدلی اثرنده (۱) تفصیل ایدیلدیکی اوزره غایت سفیه ، کیجه ، کوندوز
 عیش و نوش ایله مشغول ، موغول اشراسنه دوشکون ، موغول
 اوغلانلرندن برینه عاشقمدی . بو اوغلان ، علی بکی بایاغی اویناتیردی
 علی بك ، بوتون امور حکومتی بو اوغلانك الله ویرمشدی .
 سیواس والیسی علی شاهزاده حاجی ابراهیم بك ، علی بکی بو حالتدن
 دولانی سیواسدن چیقارمشدی . علی بك قیصریه کیدوب سفاهتیه
 مشغول اولمشدی .

علی بكك سفاهتی ، موغول اوغلانك ظلمی ، قیصریه خلقنی ده ،
 قیصریه قاضیسی « برهان الدین احمد چلبی » یی ده بیزار ایتمشدی .
 نه چاره که علی بكك عسکری نامه ، اطرافنده اجتماع ایدن و کندیسنی
 طوتان جنس و نسی مجهول آدملری چوقدی خاصه موغول قومندن
 « بارامبایلر ، باراملولر » علی بکه بك محبوب ایدیلر .

بارامبایلر ، دیار بکر والیسی ایکن « ۷۳۵ » سنه سنده وفات
 ایدن سوتای اوغلو « بارام بای » ك اولاد و اتباعی ایدیلر . بارامبایك
 اوغلو « ابراهیم شاه » « ۷۴۵ » سنه سنده عموجه سی « حاجی طوغاجار » ی

(۱) ایاضوفیه واسعد افندی کتبخانه لرنده موجود اولان بو اثری استانبول
 محیط عرفانه بیلدیرن عاجزلری اولمشر . سیواس ، توقاد ، اماسیه و حوالیسنه
 طائد تاریخی بر اثر قارسیدر .

اولدوروب دیار بکره والی اولمش و «۷۵۱» سنه سنده کندیسیده وفات ایتمشدی . اوغللری « بارام ، علی » بکلردی

علی بك، علی پاشادیمکه مشهور ایدی . ایکنجی بارام بای، برادر یله دیار بکر ولایتی اوغرنده حرب ایدرکن تورکمنلر برله شوب بارامبایلری . دیار بکر اراضیسندن چیقارمشلردی . بونلر ، قیصریه حوالیسنه کلوب قومشلر ، موغول قومندن صاغازلورله قومشو اولمشلر ، ارتنازاده علی بکه یامانمشلردی .

بارامبایلر، ظالم، طاشقین، خونریز آدملردی اسکی موغول جبروتی بونلرک سیما و حرکتلرنده بك آچیق کورونوردی . علی بك ، تورک اوغلو تورک اولدینی حالده کندیسینی موغول صایاردی . تورککلر علی بکدن متنفر ایدیلر . علی بك ، بارامبایلرک کوزده سی اولمشدی . بوندن دولای قیصریه بکلری و خلقی قیام ایدوب علی بکی قیصریه دنده چیقارمشلردی . بو حادثه یی خبر آلان قارامان اوغلو (علاءالدین بك) معینته آلدینی برقوة مهمه ایله کلوب قیصریه یی اشغال وضبط ایتمش، قاضی برهانی محکمه دن قوغمشدی . (۷۷۶)

بوندن دولای قاضی برهان ، هیچ سومدیکی علی بکه برله شوب صاغازلورلی، باراملورلی الده ایدرک قارامانلورله حربه قیام ایتمشدی . قارامانلی علاءالدین بك ، موغول چاپوچیلرینک چوقلغنی کورونجه اورکدی . قیصریه یی براقوب کیتدی .

قاضی برهان ، علی بکه برابر شهره کیروب قرامانیلری وانلره اوایلری قتل عام ایدرک ایلك غدارلغنی کوستردی . قیصریه خلقنی کندیسندن صوغوتدی . چونکه قاضی برهان ، ایلریده قوراجنی

امارت ایچون کندیسنه عسکر و طرفدار لازمیدی. قاضی برهان ایچون صماغارلر و بارامایلردن اعلا عسکر اولمازدی .

قاضی برهان ، بارامایلرک روحلرینه قدر کیروب علی بکدن صوغوتمشیدی . علی بک ، قاضی برهانک آماننه عادتا برانکلدی .
بونک ایچون سیواس والیسی حاجی ابراهیم بکه خبر کونده روب قیصریه یی اخذ واستیلا ایتمه سنی، کندی طرفندن قیصریه امارتنه برینی کوند رمه سنی طاب ایتدی .

حاجی ابراهیم بک ، کندی معتمدلرندن تولى بک زاده حسن بکی ربولوک عسکرله کوندردی. قیصریه امارتنه آنی تعیین ایتدی. قاضی برهان، قیصریه امارتنی کندیسنه ویره جکنى امید ایدیوردی، بوندن دولایی حاجی ابراهیم بکه منفعل اولدی . حاجی ابراهیم بک ده قاضی برهانک احوال و حرکاتندن امین اولمادیغی جهتنه قاضی برهانی سیواسه جلب ایتدی.

۷۷۸ سنه سنده اماسیه امیری حاجی شاد کلدی پاشانک حلیله سی و سیواس والیسی حاجی ابراهیم بکک همشیره سی اماسیه ده وفات ایتمشدی. [۱] حاجی ابراهیم بک، انشته سنی تعزیه ایتمک ایچون علی بکی وقاضی برهانی آلوب اماسیه یه کلدیله .

حاجی ابراهیم بک ، بوتعزیه یی بر وسیله ایدوب حاجی شادکلدی پاشا ایله ارالرنده تگون ایدن برودتی ازاله ایتمک ایسته یوردی . برودت ، حاجی ابراهیم بکک آدمزلندن برینی حاجی شادکلدی پاشا کوله لرندن برینک اولدورمه سندن حاصل اولمشدی .

[۱] بوخاتونک نه آدینی ، نه ده اماسیه ده قبری نی بولامادم .

حاجی ابراهیم بك ، برطرفدن او بردوتك ازاله سیچون ا. سیه
ایانك توسطلرینه مراجعت ایدیور؛ دیگر طرفدن حاجی شادکادی
کوله لرندن برنی اوقتلایله اهام ایدرهك طوتوب کوتورمک ایسته یوردی.
حاجی شادکادی پاشا، حاجی ابراهیم بك بووضع غریبنه اعتراض
ایدرهك آغیر سـوزلر صرف ایتمش ، برودت ازاله ایدیله جکی یرده
تشدید ایدیلشدی . علی بك ، حاجی شادکادی پاشایی حقلی کوروب
الزام ایدییردی . حاجی ابراهیم بك ، بوکاده قیزمشدی .

بونك اوزرینه حاجی ابراهیم بك ، یالکیز معیتنی وقاضی برهانی
آلوب سیواسه عودت وارتنازاده علی بکی اماسیه ده ترك ایتدی . حاجی
شادکادی پاشا علی بك اسباب و احتیاجات سفریه سنی کوروب مطباً
قیصریه کوندردی .

حاجی ابراهیم بك ، توقاده واردقده علی بکی امارتن خلع و دفع
ایمك شرطیله قیصریه امارتنی قاضی برهانه توجه ایدوب علی بكك
اردندن قیصریه کوندرمش ، قاضی برهان ، سرعته کیدوب علی
بکدن اول قیصریه وارمش ، قیصریه خلغن الد ایتمشدی .

قاضی برهان ، علی بكك چوقجه اولان عسکرندن احتراز ایدرهك
برمدت اوایلادی . بر فرصت زماننی بولدیغی آنده علی بكك سرایی
باصوب حرب ایدرهك بیچاره نی قیصریه دن چیقاردی . علی بك ، قاچوب
برکوب قلعه سنه کیتدی . اوراده برمدت اقامت ایتمکده ایدی . قاضی
برهان ، قیصریه امیزی اولدی . ۷۷۸

حاجی ابراهیم بك ، علی بكك وقعه سنی خبر آلدقده موغول
عشیرت لرینك تجاوزاتندن اورکوب قیصریه کیتدی . علی بکی جانب و

دعوت ایدەرك عزت واکرام ایله قیصریه امارتی اكا ویردی. قاضی برهانی سیواسه قالدیردی .

آنحاق قاضی برهانك معین و طرفداری اولان صهاغارلو عشیرتی رئیس خضر بکك ، عسکریله کلوب قیصریه یی استیلا ایدەجکی شایع اولدقدە ارتنازاده (علی بك) تلاشه دوشدی . قاضی برهانی دعوت و حاجی ابراهیم بکدن استمداد ایتمشدی .

قاضی برهان ، حاجی ابراهیم بکدن آلدینی اذن و قوتله قیصریه یه کادی . خضر بکه جعلی بر مناقشه دن صوکر ا خضر بك قیصریه حوالیسندن چکیلوب یایلاغنه کیتدی . علی بکك دعوتیه سیواسدن ککن (سیدی حسام) ده قاضی برهان ایله علی بکی باریشدیردی .

فقط حاجی ابراهیم بك، علی بکه قاضی برهانك احوال وحرکتندن شکایتلر ایدن خلقی تسکین ایچون برمدت صوکر ا خواص امراسندن (خواجه یاقوت) بکی قیصریه امیری یاپوب کوندرمشدی ۷۷۹

خواجه بك، كرك علی بکك وكرك قاضی برهانك احوال وحرکاتی ترصد ایدەرك بوتون مشاهدانی حاجی ابراهیم بکه یازیوردی . بر مدت صوکر ا حاجی ابراهیم بکدن آلدینی امر و تعلیمات اوزرینه ارتنا زاده علی بکی باغلایوب سیواسه ، قاضی برهانی ده زندانه کوندردی . قاضی برهانك عونەسی و صهاغارلو عشیرتی بر طرفدن ، ارتنازاده علی بکك معینی اولان بارامبایلو عشیرتی رئیس علی پاشا دیگر طرفدن حاجی ابراهیم بکی فوق العاده تضییق ایتمکه باشلادیلر .

ناچار قالان حاجی ابراهیم بك ، والی خواجه بکی عزل ایدوب

سیدی حسام ایله زنجیره بند ایده رک سیواسه قالدیردی. قاضی برهانی محبسدن چیقاروب علی بکی موقع امارته کتیردی. صباغارلو خضر بکی قیصریه والی یاپدی .

لاکن خواجه بکک حامیسی اولان حاجی شاد کلدی پاشا ، خواجه بکک بیکنه اولدیفنی بیان ایده رک حاجی ابراهیم بکدن عفوینی ایسته دی. چونکه خواجه بکک ، حاجی شاد کلدی پاشا برادرینک قاین پدری ایدی . سیدی حسامی ده علی بک شفاعت ایتشدی .

حاجی ابراهیم بک ، خواجه بککه سیدی حسامی عفو ایدوب هر ایکیسنی ده بیراقدی . اوزرینه هجوم ایتکه آماده اولان بارامبایلو موغول عشرتک بلاسنی دفع ایده جک چاره لر آریور ، قوتلرینی جمع ایده رک تدارکاتی کوروپوردی .

لاکن ارتنا زاده علی بک ، متصل بارامبایلو عشرتیه فریادنامه کونده ریور ، عشرت رئیس علی پاشایی حاجی ابراهیم بک علمیه تحریص ایدیوردی. قاضی برهاندی علی بکک بوتشویقانه قوت ویریور، کندی عونیه سنی بارامبایلورله تشریک مساعی ایتمه سنه چالیشیوردی . بوندن دولایی بارامبایلورله قاضی برهانک عونیه سی برله شوب سیواس اوزرینه هجوم ایتدیلر. سیواس والیسی حاجی ابراهیم بک ، ابتدا سردازی اولان حسن بکی کوندردی. صوکر کندیسی عسکرله برابر کتیدی . توزا کلو ناحیه سنده یاپیلان محاربه ده هر ایکیسنی ده مقتول اولدی . (۷۸۰)

خواجه یاقوت بک ، حاجی ابراهیم بکله برابر دی . مقتول اولان

يچاره نك باشنى آلوب ابتدا (هاويك ، حافيك) قلعەسنە صوگرا
سيواسە كوتوردى . فقط بو فلاكت خېزى قاضى برهانك خالە
زادەسى (احمد چلبى) داها اول سيواسە كتيروب اظهار شادمانى
ايتىلردى .

حاجى ابراهيم بك ، قوتلوبك زادە خواجه على شاهك مخدومى ايدى .
بونك مخدومى (خيرالدين خليل بك) و غلامى (شرف الدين مقبل
بك) ولى نعمتلىرىنك شهادتە پك زياده متأثر اولمىلردى . مقبل بك ،
در حال قيام ايدوب خليل بكى مقام امارتە كتىرمك اوزرە سيواسى ضبط
ايتىش ، بوفلاكتك باعث يكانەسى اولان ارتنازادە على بكى باغلايوب زندانە
آتمىشدى .

قاضى برهان ، مقبل بكك بو حرگىتىدن استفادە ايتىمكە چاليشيور ،
على بكدە قاضى برهانە كندىسى قورتاروب تخت امارتە اجلاس
ايتدىكى تقديرده وزرات ويرەجكنى وعد ايدىيوردى . بونك اوزرىنە
قاضى برهانك حشرآتى حاجى مقبل بكى اتلاف ايدەرك على بكى تخت
امارتە چىقاردى . قاضى برهان ، على بكە (۷۸۰) سنەسى زىبع الاولندە
وزير اولدى .

بو ھىكامە آراسندە حاجى ابراهيم بكك بوتون خزان و مواشىسى ،
اموال و حواشىسى ضبط و ياغما ايدلدى . مخدومى (حاجى خليل بك)
كولەلرى سايەسندە قاچوب آماسيە يە جان آتدى . حاجى شاد كلدى
پاشا امراسندن اولدى . [۱]

[۱] حاجى خليل بك ، سيخ الاسلام كال پاشا زادە (شمس الدين احمد
شاه چلبى) مرحومك جديدر .

اماسیه دن مقدما چیقاریلان قیلیچ ارسلان بك ، ارزنجان دن سیواسه
كلوب ارتنازاده علی بكك ندیمی اولمشدی . علی بكك وزیر قاضی
برهان ، حاجی شاد كلدی پاشانك حاجی ابراهیم بك وقعه سندن نه قدر
متأثر اولاجغنی بیلوردی .

بونك ایچون هم شاد كلدی پاشایی تعزیه ایتك ، همده پاشانك
حرکاتی وقوای عسکریه سنی آ کلاماق لزومنی علی بکه تلقین واماسیه
کیمکه تشویق ایدیوردی . چونکه شاد كلدی پاشانك سیواسه
هجومندن قورقووردی .

بونك اوزرینه ارتنازاده علی بك ، وزیر قاضی برهانی ، مشاوری
قیلیچ ارسلانی ، ندیمی سیدی حسامی آلب معیت عسکریه سیله برابر
اماسیه کلدیلر . حاجی شاد كلدی پاشایه مسافر اولدیلر .

حاجی شاد كلدی پاشا ، علی بكك روحی اولان سیدی حسامی
قلعهیه دعوت ایتمشدی . انجاق سیدی حسام ، شاد كلدی پاشازاده امیر
احمد چلبی ایله عیش و نوش ائناسنده غوغای مستانه چیقاردی ؛
آغیر سوزلر صرف ایتکه باشلادی . احمد چلبی ده بونی اوشقلریله
برابر طوتوب حبس ایتدیردی .

قاضی برهان ، شیطانہ درس ویریر آمدی . سیدی حسامك غوغایی
مرتب شیلردی . کیزلہ نیلن مقصد ، اماسیه نك ضبط و تسخیری ،
حاجی شاد كلدی پاشانك انتقام اخدی ایدی . چونکه قاضی برهان ،
علی بكك یاننده اولان موغول عسکرینه قارشى حاجی شاد كلدی قوتنك
ضعیف اولدیغنی ظن ایدیوردی .

قاضی برهان ، سیدی حسامك وقعه سنی دویدوقده ترتیب ایتدیکی

شيلرك قولايجه تطبيق ايديله جكنى اميدايدهرك على بكي شهرك خارجه
چيقوب امامسيه قلعه سنى محاصره و سیدی حسامی تخلص ایتمه تشویق
ایتدی .

ذاتاً اسیر شهوت و اقبال اولان علی بك ، قاضی برهانك تشویقانه
قابیلدی . عودت ایدیور شكننده عسکرى شهرك خارجه چيقاردی
کندیسی ده معیتله برابر چیقدی . آ کسزین قلعه یی محاصره ایتدیردی .
منجیقلرله دو کوردی .

حاجی شاد کلدی پاشا ، بوتعزیت و زیارتك ابلهسانه بر جرکت
اولدیغنی درحال آ کلامشدی . لازم کلن مدافعه ترتیباتنی آلوب امامسیه یی
و قلعه سنى موغول اشراسنه قارشى شجیعانه مدافعه و محافظه ایدهرک
قاضی برهانك امیدلرینی بوشه چيقاردی .

نهایت قاضی برهان و قیلیچ ارسلانك رجالری اوزرینه (حاجی
شاد کلدی پاشا) سیدی حسامی محسندن چيقاروب ارتنازاده علی بکه
کوندردی . علی بك و معیتی ده خائبانه رجعت ایدهرک دفع اولوب
کیتدیلر .

بوندن صوکرا ارزنجان امیری (حسین بك) وفات ایتمشدی .
قیلیچ ارسلان ، ارزنجانده ییلار جه او طورمش ، نهایت حسین بکه آراسی
آچیلوب سیواسه ککشدی . حسین بکک وفات خبرینی دویدقده علی بکی
ارزنجانك ضبط و استیلاسیله کندیسنك ارزنجان امارتنه تعیین ایدیله سنى
تشویق و تکلیف ایدیوردی .

حال بوکه ارزنجان امارتی ، عراقده جکومت ایدن جلایری نفوذی
آلته کیرمش ، حاجی شاد کلدی پاشانك حمایه سنى کورمش ؛ حسین !

بکک یرینی بوراق زاده لردن (مطهرالدین طایر تن) بک طوتمشدی . ۷۸۱
علی بککه وزیر ی قاضی برهان ، قیلیچ ارسلانک تکلیفنی قبول
ایده رک ارزنجان اوزرینه یوروشلردی . جلایری نسلندن طغرل بک،
بوحرکتدن خبردار اولدقده البستان امیری دولقادیر اوغلو (ابراهیم
بک) دن و اماسیه امیری قوتلو بک زاده (حاجی شاد کلدی پاشا) دن
استمداد ایتدی .

قاضی برهان ، ارزنجان قلعه سنک متانتنی و عسکرینک شدتلی
مدافعه سنی کورونجه قیصریه امیری (جنید بک) دن قوه معاونه طلب
ایده رک قلعه نی فتح ایتمه که صاواشیوردی .

بو ائشاده بر طرفدن دولقادیر اوغلو (ابراهیم بک) بو طرفندن
حاجی شاد کلدی پاشانک بویوک مخدومی (سیدالدین محمد بک) قوه
امدادیه لرله ارزنجان ییتشیدیلر . ارزنجان عسکرله برله شدیلر . قوه
امدادیه سیله کلن جنید و ارتنازاده علی بکارک عسکرلرینی بوزوب
داغیتدیلر . بورادن ده خاٹبانه دونیدیلر .

ارتنازاده علی بک، کرک وقعۀ سابقه دن و کرک ارزنجان حایه
ایتمه سندن دولای (حاجی شاد کلدی پاشا) دن انتقام آلمغه پک زیاده
خواهشکردی . ارزنجاندن سیواسه کلدیکندن آرزو کرا بوتون قوتیه
اماسیه اوزرینه یورودی .

حال بوکه علی بکک قوه عمومیه می اماسیه نک ضبط و تسخیرینه
کافی درجه ده دکلدی . بونکه برابر اماسیه ده طاعون حکمنی اجرا
ایدیوردی . بو عزیمتی خبر آلان (حاجی شاد کلدی پاشا) طبیعی
قوتلرینی ، عسکرلرینی جمع ایده رک مقابله ایتمه حاضر لانیوردی .

ارتنا زاده علی بك، يويوك بر دېدبه اېچنده قاز آباهه كلكشدى .
فقط كنديسنه لايق بر خضم اولان طاعون كنديسنى در حال ياقالادى .
بر قاچ كون اېچنده ايجابنه باقوب « ۷۸۲ » سنه سى جمادى الاخره سنك يكر مى
يشنچى چهارشنبه كوفى روحنى آلدى . خلقى شهوت واحتراسندن قورتاردى .
على بكك اركان دولتى اولان قاضى برهان ، سىدى حسام ، قىليج
ارسلان امامسيه فتحى عزيمتندن واز كچوب حاجى شادكلى پاشايه
قارشى اعتذار ايدهر ك دونديلر چونكه قوتلرينك ضعيف اولديغنى
بيلدكارى جهتنه « حاجى شادكلى پاشا » دن قورقويورلردى .

اميرعلاءالدين على بك ، ارتنا بكك ايكنچى مخدومى ايدى . فقط :
سفاهته پدرندن اوستون چيقدى . كاه قيصر يدهه ، كاه سيواسده
مكرراً امير اولدى . مكرراً خلع ايدلدى . نه امارتنده بر عدالت ،
نه كنديسنده بر مزيت يوقدى . يدى ياشنده (محمد بك) نامنده بر
مخدومنى ييراقدى .

قاضى برهان ، على بكك جسدىنى وعسكر واثقالنى آلوب توقده
دونديلر اوراده جسدى تر به سنه دفن ايدوب سيواسه دوغرو حركت
ايتديلر . فقط : حاجى شادكلى پاشا ، معيت عسكريه سيله امامسيه دن
قالقوب توقاد اوزرينه يورومشدى .

حاجى شادكلى پاشا ، قوت وشوكت اعتباريله امرانك سرافرازى ،
تدير وفضيلت اعتباريله علمانك ممتازى ايدى . قاضى برهان ، بونى
تقدير ايدىيور ، هر كس دن زياده بوندن قورقويوردى [۱]

[۱] قاضى برهانك تصوييله يازيلان مناقنامه سى (بزم ووررم) ند بونى شويله
تدير ايدىيور : « از جمله حاجى شادكلى كه بكثر سواد و وفور استعداد و وف

حاجی شاد کلدی پاشا ، كرك سيواسك ايچنده و كرك حواليسينده اولان بركرى و بويوكلى جلب و استمالت ايدهرك سيواسى ممالكنه الحاق ايتك ايسته يوردى . حاجى شاد كلدی ، طبعاً معتدل ، عالم ، عادل برزات ايدى . سيواسك بعض ارکانى و خلقى كنديسنه پك مائلىدى . فقط يميدى حسام كبي على بكك مجلوبى اولان رجال مملكت ، على بكك يدى ياشيندهكى اوعلی محمدبكي تخت امارته كچيرمك ايسته يورلر ، بوكاده بر درلو جسارت ايده ميورلردى .

چونكه محمد بك ، پك كوچوكدى . جلوسى حالنده بوتون امير حكومت ، مقام وزارتده اولان قاضى برهانك انده قالاچغنى بيليورلر ؛ بونى ارزو ايتيورلردى . چونكه قاضى برهان ؛ فضيلت علميه سييله برابر طبعاً غدار ، خشين ، مغرور و متكبردى . كيمسه يي بكه نمزدى . بونك ايچون كنديسنى سومه ينلر چوقدى . قيصر يه ليلربيله سوميورلردى . قاضى برهان ، خلقك و اركانك بوتمايلات و حسياتى آكلادى . آنده حاجى شاد كلدی پاشايه تبعيت ايتكدن اركان و خلقى واز كچيرمك ايچون قيليچ آرسلان بكى خلقه و اركانه مدح و ثنا ، حسب و نسيبى اعلان ايدهرك تخت امارته كمال عزت و اكرام ايله اجلاس ايتىدى . اركان سيواسى و خلقى امرواقع قارشيسينده بيراقدى . نسيبه بناء بوتون اركان امارتى قبول ايتدى .

ركن الدين قيليچ آرسلان بك ، سلطان آلتونباش سلجوقى شهر - دهسى مسعود شاهك اوغليدر . مقام امارته كچمه دن اول قاضى برهانك

و موصوف است . ازهر طرفى هجوم خواهد كرد و قلع اسلانكه دم از امارت مى زند و خود را وارث ملك داد از قطرى ديكر حركت خواهد نمود .

درمیان استدیکی شرائطی قبول ایده‌رک مقام وزارتده قاضی برهانی ابقا
ایتدی .

حال بوکه درمیان ایدیلن شرائط آغیردی . برنجیسی ، بوتون
امور حکومت و خاصهٔ امور مالیه قاضی برهانک دست کفایتنده اولاجقدی .
ایکنجیسی ، قیصریه امارتی کندیسنه ویريله جکدی . اوچنجیسی ،
خرسنوس قلعه‌سی و اراضیسی کاملاً برهانه تخصیص ایديله جکدی .
بونلرک هیچ بری‌ده قابل اجرا دکلدی .

چونکه برنجی شرطک اجراسنده قیلیج ارسلانک امارتی مفسوخ
اولوردی . ایکنجی شرطک اجراسی اصلاً قابل دکلدی . چونکه
قیصریه‌نک ارکان امراسندن اولان قیصریه والیسی عمر بک زاده
جنید بک ، بویوک ارتنا زاده (عزالدین جعفر) بکی تحت امارته
اجلاس ایده‌رک کیمسه‌یی طایموردی . اوچنجی شرطی‌ده بویله ایدی .
قاضی برهان ، بر مدت صوکرا بوشرائطک اجراسنی شدتله طلب
ایتمکه باشلادی . قیلیج آرسلان ، بونلرک هیچ بری کندیسو ایچون
قابل اجرا اولمادیغنی درمیان ایده‌رک اعتذار ایدیوردی . قاضی برهان ،
قومنات داخلنده برقریه‌یی کندیسنه تملیک اتمه‌سنی ایسته‌دی . قیلیج
آرسلان ، توقاد ولایتی تماميله حاجی شاد کلدی تصرفنده اولدیغنی بیان
ایده‌رک ینه اعتذار ایتدی [۲]

قاضی برهانک کیزله‌دیکی مقصدی ، قیلیج ارسلانی و شاد کلدی

[۲] بزم‌ورزم ، بونی قیلیج ارسلانک لساندن شوبله تعیر ایدیورده شهر توقات
درتدرف حاجی شاد کلدی است و شمارادران مدخل و مخرج نیست و بحقیقت
مرغی درهوا و ماهی در آبست

پاشاي خلقك نظرندن دوش-وردكدن ، صاغارلو ، بارامبايلو دڭنيان موغول عش-يرتليخني تامايله كنديسنه ربط ايتدكدن صوكر ا بيجاره ي اولدوروب يرينه چمكدى .

قاضي برهان ، بوايشه ابتدا حاجي شاد كلدى پاشان باشلادى . قيليج آرسلانك آغزيله حاجي شاد كلدينك ددهسى (كورت) بك ، تاج الدين التونباشك كولهسى ، حاجي شادكلدينك ده كوله زاده اولديغنى اشاعه ايدهرك متصل كنديسنك اصالت ونجابتندن دم اورويوردى . قاضي برهان ، لزومندن زياته افسانهلرايجاد ايدهرك خاقى شادكلدى پاشان تنفير ايتدى . صوكر ا دونوب وقايع سابقه يي تكرار ايدهرك قيليج آرسلان بكى حاجي شاد كلدى عليه تحريك ايتمكده ايدى . بوندن مقصدى قيليج آرسلانى ازديرمكدى .

حال بوكه خلق اداره سنده شرط اعظم ، عدالت ، اخلاق ، فعاليتدر . بونلره نسبتله اصالت ، بر هيچدن عبارتدر . تاريخاً نجه كوله لردن ، كوله زاده لردن اك بويوك قهرمانلر ، نجه اصيملردن ، اصيلزاده لردن ده اك بويوك قالطابانلر توره مشدر .

قيليج آرسلانك حماقته بايكنزكه حاجي شاد كلدى پاشاك فضيلتى ، عدالتنى ، قوت وشوكتتى نظر اعتباره آلمادن قاضي برهانك تشويقايله طوپلاديني درمه چاته عسكرينى آلوب توقاد اوزرينه يورودى حاجي شاد كلدى پاشايه اعلان حرب ايتدى .

حاجي شاد كلدى پاشا ، عسكرينى آلوب درحال توقاده كلدى . قيليج ارسلانى قارشيلادى . حال بوكه قيليج ارسلان ، سيدى حسامدن الدينى مکتوبدن سيواسده كندى عليه ياپيلان اويونلرى آكلامش

اعلان حرب ايتديكنه پشيمان اولمشدى . اما سیه عسکرینك كثرتنی
كورونجه داها زیاده قورقدی .

بیچاره قیلیچ ارسلان ، قاضی برهانك دایینی اولان ییلدیزی
اوغلو یوسف بکی حاجی شاد كلدی پاشا نزدینه ایلچی كونده روب صلح
رجا ایدرکن عسکرلری توقاد کویلرینی یاغما ایدیور، حربه باشلانديغنی
کوستریوردی .

حاجی شاد كلدی پاشا یاغما کر لکه فوق العاده حدت ایدرک قیلیچ ارسلان
ایله حربه کیردی . قیلیچ ارسلان فنا حالده بوز ولدی . عسکری دارماداغین
اولدی میدان محاربه دن رزیلانه قاچوب سیواسه جان آتدی . خلقك
نظرنده قدر و اعتباری قالمادی .

قیلیچ ارسلان بك، اوغرا دینی بو رزالتك مسبب یكانه سی قاضی
برهان اولدیغنی آکلایوردی . بونكه برابر هر درلو حیل و دسیاسنه
در حال قانیوردی . حال بوکه قاضی برهان ، سیواس امارتنه بر آن اول
قاوو شماق ایچون قیلیچ آرسلانی اولدورمك چاره سنی دوشونویوردی .
اوزمانك سیواس قطبی صاییلان سیواس مولویخانه سی شیخی
(عادل دده) قاضی برهانك مجلوبی ایدی . قاضی برهانك تلقیناتیله
عادل دده ، حاجی شاد كلدی پاشایه (کوله من) ، قیلیچ آرسلانه
(قجه زن) دیردی . کندیسنه اویانلری ، بونلرک علیهنه تحریک
ایدردی .

قاضی برهان ، بوتحریکاتدن استفاده ایدرک بر طاقم ساده دلانی
اغفال ایدیوردی . نهایت برهان ، همشیره زاده سی امیر شیخ مؤیدله
اتفاق ایدوب قیلیچ آرسلانی بر صیدکاهه دعوت ایتدی . اورایه

واردیغی آنده ییچاره نی قیلیجه پارالادی . [۱]

قاضی برهان ، بوجنایتله قالمادی . قیلیج آرسلانک یوزلرجه اتباعی ، طرفدارلرینی ، عموجه سی کیخسروی قیلیجدن کچردی . بوقدر جنایتدن صوکر قیلیج آرسلان ایچون قوردقلری ضیافت صفره سنه اوطوروب کمال حضورایله یمکریخی ییدیکی (بزم ووزم) ک جمله مضبوطاتنددر . نه قدر شایان حیرتدرکه قاضی برهان ، آنا طرفندن سلجوقی زاده اولدیغی درمیان ایده رک اصالت ونجایتله اوکونورکن ، اباعن جسد سلجوقی اولان قیلیج آرسلانی ویکناه اولان یوزلرجه اتباعی و طرفداراتی بلا مرحمت اولدورمشدر .

قاضی برهان ، قیلیج آرسلانک ایجابنه باقدقندن صوکر اصیدکاهندن دونوب دبدبه وداراتیه سیواسه کیردی . دارالاماره نی ضبط ایدوب امارت تحتنه (۷۸۲) سنه سی ذی القعدة سنک اون دردنجی کونی جلوس ایتدی . بش ییلدن بری تعقیب ایتدیکی غایه سنه ایردی .

قاضی برهان الدین احمد [۲] سالور قبیله سی تورکمنلرندن قیصریه قاضی شمس الدین محمد بن سراج الدین سلیمان بن جلال الدین حبیب بن محمد بن رسول بن سویجک اوغلودر . والده سی مستوفی روم ییلدیزی [۳] جلال الدین محمودک مخدومی عبدالله چلبی کریمه سیدر .

[۱] قاضی برهانک نظرند قیلیج ارسلانک اک بویوک جنایتی ، ارتش اراده متروکه سنی آلوب مخدومی محمد بکه وصایت ایتمکدی .

[۲] بزم ووزم ، قاضی برهانک ترجمه سنی شویله آکلاتور .

[۳] بکر چلبی زاده محمد پاشان محمود چلبی وفقیه سنده بوکا (ایلدوسی . ییلدیزی) واولادینه (ابن ایلدوسی، ییلدیزی اوغلو) دئمشددر . سیواس قریبده ییلدیز ایلندن توره مشدر .

قیصریه ده (۷۴۵) سنه سی رمضانك اوچنچی کونی دوغمشدر .
 قوتلو شاهك استقلالنده (۷۵۷) سنه سنده پدریله قیصریه دن چیقوب
 شامه کیتمش ، یوز کون صوگرا قوتلو شاهك عفو یله عودت ایدوب
 (۷۵۹) سنه سنده پدریله قیصریه دن چیقاریش دی . بومدت ظرفنده
 پدریله مصره کیدوب قطب الدین رازیدن او قومش ، ۷۶۴ ده حجازه
 کیدوب عودتده پدری معره قصبه سنه وصولنده وفات یله کنیدیسی حایده
 اقامت ایتمشدر .

۷۶۵ سنه سنده قیصریه یه کلوب رجال حکومت عودتندن متنفر ،
 رجال علمیه متشکر اولمش ، تدریس علوم ایدهرک فضل و کمالی آکلا-
 شیلنجه ، یعنی خواجه علی شاهك قتلی متعاقب (۷۶۶) سنه سنده ارتنا
 زاده محمد بکک همیله قیصریه قاضیسی نصب ایدیلشدر .

۷۶۷ سنه سنده محمد بک بن ارتناك وفاتی اوزرینه برهرج و مرج
 عمومی حاصل اولوب تورک و موغول بربرینه کیردیکی ائناسنده ایکنچی
 ارتناکی التزام ایتمش ، بونک فراریله یرینه کلن برادری علی بکه اوزون
 بر ماجرایه کیرمش ، علی بکی قیصریه دن قوغمش ، خلقه نفوذ و اخلاقی
 طایتمش ، حاجی ابراهیم بک دورنده (۷۷۷) سنه سنده قیصریه قضا-
 سندن عزل ایدیلش ، قیصریه لیلرک رجاسیله سیواسه قالدیریلشدر .

قاضی برهان الدین احمد ، غایت ذکی ، مدبر ، فاضل ، متین ، فعال
 اولمقه برابر دساس ، غدار ، قتال ، بک حریص اقبال و سلطنت بر
 ذات ایدی . اصول حنیفه دن (تلویح) اوزرینه یازدینی (ترجیح) آدلی
 حاشیه سی ، فضائل علمیه سنک درجه سنی کو سترمکده در . نسلا تورک
 اولدینی حالد موغول لره بک مائل ، بونکه برابر غایت خودین ایدی .

قاضی برهانك بوجنایتلری ، سربازانه حرکتلری ، سیواسك کندی بیلیر اعیان و اشرافی ، خاصه سیواس خلقی پك زیاده اور . کوتمشدی . لاكن قاضی برهانك قوتی ، معینی اولان منفعتپرستانك ، بارامبایلرك شر و مفسدتلرندن کیمسه نك اعتراضه جرأتی یوقدی .

بوندن دولایی سیواسك بعض اعیان و خلقی ، اماسیه حکمداری حاجی شاد کلدی پاشایه خفیاً دعوتنامه لر ارسال ایدرك فریادواستغاثه ایتمشلر ، سیواس ولایتی آلوب کندی ممالکینه الحاق اتمه سنی ایسته مشلردی . بونی دویان قاضی برهان ، عادتاقوددورویور ، یازوب فریاد ایدنلری آراتیور ، بولدیغنی آصوب کسیون و دیوردی که : « بن ، بومارتی کندی سعی واجتهادمله آلدیم . حاجی شاد کلدی کیم اولویور که بوملکته تصاحب ، بنم سلطنت واستقلاله مخالفت ایتمه که قالدیشیور . » [۱]

لاكن بوجنایتلرك ، بوحرکتلرك خلق اوزرنده پك فسا تاثیرلر اوینا دیردیغنی آکلایان مقربلرندن (اینسه بك) قاضی برهان قیلیج آرسلانك سیواس ولایتی حاجی شاد کلدی پاشایه تسلیم ایده جکندن دولایی حمیت وطنیه سائقه سیله اولدورولدیکنی اشاعه اتمه سنی تلقین و اشاعه ایتدی .

لاكن بویله یالان اشاعه لر ، حاجی شاد کلدی پاشانك فنا لغنه دار ایجاد ایدیلن افسانه لر ، کیمسه بی تطمین ، پك عمومی اولان هیجانی

[۱] بوراد . (بزم و رزم) قاضی برهانك لسانندن شویله دییور : « مراجه لازم که بعد از اقتحام و التزام خطی چنین خاطرنانك ورطه هائ باستقلال واجتهاد خود و حصول مبرام و مرتاد بامارت و ایات حاجی شاد کلدی که مدعی مملکت و غیریم دولت و سلطنت است علی ملائمن الناس اقرار و اعتراف آورم »

تسکین ایده میوردی . بونلری آکلایان قاضی برهان، پرخلیجان حاجی شاد کلدی پاشانک حرکاتی ترصد ایدیوردی .

حاجی شاد کلدی پاشا ، بواشاده آغیر خسته اولمش ، امیدسز بر حالده یاتیوردی . بوتون اماسیه بکری متفق ، متحد بر حالده حاجی شاد کلدی یه منقاد ایدیلر . پاشایه امارتنده معارض اولان خلقت زاده (پیر علی بك) بیله شاد کلدی اوغرینه جان ویریوردی . کریمه سی (ایران خاتون) ی پاشانک مخدومی (سیدالدین محمد) بکه ویرمشدی . [۱]
حاجی شاد کلدی پاشا ، آلدینی فریادنامه لر اوزرینه عسکرینی جمع واسباب و آلات سفریه سنی اکمال ایتدیریوردی . بواشاده قاضی برهان ، کندی خواصندن (اخعی عیسی بك) نامنده بر ذاتی الزیاده قورقدینی حاجی شاد کلدی نزدینه ایلچی کوندردی . پاشانک حالت روحیه سنی ، عسکرینی ، اماسیه بکرینک وضعیتلرینی آکلامغه چالیشیوردی .

حاجی شاد کلدینک عسکری چوقدی . ایلچینک کلدیکی ائشاده هر طرفدن عسکر کلیور ، اماسیه نك ایچی ، هر طرفی مهیب بر شکل آلیور ، ایلچی یه دهشت ویریوردی . عسکر اچنده (جاوون قار) دینیلن موغوللر ، « قره تاتار » دینیلن تاتارلرده واردی . جاوون قار [۲] تورکلر آراسنده (چونقار) دیمکله مشهور ایدی .

[۱] ایران خاتون ، آماسیه ده اوچلر محله سنده برخانه دروننده مدفوندر .

[۲] جاوون - این مهنا لغتنامه - نك موغول قسمنده « البارد - جون »

و « اید - قار » دییه یازیلیدر . شو حالده جاوون قار ، صوغوق ال دیمک اولور . عزیز بن اردشیر (بزم و رزم) نده بولغظی ابتدا جابقار (وصوکر) (جاوون قار) شکنده یازمشدر .

قاضی برهان ، حاجی شاد کلدی پاشایه طرفدارلق تهمتیه مقدماً
قره حصار شرقی بکی ملک احمد بکک برادری بنی ، ارزنجان بکی
طایرتن بکک اقرباسندن ذوالنون بککری سیواسده حبس ایتمش، سیدی
حسامی قویله حصاره نفی ایدوب اوراده زندانه قویدورمشدی .

قاضی برهان، ایلچی عیسی بکک عودتنده آماسیه بککرینک اتحادینی،
عسکرینک کثرتی ، حاجی شاد کلدینک قوت وشوکتی آکلایوب
مقدماحبس ایتدیکي بنی ، ذوالنون، سیدی حسام بککری عفووتلطیف
ایتدی .

بنی بکه قره حصار بهرامشاه «پیرامشاه» امارتی ویروب کوندردی .
برادری ملک احمد بکه اوغراشدیروب هر ایکیسنی ده مشغول ایتمش
اولاجقدی . چونکه ملک احمد بکک ، حاجی شاد کلدی پاشایه معین
ومنقاد ایدی .

ذوالنون بکی تلطیفاته غرق ایدوب ارزنجانه کوندردی . امیرمطهرالدین
طایرتن بکه عقداتفاق ایتکه غیرت ایتمه سنی ایستهدی . چونکه وقعۀ
سابقه دن دولانی « طایرتن بک » شاد کلدی پاشایه متشکر و بک متایلدی
مستشار اموری (اوغرول بک) ده مائلدی . سیدی حسامی ده سیواسه
جلب ایدوب اسکی مقامنی ویردی .

حاجی شاد کلدی پاشا ، خسته لکی تحفف ایتدکده عسکرینک باشنه
کچدی . سیواسه دوغرو حرکت ایدوب آرتق آباده قدر کیتدی .
قاضی برهان ده باراملو، صماغارلو عسکرلرینی وسائر کندی طرفدارلرینی
آلوب حاجی شاد کلدی پاشایه قارشی کلدی .

قاضی برهان ، برطرفدن ایشی صاحاً تسویه ایدوب اهل اسلام

آراسنده قان دوکوله مسنی ایسته مک طرزنده حاجی شاد کلدی پاشایه ایلچیلر ، مکتوبلر کوندردی . صوکر ا ملاقات ایسته دی . حاجی پاشایی ایسته دیکی قدر او یالایوردی .

دیگر طرفدن کندی معینده اولان تورکمن و موغول ناطقه بردازلندن لزومی قدر آدملری حاجی شاد کلدی اوردوسنه کیزلیجه کونده روب (شاد کلدی) کوله اوغلیدر . حسب ونسی بلیرسز آدمدر . نعامارتی ، نه ولایتی شرعاً صحیح دکلدیر . قاضی برهان ایسه اباعن جد اعیل ، نجیب بر ذاتر . بر کوله اوغلنه اویوب او یله نجیب بر ذات ایله ناصل حرب ایده جکسکز « شکنده اوردویه تفرقلر ویره جک پروباغندا یاپدیریوردی .

قاضی برهان ، حاجی شاد کلدی اوردوسنده یاپدیردینی پروباغاندارک تاثیراتی خبر آلدینی آنده ایکی طرفدن کلوب کیدن ایلچیلرله مکالماتنده لسانی دکشیدردی . حاجی شاد کلدی پاشانک ایلیچیسنه شویله دییوردی :

« حاجی شاد کلدی ، علی بک زاده نی تخت امارته متفقاً اجلاس ایده لم که وارث مملکتدر . اهل اسلام آراسنده قان دوکله یلم دییور . حال بوکه امیرزاده نک دده سنی اولدورن ، باباسنی شهر ، شهر سوروندورن ، ملک مورونی اولان اماسیه کلدیکی حالد یوزینه باقاییان ، اشیا سنی یاغما ایندیرن ، اماسیه دن سوروب چیقاران حاجی شاد کلدی در . شیمدی ناصیل امیر زاده یه شفقت کوستیریور ؟ »

بری طرفده حاجی شاد کلدی اوردوسنده بویوک وتهلکه لی بر تفرقه حاصل اولمش ، چونقار ، قره تاتار خذله سی اوردودن چیقوب

کیتمش ، اوردونك قوۋ معنويه سی تماميله بوزولمىدى .

اماسيه بکلى ، عالملى واوردو ضابطلى ، اوردوده انضباطلى وقوۋ معنويه يى تأمينه ، سويله ن سوزلرک بر افسانه دن عبارت اولدىغى حاجى شاد کلى پاشانك حسب ونسبنى ، اصالت ونجابتنى يوقاريلر- دن برى عرض ايتديکمز وجهله اثبات ايتمکه چاليشيورلدى . [۱]
حاجى شاد کلى پاشا ، سيواس اعيانندن آلدىغى دعوت وفر يادنامه لرك آثارى کوره مدى . ذاتاً بوکا جاني صيقيليوردى . اومادىغى حالده سويله ن سوزلردن واوردوده حاصل اولان تهلىکلى حالاتدن فوق العاده متأثر اولارق يکيدن خسته لندى . ايشى طاتلى يه باغلا يارق عودته لزوم کوردى . اوردويى قالد بروب اماسيه دوندى .

حاجى شاد کلى پاشا ، پک جدى بر صورتده حرکته مجبوريت کوردى . ارکان دولتيله بلمشاوره ارزنجان ، جانيک ، قراحصار شرقى ، قيصرىه ، قسطنونى بکلى اولان طيرتن ، ناج الدين ، ملک احمد ، جنيد ، بايزيد بکلى قاضى برهان علمينده اتفاقه دعوت ايتدى .
قسطنونى حکمدارى بايزيد بک ، حاجى شاد کلى زاده امير احمد بکک قاين پدرى ايدى . ديگر بکلردن داها زياده قوت وشوکتى واردى . قيصرىه واليسى عمر بک زاده جنيد بک ، قاضى برهانک عدواکبرى ايدى . ناج الدين بک ، جانيکلى ديمکله مشهور

[۱] اسبق اماسيه اميرى شادى بکک کوله سى (قوتلو بک) اولوب اوغللى محمود ، احمد ، شادى بکلردى . قاضى برهان ، بونى مراد ايدمک تقيط اذهان ايتديکى ظن اولونور . بو قوتلو بک زاده احمد بک ، بونارخنده سيواسک اصرافى فاصوب واورمقده ايدى .

اولوب حاجی شاد کلدی پاشایه منقاد و بوتون صامسون و لابتنه والی ایدی
 حاجی شاد کلدی پاشانک بو حرکتی، قاضی برهان ایله محاربه ایتمه
 دلالت ایدیوردی. بونی تثبیت ایچون عقد ایلدیکی مجلس عالیده
 قاضی عسکر جمال الدین محمد اقسرای، مفتی عزالدین محمد اماسی، کبار
 فضلادن جلال الدین محمد بن رسول، علاء الدین علی بن اقسرای،
 دکرلی امرادن جمال الدین فیروز بک و بونلره اویان علما و امراء قاضی
 برهان ایله در حال محاربه ایتمکی مصیب کور میوزلر و دیورلردی که :

بو محاربه دن مقصد، سفیه علی بکک هنوز مراهمق بیله اولمایان بر
 چو جوغنی امیر نصب ایتمک ايسه بذل ایدیله جک مال و جانه یازقدر،
 اماسیه حکومتی ایچون بر فائده سی یوقدر. اکر سیواس ولایتی تامامیه
 استیلا ایتمک ايسه احوالک انکشافنه واسبابنک تامامیه تدارکنه قدر حربک
 تأخیری لازمدر. استعجالک مضرتی چوقدر.

بونلره معارض اولان بابوقشاه اوغلو سردار علی پاشایله وزیر
 طور مطای اوغلو سراج الدین محمد، خلفت اوغلو پیر علی، سنقور
 اوغلی عیسی بکک کبی کبار امراء و علماده شاد کلدی پاشای حربه
 تشویق ایدیورلردی. هله علی پاشا سیواسک استیلا سی پک قولای
 کورویور، اختیار حاجی شاد کلدی پاشای متصل تشجیع ایدیوردی.
 بونلرک معارضه لری او قدر ایلری کیتمشدی که دوراندیشانه عاقبتی
 کورور کبی حربه طرفدار اولمایان فضلا و امرای قاضی برهان طرفندن
 جلب و اطماع ایدلمش اولمغله انهام ایدلرک اسکات ایدیورلردی.

چونکه قاضی برهانک اماسیه ده جاسوسلری اولدیغی سویله نیور،
 مجلسده مذاکره ایدیلن مواد خفیه نک خلق آراسنده شیوع وانتشارندن

و جاسوسلرک اشاعات کاذبه سندن قور قولویوردی. بویله زمانلرده دوغرویی سویله مک بیله مخاطره دن سالم اولامازدی. خلاصه حاجی شاد کلدی پاشانک مراجعت ایتدیکی بکاردن موافقت جوابی آلمش، هربری قوه معاونه کوندره جگنی وعد ایتشدی. بو وعدلر اوزرینه حاجی شاد کلدی پاشا، سردار علی پاشانک استعجالنه اویدی. بوتون قوتی طویلایوب اماسیه دن حرکت ایتدی.

قاضی برهانده حاجی شاد کلدینک حرکت ایتدیکی خبر آلدقده سیواسدن قالقوب توقاته دوغرو یورودی. حاجی شاد کلدی پاشا تورحاله کلدیکی زمان، قاضی برهانده آرتق آباهه اینمشدی. قاضی برهان او یالامق یولنی طوتوب معتمدنرندن دواتی (احمد بك) نامنده بر کیمسه یی ایلچی کوندردی.

ایلچی ایکی مقصد اوزرینه کونده ریئشدی: برنجیسی سردار علی پاشایی اماسیه امارتی وعدیله حاجی شاد کلدی پاشادن آیرماق، ایکنجیسی بونک ممکن اولمدیغی تقدیرده حاجی شاد کلدی پاشانک قرارگاهنی آکلاماق.

بوئانده حاجی شاد کلدی پاشا طرفدن ترتیب ایدیلن بر مفرزه عسکریه قاضی برهانک بر فرقه سی اوزرینه آکسزین بر کیجه باصقینی یاپدی. قاضی برهانک اوردوسنده اولدقچه مهم بر پریشانلق حصوله کتیرمش، قاضی برهانی تلاشه دوشورمشدی.

هرایکی طرف، تدریجی بر صورتده یکدیگرینه یاناشدی. قاضی برهان توقات آلتدن قازاوایه قدر صوقولدی. حاجی شاد کلدی پاشاده بورایه قدر کلشدی. فقط حاجی شاد کلدی پاشایه وعد ایدیلن

قوای امدادیه دن بر اثر ظهور ایتش دکلدی .

قاضی برهان ، عسکرندن سچدیکی دکرلی یکیتلردن مرکب بر فرقه یی بوصویه بیراقدی . ۷۸۳ سنه سی رمضانک عشر اولنده بر کون علی الصباح حربه مباشرت ایتدی . اوکون حرب ایدرکن جعلی بر انهزام صورتی کوسستروب عسکرینی تدریجی ومنتظم بر صورتده کیری آلیور ، بالعکس حاجی شاد کلدی پاشاده امراسیله برابر طولوجه تعقیب ایدیوردی .

حاجی شاد کلدی پاشا ، تام پوصوحداسنه کلوب کچدیکی برصیراده پوصودن چیقان قاضی برهان عسکری آرقادن ، یوزکیری ایدن قاضی برهانده اوکدن شدتله حاجی شاد کلدی قولنه هجوم ایتدیلر .

حاجی شاد کلدی قولی ، کندی عساگر خاصه سندن عبارتدی . قوای کلیه سی مخدومی اولان امیر احمد بک اداره سنده اولارق کیریده ایدی . سردار علی پاشایله اکثر امرا حاجی شاد کلدی پاشانک یاننده بولونویوردی .

قاضی برهان ، اماسیه قوای کلیه سنی اوردوسنک برقمسمله اشغال ایده رک حاجی شاد کلدی قولنی تمامیه تجرید ایتشدی . بوتجرید ایدیلن حاجی شاد کلدی قولنی وار قوتیه صاروب قانلی بر حرب ایتدی . بومحاربه ده حاجی شاد کلدی وامرادن بعضیلری مقتول وعلی پاشا ، پیرعلی بک گبی امراده اسیر اولدی . قاضی برهان ، سونجندن عادتا باییلدی .

حاجی شاد کلدی پاشانک آدی ، حکومتی ، سلاله سی تورکیه تاریخنده اصلا یری اولمایان مجهول شیلردی . او قدر مجهولدی که بونلرک

وارلغی ادا ایتک نیله امکانسزدی .

حاجی شاد کلدی پاشا وپدری قوتلو شاه ، کندی زمانلرده
آنادولونک اورتاسنده آدرلی ، وقعه‌لری ، اثرلری پک‌مشهوروتاریخی
برر شخصیت ممتازه ایکن مع‌الاسف تورکیه تاریخی ، عثمانلی مورخلری
طانیایوردی . بولری عالم تاریخه طانیدان ، مدفنلری ، سلاله‌سی
بولان عاجزلری اولدی .

عاجزلری ، استانبولده تتبعات تاریخیه ایله اشتغال و کتبخانه‌لرده
تاریخه عائد اثرلری صیراسیله مطالعه ایتدیکم زمانلرده ابتدا اسعد
افندی کتبخانه‌سنده (بزم‌ورزم) اله کچدی . مطالعه ایتدیکه حیرتم
آرتدی . تورکجه مزه خلاصه ترجمه ایدوب آلدیم .

صوکر اوسنه اماسیه کی‌دوب تره‌لری تدقیقه قویولدیم . نهایت خلقت
غازی تره‌سنگ قارشیسنده ، قاضیلر تره‌سی اتصالیانده ، خلقت مزارلغناک
منتهای شرفیسنده کی تره‌دن شبه‌لندیم . چونکه اوکنده بولونان قاضی
چشمه‌سی اوزرنده شوکتبه واردی :

« عمر و بناهذه العین المبارکة فی ایام الدولة الامیر الکبیر الحاج شاد
کلدی پادشاه [۱] دام دولة العبد الضعیف محمد بن عماد بن محمد القاضی باماسیه
احسن الله الیهم سنة تسع وسبعین وسبعمائنه »

بو تره‌بی آرارکن یانمده رفیق جانم حسن شوقی ، یازی معلم
خطاط مشهور مصطفی صبری . کورجی عثمان افندی زاده محمد رشدی
افندیلر واردی . قبرک زمینی طاش و طوپراقله دولمش ، ایچنده بولونان

[۱] پادشاه لفظی آماسیه ابحاق آماسیه تاریخی تنقید ایچون کیتیش اولدیغی
ظنی ورن (اسماعیل حق پک) برادریمز (پاشا) قرائت ایتشدور . حال بوکه قبرنده
پاشا بوراده ، پادشاه یازیلدر .

قبرلر بلیرسز اولمشدی . اورالری آیقلاقدق . اورتاده تصادف ایدیلن
قبرك اوزرنده شو كتاهلری بولدق :

« هذه تربة الامير المرحوم المغفور السعيد الشهيد المقتول زين الحاج الحاج
شاد كلدی پاشا بن قطلو قد انتقل الى رحمة الله وغفرانه سنة ثلاث
وثمانين وسبع مائة »

حتی باش طاشنده خطاط مصطفی افندی « قد انتقل الى رحمة الله
وغفرانه » فقره سنی او قورکن عاجزلری، آیق طاشنده مطلقاً « سنة ثلاث
وثمانين وسبع مائة » یازیلی اولاجقدر ، دیدم . عیناً بویله او قودینی آنده
رفیقلرم حیرت ایتشلردی .

بعده استانبوله دوندم . کیدوب دونوشم (۱۳۱۱) سنه سنده ایدی .
صوگرا (۱۳۲۷) سنه سنده رفیق وجدانم بروسه مبعوثی مرحوم (محمد
طاهر بك) له كتبخانه عمومی به كیتمشدم باش حافظ كتب فاضل محترم
« اسماعیل حق افندی » برادریمز جارا الله افندی كتبخانه سی كتابلرندن
« كتاب الاسئلة والاجوبة » آدی بر رساله فارسیه بی آل سكا بر آماسیه لی
دیهرك بزه کوستردی .

بورساله نك دیباجه سنده یازیلی اولدینی اوزره محمد بن محمد اقسرای
طرفندن آماسیه امیر کیری « الحاج سیف الدنیا والدین شاد کلدی پاشا »
نامنه یازیش بر اثر فقهدر . دیباجه سنی در حال قوپه ایدوب آلام .
امیر مشار الیهك ترجمه سنه علاوه ایتشدم . حیفا که « ۱۳۳۱ » سنه سنده
طاش موصول حریقنده یاندی . كتبخانه جارا الله افندی ده ملت
كتبخانه سنه نقل ایدیلدی . اوكتابی آرادم . مع الاسف بولامدم .
فاتح جوارنده ملت كتبخانه سنده « ۶۰۳ » نومروده مقید « كتاب

الدرر المنثورة» ومؤلفی حداسنده «عزالدین محمد، بن محمد الاماسی یازیلی
اثرک برنجی صحیفه سی ظهرنده زعفرانی مرکبه قالینجه و کوزلجه بر
ثلث قلمیله شویله یازیشدر .

«تألیف العبد الفقیر الی لطف الله الغنی الموسوم بعز الحنفی عفا الله عنه
وعن اسلافه برسم الخزانة المعمورة للجناب العالی المولوی العاملی مربی الملوك
والسلاطین الحاج شادکلدی پاشا اعز الله تعالی انصاره ودولته»

بوکتاب، ایکی قسم اولوب برنجی قسمی، فقهه عائد بر متن متیندر .
عرب لسانیله یازیشدر . بوقسمک دیباجه سنده مؤلف شویله یازیور :
«وكان من خصه الله تعالی بالعلی واوتی من الفضائل بالقدرین
الرقیب والمعلی مشهوراً بالعدل والانصاف عادلاً عن طریق الجور
والاعتساف اعنی به میامن الملك الامین مربی الملوك والسلاطین الحاج
شادکلدی پاشا ادام الله دولته»

ایکنجی قسمی اصول فقهه عائد بر متن وجیز اولوب فارسی لسانیله
یازیشدر باشلانغیجی شویله در : «الحمد لله الذی شرفنا بالاسلام و عرفنا
دقایق الحلال والحرام والصلاة والسلام علی نبیه محمد سید الانام وعلی
آله واصحابه انجم الظلام اما بعد چون آفرید کار سبجانه و تعالی تحت مملکت
وسریر سلطنت رابسلطان معظم عادل بهاء الدنیا والدين علاء الاسلام
والمسلمین ظل الله فی العالمین اعلم الملوك اعدال السلاطین خلد الله ملکه
وسلطانه بیاراست و عرصه عالم رابعدل و رأفت و عاطفت و مرحمت
او از ظلمت پیراست

«بحکم برکات این خصال حمیده و افعال پسندیده نور علم دینی
ومباحث یقینی در روح مطهر و نفس منور او پیدا شد و در وقوف مضایق

ومعضلات ومقامات مشکلات غایات وصاحب آیات و نهایت کشت
چون علمهء دینی و مباحث یقینی غوص فرمود در علم اصول
رکن مشارالیه و قطب مدار علیه کشت و بحری رسید که علماء زمان
وفقهاء بامیان برهان در حضرت اوقاصر می شدند و بعجز اقرار می نمودند
وبعد از آن در علوم فروع که تعلق با حکام دقایق حلال و حرام دارد
شروع نمود .

و چون این داعیء مخلص برای بازگاہ مبارک او کتابی در علم اصول
ساخته است خواست که تا کتاب دیگر در علم فروع هم بسازد. پس روی
جنان نمود که این دویست پانزده مسئله که اهل روزگار دلان مناظره می
کنند آنرا مخلص کنند و بالقاب مبارک مزین گرداند درین باب ساخته
و پرداخته شد.»

بو ایکنجی قسمک صوکنده «تمت الکتاب الدرر المنثوره والحمد
لواهب الالباب یوم الاثنین وعشر شهر الرضان سنه ثلاثین اربع وثمان
مائه وصلى الله على سيدنا محمد واله اجمعين» یازیلیدر.

بو کتابی یازان تعلیق نویسک شو پریشان عباره سی دلالت ایدیورکه
«کتاب الدرر المنثوره» نك استنساخی «۸۳۴» سنه سی رمضانک اونجی
یازار ایرتسی، یاخود اون ایکنجی کوننده تمام اولمشدر .

کذلک شوفارسی دیباجه دلالت ایدیورکه سلطان معظم بهاء الدیناوالدین
«الحاج شادکدی» پاشا علم اصولده ارکان علمادن، قطب المحققین، متبحر
برذات ایدی. بوذاتک نامنه عصرنده علمانک مناظره واختلاف ایتدکری
ایکیوزاون بش مسئله اصولیه حقنده بو کتابی یازمشدر .

بو «کتاب الدرر المنثوره» بی کاتب چلبی دیمکه مشهور فاضل مصطفی

افندی ده کورمش، انجاق بونی «امیر کبیر الحاج شادکلدی پاشا» نک تألیف
ایتدیکنه ذاهب اولاراق «کشف الظنون» ک علم فقه قسمنده بو کتابی
ذکر ومؤلفنی «الحاج شادکلدی پاشا» ديه اراؤه ایتشدرد.

قیود وقفیه اداره سنده موجود اولان «جلال الدولة والدين بايزيد
پاشا بن الصدر الموقر یحیی» بکک ١١ ذی الحجه «٨٢٠» تاریخلی وقفیه سنده
شو صراحتلر واردر : «وجميع الحصص المنتقلة الى الواقف المشار اليه
من الامير المعظم والدستور المفخم نور الدولة والدين حمزه بيك بن
الامير یحيا ادام الله اقباله والست الكريمة العفيفة الجليلة المحترمة ستي
خاتون بنت الامير الكبير مصطفى بيك والست المكرمة بنفسه خاتون
بنت عبده»

«وجميع الحصص المنتقلة من حمزه بيك وستي خاتون وبفسه خاتون
المذكورتين وذلك ايضا جميع ثلثمائة سهم وثلاثة وعشرين سهما من اصل
ستمائة سهم واثنين وسبعين سهما من جملة نصف الحمايين الزوجين المتلاصقين
ظاهرا المدينة المرقومة المشتهر باسم المرحوم الحاج شاد کلدی» (دفتر
مجدد اناطولی ١٩ صحیفه ٢٤٥)

وصدر مشاراليهک اواخر صفر (٨٢١) تاریخلی وقفیه سنده «وذلك
جميع الحصص المنتقلة اليه من الستين المكرمتين العيفيتين جاني خاتون
بنت المرحوم محمد بك وهي كانت زوجة المرحوم مصطفى بيك بن بکربکی
و سلطان خوندي خاتون بنت عيسى بيك بن مصطفى بيك المذكور»
(دفتر ١٩ ص ٢٤٨)

بونلردن باشقا حاجی شادکلدی پاشایه، پدری حاجی قوتلو شاهه،
دهدمسی کورت بکه، بونک پدری قایی بک بن بوشاق بکه و بونلرک

بولدیغم صوك اولادینه عائد قیود و معلومات تاریخیه وارددرکه بونلر اوزون و پك یوروجی امكلامك محصولیدر. یالکیز بونلرایچون برجله یازمالیدر. بوکاده وقت ونقدك مساعده سی یوقدر.

شوقدر ادله صریحه اثبات ایدیورکه حاجی قوتلو شاه ومخدومی حاجی شادکلدی پادشاه ، اماسیه ده مستقلاً امارت و حکومت ایتش برز یوکسك سیادر. اماسیه ده حاجی قوتلو شاه طرفندن تأسیس ایدیش برامارت وحکومت مستقله واردر. بوامارت مستقله ، قرمان امارتندن یوکسك، صاروخان، گرمیان، آیدین امارتلرندن داها بوبوك، داهاقوی، داها ملیتپرور، داها نافذ الکلم ایدی .

بوامارت مستقله نی، حکمدارلری نی، بکلری نی وبونلرك اولادنی اماسیه واماسیه لیلیق شرفه ایجادیدن اماسیه مورخی دکلدر. اماسیه مورخنك یکانه خدمتی ، آماسیه ده شانلی صورته ده حکومت ایتش ، صوکرادن آدی، صانی اونوتولمش برحکومت وامارت مستقله نی؛ بونی قورائلری، پاشا تائلری — آنجاق برسائقه حمیتله هیچ بر طرفدن الك اوافق برحایت ومعاونت کورمکسزین، خاصه بو اوغورده بوتون وارلغنی صرف ایده رك — بولوب میدانه چیقارماقدیر .

بایزید پاشانك وفقیه لرندن عیناً نقل ایتدیكم شوقدرلر ، پك آچیق کوستریورکه (حاجی شاد کلدی پاشا) کندی عصرنده (بکلر بکی) عنوانیله مشهور ایدی . اماسیه ده الیوم (آلاجه حمام) دینیلن چفته حمامده بایزید پاشا دورنده (حاجی شادکلدی حمامی) دییه آکیلردی . بوحامك اسهام معینه سی بایزید پاشایه ییجار اوغلو حمزه بکله حاجی شاد کلدی پاشازاده مصطفی بکک کریمه سی (سنی خاتون) وزوجه سی

(بنفشه خاتون) دن انتقال ایتشدی . بوحام حاجی شاد کلدی پاشایه سلجوقیلردن ارثاً انتقال ایله مشدر . شمديکي آدی اولان (آلاجه حامی) ده ینه حاجی قوتلوشاه سلاله سندن شادی بك زاده (آلاجه یحیی بك) ك اداره سنه [۱] كچدیكنندن دولای تسمیه ایدیشدر . حاجی شاد کلدی پاشانك زوجه لرندن لادیكده مدفون صاحب الحال (السید احمد الكیر الرفاعی) کریمه سیله سلطان ارتنا وزیرى (خواجه علی شاه) ك کریمه سی معلوم اولاییلدى . آنجق بونلك آدلری آکلاشیلامادی . سید احمد رفاعی کریمه سندن تولد ایدن مخدومی . (سیدالدین محمد بك) کندیسندن اول وفات ایتشدی . دیگر مخدوملری فخرالدین احمد ، مصلح الدین مصطفی بکلردر .

حاجی شاد کلدی پاشانك جاریلری و کریمه لری واردی . کریمه لرندن صفاپاشا خاتون ، معصومه خوند خاتون ، بولاشاه خاتون ، جهان شاه خاتون معلوم اولاییلدى . انشته لری شیخ زاده (شرف الدین عثمان پاشا) ایله علی شاه زاده (تاج الدین ابراهیم بك) معلومدر . دامادلری عمزاده سی مبارکشاه ایله یجار زاده سیف الدین یجار ، سنقور زاده جمال الدین یخشی بکلرده معلومدر .

حاجی شاد کلدی پاشانك اوچ وزیرى مشهوردر : برى نیکسار امیری طوغان شاه اوغلو سراج الدین محمد بك ، دیگرى انشته سی الحاج شرف الدین عثمان پاشا ، اوچنجیسی طورومطای زاده سراج الدین محمد چاپی در . قاضی عسکرلری پیر نظام الدین محمود جرجانی ، جمال الدین محمد آقسرائی در . شیخ الاسلامی مقامنده اولان نظام الدین عبدالملک

[۱] آلاجه یحیی بك ، ایکنجی سلطان یازیدك قاین برادریدر .

نخجوانی ، عزالدین محمداماسی پک مشهور ایدی .

اك بويوك سردارى بابوقشاه زاده علاءالدين على پاشادر . بونك پدى اولان (عمادالدين اسن بك) ده اوائل امارتنده سردارى ایدی . عمادالدين اسن بك ، حاجی شاد كلدی پاشاك قاين پدى اولديغی ظن اولونمقده در .

حاجی شاد كلدی پاشا ، اوزمايه كوره نادرالوجود بر امير فاضل ، علميله عامل ، تبعه سینه قارشى عادل ، خلق اداره سنی بیلیر بر حکیم کاملدی . کندیسنی علما ، امرا ، مشایخ و خلق پک سوهردی . یرینه كوره شمس الدین ، سیف الدین ، بهاء الدین لقبیلرله یاد اولونور ، محبوب القلوب اولمش بر ذات ایدی .

حاجی شاد كلدی پاشا ، امارتك سعادت حالنه ، انكشاف اقبالنه اك زیاده خدمت ایتمش بر ذات ایدی . هر طرفدن جلب ایتمیكى علما ، فضلا وارباب صنایعی اولانجه قوتيله حمایه ایدردی . اماسیه شهرى ، زماننده يوكسك بر دارالفنون اولمش ، اك بويوك عالمیر ، ادیبیلر يتيشدير مشدر . بونلر ، اماسیه تاريخنك تراجم قسمنده كورولور .

حاجی شاد كلدينك سرکاتی ، آنادولو خطاطلرينك پیری ، ارغون کاملی تليندی اولان (يحيى الرومى) پک مشهوردی . بونك تليندی اولان مصاح زاده (جلال الدين عبدالرحمن چلبی) مشاهیر علما و خطاطیندن اولمشدی .

حاجی شاد كلدی پاشا ، غیایه ، خلفیه ، طرمطایه ، انابکیه مدرسه لرینه علاوه بر مدرسه ، مقابلنده بر زاویه و بونلرک اورتاسنده بر جامع شریف یاپدير مشدی . زاویه سنده اقامت ایدن (الشيخ صنع الله

الخلوتی (وقفیه سنده بوجامع شریفك) حاجی شاد کلدی جامعی (دیمکله مشهور اولدیغی کورلمشدی .

۸۴۷ سنه سنده وقفیه سنی تنظیم ایتدیرن صنع الله خلوتی ، سراجلر شیخی ، دباغلر شیخی دییه مشهور ، مؤخرآ جامع شریف مذکورده جوارنده یاپیلان سراجخانه یه مضافاً (سراجخانه جامعی) و (سراجلر جامعی) دیمشدر . بونک جوارنده اولان حاجی شاد کلدی حمامنه (آلاجه حمامی) دیندیکی کبی .

(فخرالدین احمد بك)

عزیز استرابادینك (بزم و رزم) نده « امیر احمد بك » ، اوراق رسمیه ده (دواتدار احمد پاشا) حسام الدین کاتینك قلمیه (امیر معظم فخرالدین احمد چلی) دییه مشهور اولان مشارالیه ، حاجی شاد کلدی پاشانك ایکنجی محدومیدر . پدرینه زمان حکومتنده (دواتدار) اولدیغی مناسبتله (دواتدار احمد پاشا) دیمشدر .

امیر فخرالدین احمد بك ، پدرینك صورت معلومه ده ارتحالنی متعاقب تور حالدده ارکان دولتك اتقاقیه (۷۸۳) سنه سی رمضانده امامیه تختنه اجلاس ایدلدی . امامیه امارت مستقله سنك اوچنچی حکمداری اولدی . والده سی خواجه علی شاهك کریمه سی ، کندیس ده قسطنونی حکمداری یازید بکله بابوقشاه اوغلو علی پاشانك دامادیدر .

امیر احمد پاشابك معاصر لری شونلردی : عثمان ایلی حکمداری خونکار مراد بك ، قرامان ایلی حکمداری علی بك ، قسطنونی

حکمداری بایزید بك، جانيك وصامسون امیری تاج‌الدین بك، قرا
حصار شرقی امیری ملك احمد بك، ارزنجان امیری طایر تن بك،
سیواس امیری قاضی برهان‌الدین احمد چلبی.

خونكار مراد بكك نفوذی، آنقره یولیه آنادولونك ایچنه دوغرو
کیرمشدی. بوندن ایلک اوکجه استفاده ایدن اماسیه امارتی اولمشدی.
دیگر لرینك نفوذی یالکیز امیر اولدقلری ولایتله منحصر دی. قیصریه
امیری ارتنا زاده جعفر بك، یالکیز امارت عنوانسه قانع، کندی
ذوقیه مشغولدی. ولایتی اداره ایدن عمر بك زاده جنید بکدی [۱]
جنید بك، قاضی برهانك عدو اکبری، اماسیه امیری احمد بكك
محب خالصی ایدی. قسطنیونی حاکمی بایزید بك، احمد بكك هم‌قاین
پدری، هم‌ده متفق ایدی. ملك احمد و تاج‌الدین بک‌لر، اوتهدن بری
اماسیه امارتنك نفوذینه منقاد ایدیلر. توقاد امیری (شیخ نجیب بك)
ذاتاً حاجی شاد کلدی پاشا طرفندن نصب ایدیلشدی.

قاضی برهان‌الدین، کندیسنه اك زیاده معارض بیلیدیکی و صوك
درجه حسد ایتدیکی حاجی شاد کلدی پاشای یالکیز بولوب اولدورمکله
جهانگیر اولمش کبی سويچندن بریره صیغماز، نه یاپدیغنی بیلمز اولمش،
هر طرفه ظفر نامه لر داغیتمش، کندیسنه (سلطان) عنوانی ویرمشدی.
حاجی شاد کلدی پاشا کبی فاضل، عادل بر امیر نادر الوجودی
قتل ایتدکدن صوکره قدر شناسلق کوستروب جسدینه اولسون حرمت
کوستره چکی رده پاشانك باشنی کس دیروب سیواسه، بعده ارزنجانه

[۱] جنید بك، بعض قرائ تاریخی دن حقاله امیری سوندوك بك زاده
عمر بكك مخدومی اولدیغنی ظن اولونور. عمر بك‌ده قیصریه والیسی اولمشدی.

کوندردی . پاشانك جسدینی الندن کلدیکی قدر تحقیر ایتدیردی .
 قاضی برهان ، ایکی دورلو شیطنت یاپدی . هرایکیسندنده
 اومدیغی قدر - ولوموقت اولسون - ثمرات نافعہ کورمشدی : برنجیسی
 حاجی شاد کلدی پاشانك مقتول اولدیغی برفرقه عسکریه یه غلبه سنی ،
 حاجی پاشانك بوتون اوردوسنی تارومار ایدهرک غلبه کامله شکنده
 کوستردی وهرطرفه یاپدی .

بوندن مقصدی توقادامیری شیخ نجیب بکی استیانه مجبورایدوب
 بوتون توقاد ولایتی حرب ایتمکسزین آله کچیرمک ، قرا حصار شرقی
 وارزنجان امیرلری اولان ملک احمد و طایرتن بکلری کندیسنه جذب
 ایتمکدی . حاجی شاد کلدی پاشانك کسیک باشنی ارزنجان کوندرمه سی ده
 بوفکره مبنی ایدی .

ایکنجیسی اماسیه ده حرب طرفداری اولمیان علما و امرایه خطاباً
 آچیقدن تشکرنامه یازوب اماسیه امیرینک اننه کچه جک بر صورتده
 انلره کوندرمش ، بومزور مکتوب ده دواتدار احمد بک اننه کچمشدی .
 بوندن مقصدی ده اماسیه ارکانیله امیری آراسنه تخم فساد اکوب
 امیری وهمه ، ارکانی ده مشکل موقعه دوشورمک ، حرب طرفداری
 اولمیان رجالی یا اماسیه دن فراره مجبورایتمک ، یا خود بربرینه دوشوروب
 منازعات داخلیه ایقاع ایدهرک اماسیه بی استیلا ایتمکدی .

قاضی برهانك امر و تنسیبی اوزرینه یازیلان (بزم ورزم) نده
 بری غایت آچیق ، دیکری قاپالی بر صورتده بوایکی دسیسه و شیطنت
 کورولوب سزلیکده و آثاریخی کوسترمکده در .

بومزور مکتوب اوزرینه قاضی عسکر جمال الدین محمد آقسرائی ،

فضلاڊن عز الدين حسن چلبی قونیہ یہ ، مفتی عز الدین محمد ، قاضی مؤید الدین محمد چلبیلر حجازہ ، کبار فضلاڊن جلال الدین محمد بن رسول مصرہ ، اقسرای زاده علاء الدین علی ، مرزیفونی جمال الدین صفر شاہ چلبیلرہ امرادن یازارلی زاده جمال الدین فیروز بک روسہ یہ کیتمشلردر .

حال بوکہ بونلرک هیچ بری ده نه قاضی برهانک طرفداری اولمش ، نه ده آنکله مناسباتده بولونمش دکلردی . فقط : دردلیخی آکلاته - میه جقلردی . ییاشلری کسپله جک ، یاخود فنا حالده منکوب اولاجقلردی . بوندن دولایی فراره مجبور اولمشلردی .

بونلرک فراری اوزرینه کبار فضلاڊن مولانا (جمال الدین یوسف) بن اخی حسین النکیدی قاضی عسکر ، مولانا (عماد الدین یوسف) بن خلیل المملطی امامیہ قاضیسی ، مولانا (سعید الدین موهوب) بن الزیاری ، مقام فتواده قائم اولدی . کبار مدرسیندن (فخر الدین عثمان الترکانی) قاضی یه نیابت ایدیوردی .

تور حالده اوطوروب قاضی برهانک احوالی ترصد ایدن امیر فخر الدین احمد بک وارکان حکومتی ، قاضی برهان ایلہ قطعی بر محاربه ایتمکه عزم ایتمشلردی . آنجاق بر فرصت زمانی قولایورلردی . اسیر ایدیلن علی پاشا وپیر علی بکله مخبره ایده جک وسائطی بولمشلر ، انلره لازم کلن تعلیماتی وریورلردی .

قاضی برهان ایسه غلبه نشئه سیله قاز اووادن در حال دونوب مظنن بر صورتده توقادشهرینه کیرمش ، حاجی شاد کلدی اوردوسنک تمامیلہ تارومار اولدینی اشاعتندن اورکش اولان (امیر شیخ نجیب)

استقبال ایدرهك حقیقت حاله واقف اولانه قدر قاضی برهانه نماشات
ایتمکه مجبور اولمشدی .

لاکن قاضی برهانك میدان محاربه دن درحال دونوب توقاده
کله می ، حاجی شاد کلدینك کیری ده بیراقدینی قوای کلیه سیله تماس
ایتمکدن چکیندیکنی پك آچیق کوستریور ؛ کندیسنه معارض اولان
بکلری کندی علمنه تشجیع ایدیوردی .

ازجمله سیدی حسام بك ، اسیر اولان بکلرله شیخ نجیب ، اخى
نوروز ، فریدون ، بنی بکلرك باشنه کچوب قاضی برهانك کوستریشرینه
وسوزلرینه اصلا آلداناملرینی واماسیه بکی امیر احمد بکك قوت
وسطوتی اخطار ایدرهك بونلری قاضی برهانك علمنه اتفاقه دعوت
ایدیور ویدیوردی که :

« حاجی شاد کلدی ، اختیار بر ذات ایدی . وفات ایتدی . اللهه
حمد اولسون ، کنج و کورپوز براوغول بیراقدی که ارلکی ، یکیتلکی
کندیسندن قات قات یوکسکدر . اولوس ، قیصریه ، ارزنجان بکلرله
جانیتلی (جانیکلی) تاج الدین بك وسائر اوج بکلری و بویوکلری
آنکله اتفاق ایتمه لیدرلر » [۱]

سیدی حسامك مقصدی ، حاجی شاد کلدینك وفاتنده اسیر اولان
بابوقشاه زاده علی پاشانك نیابتی آلتنده ارتنا زاده محمد بکی تحت

[۱] بزم و رزم ، بونی شویله تعبیر ایدیور : « می گفت که اگر چه حاجی
شاد کلدی که مرد پیرو سال خورده بود وفات یافت احمدلله پسری جواز و جوانمرد
خلف گذاشت که بشجاعت و مردانگی اضعاف و آلا ف است و امرای الوس و قیصریه
و ارزنجان و تاج الدین جائیتی و دیگر زحمای اطراف باو اتفاق دارند »

امارتہ اجلاس ایتک وکندیسی ده وزیر اولمقدی . بومقصدهك حصولی،
 بوتون امرایه نسبتله اكقوی و ذی نفوذ اولان اماسیه امیری احمد بکله
 اتفاقه باغلی ایدی . علی پاشاده امیر مشارالیهك قاین پدریدی .

سیدی حسام ، بومقصده ایرمك ایچون اوزون زمانلره انتظار
 ایتك لازم کلدیکینی آکلادی . دها کسديرمه اولارق بومقصده اك
 بویوك انكل ودوشمن اولان قاضی برهانك وجودینی اورتادن برآن
 اول قالدیرماق یولنی آرادی .

بونك ایچون قاضی برهانی دوستانه بر صورتده توقادك خارجنده
 بر باغه دعوت واوراده افنا ایدیله سنی آرقاداشلرینه قبول ایتدیردی .
 بونلر ، قاضی برهانك قیلیج آرسلا نه اوینادینی او یونی قاضی برهانه
 تطبیق ایده جکلردی .

فقط قاضی برهانك هر طرفده خفیه لری واردی . کنديسنه ایدیلن
 دعوتدن خویلا ندی . قیلیج آرسلا نه یاپدینی فناق خاطرینه کلدی .
 صوكره دعوتك لدنیاتنه ده واقف اولدینی حالدہ سزديرمدی . اتفاق
 ایدن امرایی برر صورتله تلطیف ایده رك یكدیكرندن آیرماق یولنی
 طوتدی .

متفق بکلردن بابوقشاه اوغلو علی پاشایی نزدینه دعوت وکوزل
 سوزلرله ، بویوك احسانلرله تلطیف ایده رك کنديسنی عفوایتدیکنی،
 ایسته دیکی زمان وطننه عودت ایده بیله جکینی بیان ایتدی . علی پاشا،
 حاجی شاد کلدینك بوتون مخلفاتی ایسته دی . قاضی برهان بلا تردد
 ویردی .

بوئانده توقاد امیری حقیقت حاله واقف اولوب قاضی برهانه قارشى

وضعیت آلمش ، متفق بکارله ترتیباته باشلامشدی . متفق بکار قاضی برهانك ضلعفی آکلادقلری آنده بر فرصتی بولوب عسکرینه بر باصقین یابدیلر . قاضی برهانك عسکرینی داغیدوب کندیسینی اسیراتمکه رفق قالمشدی . قاضی برهان ، نك باشنه قاچوب جانی قورتاراییلدی . قاضی برهان ، بوباصقیندن صوکر اوردوسنی توقادشهرندن قالدیروب خارجنه چیقدی . امیر شیخ نجیب ده قلعیه تحصن ایدوب قاضی برهانی شهره یاناشدیر میوردی . قاضی برهانك قلعه یی محاصره وتضیق ایده جك نه قوتی ، نه ده آلات وادواتی یوقدی .

قاضی برهان ، بالضروره توقاد اوکندن ده قالقوب آرتق آباده کیتدی . بر طرفدن سیواسه یازوب یکی عسکرایسته دی ؛ دیگر طرفدن خواجه یاقوت یکی توزحاله امیر احمد بك زدینه ایلچی کوندردی . قاضی برهان ، امیر احمد یکی پدرینك انتقامی سوداسندن واز کیرمکه چالشیور ، اماسیه ولایتنه قناعت ایده رك دونوب آماسیه کیمه سنی توصیه ایدیور ، کندیسینی ده سیواسه کیده جکینی بیلدیر میوردی . ایلچی خواجه بك ، امیر احمد بكک ایل دکلدی . قاضی برهانك بوتکلیفاتندن عجز ورجاسی آکلاشیلدی . امیر احمد بكک ثبات و متانت کوسترمه سی ، قاضی برهانی قیزدیردی . یکی آلدیغی قوتله امیر احمد بكک اوزرینه یورودی .

اماسیه امیری احمد بك ، قاضی برهانی عسکريله قارشیلادی شدتله چارپیشدی . فقط هرایکی طرفده ضایعاته دوچار اولدی . نه قاضی برهان غلبه ایده بیلدی . نه ده احمد بك مغلوبانه دوندی .

لاکن قاضی برهان ، احمد بکه قارشی قطعی بر غلبه تأمین ایده .

میه جگنی آکلادیغندن خواجه بکه مقدا یادیغنی تکلیفاتی تکرار ایتدی . احمد بك ، بونك اوزرینه تورحالدن دونوب چنكل موقعنه قدر ككشدی .

بوراده مقدا امیر فخرالدین احمد بكك طلب ایتدیكى قسطمونى قوه امدادیه سی اسفندیار بكك اداره سنده اولارق هنوز كله یلمش اولدیغنی كورولدی . اسفندیار بك ، امیر احمد بكك قاین برادری اولوبوردی . یوكسكدن آتوب طوتارق احمد بكی دوندوردی . امیر احمد بك ، كندی عسكرنی كوزلجه ترتیب ایدرك اسفندیار بكك عسكریله چنكل موقعندن كیری دوندی . قومنا اوزرندن تورحاله ككدی . قاضی برهانك مغلوبیتنى اوزله یں سیدی حسام ، بوخبری درحال قاضی برهانه یتیشدیردی .

قاضی برهان ، بوخبر اوزرینه دونوب قاز اووايه ككدی . احمد بكك تورحاله ككدیكنی دویونجه تورحال اوزرینه یورودی . تورحال جوارنده ایكى عسکر بر دها چارپیشدی . لاكن اسفندیار بك ، عاداتا برسیرجی شككنده طوردی . بك نادر اولارق حربه اشتراك ایدیوردی . حرب یاپان اماسیه عسكریدی .

احمد بك ، اسفندیار بكك قوه امدادیه سندن بر خیر ومنفعت اولامیه جغنی جزم ایتمش ، قاضی برهانده اولدقجه زده لشمش ، حربه دوامدن بر فائده اولمادیغنی آكلامشدی .

بونك اوزرینه هرايكی طرفده ثانیاً اوزلاشدی . احمد بك ، اسفندیار بکه برابر دونوب اماسیه یه ككدی . قاضی برهانده زیله یه

کیدوب اون کون قالدی . صوگرا بورادن ده قالقوب سیواسه کیتدی .

چونکه قاضی برهان ، مشاهیر امرادن قوتلوبک زاده احمد بک [۱] حوالی سیواسی اوروب یاغما و سیواسی تهدیدایتدیکنه دائر فریاد نامه لر آلمشدی . حربیه دوام ایده مدیکنک بر سبی ده نوایدی .

اماسیه امیری فخرالدین احمد بک ، (۷۸۳) سنه سی او اخرنده اماسیه یه امیرانه کیردی ، اسفندیار بکی قیزلر سراینه ایندیردی . عسکرین ده لازم کلن یرلره یرلشدیردی . حربک آچدینی یاره لر ی صارمغه چالیشدی .

بوجار به ده (قاضی برهان) اماسیه امارتندن هیچ برشی قازانامادی . آنجق حاجی شادکلدی پاشانک قتلندن استقلال قازاندی . فقط اماسیه امارتنک ضایعاتی مهمدی . حاجی شادکلدی پاشانک ضیاعی ، ضایعاتک اک بویوکی ایدی . صوگرا سینوب ولایتی ، احمد بک قاین پدری بایزید بک اداره سنه کچدی . جانیک وصامسون امیری تاج الدین بک ، کندی باشنه حرکت ایتمکه باشلادی .

فضله اوله رق اسفندیاربک ، اماسیه ده یرلشوب او طور مقده ایدی . بونک طول اقامتی بایزید بک اماسیه و ملحقاتی استیلا ایده جکنی احساس ایدیوردی . عثمانجق امیری بکلر اوغلو (محمود بک) اماسیه امارتنی طانیماور . بایزید بکه اطاعت ایدیوردی .

امیر احمد بک ، بر طرفدن قاضی برهانک ، دیگر طرفدن جانیک بکی تاج الدین بک تجاوزات و دسبایسندن بیزار اولمشدی . قاضی

[۱] بواحد بک ، اق قیونلو قبیله سی رئیس اولان احمد بکدر .

برهانك تشويقاتنه قاپلان (جاوون قار، چوتقار » اوغللرينك داخلده غارتكرانه واشقيا واري حركتلري امارتي داها زياده دوچار ضعف ايدييوردى .

احمد بك ، عاقل و دوربين بر ذات ايدي . پدريك وزيري اولان طور مطاي زاده سراج الدين محمد چلي ، حريدن مجروحاً كلكشدى آنى مقام وزارتده ابقا ايتدى اماميه امراسنك اك اختياري اولان خلقت زاده « علاء الدين على » بكي كنديسنه مستشار و معين اخذ ايتدى .

احمد بك ، كندى قاين پدرندن معاونت و حمايت بلكر كن امامسيه يي استيلايه قيام ايتمه سنه بك زياده قيزيوردى . اسفنديار بكك امامسيه دن كيتمه سى ، مشاراليه ي بك بيزار ايدييوردى . چونكه هر طرفدن باش قالديران باغيله قارشى قوت كوندرد . ميوردى .

مستشار امارت على بك ، وقتيله آنقره ده سكرزيل او طور مش ، عثمانى توركلرينك قوتى ، پادشاهلرينك سيرت و فعاليتنى كوروب بك زياده بكه نكشدى . كرك قاضى برهانه و كرك قسطنونى اميرينه وسائر بكاره قارشى عثمانليرك نفوذ وسطوتلرينى كافى كورويوردى .

احمد بك ، على بكك توصيه ايتديكى عثمانلى قوتنه التحاق و استناد ايتديكى تقديرده هم كنديسنك رقباسى تجاوزاتندن امين اولاجغنى هم ده اوروپايه قارشى توركلينكى تقويه ايدجكنى بك كوزل آكلايور . مصر حكومتته مراجعت ايتمكدنسه عثمانلى دولتلك حمايه سنى قبولى اولى كورويوردى .

احمد بك ، بوامر مهمك بر آن اول حصولنى آرزو ايدييوردى . اركان دولتى اولان عمزاده سى سليمان شاه اوغلو قوتلو ، انشته لرى ينجو ،

بچار ، طورمطای اوغلو محمد، اتا بك اوغلو عبدالله بكارله قاضى ومفتى ،
كبار علمادان مصلح اوغلو جلال الدين عبدالرحمن كى ذوات، بوفكرى
بك مصيب كورمشلردى .

بونك اوزرينه احمد وعلی بكار ، چكن سنه بروسه يه كيدوب اوراده
فوق العاده حسن قبول كورن اماسيه ليلردن على وصفر شاه چلييلرو فيروز
بكله مخبراته باشلاديلر . اقسرايى زاده علاءالدين على و جمال الدين
صفر شاه ، بك فاضل ، مقتدر ، نطوق ايديلر .

بونلر ، عثمانلى حكمدارى خونكار مراد بكله وزيرى خيرالدين
خليل پاشايه اماسيه احوالى ، بايزيد بكك حركتى ، اسفنديار بكك
اماسيه ده طول اقامتى عرض ايدرك حمايه لرينى طلب ايدوب موافقت
جوابى ده آلمشلردى .

قاضى برهانك تجاوزاتندن مصون اولق ايچون قيصر يه اميرى
ارتنا زاده جعفر ومعينى جنيد بكارده مصر حكومتته مراجعتله ملك
ظاهر بر قوتك حمايه سنى طلب ايتمشلردى . چونكه قاضى برهان ،
بك متجاوز و غدار آدمى .

اماسيه رجالنك مراجعتلرينى لايقيه تقدير ايدن عثمانلى حكمدارى
(خونكار مراد بك) اسفنديار بكى اماسيه دن قالدير مق ايچون
كنديسندن يارديم ايسته ين قسطنطين اميرى بايزيد بك زاده سليمان شاهه
قوت و يروب آنى قيام ايتدير مشدى .

سليمان شاه ، پدرى اوزرينه بورويوب قسطنطين امارتنى ضبط
ابده جكدى . چونكه پدرى كوتورومدى . بوتون امور حكومت ،
برادرى اسكندر بكك النده قالمشدى . اسكندر بك ، يرادريله حرب

ایدزکن مقتول اولدی . بازید بك ، در حال اماسیه ده اولان مخدومی . اسفندیار بکی چاغیردی .

اسفندیار بك ، (۷۸۵) سنه سنده عسکریخی آلوب اماسیه دن چیقدی . قسطنطونییه کیدوب قارداشی سلیمان شاه ایله حرب ایتدی . سلیمان شاه مغلوب اولوب خونکار مراد بکه التجا ایده رك هم کیندی یاقاسنی اولومدن ، همده اماسیه یی اسفندیار بك استیلا سندن قورتارمش اولدی . مقریزی (کتاب السلوك) نده دییورک : « ۷۸۵ سنه سنده سنجار ، تکریت ، قیصریه الروم بکاری طرفندن آدمیر کلوب مملکتلرینک مصر ممالکیندن و کندیلرینک ده مصر بکیرندن ، والیرندن اولمریخی طلب ایتشلردی . قبول ایدیلوب هر برینه طرف سلطانیدن امرلر یازیلدی . تشریفات سلطانیه ارزان بویورولدی . »

اسفندیار بك اماسیه دن قالقوب کیتدیکی آنده قوت بولان امیر احمد بك ، اماسیه یی تهدید ایدن چونقارلرله حرب ایده رك آنلری داغیتدی . بونلرک باشنه کچن بختیار اوغلو (قره دولتشاه) ی قاجیردی . تمورخان اوغلو (قوچ حسین) بکی چوروملو امیری نصب ایدوب اورالری امنیت آلتنه آلدی .

بوندن سوکره دونوب عثمانجغه کلدی . کندیسنی بازید طرفندن منصوب بر امیر صایان بکیر اوغلو (محمود) بکی عثمانجق قالدیروب توقاده گوندردی . برینه برادری (عبده) بکی عثمانجق بکی یاپدی . جانیك و صامسون طرفنرند سر بازانه حرگت ایدن (تاج الدین بك . اوزرینه لادیك امیری قباد اوغلو « علی » بکی گوندردی . صامسون امارتی اكا ویردی . بو صورتله اورالری ده انقیاد

وانضباط آلتنه آلدی . یکی بک ، لادیک امیری اولدی .
چونکه علی بک ، سلطان التونباش مخدومی کيقبادک اوغلودر
تاج الدین بکله ک زیاده معارضه ایدن، چارپیشان برآدامدی آنی شجاعت
و بسالتیه اسکات ایدهرک « قباد اوغلو » ديهاون آلمشدی .
اماسیه امارتی ، بو ائاده اماسیه ، توقاد، چوروم ، صامسون
ولایتلردن عبارتدی . احمد بکک حسن اداره سی پدرینک مقامنه لایق
اولدیغنی کوستردی . نامنه کتابلر تألیف ایدیلهرک حرمت عامه یه مظهر
اولمشدی .

احمد بک دورنده کبار فضالادن حسام الدین حسین البکاتی ، حسام الدین
حسن الحویي ، صدر الدین آرتق الکومشی ، فخر الدین عثمان الترمکانی ،
بدر الدین محمود بن ابراهیم النکساری ، شجاع الدین الیاس بن الکومشی
شیخ القرا حافظ الدین محمد بن خلیل الحباری بک مشهور ایدیلر . بونلردن
مصلح زاده « جلال الدین عبدالرحمن چای » کاتب و موقع دیوان ایدی .
اماسیه مولوی خانہ سی شیخی حسام دده زاده (جلال الدین محمد چای) ده
شایان حرمت دی .

فاضل مشهور حسام الدین البکاتی ، امیر مشار الیهک نامنه تألیف
ایلدیکی شرح مفتاحک ظهرینه شونی یازمشدی : « برسم خزانه الامیر
العالم العادل المؤید المظفر المجاهد المرابط نصره الغزاة والمجاهدين ظهير الملوك
والنواوين فخر الدین احمد چلی اعز الله انصاره وضاعف اقتداره »
مقدما کو پریدن قاچوب البستان و مرعش طر فلرنده سرسریانه
کزن طاشان اوغلو « حیدر بک » بک اختیار اولمشدی . بواشاده
امیر احمد بکه التجا و دخالت ایدرک اولادیلر کلوب کوپری جوارنده

« قوجه قیاسی » حوالیسینده یاراشدی . کوپری امیری ده برادری
« اومور بك » دی .

ینه بو اثناده وفات ایدن زیتون امیری عرب اوغلو زینل بكك
یرینه مخدومی « زکریا بك » کچدی . حقاله بکی محمود بك ده وفات
ایدوب یرینی اوغلو « الحاج محمد بك » طوتدی . تور حال امیری
« مبارکشاه » بن طوغانشاه ، امیر احمد بكك هم یکنی ، همده انشته سی
ایدی .

قاضی برهانك تشویقاتیه حرکت ایدن چونقار اوغلو (کوزلر)
و (اینل) بکدرله کوپك اوغلو (طورسون بك) اماسیه و توقاد
حوالیسینده مناسبتسزلیکه قیام ایتمشلردی . بونلر ، سوق ایدیلن قوتلره
اطاعت ایدوب قاضی برهانك تشویقاتی عقیم قالدی . ۷۸۶

اماسیه امارتنك عثمانلی دولتمه التحاق ایده جکینی دوین قسطمونی
امیری جاندار اوغلو (یازید بك) مخدومی اسفندیار بکی ایکنجی دفعه
اماسیه کوندردی . اماسیه نك قسطمونی امارتنه التحاق ایتمه سنی
دامادی اولان اماسیه امیردن طب ایتدی . اسفندیار بك ده احمد بکی
ارضا واقناعه مأمور ایدی .

۷۸۷ سنه سی اوائلنده اماسیه یه کلن (اسفندیار بك) اماسیه
امیری احمد بکدن فوق العاده عزت و اکرام کوردی قیزلر سراینه
ایندیردی . اسفندیار بكك ایکی دفعه بو سرایده اقامتدن دولانی قیزلر
سرائی کتب چاپی مرحومك دیدیکی گبی (اسفندیار سرائی) دیمکه
مشهور اولمشدی .

اماسیه امیری فخرالدین احمد بك ، وقعه سابقه دن، دولانی قاین

برادری اسفندیار بکدن ذاتاً ممنون و جاندار اوغلنك حمایه‌سنه محتاج اولاجق درجه‌ده زبون دکلدی . بازید بک ، خونکار مراد بکک تضییقاتنه قارشی کنديسنی حمایه‌ایده‌جک بر قوته محتاج ایدی . بونك ایچون جانی صیقيلمشدی . تام بوصیراده کوتوروم بازید بک ، قسطمونیده وفات ایتدیکندن « اسفندیاربک » در حال اماسیه‌دن چکیلوب گیتدی . برادری سلیمان‌شاه‌ایله مکرراً حرب‌ایده‌رک‌تخت امارتی ضبط‌ایده‌بیلدی . احمد بک‌ده بونك ازعاجاتندن قورتولمش اولدی .

قاضی برهان ، هر طرفه تجاوزاتی آرتیردی . کاه قیصریه‌ی‌اشغال ایچون قوتلر تدارک‌ایده‌رک قیصریه حوالیسنه گیدیور . اوروب‌غارت ایده‌رک عودت‌ایدیور . کاه توقاد و اماسیه‌ی ضبطه قیام ایده‌رک هر طرفی اوروب قیریور . هر دورلو دسایسی استعمال ایده‌رک اماسیه امراسنك آرالرینه فتنه‌لر اکیور . اماسیه‌امارتی عادتاً صارصیوردی . اماسیه امیری احمد بک ، جانیک امیری تاج‌الدین و قوتلوزاده احمد بک‌لرله اتفاق ایده‌رک قاضی برهانك تجاوزاتنه قارشی قویماق ایسته‌دی . فقط قاضی برهانك صولتنی بر دورلو قیرامادی . چونکه باشنده اسکی رجال یوقدی . بر امارتی اداره ایدن یالکیز امیردکلدر . بلیکه ممتاز ومدر اولان رجالدر .

دیور یکللی زاده سیياوش چلبی مخدومی شیخ علی یار چلبی ، اماسیه مشایخ و علماسندن اولدینی حالد رسالتله قاضی برهانك نزدینه کونده‌ریلشدی . قاضی برهانك مجلوبی اولوب یاننده قالدی . چونقار بکری اولان (اولو ، سلامش ، کوزلر) دیمکه مشهور بکار عادی بر شیدن امیر احمد بکه کوجنوب قاضی برهانکیتمشلردی .

قاضی برهان، بونلری آیاردوب چونقار عشیرتی تقویه و تشجیع ایدهرک اماسیهنی تهدیدایتمکده ایدی. آنقره دن قاجوب حاجی شادکلدی پاشایه التجا ایدن بختیار اوغلی (دولتشاه بک) قاضی برهان کیدوب تورحان قلعه سنی ضبط ایدهرک قاضی برهان طرفندن امیر اولمشدی . بوندن اول قاضی برهان ، توقادی آلوب شیخ نجیبی اورادن چیقارمش ، سیدی حسامی وقاد امیری نصب ایتمشدی . فقط امیر احمد بک ، سیدی حسامی کندیسنه جاب ایدهرک قاضی برهاندن آییرمش ، صوگرا قاضی برهان بونی ده عزل ایتدیکنندن امیر احمد بکک متفق (امیر شیخ نجیب) توقادی آلدیسه ده قاضی برهان انقیاد ایتمشدی .

خلاصه قاضی برهان ، اماسیه امارتی صوگ درجه تضیق ایدهرک اماسیه نك اطرافنده بولونان قضالره ، قلعه لره ادعای تملك ایتمکده ایدی . نیکسار امیری حاجی بک وفات ایدوب مخدومی (سامان بک) پرینه کچمش ، قاضی برهان تبعیت ایتمشدی . هر حالده عثمانلی حمایه سنك تأخیره تحملی یوقدی .

امیر احمد بکک وزیرى اولان طورمطای زاده سراج الدین محمد چلبی ، عاقل ونطوق بر ذات ایدی . حمایه ایشنی ایلری کوتورمک ، قاضی برهانك تجاوازاتی وایچ آنادولو احوالی خبر ویرمک ایچون بالذات بروسه یه قدر کیتمش ، خونکار مراد بکه عرض کیفیت ایتمشدی . قیصریه امیری جنید بک ده قاضی برهانك شیرینی دفع ایچون هدیه لر ترتیب ایدهرک (۷۸۷) سنه سنده آدم لریله مصره ارسال وملك ظاهر برقوقه شوالک آلتنجی کونده تقدیم ایدهرک قاضی برهان قارشی

حمایه سنی رجا ایدیوردی . (کتاب السلوك)

محمد چلبی ، بروسه دن کلدکدن صوگرا قاضی برهانک نردینه کیدوب مصالحه عقدینه موفق اولدی . قاضی برهانی اوایل امش ، اماسیه امارتی قاضینک تجاوزاتدن بر مدت مصون قلمش ، قوه عثمانیه نك ورودینه قدر وقت قازامش اولدی .

چونکه قرامان اوغلو علی بك ، عثمان ایلنه تجاوز ایدرک نقض عهد ایتمش ، جاندار اوغلو (اسفندیار بك) ده خونکار مراد بكك سلیمان شاهه یار دیم ایتمه سندن دولایی قیزوب سرکشانه حرکاته باشلامش ، خونکار مراد بكك قرامان اوغلیله مشغول اولمه سندن استفاده ایدرک بولی اوزرینه یورومشدی .

تورکیه تاریخنده تفصیل ایدلدیکی اوزره سلطان مراد خونکار (۷۸۸) سنه سنده قرامانیلری پریشان ایتدکدن صوگرا (بزمورزم) ک تفصیلاً بیانی اوزره بولیدن قسطنمونییه دوغریورومش ، اسفندیار بکی حرباً سینوبه قاجیرمشدی .

اسفندیار بك ، یابدیغی مناسبه سز لکه پشیان اولدی . فقط سلطان مراد ، اسفندیار بكك برادری سلیمان شاه قسطنمونی امیری یاپدی . بوندن صوگرا (سلطان مراد) کندی شهزاده سی (ییلدیرم سلطان بایزید) بر فرقه عسکریه ایله قسطنمونیدن اماسیه یه کوندردی .

چونکه قاضی برهان ، اماسیه امارتی تهیدیه قیام ایدرک تورحاله قدر کلشدی . اماسیه امیری احمد بك ، قاضی برهانه قارشی مدافعه ترتیباتیه مشغول اولدیغی ائنده شهزاده (ییلدیرم سلطان بایزید) ک اماسیه یه متوجهاً حرکت ایتدیکنی خبر آلدی .

عثمانجق امیری بکرا اوغلی (عبدالله چلبی) شهزاده (یلدرم
بایزید) بکی عثمانجق حدودنده استقبال ایتدیکی کی اماسیه امیری احمد
بکله اماسیه اعیانی ده (عثمانجق) قصبه سنده بویوک و دبده لی بر احتفال
ایله استقبال ایتدیلر .

شهزاده یلدرم سلطان بایزید، عثمانجقدن قاضی برهانه بر ایلیچی
کوندردی . قاضی برهانک اماسیه امارتی حدودندن چکیلوب کیتمه سنی
طلب ایتدی . عثمانجق قصبه سنده بر مدت اوطوردی .

عنیز بن اردشیرالاسترابادی (بزم ورزم) نده دیورکه: «بو ائشاده» [۱]
عثمان اوغلو عثمانجقه کلوب اورادن بر ایلیچی کوندردی . ایلیچی کلوب
اعلام کیفیت وادی رسالت ایتدی . سلطان (قاضی برهان) بویور-
دی که عثمانجق بزه عائد بر مملکتدر . اورادن قالقوب کیتمه لیدر»
شهزاده سلطان بایزید ، عثمانجقدن قالقوب کومش قصبه سنه کلدی .
کومش امیری (حاجی محمد بک) ک قوناغنه ایندی . بوراده بر
کور قالدقدن صو کرا اماسیه متوجهاً حرکت ایتدی .

شهزاده یلدرم بایزید ، اغلب احتمال اماسیه شهرینه (۷۸۸)
سنه سی غره شوالنده ، یعنی رمضان بایرامنک برنجی کونی بویوک
وشانلی بر احتفال ایچنده کلدی . اماسیه امیری احمد بکک سراینه
ایندی . اماسیه ولایتی عثمانلی مالیکندن معدود اولدینی هر طرفه
یلدیرلدی .

سلطان بایزید ثانی علماسندن مولانا (حدیدی) تاریخ منظمنده

[۱] یعنی ۷۸۸ سنه سی رمضانده قاضی برهانک تورحاله اوطوردینی
ائشاده (بزم ورزم)

(ییادیرم سلطان بایزید) ك اماسیه کلدیکی شویله یازیور :

«ینه جمع ایتدی لشکرلر فراوان یورودی ملک رومه [۲] ییادیرمخان
 اماسیه دیارینه کدییتدی اماسیه بکی آنی ایشیتدی
 همان اقلیمك اعیان آلدی شهه خیلی یر استقباله کلدی
 ایلا دوب شاهی تختن ایتدی تسلیم دیدی بن قواکم سانکدر اقام
 مراتب بولدی عالی شه قتنده حضور تام ایتدی حضر تنده
 تورکیه مورخلری ، اماسیه ولایتك عثمانلی دولته التحاق تاریخی
 تعیینده اختلاف ایتدکری حالد هیچ بری ده قوتلی بر دلیل ارازیه
 ماده اختلافی کسوب آتمه موفق اولاماشلردر .

وقایعک جریانی کوستریورکه اماسیه امارتی ، عثمانلی دولته التحاق
 ایدهرک عثمانلی پادشاهلرینک حمایه سنی قبول ایتمش ، بوصورتله امارتک
 حاجی شاد کلدی سلاله سنده بقاسنی تأمین ایدیه ییلمشدی .

اماسیه امارتی ، نه عثمانلی دولتی طرفندن جبراً فتح ایدیش ، نه ده
 عثمانلی تورکارلیه حرب ایدهرک مغلوب اولمش دکلدی . بلکه بر شعور ملی
 ایله عثمانلی تورکارینک قورمغه چالیشدقلری ملی وحدته التحاق ایدهرک
 تورکدکی بوکسه لیمکه همت ایتشدر .

اماسیه لیلر ، تورک برلکینک بویوک فائده لرینی هر کسدن اول تقدیر
 ایدهرک عثمانلی دولتک ایچ آنادولویه دوغرو نفوذ وانکشافنه ، یعنی
 تورک برلکینک انادولوده ایلك تأسسنه پیشدار اولمشلردی .

بوندن دولایی اماسیه لیلرک عثمانلی تورکارلیه برلشمه سی تاریخاً
 (۲) ملک روم ، بوراده اماسیه ولایتی دیمکدر . او زمانلرده اماسیه یه ولایت
 رومه دینیردی .

شایان دقت بر او یا بقلق و عرفان اثریدر . بو عرفانلریله امامسیه لیلر
وخاصه حاجی شاد کادی سلاله سی، تورکاک عالمده بویوک توجهلرله
ممتاز اولمشلر ، تورکیه دولتنده اک یوکسک مقاملری احراز ایتمشلر دره .
مؤرخ و علامه مشهور شیخ الاسلام امامسیه لی کمال پاشا زاده
شمس الدین زاهد شاه چایی ، تاریخک فاتیح کتبخانه سنده موجود
اولان دفتر سابیی اوائلنده دیورکه :

«امامسیه کز عدل معمور باد ز چشم بد حادثه دور باد
سلطان المجاهدین خداوند کارغازی انارالله برهانه زمانده فتح اولمشدر .
عثمانی لر اول دیاره انو ایام دولتند، وهنکام سلطنتنده استیلا بولمشدر . مذکور
شهر یاز مغفور اول ولایتک ایالتی اولو اوغلی سلطان بایزیده ویرمشدر .»
مؤرخ مشارالیهک بو تاریخی (۹۱۵) سنه لرنده تحریره مأمور
اولدینی جهته (۷۸۸) سنه سنه عائد بر وقعه بی دلیل ارائه ایتمکسزین
یازمامی، بر قول مجرد صایلا بیلیر . تاریخاً قول مجردله استشهاد ایدیله من
دینه بیلیر .

فقط: عثمانجقلی «الصدر الاجل سیدی مراد» ایله (الحاج سنجر ،
سنجر) که ۹ شعبان ۷۸۹ تاریخلی (۱) وقفیه مشترک لری ماده اختلافی
تامیله ازاله ایتکده دره .

بویکی ذات؛ نصفیت اوزره مالک اولدقلری عثمانجق داخلنده

(۱) قیود وقفیه اداره سنده موجود اولان بو وقفیه (۱۲۸۶) دده فتره
قید ایدیلیرکن صوکنده (سنة تسع وثمانین و سبعمائ) دیه بازیلان (ثمانین) کله سی
مقیدی طرفندن سهواً (ستین) قرائت وقید ایدیشدر . ثمنین ، ثمانین کله سنک
اسکی املائی عریسیدر . چونکه تاریخاً (۷۶۹) سنه سنده عثمانجق امدتی
حاجی شاد کادی پاشایه تابعدی .

اوواجق قریه سنک سیدی مرادک زاویه سی مصالحنه وقف ایتک
ایچون، سلطان مراد اولدن استحصا ایدیلن اذنی عثمانجق محکمه سی
شویله اعلام ایدیور:

«بازن من حضرة السلطان الاعظم الخاقان المعظم، ظل الله في العالم،
مولی ملوک العرب والعجم، الذی اعرب صحائف الدولة واعجم، باسط
الامن والامان، ناشر العدل والاحسان، سلطان الغزاة والمجاهدين،
قامع الکفرة والطاغين، متعب النفس العلية لراحة الرعية واستراحة البلدية
غياث الدنيا والدين، معین الاسلام والمسلمين، الخصوص بعون عناية
رب العالمين السلطان مرادخان بن السلطان السعيد الشهيد المبرور الدارج
الى رحمة الله تعالى الغفور اورخان بن السلطان السعيد المرحوم المغفور له
سلطان عثمان» (دفتر مجدد اناطولی ۱ ص ۲۷۴)

بر محکمه دن صادر اولان شو اعلام شرعی صریحاً دلالت ایدیورکه
عثمانجق قضا سی (۷۸۹) سنه سنده برنجی سلطان مراد خانک تصرف
واداره سی داخلنده ایدی. بونک ایچون اوواجق قریه سنک وقفنده
مشارالیهک اذنی استحصا ایتشلردی. معلومدرکه اوزمان عثمانجق
قضا سی، اماسیه امارتی داخلنده ایدی.

پک محتلمدرکه مؤرخ مشارالیه کمال پاشازاده بووقفیه یی کورمش،
ابا واجدادندن واماسیه خلقندن کندی مسقط رأسی اولان اماسیه نک
سلطان مراد اول دورنده عثمانلی دولتنه التحاق ایتدیکنی عنعنه ایله
ایشیتمش، کندینجه قناعت کامله کلمش، بوقناعتنه بناءً تاریخنده بوصورتی
ترجیحاً یازمشدر.

بوندن آکلاشیلیرکه کمال پاشا زاده نک قیدی، برقول مجرد دکل،

بر قول مؤید در . بر طرفدن محکمہ نك اعلامی ، دیگر طرفدن عنعنات
محلیہ نك وجودی یالکیز کال پاشا زاده بی دکل ، هر مؤرخ اقلع ایدہ جک
برر بینہ عادلہ در .

خصوصیہ اوزمانک رجالدن اولان عزیزن ارد شیرالاسترابادی
(بزم و رزم) ندہ اماسیہ ماحق تاندہ کی امرانک عثمانی شهرزاده سنہ متابعت
وقلعه لرینی تسلیم ایتلرینی شویله آکلاتیور .

« بوندن صوگرا خبر کلدی که حاجی بک معدن قلعه سنی ، امیر
عبدالله چلبی ده جهانده متانت و حصانیتله مشهور اولان عثمانیقلعہ سنی
عثمان اوغلنه تسلیم ایتدی . عثمان اوغلنک کثرت وقوتی تضاعف ایدہ رک
ایلری یورودی .

«اماسیہ امیری احمد بک، اوتہ دن بری عادت و تقرر ایدن قاعده سی
وجهله نقض عهد ایدہ رک عثمان اوغلنه یاناشدی . انکله اتفاق و اتحاد
ایتدی . محمود چلبی ده کیندی برادری قیلیج ارسلان بکی اکاردیف
قیلیدی . «۱»

«بعده طاشان اوغلو ، بالذات کلوب عثمان اوغلنه عرض متابعت
ایدہ رک ملحق اولدی . بوتون اماسیہ حوالیسینده کی بکلر وسوزی نافذ
بویوکلر کروه ، کروه کیدوب عثمان اوغلنه عرض متابعت ایتدیلر . عثمان
اوغلنک سواد واحتشامی کوندن کونه آرتوب قات ، قات اولدی .»

عزیز استرابادی ، بونلری بر لسان تأسفله قید ایتدیکی حالده
سلطانک ، یعنی قاضی برهانک بونلردن اصلاحوف و اندیشه سی اولمادیغنی ،

(۱) محمود چلبی ، جلیک امیری اولان تاج الدین زاده محمود چلبی دره

عثمانی قوتلرینی بیله فراره مجبور ایدیه جک شوکت و قوتی اولدیغنی یازارق کندیسنی تسلی ایدیور .

اماسیه امیری احمد بک، (سلطان مراد خونکار) ایله عقد اتفاق و اتحاد ایدن یالکیز کندیسنی دکلدی. پدری (حاجی شادکلدی پاشا) ده سلطان مشارالیه ایله عقد اتفاق ایدیه رک کندیسنی تقویه ایتمش، مخدومه ده بر حسن مثال کو سترمشدی.

حتی احمد بکک بویوک پدری اولان (حاجی قوتلو شاه) ده قرامانلیرله حرب ایدرکن عثمان ایلی حکمداری (سلطان اورخان) ایله تأسیس مناسبت ایتمشدی. شو حالدده احمد بکک عثمانلیره محبتی، پدر وجدندن موروث اولاراق صمیمی و قدیمی ایدی .

اماسیه امارت مستقلسی: حاجی قوتلو شاه ایله باشلادی. حفیدی (احمد شاه چلبی) نك انتباهی سایه سنده مشروطی بر بکار بکیا سکه انقلاب ایتدی. بونلردن (حاجی شادکلدی پاشا) فاضل بر امیر ایدی. بوزاتك سکه کسیدردیکی ضربخانه سندن آکلاشیلیر. فقط نه کندیسنك ، نه ده مخدومنك سکه سی بولونامادی .

شهرزاده ییلدیرم سلطان بازیدك اماسیه یه کله سی ، اماسیه امارت مستقلسنی ختامه ایردیردی . اماسیه تاریخنه دیکر بر فصل تاریخی علاوه ایتدیردی. بو فصلی آچان، اماسیه رجالنك ملیتپرورانه عرفانیدر بوندن دولایی اماسیه لیلر، تورکیه تاریخنده مکافاته لایق بر ذکای ملی کو سترمشلردر .

اونجی فصل

اماسیه امیری (احمد شاه) بکک عثمانلیله اتحادندن صوکر ا
اماسیه وحوالیسندده حادث اولان وقایع تاریخیه یی و دور عثمانی ده
اماسیه ولایتی ادارهیه موکل اولان والی لری ، متصرف لری ، میرلوالری ،
متسلم لری و اماسیه اعیانی بیان و تفصیل ایدر .
الحاق بواوزون سورن فصل تاریخیه ده اماسیه ولایتنده مهم وقعه لری ،
انقلاب لری ، تجدید لری حادث اولدیغندن اونجی فصل ، بش دوره یه تقسیم
ایدیلدی . هر دوره می ، بر و فعه هائله ایله ختامه ایردیریلدی .

برنجی دوره

اماسیه ولایتک عثمانلی : الکتندن معدود اولدیغی (۷۸۸) سنه سندن
(۹۱۷) سالنه قدر دوام ایدن یوز یکر می طقوز ییل ایچنده
اماسیه به تعیین ایدیلن والی لری ، قاضی لری مفتیلری و سائر اهل عرفی ،
اماسیه وحوالیسندده حادث اولان وقایع بیلدیریر .
عثمانلی لری ، لغة عثمانلی دولتی قوران عثمان بکه و اولادینه منسوب
و طرفدار اولان تورک لری دیمکدر . خاصة عثمان بکک سلاله سنه ، اولاد
و انسالنه «عثمانلی لری» دینیردی . صوکرادن عثمانلی دولته تابع اولان
هر فرد «عثمانلی» دیندی . و قتله هر نازک ، ادیب ، جندی ، تربیه لی
آدم لری «عثمانلی» دینمشدی .

عثمانلیق کندیسنه نسبت ایدیلن برنجی سلطان عثمان ، « ۶۲۱ »
سنه سنده بلخ ایله کرمان آراسنده واقع «ماهان» شهرندن قالقوب
جلال الدین خوارزمشاه ایله برابر آنادولویه هجرت ایدن « قایللو »
عشیرتی بککرندن سلیمان شاه بن قیالیک طورونیدر. پدری سکودایی بکی
«ارطغرل بک» بن سلیمان شاه در.

سلطان عثمان، سلطنت سلجوقیه نك انقراضنده یالکیز باشنه بککک
ایدن اوج بککرندن اولوب غربی آنادولوی روم ایمپراطورلغنک استیلاسنه
قارشى بوتون وارلغیله مدافعه ایدن تورککک اولوبکی و باش قوماندانیدر.
وفاتنده مخدومی «سلطان اورخان» یرینه کچدی. بروسهده او طوردی.
سلطان اورخان، تورکککی بوغمغه چالیشان روملری قهر ایده رک
روم ایلنه کچدی. ادرنه یی آلدینی ائاده «۷۶۱» سنه سنده وفات ایدوب
یرینه مخدومی برنجی «سلطان مراد خان» کچدی. کندیسنه «خونکار
غازی» دیندی .

(شهرزاده ییلدیرم سلطان بایزید)

غازی مشارالیه سلطان مراد خانک مخدومیدر. کمال پاشا زاده
مرحومک تاریخه موافق ، وثیقۀ شرعییه مستند اولان بیانی اوزره
دولت عثمانیه طرفندن امامیه به تعیین ایدیلن ایلاک والیدر .

امامیه والیسی اولدیغی « ۷۸۸ » شوالنده اعلان ایدیلن شهرزاده
سلطان بایزید ، قاضی برهانه بر تهیدنامه ارسال ایده رک امامیه
حدودندن چکیلوب کیتمه سنی ، امامیه و ملحقانک عثمانلی ممالککندن
اولدیغی بیان ایتدی .

قاضی برهان، بہت وحیرتی جلب ایدن بو تہدید اوزرینہ تور خالندن
قالقوب کیتدی . شہزادہ نک حسن اداره سنہ واقف و قاضی برهانک
تجاوزات ظالمانہ سندن بیزار اولان خلق و بکار آقین، آقین اماسیہ
کلوب شہزادہ مشارالہہ عرض شکران و متابعت ایتشلردر .

شہزادہ سلطان بایزید ، اماسیہ ولایتی داخانده اداره عثمانیہ
تثبیت ایدہ جک ایشلر یاپدی . سابق اماسیہ امیرینی وسائر مأمورلرینی
مقاملرندہ ابقا ایدہ رک ہر برینی تلطف ایتدی . حسن بک، ایلک عثمانلی
دیزداری اولاراق قلعه محافظی اولدی .

۷۸۸ سنہ سندن ارتنا زادہ جعفر بک ، قیصریہ داخانده قرہ فیا
قریہ سندنہ مشایخندن حاجی دانشمند اوغلو «السید الشیخ عیسی چلی»
بن الشیخ خلیلہ بر زاویہ یاپدردی . بوزاویہ مصالحنہ قرہ قیا قریہ سنی
وسائر قراو مزارعی وقف ایتدی . بووقفہ حکم ایدن حاکم ، قیصریہ
قاضینی « اراہیم بن ذوالفقار القیصری » اولدینی وقفہ سی بالاسندہ
یازیلیدر .

قیود و ققیہ اداره سندنہ موجود اولان بو وقفہ واقف شریبہ
توصیف ایدیلیور: «الامیر الاجل الاعز الا کرم المکرم صاحب السیف
والقلم رافع القدرو العلم جعفر بیک بن المرحوم المغفورلہ السعید الشہید
السلطان الاعظم ارتنا طاب اللہ ثراہ وجعل الجنة مثواہ»

۷۸۸ غرہ رمضانندہ تنظیم ایدیلن شو وثیقہ شہادت ایدیورکہ
سلطان ارتنا زادہ «جعفر بک» ، بو تاریخندہ قیصریہ امیری اولدینی
حالدہ بر حیات ایدی . وزیر و ممدبر امورینی دہ عمر بک زادہ دجنیہ
بک دی . مصر حکومتک حمایہ سنہ التجا ایدن دہ بونلردی .

شهرزاده سلطان بایزید ، اماسیه ولایتندہ حضور و اسایش عامہ میں
تأمین ایدہ رک خلقہ امنیت و برآمدی . بوسبیدن مقدما قاضی برہانہ
التجایا ایدنلر عودت ایدیورلردی . بونلردن دیوریکلی زاده « شیخ
علی یار » دیمکله مشہور اولان شاعرو شیخ « علی یاری چلبی » اماسیہ
کلدی . شہزادہ مشارالہہ بر قصیدہ فارسیہ تقدیم ایدہ رک نائل
احسان اولدی . « ۳ »

لاکن عثمانی تورکر ، اوروپادہ تورکرلکک یوکسہلہسنہ چالیشورلر ،
انکشافلرینہ انکل اولان صیربلرلہ حرب ایتمک اوزرہ تدارکر کوزویورلر ،
ہر طرفدن قوصوہ صحراسنہ دوغرو قوشویورلردی .

بونک ایچون شہزادہ سلطان بایزید ، پدرندن آلدیغی امر اوزرینہ
اماسیہ دن طویلادیغی بر فرقہ عسکر و معیتنہ قبول ایتدیکی ارلرلہ
ادرنہ یہ متوجہا اماسیہ دن حرکت ایتدی . اماسیہ ولایتی دہ اسکی
صاحبی اولان دواندار احمد بک ادارہ سنہ « اماسیہ بکر بکیسی » عنوانیلہ
پراقدی .

شہزادہ بایزید بک ، اماسیہ دہ اقامت ایتدیکی زمانلرد فضلای
مشایخدن « ابواسحاق کازرونی » دیمکله مشہور مولانا « شیخ شمس الدین
مؤید چلبی » یہ و دامادی اولان « شیخ یار علی چلبی » یہ اظہار میل
و محبت ایتشلردی . علمادن و اعیان زادہ لردن خیلی ذوات ایلہ برابر
بونلری آلوب کوتوردیلر .

بونلرک ایچندہ دواندار احمد بک زادہ شادکلدی ، برادری مصطفی

(۳) یار علی چلبی ، حافظ شیرازی قدر تنظیم اشعارہ قادر بر ذات
ایدی . بونک ایچون کندیسنہ (یاری سیرازی) دیمشدی . مؤید زادہ لرک جدیدرہ

بك زاده عيسى، عمزاده سى قوتلو، انشتمى وزيرى محمد چلبى زاده
قيا بکلرده واردى .

(فخرالدين احمد پاشا)

امير سابق حاجى شادکلدى پاشازاده اولوب دولت عثمانیه طرفندن
اماسیه ولایتنه اماسیه لیلردن ایلک بکلربکی اولان زاتدر. دواتدار احمد
پاشا دیمکله مشهوردر . شهزاده سلطان بايزيدک خاقى ، سابق اماسیه
امير کيبرى (احمد شاه چلبى) در .

دواتدار احمد پاشا ، غازى خونکار مراد خان طرفندن (۷۸۹)
سنه سنده مقامنده ابقاءً اماسیه بکلربکيسى اولدى . عثمانلى طرفندن
يراقيلان بر مفرزۀ عثمانیه ايله ولايتى محافظه قیام ايتدى .

اماسیه عسکرى، عرق و دینداشلى اولان عثمانلى تورکارله برابر
اولوب قوصوده دین و ملت دوشمنى اولان صیربلرله حرب ایدرکن
قضى برهان ، مدافعہ سز قالان اماسیه و ملحققاتى استیلا ایتمکه معیتى
طرفندن تشویق ایدیشدی. لاکن بردورلو جسارت ایدمهدى .

دیوان کاتبى اولان عزیز بن اردشير (زم و رزم) نده بونى شویله
تعیز ایدیور : «سلطان ، بو تشویق لایق کورمدى . چونکه عثمان
اوغلو ساده بر موغول، علم و حکمتدن بوش بر نادان «! اولقله برابر
کفار ايله غزایه کیتمشدر. کفارک کوکنى قازیمقله مشغولدر .

«سلطان که بو قدر کمالات ذاتیه، یوکسک علم و فضیلت ، عدالت

و مرحمتله متصفدر . انصاف و مروت مسلكينه ، امانت و ديانت
مذهبنه مخالف كوروب مسلمانلرك اوزرينه كیده مزدی .»

شایان دقتدرکه قاضی برهان ، خالق عثمانیلردن صوغوتماق ایچون
اوز تورك اولان عثمانیلره موغول و نادان دییور . چونکه اوزمان
توركلرجه اك منفور اولان ملت ، موغولدی . توركلر ، موغوللردن
كوردكلری ظلم و جفایی هیچ برملتدن كورمه مشلردی . حال بوكه قاضی
برهانه امارتی تأمین ایدن موغوللردی .

منافع شخصیه سی اوغرندده هر نسنه یی مباح كورن قاضی برهان ،
بوراده دیانتدن ، انصاف و مروتن دم اورویور . چونکه قوت
وشوكتلرینی بیلدیکی عثمان اوغللربنه قارشى جسارتسزلكنی دیانت پرده سیله
ستر ایدیور ، دیمكدر . عاقبتندن امین اولسایدی ، اماسیه یی استیلاده
دقیقه قوت ایتمزدی .

۷۹۰ سنه سنده قوصوه محاربه سی قازانیلمشدی . فقط یارالی برصیرك
اكسزین اوردینی خنچرله (غازی سلطان مراد اول) شهید اولمش ،
یرینه شهزاده سی (بیادیرم سلطان بایزید) كچمشدی . كذاك قیصریه
امیر کبیری ارتنا خان زاده (عزالدین جعفر بك) ده وفات ایتمشدی .

بوندن دولایی قاضی برهان ، قیصریه یی استیلا ایتمكه عزم ایتدی .
قیصریه والیسی اولان (جنید بك) ده حیرته دوشدی . چونکه ارتنا خان
اوغللرندن جعفر بك زاده (اینه خان بك) ، ایکنجی ارتنا زاده «عبدالله
بك» ، خوروز علی بك زاده «محمد بك» واردی .

بونلردن «محمد بك» اماسیه بكلر بكیسی دواتدار احمد شانك دامادی
ایدی . جنید بك اینه خان بكی ، بعضلری ده عبدها بکی التزام ایدیورلردی .

قاضی برهان‌ده عبدالله بکی التزام ایدەرك قیصریەنی استیلا ایتك ایستە‌یوردی .

قاضی برهان، بو اوغورده مکرراً حرب ایتدی. قیصریه حوالیسینه کیدوب غارتلر، جنید بکه و قیصریه لیلرله محاربەر ایتدی. مسلمانلری قیروب کچیردی . صوکنده قانلی مقصدینه ایردی . همشیره زاده‌سی «شیخ مؤید» بکی قیصریه امارتیه نصب ایدەرك دائرۂ نفوذ و امارتی کینیشەتدی. فقط کیندیسینه قارشى دوران قیصریه اشراف و علماسندن چوقلری فراره مجبور اولدی. ارتنا اوغللرندن «اینه خان» و «عبداه» بکلر اماسیه کلدی.

قوصوه میدانده عثمانلی تختنه جلوس ایدن برنجی سلطان بایزیده قارشى بروسه محافظی اولان برادری «سلطان ابراهیم» بروسه‌ده اعلان سلطنت ایتش، لالامی «قاریش‌دیران» دیمکه مشهور اولان «سلیمان پاشا» بی وزیر و سردار یاعش ، بوسبدن سلیمان پاشایه «قاریش‌دیران» دینمشدی . «۱»

جاندارلی خیرالدین خلیل پاشانک یزینه وزیر اولان صدور علمادان «کان‌الدین محمدپاشا» علما آراسنده «مشمئل» دیمکه مشهور و مدبر آدمی. برنجی سلطان بایزید، تخته جلوس ایدرکن برادری «یعقوب» بکی اکسزین اولدورتمش ، تخت سلطنتی رقابتدن و خاکی تشتدن قورتارمشدی .

بزم و رزمک یازدیغنه کوره قوصوده خونکار غازینک شهادتی ،

(۱) تورکیه تاریخنده اصلاً یازیلماش اولان بو حادثه، تبعاً ائناسنده اوزمانلرده یازیلش اولان بر اثرده کورولدی .

کویا ییلدیرم سلطانک پدر و برادرینی اولدوروب تخته چقیدینی صورتندہ
— غالباً شہزادہ ابراہیم بک طرفندن — اشاعہ ایدیلشدی .

بوندن دولایی آیدین، جاندار، صاروخان، قرمان، کرمان،
منتشا اوغللری متفقاً قیام ایدہرک بروسدہ اعلان سلطنت ایدن ابراہیم
بکہ معین اولمشلردی . ہر حالہ بروسدہ و آنادولو احوالی شایان دقتدی .
بونلری خبر آلان، انصاف و مروندن دم اوران قاضی برہان،
ینہ جانلاندی . بزم و رزمک قیدو تفصیلنہ کورہ قیصریہ دن عودت
ایتدکدہ توقاد امیری «شیخ نجیب» بکی اماسیہ بکلر بکیسی احمد پاشا
نزدینہ ایلچی کوندردی . پاشانک قیزلرندن برینی کندیسینہ ایستہ یوردی .
امیر شیخ نجیب، احمد پاشانک انشتمہ سی ایدی . قاضی برہانک
بوطابی اماسیہ امیرینہ تحصیل قرابتہ حلول ایدہرک اماسیہ ولایتی
استیلا ایتدکدی . احمد پاشا، بو تکلیفہ مطاع اولدینی آندہ شیخ نجیب
باغلادوب حبس ایتدی . کتیردیکی تحف و ہدایا و اموالی ضبط
ایدوب کندیسینی سلطان بایزیدک نزدینہ کوندردہ جکدی . «۷۹۱»

اماسیہ قاضیسی «عمادالدین یوسف چلبی» احمد پاشانک ایلچی یہ
بو معاملہ - نی آغیر کوردیکندن اعتراض ایتشدی . قاضی عزل اولونوب
یرینہ مشاہیر فضلا و خطاطیندن مصلح زادہ «جلال الدین عبدالرحمن
چلبی» اماسیہ قاضیسی اولدی . بو ائنادہ خویلو «حسام الدین حسن چلبی»
اماسیہ مفتیسی ایدی .

قاضی برہان، بوکا مطاع اولدقدہ تدارکاتی کوروب توقاد اوزرینہ
حرکت و اماسیہ حوالیسینی غارت ایتمکہ باشلادی . تدریجاً اماسیہ یہ
یاناشیوردی . اماسیہ بکلر بکیسی احمد پاشا، معیت عسکریہ سیلہ اماسیہ دن

چاقوب قاضی برهانی قارشیلادی. حرباً دفع ایتدی.

ییلدیرم سلطان بایزید، وزیرى محمد پاشای ادرته محافظی بیراقوب ابتدا بروسه اوزرینه یورودی. برادری ابراهیم بکله قاریشدیران سلیمان پاشای بر حمله ده پریشان ایدوب هر ایکسنی ده افنا ایتدی. بعده متفق بکبر اوزرینه یورودی.

متفق بکلردن قرمان و جاندار اوغللردن ماعداسی استغفای قصور ایدهرک عرض انقیاد ایتشلردی. بونلری یاتیشدیران ییلدیرم بایزید، قونیه اوزرینه گیتدی. قرمان زاده علی بکی طوتوب اعدام و قونیه ولایتی مالیکنه الحاق ایدهرک طرفدن کوملو اوغلو «علی پاشا» یی قونیه بکبر بکیسی نصب و علی بک زاده محمد بکی ده بروسه یه کوندروب حبس ایتدیردی. بوندن سوکرا ییلدیرم بایزید، دونوب قیصریه اوزرینه یورودی. قاضی برهانک قیصریه بکی یاپدیغی «امیر شیخ مؤید» قرمانیلرله اتفاق ایدهرک قاضی برهانه ذاتاً عصیان ایتک اوزره ایدی.

شیخ مؤید بک، قاضی برهانک افعال و اطوار متحکمانه و مستبدانه سندن دولای بیزاردی. ییلدیرم سلطانک قرمانیلری پریشان ایدهرک قیصریه یه دوندیکنی خبر آلدقه در حال استیمان ایدوب قیصریه یی تسلیم ایتدی. قیصریه امارتنده ابقا ایدیلدی.

ییلدیرم بایزید، قیصریه دن قسطنطونی اوزرینه کیتدی. قسطنطونی بکی جاندار اوغلو «سلیمان شاه» ایله حرب ایدهرک آنی ده سینوبه قاچیردی. بوئانده قاضی برهان، ایکنجی دفعه اماسیه حوالیسنه کلوب مرزیفون صحراسنه اینمشدی.

اماسیه بکبر بکیسی احمد پاشا، جانیک بکی «الب ارسلان بک»

ییلدیرم سلطانه عرض کیفیت ایدهرک استمداد ایتمشلردی. قاضی برهانده مرزیفوندن قالقوب اماسیه بوغازینی کچمش. شهره جبراً کیرهش، احمد پاشاده قلعهیه تحصن ایدهرک مدافعهیه دوام ایدیوردی.

قاضی برهان، مکرراً حرب ایدهرک آراقده خروج حرکتی یاپان عثمانلی عسکرندن بر قاچنی شهید ایتمکه اعلان سرور ایدیور، اماسیه قلعه سنک کنديسنه تسلیم ایدیه سنی مصرانه ایسته یور، فقط بوکا بر دورلو موفق اولامیوردی. بو آراقده شیخ نجیب، حبسدن چیقاریلوب قاضی برهانه ویریلشدی.

ییلدیرم سلطان بایزید، قسطنمونی امارتنه سلیمان شاهک برادری اسفندیار بکی نصب ایدهرک اماسیهیه متوجهاً حرکت ایتدی. سرعتله کلوب مرزیفون صحراسنه قوندی. قاضی برهان، عثمان اوغلنک کلدیکنی خبر آلدیغی آنده اماسیه دن فرار ایتدی.

بوراده عزیز بن اردشیر (بزم و رزم) نده «تاج الدین اوغللریله اماسیه امیری، سلطانه قارشى صاحب و مسالمت رجاسنده بولونقلری حالده کیزلیجه سلطانک اماسیه ده اوزون مدت اوطوردیغنی، عسکرینک اطرافه داغیلدیغنی، ارزاقنک توکندیکنی عثمان اوغلنه ییلدیردیله. آنی بر طاقم حیل و دسایسه قالدیردیله. عثمان اوغلو مدهش و آغیر بر عسکرله قسطنمونیدن کلوب مرزیفون صحراسنه ایندی.»

دیدکدن صوکر قاضی برهانک فرارینی شویله آکلاتیور: «سلطان، اماسیه ده چوق اوطورمش، عسکرینی ارزاق تدارک ایتک اوزره هر طرفه داغیتمشدی. عثمان اوغلونک آغیر عسکرله مرزیفونه کلدیکنی

خبر آلوده تداركات عسكريه سنى اكمال ايتك اوزره اماسيه دن قالقوب
تور حال اوزرينه حركت ايتدى . »

ييلديرم سلطان ، مرزيفوندن قالقوب اماسيه يه ايكنجى دفعه
(۷۹۳) سنه سى اوائلنده كلدى . در حال قاضى برهانك تعقيده عسكـ
كوندردى . توقالى ضبط ايدوب كنديسنه صداقتلر ابراز ايدن اماسيه
بكر بكىسى احمد پاشايى تالطيف وعمرزاده سى اولان سليمان شاه زاده
قوتلو بكى توقاد اميرى يابدى . [۱]

۷۹۳ سنه سنره قزمانلر طرفندن قونيه قاضيسى اولوب عزل
ايديلن (عزالدین حسن چلبی) ايله سلاله دانشمندی دن (فلک الدین
بك) بن امير سعد الدین الدانشمندی اماسيه كلديلر . اماسيه بكرندن
ارتنا زاده (عبدالله بك) ، طورمطای زاده قيا بك ، احمد پاشانك
اقرباسندن مقبل بك زاده عمر بك ، نائل زعامت اولديلر .

بوراده عزيز بن اردشير ديوركه : « سلطان ، عثمانليرله توقاد
قوبنده حرب ايدرك عثمان اوغانى هزيمته اوغراندی (!) خيلى شيلريني

[۱] توركيه تاريخنده ييلديرم بايزيد بكك جلوسيله قونيه نك اسقيلاسى
(۷۹۳) سنه سنه كوسترېلش ، معاصر لمزده بونى سلطان بايزيدك (۷۹۳)
تاريخلى سكه سياه استشهد ايدرك محق كورمكده درلر .
حال بوكه اوزمانك معمر مورخلرندن ابن حجر (كتاب الانبا) سنده
وسطان فاتحك سرمنجى احمد چلبى كتاب المعجائب) نده سلطان مراد اولك
شهادتى (۷۹۰) سنه سنه ومقرى زده (كتاب السلوك) نده قونيه وقيصريه نك
سلطان بايزيد طرفندن ضبط ايدليككى (۷۹۲) سنه سنده قيد ايتملردر .
اوائل عثمانيه ده سكه تاريخى ، سكه بك باصيلدينى ييلى كوسترمكده اولوب
باصديران پادشاهلرك تاريخ جلوسيله علاقه دار اولش دكدى .

اغتنام ایتدی . اکر قسطنمونی بکی سلیمان پاشا و قرامان اوغلو علی بك، حضرت سلطان ایله اتفاق ایتسه ییدیلر، عثمان اوغلنه حدینی بیلدیرمك سلطان ایچون ایشدن دکلدی (!) آنلرده قورتولمش اولورلردی . «
ییلدیرم سلطان ، اماسیه دن قالقوب اوردوسیه برابر آنقرده ، بورادن بروسه یه کیتمش، اماسیه یی موقه قاضی برهانك هجوم و غارتندن قورتارمشدی . قاضی برهان ، سلطان بایزیدك عودتی خبر آلدقدانك زیاده قیصقانلیغی قیصریه نی تخیلصه قویولدی .

قیصریه بکی امیرشیخ مؤید ، سلطان بایزید طرفندن نصب ایدلمش ایدی . قاضی برهان ، بونی شیخ مؤید بكك عصیان ایتدبکنه حمل ایدرك قیصریه یه هجوم ایتدی . شیخ مؤید بکی کندینه معین اولان عونیه سیله طوئوب اعدام ایتدیردی . (۷۹۴)

قاضی برهان ، بونكله قالمادی . قیصریه دن دونوب توقادك اخذینه تدارك کوریوردی . بونی خبر آلان اماسیه بكار بکیسی (احمدپاشا) معینه آلدیغی عسکريله اماسیه دن قالقوب توقاده ، بورادنده آرتق آباده کیتدی . فقط اوراده خسته اولدی . نهایت (۷۹۵) سنه یی تی الحجه سنده وفات ایتدی .

دواتدار احمد پاشانك اوغللرندن (شاد کلدی ، کی کلدی ، علی ، مصطفی) بککله قیزلرندن (قدم ، شهزاده ، اهلی) خاتونلر معروف ایدیلر . دیوان کاتبی طوغان شاه اوغلو (بهاء الدین عمر چلبی) ، طبیب خاصی (الحاج شجاع الدین الیاس چلبی) بك مشهورایدی . [۱]

دواتدار احمد پاشا ، توقاده کیدرکن برادری مصطفی بکی اماسیه ده

امارت قائم مقامی نصب ایتشدی . مشارالیهک وفاتی سلطان بایزیده
عرض واعلام ایدلدکده یرینه امیر مشارالیه (مصطفی بک) نصب
وابقا ایدیلهرک احمد پاشانک ارزوسی یرینه کتیریش اولدی .

(مصالح الدین مصطفی بک)

امیر سابق الحاج شاد کلدی پاشانک اوچنچی مخدومی اولوب
(۷۹۵) سنه سی ذی الحجه سنده قائم مقام امارت و « ۷۹۶ » سنه سی صفرنده
اماسیه بکدر بکیسی ، یعنی امیر کبیر اولدی .

ینه « ۷۹۵ » سنه سی خلالنده سلطان بایزیدک وزیرى محمد پاشانک
وفاتیه جاندارلی زاده « علاء الدین علی پاشا » وزیر اولارق افلاق
حرینه مأمور اولمش [۱] اماسیه دن خیلی عسکر وبکدر دارالحربه
کتمش ، احمد پاشانک معینده اولان ولایتک قوه محافظه سی
عودت ایتشدی .

قاضی برهان ، عسکرینک بوتون لوازم وارزاقنی چاپوخلیق له تأمین
ایدن بر آدمدی . اماسیه عسکرینک اروپا دارالحربه کیتدیکنی خبر
آلدی . قالان قوه محافظه نی آرز کوردی . ینه تجاوزاته باشلا یوب
« ۷۹۶ » سنه سنده توقاد حوالیسنی اوروب تاراج ایتدیکنه بناءً اماسیه

[۱] تورکیه تاریخنده وزیر محمد پاشانک نام ونشانی یوقدر . حال بوکه
محمد پاشانک وزارتی ومخدوملری (مشتمل زاده) دیمکله مشهور اولان (علی ،
عبدالمجید) بکدر قیداً بولونمشدر .

امیری « مصطفی بك » سلطان بايزيده عرض كیفيت واستمداد ايتمكه برابر ولايتی مدافعه ایدیوردی .

بوئانده قاضی برهان ایچون بر خصم توره مشدی : دیار بکره وحوالیسنه مستولی اولان آق قونلو عشیرتی رئیس قونلو بك زاده ایلک عثمان بك . بوكا « قارا ایلک » ده دینیردی . ایلک عثمان بك ، قاضی برهانی اولدقجه تضییق ایدیوردی .

چونكه قاضی برهان ، سیواس امارتنه قناعت ایتیمور ، سیواس اطرافیده اولان ممالکی ضبط واستیلا ایتك حرصيله هر طرفه عاندریور ، بوتون امرای اطرافك عداوتی قازانیوردی . ارزنجان امیری « مظهر الدین طایرتن بك » ایله ده مکرراً حرب ایدوب کاه غالب ، بعضاً ده مغلوب اولویور ، بز دورلو راحت دورامیوردی .

سلطان بايزيد ، قاضی برهانك تجاوزاتندن متأثر اولوب نیکبولی مظفریتندن صوکرا آتاطولی بکربکیسی « تیمورطاش پاشا » یی برقوة کافیه ایله اماسیه کوندردی . تیمورطاش پاشا ، « ۷۹۸ » ذی القعدة سنده اماسیه کلدی اماسیه دن آلدیغی قوتی ده کندی قوتنه علاوه ایدرک قاضی برهان اوزرینه یورودی .

تیمورطاش پاشا ، اماسیه بکربکیسی مصطفی بکله برابر توقادی قاضی برهانك شرنندن قورتاروب سیواسه متوجهاً حرکت ایتمشدی . قاضی برهان ، عثمانلی تورکریله صوک بر محاربه یه کیردی . اک زیاده کووه ندیکی تاتارومو غول اشراسی تارومار اولدیغندن بالضروره قاجوب سیواسه تحصن ایتدی .

بومحاربه ده اک زیاده یارارلق کوسترن توقاد بکی « قونلو پاشا »

ایدی . چونکه قاضی برهانك تجاوزاتندن اك زیاده جانی یانان ،
بوایدی . تیمورطاش پاشا ، قاضی برهانك التجا و نیازینه دایانامادی .
دووب اماسیه کدی . بورادن چانقیری اوزرینه کیتدی . اورایده
آلوب قرارگاهنه دوندی .

بوئانده اماسیه ده اخی ابراهیم بصری خلفاسندن شیخ «شهاب الدین
شادی چلبی» معتقد انام اوئش ، مفتی «حسام الدین حسن الخونی»
وفات ایدوب یرینه کبار محققیندن کوموشلو زاده «شجاع الدین الیاس
چلبی» مفتی اولارق اشتهار ایتشدی .

کنداك حاجی شاد کدی پشا دامادی واحد پاشا وزیرى اولان
«فخرالدین عثمان پاشا» ۷۹۹ سنه سنده وفات ایتدی . مخدوملری
«حاجی علی ، قیا» بکلردی . دامادی سنقور زاده «ملک اسماعیل
بك» اولوب (غازی بك) دیمکه مشهورایدی .

قاضی برهان ، ۷۹۹ سنه سنده ایلک عثمان بکله محارباته باشلايوب
هرايکسی بیتاب اولانه قدر حربه دوام ایتدی . نهایت قاضی برهان
«۸۰۰» سنه سی شعباننده مقتولاً وفات ایتدکده [۲] توقاد بکلر بکیسی
(قوتلو پاشا «طرفندن سیواس اشغال ایدیلهرک قاضی برهانك حیات
وامارتنه ختام وپردی .

[۲] تورکیه تاریخنده قاضی برهانك وفاتی، بعضاً (۷۹۴) وبضاً (۷۹۸)
سنه سنده واقع اولدییی مسطور ایسه ده (بزم و رزم) ک ختامی اولان (۸۰۰)
سنه سی رجبته قدر برحیات اولدییی محققدره ابن حجر (کتاب الانبا) سنده
قاضی برهانك وفاتی (۸۰۰) سنه سی شوالندن آزاو اولدییی قیدایدیور .
حتی (۸۰۱) سنه سنده مقتول اولدییی ده یازیلدیور .

قاضی برهان، عیش و عشرتده، ذوق و سفاخته ارتنا اوغلاری
 حکمکه برابر جبار، فعال آدمدی. عثمان و قوتلو اوغلاری کبی شدید.
 الشکیمه ایکی خصم قوییه تصادف ایتسهیدی، آنادولوده مهم بر
 سلطنت قورابیلجک اقتداری حائزدی. سیای امارتی جنکیزانه،
 بوتون حاکمی ابلهسانه ایدی. بونک ایچون قوردیغی بنا، کندیسيله
 برابر یقیلوب کیتدی.

سیواس امارتی ایلک دفعه عثمانلی طرفندن امیر مشارالیه «قوتلو پاشا»یه
 و توقاد امارتی ده طور مطای زاده «قیا پاشا»یه ویریلدی. اماسیه ده بویوک
 چریباشی دیمکه مشهور اولان «امین الدین محمد بک» اماسیه محافظی
 بولون بوردی.

آنجا ق ماوراءالنهری، خراسانی، ایرانی، عراقی، شروانی، داغستانی
 ضبط ایدده رک جنکیزانه بر حرکتله آنادولویه دوغرو کلن «آقساق
 تیمور خان»ک کرک محاربتدن و کرک افعال و حرکاتدن غربک اک شدید
 الشکیمه بر تورک خاقانی اولان «سلطان بایزید» ايله حرب ایدده جکی
 آکلاشیلوردی.

آقساق تیمورک برنجی سیاستی، اسکی بکلری حمایه ایدده رک ضبط
 ممالک ایتکدی. کرچه قوتلو شاه سلاله سنک سلطان بایزیده و تورکله
 صداقتلری مسلمدی. فقط آقساق تیمورک سیاستی، بونلری استقلال
 داعیه سنه سوق ایدده بیلردی.

بوندن دولای اوزمان ممالک عثمانیه نک شرقاً سرحدی صاییلان
 سیواس ده «قوتلو پاشا» نک، اماسیه ده عمزاده سی اولان «مصطفی
 بک»ک وجودی محذوردن سالم کوروله مدی. بورالک اداره سنی بر

شهرزاده به تودیع ایتک سیاستاً الزم کورولدی .

بناءً علیه: ۸۰۱ سنه سی شوالنده اماسیه والیکنه شهرزاده «چای سلطان محمد»، سیواس والیکنه ده شهرزاده «سلطان مصطفی» تعیین و ارسال ایدیلدی . سیواسدن قوتلو پاشا، اماسیه دن مصطفی بك، بوتون عائله و اولادلیله برابر قلدیریلوب قوتلو پاشا بروسه ده، مصطفی بك ادرنده اقامه ایدیلدی .

(چای سلطان محمد خان)

یلدیرم سلطان بایزید خانك شهرزاده سیدر ۸۰۱ سنه سی شوالنده اماسیه والیسی اولوب ذی القعدة آینده اماسیه به بویوك بر احتشام و سلطنتله کلدی . معیتنده بر سکبان باشی، مقدار کافی یکیچری عسکری واردی . قونیه بککربکیسی «علی پاشا» اماسیه محافظی و شهرزاده لالاسی اولوب یرینه «حسن بك» قونیه بککربکنسی اولدی .

شهرزاده نك ورودندن بر آرز صوکرآ ذاتاً خسته اولان اماسیه قاضیسی مصالح زاده (عبدالرحمن چای) وفات ایدوب یرینه کبار علمادن (عزالدین حسن چای) بن محمد چای اماسیه قاضیسی اولدی . اماسیه ده ایلک سکبان باشی نامنه یکیچری سرداری (قبولی اغا) دیمکله مشهور بر ذات کورولدی .

قوتلو پاشانك برادری اولان (یاقوت پاشا) شهرزاده چای سلطان ایله برابر بروسه دن ککشدی . یخشی بك زاده بایزید ، طاشان زاده

احمد ، حاجی بك زاده قاسم ، عثمان پاشا زاده حسن بكبر ، شهزاده مشار اليك معيتى امراسندن معدود ايديلر .

اماسيه ده بويوك بر شهرتى حائز اولان (شيخ شهاب الدين شادى چلبى) اماسيه دن قالدبريلوب اليوم (شيخ شادى كويى) دينيان چيقتاسكنه كونده ريلدى . بوذات ، حاجى بايرام ولى شىخى ايدى .
توقادى شيخ عبدالمنان بن على مخدومى بر پير محترمدى .

مؤرخ مشهور احمد بن عربشاه (عجائب المقدور فى نوائب تيمور)
آدى اثرنده سيواسه والى نصب ايديان شهزاده نك (مصطفى بك)
اولمايوب (امير سليمان بك) اولديغنى يازيور وديوركه :

« سلطان بايزيد ابن عثمان ، سيواسه اكبر اولادى اولان امير
سليمانى نصب ايدوب معيته كبار امرادن يعقوب بن ادريس ، اورانيس
(اورانوس) ، حمزة بن جباره ، قوج على ، مصطفى بن دوادار [۲]
بكبرى ترفيق ايتدى »

شهزاده چلبى سلطان محمدك اماسيه كه ديكى زمان مرزيفوز و كوش
اميرى ، آباد اوغلو (حاجى محمد بك) ، لاديق اميرى يكي بك زاده
(مسعود بك) ، محمد اوزى اميرى (عبدالمجيد بك) ، كوپرى اميرى
طاشان اوغلو (على بك) ، زيتون اميرى عرب اوغلو (زكريا بك)
وعثمانچق اميرى بكبر اوغلو (محمود بك) دى .

شهزاده چلبى محمد ، « ۷۸۸ » سنه سنده دوغمش اولوب اماسيه

[۱] بوراده يعقوب بن ادريس ، يازارلى اوغلو ديمكه مشهور اولان
(يعقوب پاشا) در . وقفه سنده (يعقوب پاشا بن ادريس) يازيلدر .
قوج على بك ، دواتدار احمد پاشا زاده اولوب مصطفى بك برادريدر .

کلدیکی زمان اون اوچ یاشنده بر کینچ ایدی . لالاسی « علی پاشا »
غایت شجیع و مدیر بر ذات ایدی . بوندن اولیکی لالاسی « یاقوت
پاشا » ده مشاهیر شجعاندن ایدی . علی پاشا مدبر مملکت ، یاقوت پاشا
محافظ ولایت صاییلردی . شهزاده نك معلمی نیکده لی اوغلو « صوفی
عمادالدین بایزید چلبی » ایدی .

شهزاده محمدك اماسیهیه ورودی ، اماسیه ولایتده قوتلو شاه
ساله سنك حکومت و امارتنه ختام ویریلدیکنی اعلان ایتمردی . الی
دورت ییلدن بری دوام ایدن بر امارتک ختامی ، اماسیهده عثمانی
خاندانی لهنه بر تأثیر او یاندیرمشدی .

بو خاندانی اماسیهده اك زیاده مدافعه ایدنلر ، کوموشلو زاده ،
سنتقور زاده ، طورومطای زاده ، خلفت زاده لردی . اماسیه نك ان
اسکی ، الكدی نفوذ خاندانلری ده بونلردی . قوتلو شاه ساله سنه طرفدار
اولانلرده واردی . شیخ شادی چلبی بونلردی . « ۳ »

۸۰۲ سنه سنده زیتون امیری « زکریا بك » بدرینك عریلی
قصبه سنده بنا ایلدیکی جامع شریف و مکتبئی مجدداً اعمار ایدوب
بونلرك مصالحنه املاکنی وقف ایتمدی . زیتون قضیسی « فخرالدین
محمد چلبی » بن احمد طرفندن وقفیه سی تنظیم ایدیلدی .

شهزاده چلبی سلطان محمد ، اماسیهده نوتون بک زاده لری معینه
قبول ایدوب آنلری تلطف ایدهرك بونلر دولایسیله خلقی کندیسنه
ایصیندیرمقده ایدی .

(۳) اماسیهده حاجی شادکادی و اولادی انارینه عائد کتابدارك ، قبرلرك ،
محکوکات ، حتی وقفیه لرك ضیاعی ده بوزمانك دوشونجه لری محصولدردینه بایر .

قرامانلارك وقاضى برهانك اورتادن قالقماسيله ميدانى بوش بولان دولقادير اوغلو « سولى بك » شهزاده مصطفى بكك معيتى طرفندن « ۸۰۲ » سنه سنده طوتولوب امانسيه ارسال ايديلشدى . سولى بك ، امانسيهده برمىدب اقامت ايدوب صوكرافو ايديلهرك وطنه كيتدى . بوسنه امانسيهده اقامته مامور اولان سابق قونيه قاضيسى حسامزاده « پيرعزالدين حسن چلبى » وفات ايدوب خلفت غازى ترهسى قارشيسنده قاضيلر ترهسته دفن ايديلدى . « ۳ »

ينه بوسنه ديوريكى ، درنده ، ملاطيه طرفلى ده عثمانلى توركلرينك ادارهسى آلتنه كيروب سيواس ولايتنك دائرهسى ارزنجانه قدر اوزانمش ، بوراده تفرد ايدرك خلقى صويان دره بكلرينك نفوذينه ختام ويريلشدى . فقط آقساق تيمورك اوگندن قاچان عراق حكمدارى سلطان احمد جلایرى ايله آذربايجان حكمدارى قره قويونلو « قره يوسف سلطان » ييلديرم بايزيده التجا ايتملردى . تيمورخان ، بونلرى سلطان بايزيددن درشتانه سوزلرله طلب ايدىوردى .

آراقده جريان ايدن مخابرات سياسييه ، آتئين سوزلرله حربك زمان حلوئى تقريب ايتمكده ايدى . ۸۰۳ سنه سنده آقساق تيمورك ارضرومه قدر كلديكى شايع اولدقده هر طرفده سفرتداركاتى باشلامش ، خلق اوزرينه مدهش بركابوس كې چوكن قورقو ، هر كسى صارصیوردى .

(۳) بوزانك قبرى تره نك تام اوگنده اولوب سياه مرمردن ياپلامشدر . يلان طرفنده قونيه قاضيسى اولديى ، اللى دورت ياشنده وفات ايتديكى يازيليدى . اسماعيل حقى بك برادرى بونلرى اوقويلاماش ، ۱ « سنه اربع و خمسين » جمله سنى ده ييل ظن ايتمكده .

چونكه تيمورك اوغرا دينى ير خرابه زاره دونيور دى .
خلقك بوقدر قورقوسى بوش دكلدى . آقساق تيمور ، « ۸۰۳ »
سنه مى اواخرنده سيواس شهرينه آكسزين بر باصقين يادى . قاچا
بيانلر قورتولدى . قاچاميانلر تكميل قيليچدن كچدى . بشيكده ياتان
چو جو قلوبيله كسيلىدى . سيواسك آلتى اوستنه كلدى . سيواسدن
قاچوب كلنلرله اماسيه محشره دوندى .

آقساق تيمور ، عسكرىنى ايكي قولدن آنقره يه سوق ايدوب بر
قولى كاخ ، ارزنجان ، نيكسار ، جانيك ، چانقيرى اوزرندن آنقره يه
يوروتدى . ديكر قولى ده ارزنجان ، سيواس ، توقاد ، قيصر يه اوزرندن
آنقره يه سوردى . بوايكي قولده اوغرا دينى يرلرى ويران ايدى يورلردى .
شوحالده اماسيه ولايتى افساق تيمورك عسكربيله هر طرفدن چوريش
بر حالده قالدى . اماسيه ، شهزاده چاپى سلطانك قرارگاهى ، ايچ
آنادولونك مركزى اولدينى جهنله موغول عسكردن قاچانلر اماسيه
ولايتنه جان آتيورلردى .

اماسيه واليسى چاپى سلطان محمد ، طويلاديني عسكرك باشنه كچوب
بوتون معيتيله « ۸۰۴ » سنه مى ذى القعدة سنده اماسيه دن چيقوب آنقره يه
دوغرو حركت ايتدى . ايكنجى لالاسى « ياقوت پاشا » نى اماسيه
محافظى اولارق ييراقدى . ياقوت پاشا ، والى قائممقامى اولدى .

ييلديرم خان ، بوتون قوتى طويلايوب آنقره جوارنده چوبوق
اوواده قرارگاهنى قوردى . تيمور ، ييلديرمه قارشى دوردى . تورك
ايله تاتار آراسنده محاربه « ۸۰۴ » سنه مى ذى الحجه سنك اون طقوزنجى

جمعه كونی باشلادی. تیموریلدیرمی اوردی. توركلرداغیلدی. ییلدیرم خان اسیر اولدی .

جنكيزايه تیمور ، توركلك ایچون برر مدهش آفت اولمشدی . تیمور، جنكيزك ماوراءالنهره وشرق توركلرينه یاپدینی وحشتلری عینیه آنادولویه و غرب توركلرينه اجرا ایتدی . سیواس ، قیصریه و بروسه بررو حشتمکاه اولدی. موغول وحشتی اولانجه قوتيله کندینی کوستردی. اماسیه اعیانندن دیوریکلی زاده شیخ یاری چلبی ، بروسه دن، قوتلو پاشایله قیا پاشا آنقره حربندن اماسیه یه کلدی . یازی شیرازی دیمکاه مشهور اولان شیخ المحققین یاز علی چلبی ، بروسه ده شیخ الاسلام موقعنده بولویوردی .

عثمانلی شهزاده لرندن هربری بر طرفه کیتدیکی ائنده اماسیه والیسی شهزاده « چلبی سلطان محمد » ده بولی یه کیدوب اوراده احوالك انكشافنی بکله یور ، تیمورک قهرندن قاچوب کندیسنی کیزله یوردی . اماسیه ولایتی « یاقوت پاشا » نك اداره سنده قالمشدی .

اماسیه اعیانی « یاقوت پاشا » پی کندیلرینه امیر نصب ایدهرک نتیجه احواله انتظار ایتمشلردی . بناءً علیه : یاقوت پاشا، اماسیه والیسی و امیر کیرنی اولارق اداره امور حکومت ایتمکده ایدی.

(یاقوت پاشا)

اسبق اماسیه امیری حاجی قوتلو شاه زاده سلیمان شاهک مخدومی و سابق سیواس بککر بکیسی « قوتلو پاشا » نك برادریدر . اماسیه

ولایتی عثمانلی اداره سنه کچدیکی ییلدن بری عثمانلی سراینه آلمش، عثمانلی تربیه سنی کورمش بر امامسیه لیدر . ۸۰۵ سنه سی محرمنده امامسیه امیر کیری اولمشدر .

فقط آقساق تیمورخان، بوتون عثمان ایلنی اسکی بکلرینه وکندی اوردوسنه التحاق ایدن دره بکلره اعاده و تقسیم ایلدیکی ائاده امامسیه امارتی قره دولت شاهه بخش ایتشدی .

شهرزاده سلیمان بکک ادرنه یه فرارندن صوگرا بوش، ویران قالان سیواس ولایتی کورت اوغللرندن مشهور « مزید بک » بن یوسف بک اشغال ایدرک قاچان سیواسلیلری طوپلایور، ویران اولان شهری اعمار چالشیوردی .

مزید بک، تورکیه تاریخنده یازیلدیغی کبی نه حرامی، نه ده کورد دکلدی. سیواسی دولقادر و قوتلو اوغللرندن قورتاران بر ذات ایدی. حاجی قوتلو شاهک برادری اولادندن یوسف بک بن محمد بکک اوغلو ایدی .

(تاج الدین دولت شاه)

آنقرده عثمانلیلردن اول حکومت ایدن دولت شاه اوغلو « ملک ناصر الدین بختیار » بکک اوغلودر . خلق آراسنده بختیار اوغلو « قره دولت شاه » دیمکله مشهور بر نا کسدر . تیمور طرفندن امامسیه امیری نصب ایدیشدی

قره دولت شاه، کوچوک یاشنده حاجی شاد کلدی پاشایه التجا ایدرک آنک نعمتیه پرورده اولمش، دواتدار احمد پاشانک لطفلیری

کورمیشدی . بونکله برابر عصیان ایدهرک اشقیاواری کویلری باصوب غارت وقاضی برهانه کیدوب کفران نعمت ایتیش سسفییه ، ظالم بر نامرد ایدی .

اماسیه اعیانی بو ظالمک عیارینی تاممیله بیلدکاری جهتهله بونی اماسیه یه یا اشدیز مامغه عهد ایدهرک برجسارت مدنییه کوستر مشلردی . اماسیه لیلرک اعیانی وافرادی بو خصوصده اتفاق ایدهرک یاقوت پاشایه بوتون قوتلریله مظاهرت ایتشلردی .

اعیانک باشنده کبار علمادان اماسیه مفتیسی کوموشلو زاده شجاع الدین الیاس ، خانقاه مسعودی شیخی اولوب « صارو شیخ » دیمکله مشهور شهاب الدیک احمد ، مدرس « شکر چایی » دیمکله مشهور شمس الدین احمد ، لادیکلی تاج الدین اسرافیل چلبیلر واردی .

اماسیه قاضیسی « عزالدین حسن چلبی » خسته اولقله برابر داخل اتفاق اولوب قاضی عماد زاده لردن « الحاج بدرالدین محمود چلبی » قاضییه نائب اولدی . امرادن خلقت زاده « ابوبکر » ، یازارلی اوغلو « یعقوب » بکربو اتفاق تقویه ایدیورلردی . بو اتفاق اداره ایدن « یاقوت پاشا » ایدی .

چونکه قره دولتشاه ، معینده اون ایکی بیگ قدر سواریدن مرکب بر قوت اولدینی حالده کلوب اماسیه نک شمال غازییه دایانمش ، حقاله کوینه آینمش ، صولو اووایی طوتمشدی . اماسیه حوالیسنه بورادن حکومت ایدیوردی .

بو زمانده اماسیه نک ایکی والیسی واردی : بری « یاقوت پاشا »

اولوب اماسیه شهرینه و قلعه‌سینه حا کمدی. دیکری «قره دولتشاه»
اولوب اماسیه خارجه و حوالیسینه حا کمدی. اماسیه لیلربوغازلری
طوتوب قاپامشلردی.

اماسیه نك خارجنده اماسیه اتفاقنه کیرن بکلردن لادیک امیری
مسعود، مجید اوزی امیری جبریل زاده حاجی تورقادر، خاصه کوپزی
امیری طاشان زاده علی، احمد، قاسم بکار قره دولتشاه قارشی قومیشلردی.
قره دولتشاه، اماسیه نك بو اتفاقنی خبر آلدقده در حال افندیسی
تیمورخانه مراجعت و التجا ایدرک اماسیه اعیانه خطابا بفرمان آلوب
کوندردی. اماسیه لیلر پك چوق وعدو وعیدلرده بولوندی.

فقط اماسیه اعیانی، قره دولتشاهک احوال و مظالمندن بحث ایدرک
تیمورخانه بر تضرعنامه ارسال ایتدیلر. عادی بر کوله کی کوندر، اطاعت
ایده ریز لاکن ظالم قره دولتشاه اطاعتدن بزی عفو ایدیکیز! دیدیلر.
اتفاقلرنده اصرار ایدیورلردی.

بونک اوزرینه «تاریخ یردی» ده بازیلدیغی وجهله آقساق تیمور،
کندی مخدومی «قره محمد سلطان» ایله معلمی «نعمان الدین عبدالحبار
المعتزلی» آدلی بر فاضلی اولدقجه مهم بر قوه عسکریه ایله اماسیه یه
کوندردی. اماسیه اعیان و علماسنی حاده امتحاندن کچیرمک ایسته دی.
شوهیتت عالییه، اماسیه شهرینه «۸۰۵» سنه سی اواسط ربیع الاولنده
مواصلت ایتدیکی کون کندیسنی بویوک بر تهاکه ده کورهن «یا قوت پاشا»
تغیب ایدرک اماسیه دن چیقدی. دوغروجه بولی یه کیدوب شهزاده
«سلطان محمد» احوالی عرض ایتدی.

اماسیه شهری و علمیه سی مدهش بر امتحانه دعوت ایدیشدی .
بو امتحانده قازاندیغی صورته اماسیه شهری تخریب ویغماندن، اهالیسی
قتل عامدن یاقاسنی قورتاراجقدی . امتحانی غیب ایتدیکی دقیقه ده فلاکت
محققدی .

. کلن هیئت عالیہ ، اماسیه نك اعیانی و علماسنی بریره طویلا دی .
فرمان خاقانی یه قارشی قوبدقلرینك اسبابی صوردی . علمایه ده مشکلات
علوم عقلیه و نقلیه دن اون سؤال ایراد ایتدی .

اماسیه هیئت علمیه سی ، اوزمان پك یوكسك ذواتدن مرکب دی .
جمله دن مفتی مملکت کوموشلو زاده « پیر شجاع الدین الیاس چلبی » ،
غایت فاضل ، نطوق ، جسارت مدنییه سی یوکسك بر ذات ایدی .
صورولان مدهش سؤالره بلا تلعم غایت مقنع جوابلر ویردی . کلن
هیئت عالییه یی دوچار حیرت ایدهرک اماسیه نی وخالقنی بویوک بر فلاکتدن
قورتاردی .

کاتب چلبی « سلم الوصول الی تراجم الفحول » آدلی اثرنا تمامنده [۱]
کوموشلو زاده « حضرت پیر الیاس » ک ترجمه حالنده دیورکه :
« تیمورک عادتیی ، کیتدیکی یرک علماسنی امتحان ایدهرک معلمی
طرفندن صورولان سؤالره جواب ویردکلی تقدیرده اولبدیه یی تخریب
ویاغماندن عفو ایدر . جواب ویرمدکلی صورته شهری تخریب ویاغما
اهالیسنی قتل عام ایلر . [۲]

[۱] مشار الیهک بواری ، شهزاده جوارنده شهید علی پاشا کتبخانه - ننده
موجود ویکانه در .

[۲] تیمورک بو عادتیی ابن شهنده (روض المناظر) نده یازیور و کندیسی ده
بو امتحانه دعوت ایدیلوب قازاندیغنی تفصیل ایدیور .

« اماسیه شهری و علمای بوامتحانہ دعوت ایدیلدی . مشاہیر فضلا دن پیر الیاس ، عبدالجبارک اک مشکل کوردیکی اون سؤالہ بلا تلثم جواب ویرمکله اماسیہنی تخریب ویاغما فلا کتندن قور تاردی . » فقط صارو شیخ ایله شکر چلبی ده بویوک خدمتله و هم تله ایتم شلردی . عدوبت بیانندن دولای « شکر چلبی » دینمش اولان شمس الدین احمد چلبی ، غایت ناطقه پرداز ، السنه ثلاثه ایله متکلم دی . بوفضلانک بیاناتی قره محمد سلطانی اماسیه امارتنه دواتدار احمد پاشا زاده شاد کلدی بکی تعیین ایتمکه و قره دولتشاهدن واز کچیرمکه اقناع اید بیلدی . شاد کلدی بک اماسیه امارتنه تعیین ایدیلدی .

(شمس الدین شاد کلدی بک)

اماسیه امیر کبیری حاجی قوتلو شاه اولادندن برنجی شاد کلدی زاده دواتدار احمد پاشانک مخدومی و بایزید پاشانک دامادیدر . [۱] تیمور خانک شهزاده سی « قره محمد سلطان » ک امریله « ۸۰۵ » سنه سی ربیع الاولنک او اخرنده اماسیه امیر کبیری اولدی .

لاکن قره محمد سلطانک اطوار و حرکاتندن شر استشمام ایدنلردن صارو شیخ ، شکر چلبی و برقاج بک کیجه اماسیه دن فرار و لادیکللی « اسرافیل چلبی » کبی بعضلری اخفا ایدوب صارو شیخ ، حلب والیسی امیر شیخ المؤیدی نزدینه و شکر چلبی قدسه کیتدی .

اماسیه نک مدار افتخاری اولان قدرة المحققین حضرت بیرالیاس ، بک متین بر ذات ایدی . برطرفه صاووشمادی . کلن هیئت و عسکرک

(۱) خدیجه خاوند بنت بایزید پاشانک وقفیه سنده بوجهت مصر حدر .

مصارف سفريه سی نامنه آغير تضمیناته محکوم اولان اماسیه نك اعیان و افرادی بو تضمیناتی در حال تسویه ایتدی .

آنحاق تیمور خاندن کان فرمانده مولانا (پیر شجاع الدین الیاس) ک ویکنی مولانا (شمس الدین احمد) ک شروانه اعزامی امر ایدیلدیکنندن (قره محمد سلطان) حضرت پیری بکنیله شروانه یولجی ایتدی . کیدیسی ده معیتله برابر اماسیه دن قالقوب کیتدی .

پیر الیاس ک شروانه اعزامندن صوکره منحل اولان مقامنه دیگر یکنی کوموشلو زاده ، جلال الدین عبدالرحمن چلبی « کلوب اماسیه مفتیسی و شیخ الاسلامی اولدی . یعقوب پاشا وقفیه سنده بوزانه «مفتی الثقلین ، شیخ الاسلام والمسلمین» عنوانی ویریشدر .

قره دولتشاه ، شادکادی بکک امارته تعیینی کوروب ایشیتدیکی حالده نه داعیه امارتدن واز کچور ، نه حق اله دن قالقوب بر طرفه کیدیور ، نه ده مظالم و غاراتی ترک ایدیوردی . قره دولتشاهی اورادن دفع ایده جک قوت ده یوقدی .

بوندن دولای اماسیه نك کرک خلق و کرک اعیانی فوق العاده حقیقلمشلردی . اماسیه اعیانندن یازارلی زاده یعقوب ، اتا بک زاده یورکچ ، سنقور زاده انشته آسایش ، ملک اسماعیل ، عثمان پاشا زاده حاجی علی ، طورومطای زاده ابوبکر بککرله اماسیه هیئت علمیه سی اوزون مذاکره دالدی .

هیئت علمیه دن مفتی عبدالرحمن ، توقادی قره سنان ، مصاح زاده عبدالحی و محمد شاه ، خلفت زاده حسن چلبیلر بک دکرلی ذوات ایدیلر . اماسیه امیری شادکادی بک ، عمزاده سی مصطفی بک

زاده عیسی بك بو مجلسه ریاست ایدیورلردی .

بو مجلسده نهایت شهزاده چلی سلطان محمدك بولیدن اماسیه
دعوتی تقرر ایتدی . چونكه شهزادهك معیتده اولدوقجه عسکر
و قوت واردی . بو عسکرک قومانداهیتی ده اماسیهك ممتاز جالی ایدی .
لاکن شهزادهك مألوف اولدینی عیش و نوشدن توبه کار اولماسی
کوله لرینی ده خلق اوزرینه مسلط اتمه سی جمله مقرر اتدن ایدی .
بو صورتله هر طرفده توره مش اولان دره بکیلرک شرور و مظالمی دفع
ایدیله بیلیردی .

چونكه توقاده اینسال اوغلو ابراهیم ، چورومه کوپك اوغلو
سولی ، لادیک قزاسنه کوزلر اوغلو علی ، تور حال قزاسنه کوپك اوغلو
حسن ، آرتق آباده کوپك اوغلو حسین کی توره دیلر مستولی اولمشلردی .
یوسف آسایش بك ، یازید پاشانك پدری یخشی بکک هم یکنی ،
همده دامادی ایدی . انشته آسایش بك دیمکه مشهور ایدی . شهزاده نی
اماسیه ده دعوت ایده جک هیئته رئیس اولدی . اماسیه دن قالقوب
رفقاسیله برابر بولی یه کیتدی .

فقط قسطنطنی حکمداری اسفندیار بك ، کندی همشیره زاده سی
اولان اماسیه امیری شادکلدی بکی و دولایسیله اماسیه اعیانی کندی سینه
متابع ایتدیرمک ایچون متصل ازعاج و قره دولت شاهی دفع ایده جکنی
تعهد ایدیورلردی .

فقط اماسیه اعیانی بو تسکیفه اصلا موافقت ایتدیلر . شهزاده
چلی سلطانه انتظار ایده رک خلق حسن اداره اتمکه بذل مقدور
ایتمشلردی . طاشان زاده علی بك ، دیگر قضا بکلرینه نسبتله برار

سرکشانه حرکت ایدیور، اماسیه یی پکده طانیما یوردی . هله عثمانجق بکی «محمود بک» در حال اسفندیار بک یامامشدی .

شهمزاده محمد چلبی، اماسیه دن بودعوتیه هر حالده انتظار ایدیور دی . چونکه اماسیه لیلری ، قونیه، کوتاهیه، آیدین خاکی کبی اسکی بکلرینه عرض بیعت ایده جککار صانیوردی . انشته آسایش بکک دعوتی چلبی سلطان یی زیادیه سویندیردی . معیتله برابر در حال اماسیه یه متوجهاً حرکت ایتدی .

اماسیه لیلر، تورکاک و سعادت ملیه نامه بو دعوتیه مضطر ایدیلر چونکه اسکی و حدت ملیه یی، اسکی تورک سطوتی بولابیلیمک اچون، بویوک بر نفوذ و اقتداره مالکیتک شرط اولدیغنی اماسیه لیلردوشو مشلر، بو نفوذ و اقتداری او زمانلرده انجاق عثمانلی خاندانده کور مشلردی . اوتیه دن بری مجربدرکه تورکاک سعادت و اقبالی، تورکاکک اعتلای شانی ، باشلرنده بولوناجق مدبر، نافذ الکلم بر قوماندانک عقل و دهاسنه باغلیدر .

بوتون تورکستانی چین اسارتندن بر (چاغان بای) و ایران اسارتندن بر (سینیکیرخان) بوتون اوروپا اسارتندن ده بر (غازی مصطفی کمال) کبی تورک قهرمانلری قورتارمشدی .

شهمزاده چلبی سلطانک اماسیه یه دوغرو کیتدیکنی خبر آلان (اسفندیار بک) دیگر همشیرزاده سی اولان قوطار اوغلو یحیی بکه بر قوه عسکریه ترفیق ایدیه رک عثمانجق جوارنده تعین ایتدی . شهمزاده یی یولنده ایکن افتا ایتدیره جکدی .

شهمزاده نک یاننده بشیوز قدر سواری ایله کوملو اوغلو علی پاشا،

قوتلو شاه اوغلو یا قوت پاشا ، سنقور اوغلو بایزید پاشا واردی بونلر اوکراینه چیقان قره یحیی بکک بیک سواریدن مرکب قوتنی قیردیلر . عثمانجه قدر کلدیلر .

بو ائنده مرزيفون و کوموش قضالرينک امیری حقاله لی آباد اوغلو « حاجی محمد بک » و کومش قاضیسی عثمانجقلی امام طایس اوغلو « حاجی خلیل افندی » ایدی . حاجی بکک نفوذی ، حاجی خلیل افندی بک عقل و دهاسی ، فضل و ذکاسی بک مشهور ایدی .

اسفندیار بک ، گرک عثمانجق امیری قوجه محمود بکی و کرک حقاله ده اوطوران قره دولتشاهی کندیسنه اماله ایدرک شهزاده نی اماسیه یه یاناشدیر ماماق ایچون هر دورلوتدایره مراجعت ایتشدی . فقط حاجی بکه حاجی خلیل افندی بو تدایره واقفدی .

قره دولتشاهک معیتنده اوزمانه کوره بک مهم قوت واردی . شهزاده بک بشیوز سواریسنه قارشی قوتی اون بیک سواریدن زیاده ایدی . حاجی بکک برادری « عبده بک » حقاله ده ، حاجی بک ده مرزيفونده اقامت ایدیورلردی . عبده بک زاده « حسن بک » ده عقل وتدیرده عموجه سندن اشاغی دکلدی . بونکله برابر غایت جسور ایدی .

بونلر « شهزاده محمد » لک عثمانجه کلدیکنی خبر آلدقلری آنده شهزاده نی ترتیباتدن خبردار ایتدیلر . قره دولتشاهی و معیتنی ترتیب ایدیلن ضیافته سرخوش ایتدکلی برزمانده چای سلطانک قوتلری باصدیروب کندیسنی اولدوردیلر . سواریلرینی داغیتدیلر .

اماسیه لیلر ، حقاله اوکراینه کلوب شهزاده نی استقبال ایتدیلر .

اماسیه بوغازینک اوکنده ترتیب ایدیان ضیافتده اماسیه مفتیسی کوموشلو زاده عبدالرحمن چلبی ، اماسیه مجلسنده تقرر ایدن شرائطی « چلبی سلطان » ه عرض وتبلیغ ، « چلبی سلطان » ده مع الممنونیه بوشرائطی قبول اتمشدی .

ادریس پاشا « تاریخ عثمانی » سنده [۱] دیورکه : « شهزاده چلبی سلطان محمد ، اماسیه بوغازینک اوکنه کلدکده اماسیه اعیانی استقبال ایدره رک عیش و عشرتدن توبه اتمه سنی ، بوتکیلفرینی قبول ایتدیکی تقدیرده اوغرنده هر درلو فدا کارلغی قبول ایدره جکفرینی عرض ایتدیلر .

« چلبی سلطان محمد ، بوتکیلفدن فوق العاده ممنون اولدی . آتندن آشاغی اینوب آبدست آلدی . ایکی رکعت نماز اداسندن صوکر مفتیء مملکت واعیان حضورنده هر دورلو مناهیدن توبه ایدوب بوقدر فداکار ذواته نائل اولدیغندن دولای جناب حقه حمد و ثنا ایدره رک اماسیه یه کیردی »

(چلبی سلطان محمد خان)

عثمانلی امپراطورلغنک بشنجی پادشاهی اولان سلطان محمد ، ییلدیرم خانک شهزاده سیدر . ۸۰۵ سنه سی ایلک بهاری اولان شوال آینه قره دولتشاهی پریشان ایدوب اماسیه یه کلدی . مستقلاً اماسیه امیری اولدی .

کتاب الانباده مذکور اولدینی اوزره کوملو اوغلی « علی پاشا » چلبی سلطانک لالاسی ، وزیری ، جمله المایکی اولوب « یاقوت پاشا »

[۱] بوتاریخ ، بازید کتبخانه عمومیسنده موجوددر

بکریکی و اماسیه محافظی ، فضل و درایتیه کنديسني بکندیره ن کومش قاضيسي « الحاج خليل افندی » ناشیجی ، کوموشلو زاده « خواجه جلال چلبی » دفتر دار اولدی .

اماسیه علماسندن نیکده لی زاده « صوفی بازید چلبی » صورت ظاهرده معلم سلطانی ، حقیقت حالده مستشار سلطنت اولمشدی . صوفی مشارالیه ، اماسیه نك قطب اداره سی ، مدارس سعادت صایلیوردی . اماسیه هیئت علمیه سیله چلبی سلطان نامه بوزات ، تلمس ایدیور ، چلبی سلطان بیله آراقده مجلس علمایه کلیوردی .

اماسیه امیر سابق شادکلدی بکه تسلیه اولماق اوزره همشیره سی و دو اتدار احمد پاشانك الك کوچوک کریمه می « شهزاده خاتون » هنوز اون یدی یاشنه کیرن « چلبی سلطان محمد » ه تزویج ایدیلدی . اماسیه امارتی ، چلبی سلطانك وروديله اماسیه ، سیواس ، توقاد ، چوروم ، جانیک ، قره حصار شرقی ، آنقره ، ولایتلرندن متشکل بر دائرة جسمه دن عبارت اولوب مرکز سلطنت اماسیه شهری ایدی . چلبی سلطانك انك بویوک برادری « سلیمان بك » ادرنده اقامت ایدوب زومایلی حکمداری ، دیگر بویوک برادری « عیسی بك » ده بروسه ده اقامت ایدوب بروسه حوالیسنه حکمدار اولمشدی .

کذلک قرامانیلر ، تیمورک فرمانیه قونیه ده اعاده اقبال ایدهرک قرامان زاده « محمد بك » امیر اولمش ، دیگر اسکی بکلرده امارت لرینه ایرمشلردی . بوضورتله عثمانلی تورک لرك تاسیس ایتمه چالیشدقلری وحدت ملیه تیمورک ضربه سیله پریشان اولمشدی .

حلبه فرار ایدن خانقاه مسعودی شیخی شهاب الدین احمد چلبی

یرینه فضلاى مشايحدن « عمادالدين عمرالفضوى » يعنى كوموشلى
عمر چلبى ، خانقاه مسعودى شىخى اولوب اتابكيه مدرسى ايكن قدسه
فرار ايدن شمس الدين احمد چلبى یرينه ده « تاج الدين اسرافيل اللادقئ »
مدرس اولدى .

اداسيه امراسندن يازارلى اوغلى « يعقوب پاشا » آنقره ، قوتلو
شاه اوغلو « قوتلو پاشا » توقاد ، طورومطاي اوغلو « قيا پاشا »
چوروملو بککر بککسى اولدیلر . هربرى معيتلريله چيقوب کيتدیلر .
انجق عثمانجق اميرى « قوجه محمود بك » توقاده قالدیريلوب یرينه
برادر زاده سى « حسن بك » بن عبدالله چلبى تعيين ايدیلدى . سيواسى
مدافعه ايدن کورت اوغلو « مزید بك » عرض اطاعت ايتمکه یرنده
قالدى . سيواس اعيانندن قاضى برهانك داي زاده سى ييلدیزلى اوغلو
محمد بکک خدمتى سبق ايتشدی .

لاکن صامسون اميرى قوباد اوغلو (علاءالدين على بك) نسب
وشجاعتنه ، تیمورک حمایه سنه مغرور اولارق چلبى سلطانی کوچوک
کورددی . اماسیه بککرىنک کندیسنه اویاجغنى اومویوردی . بوسبدن
کندى باشنه امارت ايتمکه قالقشدی .

کذلک چونقار عشیرته وتیمورک حمایه سنه کووه نى اينال اوغلو
(تاج الدين ابراهيم بك) توقاد حواليسنه مستولى اولوب کندى باشنه
حرکت ، اووالرده بایاغى حکومت ایدیوردی . فقط توقاد اعیانى
شهره یاناشدیرمیوردی .

جانیک بکى اولان الب آرسلان بك ، قوباد اوغلو خلافته چلبى
سلطانہ مطيعانه حرکت ایدهرک على بکه عداوت ایدیوردی . طاشان

اوغللری (علی ، احمد) بکەر کوپری ، حوضه ، زیتون قضالری
قبضه اداره لرینه آلمشلردی . چلبی سلطانه اطاعتلری واردی .
قوباد اوغلونک سرکشانه حرکتی ابراهیم بکه نسبتله شایان اهمیتدی .
چونکه الب ارسلانی مغلوب ایدرک نیکساری محاصره ایتمشدی .
اماسیه دن کیدن بر قوه کافیه ، قوباد اوغلانی پریشان ایدرک طاشان اوغلنه
التجا ایتمشدی . طاشان زاده احمد بکه صامسون امارتی ویرلدی .
علی بکک حیاتی ده ختامه ایردی .

توقاد امارتنه تعیین ایدیان (قوتلو پاشا) معیتنه اولدقجه مهم بر
قوت ترفیق ایدیلشدی . قوتلو پاشا ، ابتدا توقاد قلعه سنی ضبط ایدوب
صوکرا اینال اوغلنه اماسیه امارتی حدودندن چیقوب کیتمه سنی تکلیف
ایتدی .

ابراهیم بک ، بوتکلیفه مستهزیه جوابرد ویردیکندن (قوتلو
پاشا) تعقیباه قویولدی . ابراهیم بکک باشنده یکریمی بیک قدرسواری
واردی . اماسیه دن کونده ریلن قوتله قوتلو پاشا قوتی برلکده حرکت
ایدرک ابراهیم بکک قوتی فنا حالدده قیریلدی . توقاد حوالیسی شرندن
قورتولدی .

ینه بو ائناده قره حصار شرقی حوالیسنه مسلط اولان کوزلر اوغلونک
تجاوزاتندن ملک احمد بک زاده حسن بک شکایت واستمداد ایتمشدی .
اینال اوغلنک وقعه سنندن صوکرا کوزلر اوغلوده پریشان ایدیلرک
اماسیه حوالیسی اشقیان اولدقجه تمیزله نمشدی .

شوتصفیه وقایعی « ۸۰۶ » سنه سننده اولوب اماسیه امارتی ، هر طرفه
کندیسنی طانیتمش ، چلبی سلطانه و مدبران حکومتی اولان ازکانه

خلاقك وبكلك امنيت واعتمادى آرمىشى .

فقط چاي سلطانك اك بويوك املې برادرى عيسى بكك حكومت ايتدىكى
بروسه يي اله كچروب آناطوليدە تأمين وحدت ايتىمكى . بوده قوه
ماليه بك مساعده سنه واسلحه جديده تداركنه باغلى ايدى .

اماسيه حكومتك اك بويوك دردى ، پارا ايدى . اقساق تيمور ،
هر كسك النده كى نقودى وسيله لر ايجاد ايدەرك اخذ وغصب ايتمىشى .
آلتون وكوموش تداركى مشكلاته اوغرامىشى .

دفتردار خواجه جلال چاي ، غايت محاسب ومقتصد برذات ايدى .
ر طرفدن حاحى شاد كلدى پاشانك ضربخانه سى مغربى الياس اوغلو
« بدر الدين محمود چاي » طرفندن ايشله تيلمكده اولوب كومش آقچه لر
كسيلىوردى . محمود چاي ، بوسيدن « ضربخانه جى » ديمكه مشهور
اولمىشى .

ديكر طرفدن « چاو ، چاويك » ناميله كاغد پارا ياپيلوب آلتون
وكومش آقچه يرينه سوزولمكده ايدى . بخارالى اولان « خواجه
شمس الدين محمد چاي » « چاويك » ياپيلمه سنه مامور اولمش ، بوكده
اماسيه ده « چاويكچى ، چويكچى » دىتمىشى بوكا « قرطاسى » ده دىنيردى .
اماسيه هيئت علميه سى ، غايت مدرك ذواتدن مركبى . ملك
وحدتى يارچالايان تيمور فلاكتى بك مهم ضررلر ايقاع ايتمىشى .
برنجيسى اخلاق عموميه فنا حالده صارصيلمىشى . ايكنجيسى دويغوسىز
دره بكيلر ، امانسىز اشقيا هر طرفى قاصوب قاوور يوردى . اوچنچيسى
شخصى منفعتلر هر كسى بربرينه دوشوريوردى .

هيئت علميه ، بو آجى دردلى تداوى ايتمكه بك زياده چالشيورلر ،

بوتون قوتلریله ، ارکان حکومتی مظاهرت ایدهرک هر کسه فضائل دینی و اخلاقیه یی تلقین ، دینی جهادی ، فراغت نفسی تعلیم ایدهرک خالق معنویاتی یوکسه لئیورلردی .

اوزمان امامیه هیئت علمییه سنده کوموشلو زاده عبدالرحمن ، تفتازانی تمیزی توقادی قره سنان ، واعظ عمر ، لادیکلی اسرافیل ، شیخ حمیدالدین ، خلفت زاده حسن ، خطیب عبدالقادر ، مصلح زاده عبدالحی و محمد شاه افندیلر پک مهم شخصیتلردی .

بوذواتک همتلریله خالقده عسکرلیکه ، ملی برلیکه بویوک و صارصیلماز بر شوق و هیجان اویانمشدی . بوتون خلق ، عسکرلیکه بوتون قلبیه کیریور ، کوکل رضاسیله جان آتیور ، اولانجه فدا کارلنی یاپیوردی . تاریخاً پک مشهوردرکه امامیه حکومتی ، بیقلمرنده دمیر طاراق دورمایان کینجلی عسکرلیکه آلمیوردی . امامیه دلیقانیلیرندن بیینی هنوز ترله یین برکنج ، چلبی سلطانک حضورنده دمیر طاراغی اوست دوداغنه باتیریر ، بیغمده دمیر طاراق دوریور دیهرک عسکرلیکه قبول ایدلمه سنی رجا ایدر . بوضورتله قبول ایدیلیر .

عطابک اندرون تاریخنده مسطوراولان بوققره دن آکلاشیلیرکه امامیه هیئت علمییه سنک خدمات مبروره سی خلق اوزرنده پک یوکسکدی . امامیه خلقنک ده ملی شعور و عرفانی بو عالم لک تلقیناتیله پک یوکسه لمشدی . سکبان باشی قبولی آغا ، فعال ، ایشکدار ، غایت دیندار برذات ایدی . یکچیری یتیشدیرمه سنی ، عسکرک تعلیم و تربیه سنی ، عسکرلیکی پک کوزل بیلیردی . بایزید پاشا ، سواریلکده ، بوده پیاده لکده پک ماهر ایدیلر .

اماسیهده آچیلان عسکر اوجاغی ، ایکی قسمه بولونمشدی :
سپاهی ، یکچیری . سپاهی ، سواری دیمکدی . بوکا مقابل یایالر
یکچیری . بونلر ، اماسیهنک اوق میدانده هرکون تعلیم ایدیلیر ،
صولو اوواده ماناورالر یاپیلیردی .

عسکرک اسلحهسی پک مکملدی . چلبی سلطانک سر موفقیتی
اماسیهده ایجاد ایدیلان یکی طویلردی . اماسیه رجالنده وخلقنده
فدا کارلق ، اک یوکسک درجهسنی بولمشدی . چلبی سلطان ، ایشته
بویوکسک معنویات ، فدا کارلق ، رجالندهکی عقل ودها سایهسنده
ایشلرنده موفق اولمشدی .

بایزید پاشا ، پک یوکسک ، داهی بر ذات ایدی . چلبی سلطانک
هم ارکان حریبه رئیس ، همده مدبر یکانهسی ایدی . نشانچی (حاجی
خلیل چلبی) عقل ودهاچه بایزیدپاشاندی یوکسکدی . بونلره نسبتله علی
پاشا ، یاقوت پاشا ایکنجی درجهده قالیردی . بایزید پاشاده فراغت نفسک
اک یوکسک درجهسی واردی .

۸۰۶ سنهسنده اماسیه قاضیسی (عزالدین حسن چلبی) وفات
ایدوب یرینه ناٹی اولان قاضی عماد زاده (بدرالدین محمود چلبی)
قاضی اولدی . اماسیهده فرقه قوماندانلرندن اتا پک زاده (یورکیچ
پک) چلبی سلطانک خدمت خاصهسنه آلمشدی . چونکه آرالرنده
قرابت صهریه واردی .

تیمور خان ، اماسیهده رشد وقابلیتنی اثبات ایدن چلبی سلطانی صورت
ظاهرده کندیسنه داماد ایتک اوزره کوندردیکی (خواجه محمد) له
یانه دعوت ، کندیسنه قارشی فنا برقصدی اولمادیغنی هر درلوموایتیق

ایله تأکید ایتشدی .

اماسیه ارکانی بودعوته اجابتی موافق کورمدی . فقط تیمورخان کبی شدیدالشکیمه برآدمه قارشیده جواب رد ویرمک کار عاقل دکلدی . چایی سلطانک دعوته صورت ظاهرده اجابت جوانی ویریلدی . فقط یول اوزرنده بولونان بکارده تعلیمات خفیه ویریلوب نمایشلر ترتیب ایدیلدی .

چلی سلطان ، معلمی صوفی بایزیدایله برابر تیمورک ایلچیسینی خواجه محمد قاتیلوب اماسیه دن عثمانجه قدر کیتدی . عثمانچدن ایلریده قره یحیی بکک ، داها ایلریده ساوچی بک زاده علی بکک تعرضاتنه اوغرادی . جعلی مصادمه لرله داها ایلری کیدیله سی غیر ممکن اولدینی ایلچییه کوستریلوب آکلاتیلدی .

بونک اوزرینه معلم سلطانی (صوفی عمادالدین بایزیدچلی) ترتیب ایدیلن هدایای سنیه ایله حضور تیمورخان ایلچی کوندریلدی . چلی سلطان دونوب آماسیه کلدی . بورادن توقاده کیتدی . اماسیه علماسندن صابونچی اوغلو مولانا (الحاج الیاس چلی) پک ماهر بر طیب اولدینی مناسبتله چلی سلطانه حکیم باشی اولدی .

شهرزاده موسی چلی ، پدرینک وفاتندن سوکرا اماسیه یه کلوب قارداشی چلی سلطانه قاووشدی . اماسیه نک مشهور بکلرندن شادی بک زاده (شاه ملک بک) موسی چلی یه لالا اولدی . بونک برادری (بوراق بک) مشهور امرادن ایدی .

۸۰۶ سنه می اواخرنده چلی سلطان محمدک بر اوغلو دوغدی . آدی (مراد) قوندی . سلطان مرادک والده سی ، دواتدار احمد پاشانک

گریمه‌سی (شهرزاده خاتون) اولدیغی ظن اولونور .

چلبی سلطان ، توقادده بولوندیغی ائنده دولقادر اوغلو (سولی بک) دن صداقتی مشعر بر مکتوب آلدی . گریمه‌سی تزوج ایتمه‌سی رجا ایدیوردی . سولی بک قیزی و هدایای تمینه‌سی آلب حدود حکومتی تأمین ایتدی .

چلبی سلطانک اک بویوک دوشونجه‌سی بروسه و حوالیسی آلب انادولو قسمنده تفرقه‌یی قالدیرمقدی بوتون بکری وعسکرلری بونی جاندن اوزلردی . بو غایه ایردیره جک قوه‌مالیه و عسکریه یولنه قونمشدی . بروسه و حوالیسینه حکومت ایدن ، کندی قارداشی (عیسی چلبی) ایدی .

چلبی سلطان محمد ، (۸۰۷) سنه‌سنده منتظم عسکرلیه ، مدیر قوماندانلریله قالقوب آقریه کیتدی . آقره بکربکیسی یعقوب پاشادن آلدیغی فرقه عسکریه‌یی ده کندی قوتلرینه علاوه ایدرک بروسه اوزرینه یوزودی .

ایکی قارداش آراسنده چتین محاربه‌لر اولدی . نهایت اولوباد ایرماغی کنارنده پایدقلى قانلی محاربه‌ده چلبی سلطانک وزیرى (علی پاشا) کبی برچوق ارلر مقتول اولدیسه‌ده عسکرک ثباتی سایه‌سنده (عیسی چلبی) بوزولوب استانبوله قاچدی . چلبی سلطان ، بروسه و حوالیسی آلدی .

چلبی سلطانک بو موفقیتی ، بویوک قارداشی اولان روم ایلی حکمداری « سلطان سلیمان » ی غیرته‌کتیرمش اولدیغی کبی انادولو بکربینه‌ده قوت و اقتدارینی پارلاق بر صورتده کوسترمشدی .

سلطان سلیمان ، بویوک بر غیرتله طوپلادیغی عسکرینی آلوب
انادولویه کچدی . بروسه اوزرینه یورودی . چلبی سلطانک عسکری
هم یورغون ، همده آزماشدی . ارکان حکومت ، حربی موافق کورمدی .
بونک اوزرینه چلبی سلطان ، عسکرینی آلوب آتقره یه دوندی .
سلطان سلیمان ، قارداشنی تعقیب ایدوب آتقره حوالیسنه قدر کچدی .
چلبی سلطان ، حرب ایتمک ایسته دی . فقط بازید پاشا ، مقبل بک
کبی ذواتک رأیله اماسیه یه عودت و آتقره یی کوزل محافظه ایتمه سنی
یعقوب پاشایه تنبیه ایتدی .

اماسیه محافظی اولان « یاقوت پاشا » علی پاشانک وفاتیه وزیر
اولوب اماسیه محافظه سنه توقاد بکلر بکیسی « قوتلو پاشا » مأمور اولدی .
توقاد امارتنده ییجار اوغلو « نورالدین حمزه بک » تعیین ایدیلدی .
چونکد اماسیه ارکان و عسکرینک بروسه حربیه مشغول اولدیغی
کورن مشهور کوپک اوغللری « حسن ، حسین ، سولی » بکلر توقاد
حوالیسنه مسلط اولمشلردی . بونلر ، قاضی برهانک امراسندن مشهور
« کورپه » بکک اوغللریدی .

کوپک اوغللری ، سیواس بکلر بکیسی کورت اوغلو « مزید » بکک
روحنه کیروب آنی اعلان استقلاله ، چلبی ساطانی طانیامغه تشویق
ایدیورلر ، مزید بکی قاضی برهانه خلف بیلیورلردی . قرامان اوغللرینک
تشویقاتی ده مزید بکه طاتلی بر امید ویریوردی .

بوندن تمامیه خبردار اولان بازید پاشا ، بوغائله نک دفعنی هرشیدن
مهم کوزویوردی . بونک ایچون آتقره دن سرعتله دوغمشلردی . ییجار
اوغلو حمزه بکک توقاد امارتنه تعیینی ، چلبی سلطانک بازید پاشا ایله

اماسیه و وصولندن آز صوکرآ توقاده کیتمه سی ایشک اهمیتلی اولدیغی کوستریوردی .

چای سلطان ایله یازیدپاشا، اماسیه دن آلدقلى قوتلرله قازاواده کوپک اوغللرینی یاقالادیلر. قانلی بر محاربه دن صوکرآ پریشان و کوپک اوغللرینه اویانلری تشکیل و استیصال ایدرک توقاده کیتدیلر .

سیواس بکربکسی مزیدبک، کوپک اوغللرینک عاقبتی ایشیتدیکی آنده آنلردن تبرئه ذمت ایدرک تآکید صداقت ایتشدی . یاقوت پاشانک عفو و مساحمه سی رجاسنه بناء مزیدبک، یاقوت پاشایه باغیشلاندی . سلطان سلیمان ، چلبی سلطانک آنقره دن دوندیکنی خبر آلدقه بر طاقم حیل و دسایسه آنقره یی آلمش ، یعقوب پاشا فناحاله آلتایلمش ایدی . چلبی سلطان، جاندارلی اوغلو وزیر علی پاشانک تزویرینه واقف اولدقه توقاددن اماسیه کلدی .

۸۰۸ سنه سنده معیتنه آلدیغی بر قوه مهمه ایله ایکنجی دفعه بروسه اوزرینه یورودی . ازنیق جوارنده واقع اولان قانلی محاربه ده وزیر « علی پاشا » مقتول « ۱ » و یعقوب پاشانک تدایر صائبه سیله « سلطان سلیمان » روم ایلنه کیتمه که مجبور اولدی . بو صورتله بروسه ایکنجی دفعه آلدی .

[۱] تورکیه تاریخنده وزیر علی پاشانک (۸۱۴) سنه سنده وفاتی یازیلیدر . انجاق پاشانک ازنیفده کاش سنک مرارنده (۸۰۸) سنه سنده وفاتی محکوک اولدیغی بروسه ده ملغا مصری نیازی درکاهی شیخی (شمس الدین افندی) یرادر مر کورمش اوقومشدر کذلک (۸۱۱) تاریخلی تیمور طاش بک بن عبداللهک وقفیه سنده (عتیق المرحوم علی پاشا) یازیلیدر . ۸۱۴ سنه سنده وفات ایدن وزیر علی پاشا دکل، بونک برینه وزیر اولان قره علی (علام الدین) زاده (حسن پاشا) در .

مشاهیر امرادن «تیمورطاش پاشا» بروسه بکربکیسی تعیین و آنقره بکربکیسکنه «یعقوب پاشا» اعاده ایدیش؛ صاروخان، کرمان، منتشا اوغلری چلبی سلطانه عرض انقیاد ایدهرک آنادولوده قوتلی برتورک حکومتی بلبرمشدی.

بونی چکه مبن سلطان سلیمان، استانبوله التجا ایدن برادری عیسی بکی طبیعی فداکارلق مقابله روم ایمپراطورینک موافقتیه چلبی ایدهرک اکا مال وعسکر ویرمش، بروسه اوزرینه کوندرمش، چلبی سلطانی برمدت اوایلایماق ایسته مشدی.

عیسی بک، تیمورطاشی و بروسه اعیانی اقناع ایدهرک بروسه وحوالینسی استیلا و ایکنجی دفعه اعلان امارت ایتدی. بو صورتله آنادولوده عثمانلی تورک لک آراسنه بر قونداق داها کیرمشدی.

۸۰۸ سنه سنده اماسیه قاضیسی «الحاج بدرالدین محمود چلبی» وفات ایدوب یرینه سیواسدن کان نائی خلاطی زاده لردن «ضیاءالدین مسعود چلبی» تعیین ایدیلدی. ایجری شهرده «محمود چلبی تکیه سی» دیمکه مشهور زاویه و عمارت، مرحومک اثر خیریدر.

بوسنه جهانی آتسه ویرن آقساق تیمور، وفات ایلدیکندن دولای اطلاق ایدیلن اماسیه نک مدار افتخاری «حضرت پیرالیاس» و یکنی «احمد چلبی» بن حسام الدین چلبی «۸۰۹» سنه سی اوائلنده اماسیه کلدی. کوموشلو زاده «شمس الدین احمد چلبی» اخلاقه دائر تألیف ایلدیکی اثرینی چلبی سلطانه عرض و تقدیم ایدهرک توجه کوردی.

بوآناده قاضی برهانک امر او عونه سی برلشهرک سیواس بکربکیسی مزید بکی اغفال ایدوب قاضی برهانک اوغلو «زین العابدین عالی شاه»

دينلن تجربه سز برکنجی مقام امارته اجلاس ایتک داعیه سنه دوشم شلردی .
 بونی اک زیاده تروجه چالیشان کوپک اوغلو (حسین بک) دی .
 مزید بک ، یاقوت پاشا طرفندن فوق العاده صیقشدرلدقجه
 صداقتده ثابت قدم ، هر درلو خدمته حاضر اولدیغنی یازیور، زین العا-
 بدینک امارتی افسانه اولدیغنی ، حال بوکوزین العابدینک داییشی ییلدیزلی
 اوغلو یوسف بک زاده (محمد بک) ده حقیقت اولدیغنی عرض
 ایدیوردی .

قاضی برهانک داییشی مذکور (یوسف بک) قاضی برهان طرفندن
 قتل ایدیشدی . بوسیدین یوسف بک زاده محمد بک قاضی زاده
 زین العابدین چالیه خصومت ایده بیلیردی . بوسبب، ارکان حکومتی
 بک دوشوندورویوردی .

بوشانده « یاقوت پاشا » نک اماسیه ده باشلا تدیغنی زاویه سی ، عمارت
 و مکتبی ختامه ایرمش اولدیغندن « ۸۱۰ » سنه سی اوائلنده املاک
 و چفتلکاتی بوخیراتی مصالحنه وقف ایده رک وقفه سنی تنظیم ایتدیرمشدر .
 وقفه سنک باشلانغیجی شویله در : « امیرالامراء الکرام ، وزیر
 الوزراء الفقهاء ، الدستور الکبیر المعظم ، مستعبد ارباب السیف
 والقلم ، فلکی الهمم ، ملکی الشیم ، مربی طوائف الامم ، صاحب مراتب
 العوالی ، مصاحب السلاطین الاعالی ، مجمع المعالی والمفاخر ، مرجع الاعالی
 والافاخر ، آصف العهد والزمان ، خلاصة العناصر والارکان ، ملاذ الفقراء
 والمساکین ، معین الاسلام والمسلمین نظام المملكة الباهرة ، قوام السلطنة
 الظاهرة ، عضد الدولة القاهرة بدرالدولة والدين یاقوت پاشا اوصله الله
 تعالی بالخير والسعادة والسلامة الى کل ما یشاء »

زاویه مذکوره نك مشیختی (یاری شیرازی) دیمکه مشهور
قدوة المحققین (علاءالدین علی) بن سیاوش الدفركی ، یعنی دیوریکلی
زاده (شیخ یار علی چلبی) یه توجیه ایدیلدی . شیخ مشارالیه ،
حقیقه محققین صوفیه دندی .

نهایت اصدقای امرادن مقبل بك ، کزلیجه سیواسه اعزام
ایدلدی . مقبل بك یابدینی تحقیقات و مشاهداتیه مزید بكك كذب
وغفاتی آکلاشیلدی . بایزید پاشا ، بر قوه کافیه ایله سیواسه کیتدی .
کوپك اوغلو حسین بك ، بایزید پاشانك حرکیتی خبر آلدینی
آنده زین العابدینی آلوب ملاطیه طرفلرینه قاچدی . بایزید پاشا
برهانلری پریشان ایدوب مزید بکی طوتدی . چلبی سلطانیه تقدیم
ایتدی .

یاقوت پاشانك خاطرینه رعایت ، مزید بكك دو کدیکی کوزیاشلرینه
مرحمت ایدیلهرك (مزید بك) عفو ایدیلدی . سیواس بکک بکیکنده
ییلدیزی اوغلو (محمد پاشا) تعیین اولوندی . فقط (یاقوت پاشا)
اولدقجه کوزدن دوشدی .

ینه بوسنه دفتردار خواجه جلال چلبی ، اقرباسندن (پیرشجاع الدین
الباس چلبی) ایچون کوموشلو زاده محله سنده شیمدیکی کوموشلو
زاده جامعی یرنده عالی برزاویه خلوتیه بنا ایدهرك خلوتی صوفیلرینی
سویندیردی .

کذلک ینه (۸۱۰) سنه سی اوائلنده امامیه قاضیسی (مسعود
چلبی) یرینه تور حال و طازیه قاضیسی مولانا (رکن الدین محمود)

بن محمد البخاری امامیه قضیسی اولمشدی . [۱]

۸۱۱ سنهسی محرمنده شیخ شادی کوینده منزوی اولان قطب العارفین (الشیخ شهاب الدین شادی) چایی وفات ایدوب یرینه مخدومی (عبدالمنان چایی) قائم اولدی . زاویهسی مصالحنه ۸۱۲ سنهسی غره ربیع الاولنده امرادن بایتمور اوغلو (مصالح الدین موسی بك) بن عماد الدین سلیمان بك املاکنی وقف ایتدی .

بروسه مسئلهسی ارکان حکومتی، بك زیاده مشغول ایدیوردی . بوسنه اوچنچی دفعه اولاراق چایی سلطان بویوک بر قوتله بروسه اوزرینه یورودی . عیسی بك ، بو محاربهده ینه مغلوب اولوب قاچدی . بروسه بکربکیسی (تیمورطاش پاشا) مقتول اولوب یرینه توقادلی فیخرالدین بایزید اوغلو (حاجی عوض پاشا بکربکی اولدی . ۸۱۲ لاکن سلطان سلیمان ، چایی سلطانك بروسه دن عودتی ایشیتدکده ینه عیسی بکه معاونت ایدوب بروسه اوزرینه تسلیم ایلدی . صوکر کندیسی ده اوردوسيله کلوب بروسه وحوالینسی اولدقجه صیقیشدی . حاجی عوض پاشا ، امامیه حکومتدن استمداد ایتدی .

چایی سلطان ، ۸۱۳ سنه سنده ینه بر قوه مهمه ايله بروسه ینه کیدوب عیسی بکه تکرار حرب ایده رک آنی قطعی برانهمه اوغراتدی . عیسی بك هر طرفدن مأیوس اولاراق تغیب ایتدی . سلطان سلیمان ده بروسه حامنده ذوق ایدرکن باصدیریلیدی . معیتی پریشان ایدیلدی .

[۱] پو محمود چایی ، امامیه ده (صارو قاضی) دیمکله مشهور اولوب شیخ الخطاطین امامیه لی (حمداله) افندینک جدیدر . یاقوت پاشانک وقفیهسی بالاسنده بوذاتک امامیه واردر .

۸۱۳ سنه سی شوالنده کوموشلو زاده (پیر شجاعالدین ابوالبقا الیاس) ارتحال دارنیم ایتدی . مشارالیهک جسدی غسل ایدیلیرکن سریرک بر آیاغی قیریلوب اکیلمش اولدیغندن دوشمه مک ایچون بر الیه سریری طوتدیغی عامه بی دوچار حیرت ایتشدی . [۲]

شیخ مشارالیهک مشاهیر خلفاسندن الشیخ شرفالدین حمزه چلبی (بن عیسی زاویه خلوتیه شیخی اولاراق قائممقامی اولدی . دیگر خلیفه سی و دامادی امامیه مفتیسی (جلال الدین عبدالرحمن چلبی) ایدی . بوکاده (پیر جلال چلبی) دینردی .

۸۱۳ سنه سنده سلطان سلیمانک آنادولویه تجاوزاتی قیرماق ایچون چلبی سلطان ، کوچوک برادری (موسی چلبی) بی کندیسینک اک زیاده مظهر اعتمادی اولان شادی بک زاده (شاه ملک) بکله برابر روم ایلنه کوندردی .

۸۱۴ سنه می ذی القعدة سنده معلم سلطانی صوفی (عمادالدین بایزید چلبی) وفات ایدوب اوچلر محله سنده مدفن مخصوصنه دفن ایدیلدی . اوغللاری (محمود ، حمزه ، حسین) چلبیلر صوفی زاده لیکله مشهور اولدیلر .

بوسنه آناتولی بککر بکیسی (حسن پاشا) بن عبدالله بک امامیه یه جلب ایدیلوب یرینه طور و مطای زاده (قیا پاشا) آناتولی بکار بکیسی اولاراق آنقره یه کیتدی . صوفی بایزیدک یرینه ده خلفت زاده (عزالدین حسن چلبی) معلم سلطانی اولدی .

[۲] بو حالت مشهوره ، ۸۱۵ سنه سنده تنظیم ایدیلن یعقوب شانک وفقیه سنده مسطور اولدیغنی کوردم . کنذاک (نفحات الانس) ترجمه سنده واردر

ینه بوسنه مشاهیر شعرادن (مولانا احمدی) اماسیهده وفات
ایتدی . دیوان هایون کاتبی ایدی . یرینه اماسیه شعراسندن (محمود
غباری چلی) دیوان کاتبی اولدی . خطاط مشهور (یحیای رومی)
مخدومی اولوب هم خطاط ، همده شاعر ایدی .

۸۱۴ سنه بی اوائلنده روم ایله کیدن شهزاده (موسی بك)
برادری علیهله ادرنه حوالیسنه قدر کلدی . مشغول ذوق اولان برادرینی
مغلوب ایدوب ادرنهده مستقلاً اعلان سلطنت ایدرک (سلطان
صلاح الدین موسی خا) عنواتی آلدی . اماسیه لی (شاه ملک پاشا) نی
وزیر و مشهور (بدرالدین محمود چلی) نی قاضی عسکر نصب ایتدی .
حال بوکه موسی بك ، ادرنه و بوتون روم ایلی بلادینی بویوک
برادری (چلی سلطان محمد) نامنه ضبط و استیلایه مأمور ایدی .
خلاف مأمول اعلان سلطنت ایتمش ، بوندن دولانی (شاه ملک پاشا)
مشکل بر موقعده قالمشدی .

ادرنهده (سلطان موسی) نك اعلان سلطنتی چلی سلطانه بك
کران کلور ، کندیس ی بوقدر جان و مال فدا کارلغنده بولوندیغی حالده
قارداش نك خلف وعد ایتمه سی کوجنه کیدیوردی .

وزیر یاقوت پاشا ، چلی سلطانی تسلیه ایده جك بر اوردو حاضر-
لامشدی . بایزید پاشا صبروتانی ایدیتمه سی بیان ایتدیکی حالده (۸۱۵)
سنه سنده (چلی سلطان) ایله برابر اماسیه دن قالقوب روم ایله جکدی .
فقط سلطان موسانك عسکری چوقدی . استانبول جوارنده
انجو کیز موقعنده یاپیلان محاربهده (یاقوت پاشا) تلف اولدی . چلی

سلطانك كندیسی و عسکری بویوك ضایعاته اوغرا دی . بالماجیوریه
اماسیه کلدی . ۸۱۵ سنه سی ذی القعدة سنده اسبق آنقره بکلبکیسی
یازارلی اوغلو (یعقوب پاشا) اماسیه ده بکار سرائی جوارنده باشلاتدینی
معظم جامع ، مدرسه و زاویه سی ختام بولمغله املا کنی بوخیراتنه وقف
ایتدی .

بووقفیه یی تسجیل ایدن اماسیه قاضیسی (صارو قاضی) دیمکه
مشهور مولانا (رکن الدین محمود) بن محمد البخاری البورانی ایدی .
اماسیه نك مشاهیر علماسندن مصلح زاده (کمال الدین عبدالحی چلبی)
بن احمد چلبی بواثناده چلبی سلطانك قاضی عسکری ، ایدی .

یاقوت پاشانك یرینه اون ییلدن بری ناشانجی صفتیله مدبر مملکت
اولاراق عقل و درایتیله تمایز ایدن امام زاده (حاجی خلیل پاشا) وزیر
اولدی . بایزید پاشا اماسیه محافظی اولوب کوموشلو زاده (شمس الدین
احمد چلبی) ده ناشانجی اولدی .

۸۱۵ سنه سی غره رمضانده صوفی بایزیدك اقرباسندن نیکده لی
اوغلو (فیض اه چلبی) وفات ایتدی . اوچلر محله سنده مدفن مخصوصنه
دفن ایدیلدی . سنك مزارنده تاریخ وفاتی محکوکدر . دفتر دار (خواجه
جلال چلبی) ده بوسنه وفات ایدوب یرینه عثمانجیلی (خواجه نظام الدین
محمد چلبی) دفتر دار اولدی .

سلطان موسی ، ادرنده براز جبارانه حرکت ایدیور ، روم ایلی
بکلرینی قیزدیریوردی . بونی تحقیق ایدن حاجی خلیل پاشا ایله بایزید
پاشا روم ایلی بکلرینه مکتوبلر یازوب چلبی سلطانه اطاعت ایتلرینی
توصیه ایدرک انلردن موافقت جوابلری آملشردی .

۸۱۶ سنه سی اوائلنده بو جوابلر اوزرینه ترتیب ایدیلن بویوک بر قوتله چلبی سلطان معیتنده حاجی خلیل پاشا و بایزید پاشا روم ایلنه کچدیلر . روم ایلی بکارندن چوقلری چلبی سلطاننه کلوب عرض صداقت ایتدیلر .

نهایت چامورلی صحراسنده یاییلان محاربه ده سلطان موسانک عسکری پریشان و کندیسیده اسیر اولدی . کندی یاینک کیریشیله بوغولدی . (چلبی سلطان محمدخان) ۸۱۶ سنه سی جمادی الاخره سنده ادرنده بوتون عثمان ایلنه مستقلاً پادشاه اولدی .

چلبی سلطان محمدک استقلالنه، دولایسیله عثمانی تورکلرک آراسنده برلکی تأمینه پک فداکارانه چالیشان ارلرک باشنده اماسیه و توقادخلقی و اعیانی اولدینی محققدر .

خاصهً اماسیه لیلرک تورکلرکه ایفا ایتدکاری بویوک خدمتلی ، شانلی همتلی تاریحاً اونوتولماز مساعی مشکوره دندر . اقبالک ذروه سنه قدر یوکسهلمش اولان غرب تورکارینه آقساق تیمورک ایندیردیکی ضربه فلاکتی ، اون بر ییل کبی پک قیصه بر زمانده تلافی ایده رک اسکی بویوکلکی جانلاندیران اماسیه لیلردر .

چلبی سلطان محمد، ادرنده غرب خاقانلی تحتنه جلوس ایتدکده وزارت عظمیا مسندنده اماسیه نک یتیشدیردیکی امامزاده (الحاج خیرالدین خلیل پاشا) بی ابقا ایدوب [۱] روم ایلی بکربکیلکنه اماسیه لی (بایزید

تورکیه تاریخنده چلبی سلطانک استقلالنده ایلک وزیر اعظمی جانداری زاده (ابراهیم پاشا) کوستریلکده در بونک نه بر مناسبتی ، نه ده بر موقعی یوقدره . ۸۱۸ سنه سنده تنظیم ایدیلان اومور بکک وقفیه سنده وزارت موقعنده

پاشا)نی، اماسیه بکلی بکیلیکنده اماسیه لی (یورکچ پاشا)نی تعیین ایتشدیر.

(جلال الدین یورکچ پاشا)

اماسیه اعیان امراسندن اتا بک زاده عبده بک اوغلودر. پدری (عبدی بک) دیمکه مشهور و اتا بک اوقافنه متولی ایدی [۲] اماسیه امیر کیری حاجی شادکلدی پاشا زاده مصطفی بک دامادیدر. [۳] یورکچ پاشا، چلی سلطان محمدک خدمت خاصه سنده، لالالغنده بولوناراق تورک برلکته جانسپارانه همت ایدن ارلردندر. مساعیء مشکوره سنک لایق مکافاتنی اولارق (۸۱۶) سنه سی حمادی الاخره سنده اماسیه بکلی بکیسی اولدی.

چلی سلطانک نذرینه بناء بوسنه حرمین شریفین فقراسنه تخصیص و ارسال ایدیلجهک صرة هایون امانته یورکچ پاشانک کوچوک برادری (خیرالدین خضر بک) تعیین ایدیلدی. دیگر برادری (شجاع الدین الیاس بک) میرلوا اولدی.

(حاجی خلیل پاشا) وشهود آراسنده (ابراهیم چلی) بن خلیل پاشا کورولمکده در. کذلک (حاجی خلیل پاشا) نک وفاتندن سوکرا تنظیم ایدیلن (۸۲۰) تاریخلی وقفیه سنده وزیراعظم اولدینی مصر حدر.

[۲] یورکچ و بازید باشلرک غیر تورک بولونقلرینه دائر صولاق زاده نک بالان، یاکیش روایتلری نص قاطع صایلمسینه حیرت اونونور. یورکچ پاشا وقفیه سنده آبا واجدادینک مسلم اولدقلرینه دائر صراحت قطعی وارد. کندیسینه (سلالة الامراء) دیتشدیر. جامعنک فایسی اوستنده (یورککوج پاشا بن عبده الاتا بکی) ديه محکوکدر. باباسی هر عبده اولان غیر تورک اولماز

[۳] یورکچ پاشانک حلیله بی آدی (صفیه خانوم) اولدینی وقفیه سنده مذکوردر. چلی سلطان ایله یورکچ پاشا آراسنده قرابت صهریه اولدینی محققدر.

اماسیه از کافی روم ایلی حربنده مشغول اولدینی ائاده قوباد اوغلو
 علی بکک مخدومی (جنید بک) صامسون امیری طاشان اوغلو (احمد بک)
 اوزرینه اکسزین هجوم ایدرک اولدورمش ، صامسون سنجاغی
 ضبط ایتشدی. چونکه احمد بک، جنید بکک یدرینی اولدورمشدی.
 جلوس هایون وقوعندن صوگرا « جنید بک » قصورینی اعتراف
 ایدرک یورکچ پاشایه و عفو پادشاهییه دخالت ایتدیکندن احمد بکک
 ورثه سنی ارضا ایتک شرطیله عفو ایدیلرک مقامنده ابقا ایدیلدی .
 کذلک ارکان حکومتک روم ایلنده مشغولیتندن بالاستفاده کوپک
 اوغلو « حسین بک » ، سیواسه هجوم ایدوب سیواس بکربکیسی
 محمد پاشایی افنا ایدرک قاضی برهانک اوغلو « زین الدین علی شاه » ی
 امیر یامیشدی .

۸۱۷ سنه سی اوائلنده سیواس امارتی مزید بکک ثانیاً توجیه ایدیلرک
 اماسیه دن بر قوه کافیه اعزام ایدیلدی . مزید بک بوقوتله آکسزین
 سیواسه کوروب عاصیلری پریشان ایتدی . زین العابدین بکی طوتوب
 اماسیه یه کوندردی . سیواس اعیانندن بعضیلرله قلعه بالا زنداننده
 حبس ایدیلدی .

کوپک اوغلی (حسین بک) سیواسدن قاچوب برادری سولی
 بکله برابر ملاطیه طرفلرینه کیتمشلردی . سیواسک خنجنی چیقارمق
 ایچون (۸۱۷) سنه سنده ملاطیه حوالیسینی اوروب یاقدیلر . (انباء الغمر)

۸۱۷ سنه سی ذی الحجه سنده (شیخ جوعی) دیمکله مشهور اولان

(جمال الدين محمد دده) اقامت ايلديكى قربة سنده بنا ايلديكى جامع ومولويخانهسى مصالحنه املاكنى وقف ايتمى .

۸۱۸ سنهسى صفرينك طقوزنجى صالى كوني ايگيندى اوزرى اماسيه وملحقانده مدهش بر زلزله اولوب اماسيه شهرينى خرابه زاره دوندوردى . پك چوق نفوس انسانيه و حيوانات تلف اولدى . پك چوق جوامع شريفه وابنيه عاليه يي ييقوب آشاغى ايندirdى .

اماسيه اعيانندن اماسيه قاضيسى (ركن الدين محمود بخارى) ، پير الياس خلوتى خليفهسى قطب المشايخ (پير شرف الدين حمزه چلبى) ، اماسيه مولويخانهسى شىخى (كوپولو اوغلو) ديمكله مشهور شيخ مؤيد زاده (مجدالدين عبدالمجيد چلبى) وياقوت پاشا زاويهسى شىخى ديوريكلى زاده (على يارى چلبى) وفات ايتدى . (يارى چلبى) يرينه مخدومى . (مؤيد چلبى) كچدى .

اماسيه وملحقانده زلزله نك ايقاع ايلديكى خسارات عظيمه هر كسى تدهيش ايتمكده ايكن اسكلب حواليسنده مسكون اولان (قره تاتار) بليهسى ده آريجه بر داغ درون اولديغندن اماسيه واليككنه شهزاده (سلطان مراد) تعيين ايديلهرك ادرنه دن كونده ريلىدى .

(سلطان مراد خان)

چلبى سلطان محمد خانك بويوك شهزاده سيدر . اماسيه ده دوغوب . اماسيه ده بويومشدر . پدرينك جلوسنده ادرنيه كيدوب (۸۱۸) سنهسى ربيع الاولنده اماسيه واليسى اولارق معلمى بولونان اماسيه لى

(شجاع‌الدین الیاس چلبی) بن خضرله برابر کلدی .

سنقرور اوغلو ملک اسماعیل بک ، اماسیه محافظی وشهزاده اتابکی اولاراق توقادامارتندن جلب ایدیلدی . فقط اهالی مملکت تکرر ایدن زلزله‌لردن دولایی اوچ آی قدر چادیر آلتیده یاشادی . زلزله‌دن مصون اولان باغچه‌لر ، باغ‌لر ، تارلار قورودی . اورتالی قحط‌وغلای استیلا ایتدی .

شهزاده سلطان مرادک ورودنده اماسیه قاضیلکنه کبار علمادان مصلح زاده (شمس‌الدین محمد شاه) افندی تعیین ایدیلدی . شیخ شرف‌الدین حمزه چلبی یرینه اماسیه مفتیسی کوموشلو زاده (پیر عبدالرحمن چلبی) خلوتیه شیخی اولوب کبار فقهادان لادیکلی (تاج‌الدین اسرافیل چلبی) ، اماسیه مفتیسی و (جلال‌الدین محمد ارزنجانی) ده مولویخانه شیخی اولدی .

وزیر اعظم الحاج خلیل پاشانک قاضی اولدینی کومش قصبه‌سنده باشلاتدینی مدرسه‌عالیه (۸۱۸) سنه‌سنده ختامه ایردی . مدرسه غایت‌متین اولدیغندن زلزله مدهشه‌دن متأثر اولمادی . آدی مدرسه‌نک قاپوسی اوستنده محکوکدر

۸۱۹ سنه‌سنده اماسیه محافظی ملک اسماعیل بک ، هر طرفه طاعون ووباکی مستولی اولان قره تاناری قیروب کچیردی . بلیه‌لرینی خلقلک اوزرندن قالدیردی . شهزاده و خلقلک نظرنده یوکسه‌لدی .

ینه‌بوسنه شهزاده سلطان مصطفی ، خروج و قیام ایدرک‌سلانیک طرفندن کلوب سیروزی اشغال ایتشدی . وزیر اعظم (الحاج خلیل پاشا) معینه آلدینی بر قوه مهمه ایله سیروز اوزرینه کیتدی . فقط

شهنزاده سلطان مصطفی حربنده مقتولاً وفات الیلدیکندن یرینه اماسیه لی سنقور اوغلو (بایزید پاشا) وزیر اعظم اولدی . [۱]

شهنزاده مصطفی [۲] نك قیامی بك مهمدی . روم ایلی بککری ، خاصه کوملو اوغللری شهنزاده یی بك کوزل طانیورلر ، اكا اطاعت ایدیورلردی . بونك قیامی چایی سلطانی بك زیاده تلاشه دوشورمشدی . شهنزاده نك و قرامان اوغلو محمد بكك قیام و عصیانی قسطنمونی حاکمی اسفندیار بکه جرأت ویرمش ، قره حصار شرقی بکی «حسن» و ارزنجان بکی «پیر عمر» و صامسون بکی جنید بککری دائرة اتفاقه آلمشدی .

۸۲۰ سنه سنده اسفندیار بك ، مخدومی خضر بکه عسکر ترفیق ایدهرک بافره و ملحقاتی ضبطه قیام ایتمش ، صامسون طرفلرینی ده بوصورتله اله کچیرمش ، جانیک بکی الب آرسلان زاده «حسام الدین حسن بك» بونی شهنزاده سلطان مراده بیلدیرمشدی .

۸۲۰ سنه سی ربیع الاولنده وزیر اعظم اماسیه لی بایزید پاشا اماسیه ده باشلا تدینی جامع شریفی ، عمارتی اکیال ایدهرک اماسیه ده کائن املاک و عقاراتی بو خیراتنک مصالحنه وقف ایتدی . مخدومی (عیسی بك) اماسیه ده اوقافنه نظارت ایتمکده ایدی .

[۱] تورکیه تاریخنده جاندارلی زاده لرك غیر تکشلی بوتاریخده جاندارلی زاده (ابراهیم پاشا) یی وزیر اعظم کوسترمشلردر . حال بوکه بایزید پاشاک و قیه لری ، وقعه لری ، خدمتلی وزیر اعظم اولدیغنه شهادت ایتمکده در . خصوصیه ابراهیم پاشا ، اوراق رسمیه ده (۸۱۹) سنه سنده (ابراهیم چلبی) عنوانیه مذکوردر .

[۲] شهنزاده مصطفی ، چلبی سلطانک بویوک برادری و بیلدیرخانک شهنزاده سیدر . تورکیه تاریخنده بوکا (دوزجه) دیمشدر .

اماسیه حوالیسنده جریان ایدن وقایعی خبر آلان چلبی سلطان محمد ، ۸۲۱ سنهسی محرمنده اماسیهیه بویوک بر قوتله کلدی . بچار اوغلو «نورالدین حمزه بك» صامسون بکی قوباد اوغلو جنید بکی بر حملهده اخذواعدام ایتدی . خضر بکی قسظمونییه قاچیردی . حسن بك ده رجای عفو ایله مقامنده قالدی .

چلبی سلطان محمد، کچن ییللرده قره تاتارک یایدیغی فناقلری درخاطر ایدرهك اسفندیار بکه ایجابنده معین اولان بونلری روم ایلنه قالدیردی . بونلرک بکی اولان منت زاده «محمد بك» ده برابر کیتدی .

چلبی سلطان محمد، ۸۲۱ سنهسی ربیع الاخرنده اماسیه دن قالقوب ادرنهیه کیتمشدی . فقط شهرزاده سلطان مصطفی، بوتون قوتیله ادرنهیه هجوم ایلدیکندن چلبی سلطانی ادرنه دن چیقاردی . روم ایلنه حکمدار اولدیغی اعلان ایتدی .

۸۲۲ سنهسی اوائلنده جریان ایدن بووقعه مهمه ائناسنده اینال اوغلو «یار علی بك» بن ابراهیم بك توقادی باصوب بچار زاده حمزه بکی تحصنه مجبور ایتمشدی . اماسیه محافظی «ملك غازی» دیمکله مشهور اسماعیل بك، قوه موجوده سیله کیدوب یار علی بکی قاچیردی . توقادی قورتاردی .

ملك اسماعیل بك ، بو محاربه ده یاره نتمشدی . اماسیهیه وصولندن بر آز سوکرا « ۸۲۲ » سنهسی جمادی الاخره سنک ایکنجی کونی [۱] وفات ایتدی . رینه یازید پاشا برادری حمزه بك

[۱] سنک مزارنده بویله محکوکدر . مشارا لیهک خلقت غازی تربسی حذاسنده کاش عرصه خالیه دروندن قازدروب چیقاردیغ قبرینی رؤیامده کندیسو کوسترمشدی . کوستردیکی رده طوبراق آلتنده بولدم .

شهرزاده اتابکی واماسیه محافظی اولدی .
۸۲۳ سنه سی اوائلنده شهرزاده سلطان مصطفی ، حرباً ادرنه و صوگرا
روم ایلندن چیقاریلدی . توقاد بکی بیچار اوغلو (حمزه بك) ده
(۷۲۳) سنه سی رمضانك بشنده وفاتیه توقادده مدفن مخصوصنه دفن
ایدیلدی .

۸۲۴ سنه سی جمادی الاولاسنده (چلبی سلطان محمد خان) وفات
ایلدیکندن برینه اماسیه والیسی اولان شهرزاده سی (سلطان مرادخان
ثانی) کجی . اماسیه بکر بکیلیکنده لالاسی (حمزه بك) تعیین
ایدیلدی .

(حمزه پاشا)

وزیر اعظم بایزید پاشانك برادری واماسیه لی سنقور زاده یخشی
بك مخدومیدر . سلطان مراد ثانینك عثمانلی تخته دعوتی مشعر مکتوب
ایله چاشنکی باشی (الوان بك) ۸۲۴ سنه سی جمادی الاولاسنك اون
طقوزنجی کونی اماسیه کلشدی .

سلطان مراد ، اوکون ادرنه یه متوجهاً یوله چیقماقلا حمزه پاشا
(۸۲۴) سنه سی جمادی الاولاسنك یکر میسندن اعتباراً اماسیه بکر بکیسی
اولدی . بوکاده (نورالدین حمزه بك) دینیردی .

نشانچی ایکن وزارت ویریلن کوموشلو زاده (شمس الدین احمد
پاشا) پیرالیاس خلوتی زاویه سی جوارنده بر جامع شریف بناایدوب
(۸۲۴) سنه سنده ختامه ایرمشدر .

سلطان سلیمان بن ییلدیرم بایزید خانك شهزاده سی اولان (محمدشاه) ایله (قاسم چلبی) حق وراثت داعیه سینه دوشدکاری اخبار ایدیلش، قلعه بالایه قالدیریلش لر دی .

۸۲۵ سنه سی محرم نك یکر می بشنجی کونی بافرمان مرادی (محمد شاه چلبی) اختاق ایدیلوب اماسیه ده شهزادکان تر به سنه دفن ایدیلدی . فقط برادری شهزاده (قاسم چلبی) اختاق ایدیله جکینی آکلادیغی آنده صادق بر جاریه سنك یاردیمیه کندیزی و همشیره سی کیجه قلعه دن فرار ایدوب مصره کیتدیلر .

چونکه روم ایلنده ییلدیرخان اوغلو (سلطان مصطفی) ایکنجی دفعه خروج و قیام ایتشدی . بونلر کده حق وراثتن دم اورملری خروج و قیام ایده جکلرینی اشراب ایدیوردی .

لاکن (قاسم چلبی) نك فرارینه میدان ویرمه سی حمزه پاشا ابچون بر قباحت صایلمشدی . فقط برادری (بایزید پاشا) وزیر اعظم بولوندیغی جهته مساعحه ایدیلدی . برادر یله سلطان مصطفی حربنه مأمور آ روم ایلنه چاغیریلدی . یرینه (یورکچ پاشا) تعیین ایدیلدی .

(یورکچ پاشا)

والی سابقدر . ۸۲۵ سنه سی شعباننده اماسیه بکلر بکیسی اولارق آتقره دن کلدی . اماسیه ولایتی بونك زماننده ، اماسیه ، سیواس ، توقاد ، قره حصار شرقی ، جانیك ، چوروم سنجاقلرندن متشکل بر ولایت جسیمه ایدی . رومیه ولایتی دینیردی .

اماسیه یکچیریلرینک ضابطی «سکبان باشی» نامیه پاد ایدیلردی.
بو ائناده سکبان باشی «تیموراغا» «آلای بکی عثمان پاشا زاده «قیابک» دی.
مولانا اسرافیل ، اماسیه ولایتک شیخ الاسلامی صایلردی .

توقاد و سیواس اطرافنده اشقیا توره مشدی . کویلری باصوب
ماللری یاغما ، انسانلری قبل وافنا ایدرلردی . یورکچ پاشا ، سیواس
بکی خوروزاوغلو (الحاج احمد بک) له برلشدی . بوتون قوتیه چالیشوب
اشقیانی تارومار ایتدی . .

۸۲۵ سنه سی ذی الحجه سنده وفات ایدن اماسیه مقتیسی مولانا
(اسرافیل چلبی) یرینه توقادی (قره سنان چلبی) دیمکه مشهور فضلادن
(سنان الدین یوسف چلبی) مفتی بنام اولدی . اسرافیل زاده مولانا
(نصوح چلبی) ده مدرس اولمشدی .

۸۲۶ سنه سی اوائلنده ییلدیرمخان اوغلو سلطان مصطفی یه اسیر
اولان وزیر اعظم «بایزید پاشا» مقتولاً وفات ایتدی . برادری حمزه
پاشا خلاص اولوب آیدین ایلنه مأمور اولدی . بو ائناده اماسیه لی
خلفت زاده «عزالدین حسن چلبی» قاضی عسکر دی .

۸۲۷ سنه سنده چوروم و عثمانجق حوالیسنده توره بن قیزیل
قوجه اوغللری و عونیه سی نهب و غارتله خلقی تیتره تملرلدی . یورکچ
پاشا ، بونلری دامه دوشورمک ایچون مخدومی خضر بکه بر ولیه
جمعی تریب ایدهرک سرکرده لرینی ضیافته دعوت ایتدی .

اشقیاء ، یورکچ یاشانک بودعوتنی ضعفنه حمل ایدهرک اماسیه شهرینی
یاغما اتمک اوزره اجابت ایتدیلر . بویوک و قیمتلی هدیه لر تریب ایدهرک
مسلح عونیه سیله برابر مرز یفونه قدر کلدیلر .

یورکیج پاشا ، مخدومی خضر بکی مرزیفینه کونده روب استقبال
ایتدیردی . خضر بك ، اشقیا وعونه سنی آلوب غایت دبدیلی برآلای
ایله اماسیه شهرینه ایتدیردی . اشقیا وعونه سی اوزر ، اوزر اعیان
خانه لرینه توزیع ایدیلدی .

یورکیج پاشا ، ویردیکی تعلیمات ایله اشقیایی وعونه سنی برکیجه
ایچنده طوتوب باغلاتدی . جمله سنی ده قلعه بالا بدنده اولان مفارده لره
حبس ایدوب صامان بوغیله اولدوردی . [۱]

۸۲۷ سنه سی رمضاندیله مشاهیر فضالان پیرالیاس خلوتی زاویه سی
شیخی کوموشلو زاده (پیر عبدالرحمن چلبی) ارتحال دار نعیم ایدوب
یرینه (شیخ حمیدالدین محمد چلبی) بن ابراهیم کچدی . خلوتیه
شیخی اولدی .

۸۲۸ سنه سنده کوپری داخلنده (قوجه قیاسی) دیمکه مشهور
قلعه ده اقامت ایدن طاشان اوغلو « حیدر بك » بن قاسم بك بن حیدر
بك قلعه نك متانتنه و ذخائر وارزاقنك كثرته مغرور اولارق یورکیج
پاشایه اطاعت ایتمز ، کیسمه یه بویون اکر بر حالده ایدی .

یورکیج پاشا ، مکرراً حکومتی اطاعت ایتمه سنی تکلیف ایتدیکی
حالده دیمکه مزدی . یورکیج پاشا ، حیدر بكك مخدومی قائم بکله مستشار
اموری طیفور بکی جلب و استمالت ایدرک حرباً قلعه یی آلدی .
حیدر بکی اماسیه کوندردی . قاسم و طیفور بکله زعامت لر ویردی .

[۱] یورکیج پاشا نك بودورلو حرکتی بعض مورخلر بك ظالمانه بولوب
بی سروب سوزلره تنقید ایتمکده درلر . اوزمان بواشقیانك یوزلرجه معصوملری ،
مظلوملری دیری ، دیری آتشلره یاقدق لرینی حابه قاتیورلر .

۸۲۸ سنه می رجبنده اماسیه سراینده اقامت ایدن سلطان مرادک
بویوک مخدومی « محمد چای » صغیراً وفات ایدوب شهزادکان تربه سنه
دفن ایدیلدی. تاریخ وفاتی سنک مزارنده محکوکدر .

۸۲۹ سنه سنده روم ایلی بککربکیسی اماسیه لی شادی بک زاده
« شاه ملک پاشا » ایکن ییلدیرمخان اوغلو «سلطان مصطفی» اوچنچی
دفعه قیام ایده رک روم ایلی بککری بربرینه دوشوردی .

چونکه شاه ملک پاشا ، اکسزینی عزل اولونوب یرینه صیرب
مهدیلرندن قوال اوغلو دیمکه مشهور «اسحاق پاشا» کوندریشدی .
حال بوکه بوتاریخه قدر مهدی بککره میرلوقدن زیاده رتبه ویردیلزدی .
روم ایلی بککری « اسحاق پاشا » نی قبول ایتیموب اوز تورککردن
بر بککری کوندریله سنی رچا ، سلطان مراد ثانی ده قبول ایتلیرنی
اراده ایده رک مخالفت ایدنلری تربیه یه قیام ایتمشدی .

تام بو صیراده «سلطان مصطفی» قیام ایدوب مخالف بککری کندیسنه
اطاعت ایده رک وقعه کسب اهمیت ایتمشدی . بوخصوصه رجال دولت
ایکی طرف اولدی . رجالک ایچنده مخالفلری التزام ایدنلرده واردی .
وزیراعظم جاندارلی زاده «ابراهیم پاشا» بولردندی .

اماسیه ده استاذالکل صاییلان سعدالدین تفتازاتی تلیندی و اماسیه
مفتیسی مشهور «قره سنن افندی» ارتحال داربقا ایتدی . یرینه دیکر
توقادی شیخ محمد چای زاده « تاج الدین ابراهیم افندی » اماسیه
مفتیسی اولدی .

سلطان مراد ثانی، بویوک برقوتله سلطان مصطفی اوزرینه کیتدی .
کوستندیل جوارنده یاپدیغی قانلی محاربه ده ییلدیرمخان اوغلو «سلطان

مصطفیٰ بی طوتوب کندی کوزی اوکنده بوغدوردی .
ایکنجی مراد، ادرنه یه عودتده جاندارلی زاده «ابراهیم پاشا» بی
عزل ایدوب یرینه توقادلی فیخرالدین اوغلو «حاجی عوض پاشا» بی
وزیر اعظم یاپدی . مخالفلردن خیلی بکیر دوچار فلاکت اولدی .

۸۳۰ده جانیك بکی اولان الب آرسلان اوغلو « حسین بك »
بعض امرايك تحریکاتیه یورکچ پاشانك او امرینه اطاعت ایتمز
اولمشدی . یورکچ پاشا ، کندی کوله لرندن پولاد بکی بر قوه کافیه
ایله کوندردی .

حسین بك، یاپدیغی مناسبتسر لیکدن ندامت ایدهرک عفوئی استرحام
ایلدیسه ده «پولا بك» بیچاره بی طوتوب باغلادی . مقید اولارق اماسیه یه
کوندردی . یورکچ پاشانك مؤخرأً عریضیه عفو ایدیلوب روم ایلنده
کوماجنه سنجانغی بکی اولدی .

بو خدمتلیرینه مکافآً یورکچ پاشایه وزرات ویریلدی . کندیسینه
سایطان مرادك اعتمادی فوق العاده اولوب نامنه سکه و آقچه ضربنه
مساعده مخصوصه آلدی . بونلره « یورکچ پاشا آقچه سی » دیندی .
یورکچ پاشانك قدر و اعتباری یوکسه لدی .

۸۳۰سنه سی جهادی الاخره سنك اون بشنده اماسیه قاضیسی مصلح
زاده «شمس الدین محمد شاه چلبی» وفات ایدوب یرینه مخدمولرینك
بو یوکی اولان « نظام الدین عبدالرحمن چلبی » اون آلتیسنده اماسیه
قاضیسی اولدی «۱» بوکا «شاه چلبی» دینردی .

[۱] بو تاریخی . اله کچن شرح مفصل کتابك برنجی صحیفه سی کنارنده
کندی خطی اولان کوزل بر تعلیق ایله یازیلش اولدیغی حالد کوردم .

۸۳۱ سنه سنده مرکز سلطنت اولان ادرنه و بروسه ده رجال آراسنده شديد بر بحران واردی. دیو شیرمه لرك بكار بکیسه ترفعی مسئله سی بو بحرانی تولید ایتشدی. دیو شیرمه لر دین اسلامك امر ایتدیکی مساواتی، خدمت لری مقابله ده مکافات ایسته یورلردی.

ملیتنه صاریش اولان تورك ارلری ده کندی کوله لیمزه کندی المزه و رضامزه کندی حکومت و استقلالیزی ویره میز، بونك عاقبتی توركلك ایچون مهلك اولور دیورلردی.

ایکینجی سلطان مراد، دیو شیرمه لری تطمین ایتك طرفداری ایدی. چونکه خدمت لری بویوکدی. نهایت وزیر اعظم حاجی عوض پاشا، فناری زاده محمد شاه افندی کبی رجال دولت مقتول اولدی. جاندارلی زاده ابراهیم پاشا مسموماً وفات ایتدی. قاضی عسکر فریدالدین محمد چایی عزل ایدیلدی.

تورکلردن آسایش بك زاده «سنان پاشا» روم ایلی و دیو شیرمه لردن «قراجا پاشا» آناتولی بكار بکیسی اولدی آناتولی بكار بکیسی اماسیه لی حمزه پاشا معزول اولوب عثمانجق قوجه «نظام الدین محمد پاشا» وزیر اعظم، آقره لی «ولی الدین افندی» قاضی عسکر اولدی.

وزارنه نشانجی اولان قیرشهرلی «شیخی پاشا» ده معزول اولوب برغمه لی «خطیب پاشا دیمکه مشهور اولان «هبة الله چایی» وزراتله نشانجی اولدی. ارکان حکومت تمامیه دیکشیدی.

قاضی عسکر سابق فریدالدین محمد چایی، چلبی سلطانك مرزیفونده بنا ایلدیکی مدرسه نك ایلک مدرسی اولوب سید شریف جرجانی تلیندی ایدی. معزولاً مریفونه کلوب ثانیاً سلطانیه مدرسی اولدی.

فقط بایزید پاشا برادری حمزه پاشانك عاقبتی آ کلاشیلامدی .

بوسنه مشایخ زینهدن « السید صدرالدین محمد » بن السید حسین الحسینی الحارسانی امامیه کلوب علم و سیادتیه کوره حرمت کوردی . امامیه مفتیسی توقادلی (تاج الدین چلبی) وفات ایدوب یرینه کبار فضلادن امامیه لی « پیر صنع الله چلبی » مفتی اولدی .

سیواس ، دارنده ، دیوریکی طرفلرنده ظهور ایدن وقایعی تحقیق ، مسیبلرینی تشکیل ایتک اوزره یورکچ پاشا ، « ۸۲۲ » سنه سنده امامسندن قالقوب دارنده یه کیتدی . یرینه قاین برادری اولان « امین الدین محمد پاشا » بی قائم مقام والی نصب ایتدی .

امین الدین محمد پاشا ، حاجی شادکلدی پاشا زاده لردن مصطفی بیکک مخدومیدر . یورکچ پاشانك اسکی کتخداسی اولان (الحاج محمد اغا) ایله امامیه ولایتی کوزلجه اداره ایتدی . محمد پاشا ، یورکچ پاشایه (انشته پاشا) دیردی . [۱]

یورکچ پاشا ، دارنده دن سیواسه ، بورادنده قیصریه و نیکده حوالیسنه قدر کیدوب خیلی اصلاحات یاپدی . برچوق اشقیا کسیدی . (۸۳۳) سنه سنده امامیه یه عودت ایدوب قاین برادری « امین الدین محمد پاشا » سیواس بککربکیسی اولدی .

یورکچ پاشانك امامیه ده باشلاتدیغی جامع ، مدرسه و عمارتی « ۸۳۴ » سنه سنده ختامه ایردی . پک مطمئن برصورتده رسم کشادینی

[۱] بونلرک آرالرنده جریان ایدن مخابراتی حاوی مکتوبلری ولی الدین افندی کتبخانه سنده بر مجموعه منشأته کوروب نوط ایتشدم . حیف که یانفینده بونلر یاندی . برداها او مجموعه بی ده بولامادم .

یابدی . مشـار الیهک کوپری و کومش قصبه لرنده کائن جامع لری ده
ختمه ایرمشدی . بوسنه حاجی شادکلدی اولادن دن داود بك زاده
« محمد شاه بك » وفات ایدوب جدی تربه سی جوارینه دفن ایدیلدی [۲]
[۲] سنك مزارنده تاریخ وفاتی محكوكدر .

عراق حكمداری قره قویونلو « میرزا اسکندر شاه » بن قره
یوسف شاه ، تورکستان حكمداری آق ساق تیمور خان اوغلو « شاه میرزا »
حربنده مغلوباً توقاده کلدیکی یوركچ پاشا طرفندن سلطان مراده
عرض ایدیشدی . صدور ایدن اراده اوزرینه « اسکندر شاه » بویوك
بر احتشام و سلطنتله « ۸۳۴ » سنه سنده اماسیه یه كلوب کندیسـنه
تخصیص ایدیان قوناغه ایندیریلدی . اتباعی ده مواقع مختلفه ده یرلشدریلدی .
آنجا ق « اسکندر شاه » لك اتباعی چوقدی . اسکندر میرزا ، بونلری
اعاشه ده مشكلاته اوغرامشدی . بو سببدن اتباعی اماسیه کویلرینی ،
حتی قصبه لرینی باصوب اموال و اشیایی نهب و غارت ، بو اوغورده
قتل نفوس ایدیورلردی . خلقك شكایتلری توالی ایتدیکی حالده
اسکندر میرزا ، کندیسـنه مکرراً یاپیلان اخطاراته رغماً آلدیریش ایتدی .
خلق ، اتباعه قارشى کندیلرینی مدافعه ایتمکه مجبور اولدیغندن
خلق ایله اتباع آراسـنده جریان ایدن عربده لر حدمعروفی تجاوز
ایتشدی . بوندن دولابی « یوركچ پاشا » اسکندر میرزایی و اتباعی
« ۸۳۵ » سنه سنده جبراً اماسیه دن چیقاروب آذربایجانـه دوغرو
یولجی ایتدی .

۸۳۶ سنه سنده « اخى ضربخانه جی » دیمكـله مشهور اولان ضربخانه
امینی « بدرالدین محمود چلبی » اماسیه نك پروانه بك محله سنده باشلاتدیغی

زاویه‌می ختامه ایردی . بو تکیه‌نک شیخ‌لکنی «السید صدرالدین محمد خراسانی»یه ویردی . اماسیه‌ده بوکا «خراسانی بابا» دینردی .
لاکن یورکچ پاشانک نامنه سکه ضرب ایتدیرمه‌سی ، طول مدت دوام ایدن ولایتی ، کوردیکی خدمت‌لرک اهمیتی ، کندیسنه غرور و عظمت ، فضله رعونت و یرمش . اتباعنه اعتمادی ، لاابالیانه حرکاتی ، خلقی شکایت‌لره محبور ایتشدی . ۸۳۷ سنه‌سنده شکایت‌لر توالی ایدیوردی .

ایکینجی سلطان مراد، کندیسنی توهیم ایدن خلقلک بوشکایت‌لری اوزرینه «۸۳۸» سنه‌سنده یورکچ پاشایی ادرنه‌یه جلب ایدوب محافظ نصب ایتدی . بویوک شهزاده‌می اولان «سلطان احمد»ی‌ده اماسیه والیسی نصب ایده‌رک «شیخی پاشا»یی ترفیق ایدوب اماسیه‌یه کوندردی .

(سلطان احمد چایی)

ایکینجی سلطان مرادک بویوک شهزاده‌سیدر . ۸۳۸ سنه‌می اوائلنده اماسیه والیسی اولارق برادرلری «علاءالدین ، محمد» چلبیلرله برابر کلدی . وزرادن «شیخی محمود پاشا» بن شهاب‌الدین قیرشهری [۱] شهزاده‌نک لالاسی، مدیر اموری و اماسیه محافظی اولدی .

شهزاده سلطان احمد ، ۸۳۳ سنه‌سنده اماسیه‌ده تولد ایتمش ، اون‌بش یاشنه کیرمش، کینچ ، غایت کوربوز بر ذات ایدی . اماسیه

[۱] شیخی پاشا ، دفتردارلق و ناشانجیللق ایده‌رک ابراز فضیلت ایتمش، علمای وزرادندر .

اعیانندن «طورسون چلبی» بن بحشایش بك شهزاده یه دفتردار و محرر ولایت اولدی .

فقط «۸۳۸» سنه سنده دیوان هایون و زراسنده بعض تبدلات اولوب وقعه سابقه نك باغی اولان مشهور «اسحاق پاشا» دیوان هایونده وزیر ثالث ، اوز تورکلردن «یورکچ پاشا» وزیر ثانی اولمش ، ینه رجال دولت و خلق آراسنده دیدی قودیلر ، تهیجلر بلیرمشدی .

فقط «۸۳۹» سنه سنده اماسیه محافظی «شینخی پاشا» وفات ایتدکه یرینه وزیر ثانی «یورکچ پاشا» تعیین اولونوب اماسیه یه کلدی . اسحاق پاشا وزیر ثانی ، قاضیه سکر جانداری زاده «خلیل چلبی» ده وزیر ثالث اولدی .

۸۴۰ سنه سی ربیع الاولنده «یورکچ پاشا» اماسیه ده یاپدیردینی خیراتی مصالحنه بر جم غفیر حضورنده بوتون املاک و عقاراتنی وقف ایتدی . وقفه سنی تسجیل ایدن ، اماسیه قاضیسی مصلح زاده «عبدالرحمن چلبی» ایدی .

۸۴۱ سنه سی اوائلنده وزیر اعظم «قوجه محمد پاشا» وزرات عظامدن عزل ایدیلوب عثمانجه کوندریلدی . یرینه وزیر ثانی «اسحاق پاشا» وزیر اعظم ، «خلیل پاشا» ده وزیر ثانی ، بونك یرینه روم ایلی بکلبکیسی تورکلردن برغوسلو «خلیل پاشا» وزیر ثالث اولارق کلدی .

آنحاق خلق آراسنده تگون ایدن عصیتلر آرتمش ، سلطان مرادك موقعی اولدقجه تزلزه یوز طوتمشدی . بك شایان دقتدرکه وزرات عظامدن معزولاً کلن «قوجه محمد پاشا» ۸۴۱ سنه سی ذی الحجه سنده عثمانجهده وفات ایتدیکی ائاده اماسیه والیسی شهزاده «سلطان احمد» ده

اماسیه‌ده وفات ایتشدور .

قوجه محمد پاشا ، عثمانجقده بنا ایلدیکی جامع شریفنك شرق طرفنده باغچه‌سی دروننده مدفون اولوب تاریخ وفاتی سنك مرارنده محکو کدر . شهزاده «سلطان احمد» ده اماسیه‌ده نارلی باغچه‌ده شهزادگان تربیه‌سی خداسنده قبه مخصوصه دروننده مدفوندر [۱]

شهزاده سلطان احمدك وفاتندن صوکرنا منحل اولان اماسیه والیالکینه شهزاده «سلطان محمد» تعیین ایدیلدی . بوندن بویوک اولان شهزاده «سلطان علاءالدین» ده مغنیسا والیالکینه کوندریلدی .

[۱] نورکیمه وئرخلر ، سلطان احمدك بروسه‌ده مدفون اولدیغنی ، لوحه‌سنه‌ده (۸۴۵) سنه‌سنده وفات ایتدیکنی صوکرأدن یازمشلردر . حال بوکه «۸۴۱» سنه‌سند . برحیات اولان مؤرخ مشهور اماسیه‌لی شکرالله چلی «بهجة التواریخ» ده بو شهزاده‌نك اماسیه‌ده مدفون اولدیغنی و تاریخ وفاتی قید ایتشدور . بوراده بر عنعنه محلیه واردر . بوانشاده پیرالیاس خلوقی زاویه‌سی شیخی کوهوشلو زاده « پیر جلال‌الدین عبدالرحمن چلی » بن الیاس خلوقی ایدی . اوچ شهزاده «۸۴۱» سنه‌سی رمضان بایرامنده شیخی زیارتیه کیدرئر . پیر عبدالرحمن چلی ، صلحای امتدن ، مظنه کرامت بر ذات ایدی . اوچ شهزاده‌نك اک کوچوکی اولان « محمد چلی » یه التفات ایدرک رداسنی اوموزلری اوزرینه قور ، دیگر شهرلر ده یول کوستریر .

خلق ، بورمز اوزرینه «محمد چلی» نك پادشاه ، دیگرلرینك آخرت یولجیسی اولاجقلرینی آکلامشور ، بوندن ایکی بوچوق آی صوکره شهزاده «سلطان احمد» ك وفاته حیرت ایتمشلردر .

بو عنعنه محلیه یی « عالی بك » اماسیه متصرفی اولدیغنی انشاده ایشیدوب پیر مشارالیهك ترجمه حالنده «کنه الاخبار» آدی اثرنده قید ایتشدور .

(سلطان محمد خان)

سلطان مراد ثانیك دوردنجی شهراده سی اولان فاتح سلطان محمدخان
ثانیدر. کمال پاشا زاده شمس الدین احمد افندینك تاریخنده یازیلدیغی
اوزره (۸۴۱) سنه سی ذی الحجه سنده اماسیه والیسی اولدی .

لالاسی ، مدبر اموری ، اماسیه محافظی اولماق اوزره سلطان
مرادك آزادی کوله لرندن (خیرالدین خضر پاشا) کلدی [۱] معلمی
اماسیه لی الیاس فقیه اوغلو (خیرالدین خضر چلبی) اولدی .

استانبول فاتحی اولان سلطان محمد ثانی ، ادرنده (۸۳۳) سنه سی
رجبنده دوغدی. سکیز یاشنده ایکن اماسیه والیسی اولدی. اماسیه ،
فاتحك ایلك تعلیم و تربیه کوردیکی بریردر. کمال پاشا زاده دیورکه:
«سلطان محمد دخی بر زمان اول مقام مبارکده آرام ایتدی .»

سلطان محمدك سر عسکری اماسیه امراسندن شادی بك زاده
(بوراق بك) در اماسیه ده بوکا (کوچك چریباشی) دیندی . چریباشی
محله سننده اقامت ایدردی . بویوك چریباشی (محمد چلبی) نك کریمه
زاده سیدی.

۸۴۲ سنه سننده شیخ جوعی مولویخانه سی شیخی (پیر یغور تچی)
دیملکه مشهور (شمس الدین احمد دده) بن عمر بن مقبل بك و سلطانیه
مرزیفون مدرسی (فرایدالدین محمد دوانی) وفات ایتدی. مشاهیر فضلادن

[۱] بو خضر باشانك چوروده حامی وقفیه سننده (عتیق السلطان مراد)
اولدیغی تصریح ایدیلشدر .

(شجاع‌الدین الیاس مرزیفونی) سلطانیه مدرسی اولدی .
فقط ادرنه، ایچندن قاینا یوردی . چونکه «اسحاق پاشا» نك وزرات
عظامیه تعیننی دیوشیرمه‌لری پك زیاده یوزه چیقارمشدی . تورک‌لر ،
بوندن پك زیاده متأثر اولمشلردی . تورک‌لره دیوشیرمه‌لر آراسنده
اوافق، تفك عربده‌لر اولویوردی .

بوندن دولانی سلطان مراد بی‌حضور اولمشدی . نهایت ۸۴۳
سنه‌سی اوائلنده «اسحاق پاشا» وزرات عظامدن عزل ایدیلهرک یرینه
تورکلردن جاندارلی زاده «خلیل پاشا» وزیراعظم ، اسحاق پاشا وزیر
ثانی ، دیوشیرمه‌لردن «زاغنوس پاشا» وزیر ثالث اولدی . دیوان
هایونده ایکی تورک قاضی‌عسکرله موازنه حاصل اولویوردی .

سلطان مراد ، انکروس حربی آچوب دیدی قودیلرک اوکنی
آلدی . مظفریتله عودتنده تختی رصانت بولدی . عالی بر سورختان
ترتیب ایتدی امام‌سییه والیسی شهزاده «سلطان محمد» امام‌سیه‌دن
و «سلطان علاءالدین» مغنیسادن جلب ایدیلهرک سلطان محمدک ختانی
اجرا ایدیلدی .

آنجاقت سنّت دوکونده شهزاده علاءالدین بکک غایت کوربوز
بر حالده عرض اندام ایتمه‌سی تورکلرک نظر دقتلرینی جلب ایتمش ،
دیوشیرمه‌لرده خویلا نمشلردی . چونکه تورکلر «اسحاق پاشا» بی
واطوارینی چکه میورلردی .

علاءالدین بکک حرکاتی، سلطان مرادی بیله وهمه دوشورمشدی .
بونک ایچون شهزاده‌لرک یرلرینی دکیشدیردی . علاءالدین بیکی امام‌سیه

والىلىكنە تەيىن ايدەرك اوزاقلره آتدى . سلطان محمدى دە مغنىسيە والى كوندردى .

كەل پاشا زادە دىيوركە: «سلطان محمد دخى اول مقام مباركده آرام ايتدى . صوكرامصلحت اقتضايىدوب آتاسى نوڭ فرمانيله مغنىسيە كيتدى .»

علاءالدين بك

سلطان مراد ئانىنىڭ اوچىنچى شەزادەسىدەر . شۇرالىە چەلى ، بوكا (سلطان على) دىيور . سلطان علاءالدين على بك دىك اولور . اماسيەدە اقامت ايدىن وزير يوركچ پاشا ، شەزادەنىڭ لالاسى ، مەدبرامورى ، اماسيە محافظى اولدى .

سلطان علاءالدين ، تقريباً (۸۲۸) سەنەسەندە ادەندەدە دوغدى . اماسيە واليسى اولدىغى ئىنادە اون بش ياشىندە يتىشىك ، غايت كوربوز بركىنچ ايدى . معلمى اماسيە علماسىندىن خطيب زادە (تاجالدين ابراهيم افەندى) بن محمد چەلى ايدى .

بوسنە پىرالىاس خلوتى زاويەسى شىخى قطب العارفين «پىر جلالالدين عبدالرحمن چەلى» وفات ايدوب پەدرى «پىرالىاس خلوتى» خىزىرتلرىنىڭ يانىدە دفن ايدىلدى . يىنە مەفتى «پىر صەع اللە چەلى» خلوتى شىخى ، بونىڭ يىنەدە فضالادىن «سەنانالدين يوسف» بن عبدالملك بن نجشائىش چەلى اماسيە مەفتىسى اولدى .

۸۴۲ سەنەسەندە علاءالدين بك ، شادى بك زادە محمود شاە چەلى اولادىدىن «يەككى خاتون» ايلە تاهل ايتىدى . تەرتىب ايدىلدىن دوكون بك رونقى اولدى . دىوشىرمەلر بوندىن خويلانوب سلطان مرادى توهيم ايتىمكە چالاشدىلر . شەزادەنىڭ مەتمەدى شادى بك زادە «بوراق بك» دى .

بوسنه اماسيه محافظي يوركچ پاشانك كوزده سي اولان مخدومي
وشهزاده نك معيتي امراسندن « يونس بك » وفات ايتدى . پدري نك
جامعي اوكننده كي تربۀ مخصوصه يه دفن ايدلدى .

۸۴۵ سنه سنده « يوركچ پاشا » ده وفات ايتدى . بوده او تر به يه
دفن ايدلدى . يرينه مشاهير عامادن لالا شاهين پاشا زاده « محمد پاشا »
شهزاده نك لالاسي ، مدبر اموري ، اماسيه محافظي اولاراق كلدى .
۸۴۶ سنه سنده سلطان مراد ثاني قرامان اوغلنك حربنه كیده جكي
اثناده شهزاده « علاء الدين بك » ده حربنه مأمور اولمشدى . بوتون
تداركات سفر يه سني اكمال ايدن « علاء الدين بك » اماسيه دن اوردوسيله
قالقوب قونيه اوزرينه پدري له برابر كيتدى . بوراق بك ، والي قائم مقامى
اولدى .

علاء الدين بك ، كوسترديكى يازار قلقلره پدري نك نظر دقتنى جلب
ايدىوردى . عودته پدري له برابر بروسه يه قدر كيتمشدى . سلطان
ميرادك اذنيه بروسه دن دونوب اماسيه يه كلدى . فقط آرقاسندن
كونده ريلن قره خضر پاشا ، اماسيه يه كيجه كيردى . بچاره ني ياتا غنده
بوغدى .

بو قدر له قلمادى . بر ياشنده و آلتى آيلىق شهزاده لرى « غياث الدين »
تاج الدين « چلبيلده بوغولوب طور و مطاي تر به سنه دفن ايديلدiler .
اماسيه بكلر بكيلى كنه با فرمان على اماسيه محافظي اولان لالا « محمد پاشا »
تعيين اولوندى .

بعض مورخلر ادعا ايدرلر كه شهزاده « علاء الدين بك » اخلاق
ايديله جكندن خبردار اولديغي آنده در حال اختفا وهندستانه فرار ايدوب

قره خضر پاشا ، شهزاده یه بکیزه کوله لرندن برینی اخناق ایتشدیر .
کویا علاءالدین بک ، اماسیه دن هندستانه کیدوب دکن حکمداری
« سلطان علاءالدین بهمنی » ز دینه کیتمش ، مشار الیه مؤخر آداماد
ومقرب اولوب مخدومی « اسماعیل عادلشاه » ۸۹۰ سنه سنده پنجپور
پادشاهی اولاراق عادلشاهیه ساله سنی قورمشدر . بوکا « اسماعیل عادل
خان » دینردی .

عادل خانک ایکی مخدومی اولوب بری « یوسف عادلشاه » دیکری
« ابراهیم عادلشاه » ، بونک مخدومی « علاءالدین علی عادلشاه » صیراسیه
پنجپور حکمداری اولمشلردر . مورخلردن « خیرالله افندی » ، ملت
کتبخانه سی صاحبی « علی امیری افندی » ، مسکوکات متخصصی « علی
بک » بوروایتی ترویجه مائل ایدیلر .

(محمد پاشا)

۷۹۵ سنه سنده وفات ایدن تورک امراسندن لالا « شاهین پاشا »
بن عزالدین بلبان بکک اوغلودر . ایکی دفعه آناتولی بکک بکیسی
اولدقن صوکر شهزاده علاءالدین بکک لالا و اخناقنده « ۸۴۶ » سنه سی
اواخرنده اماسیه ولایتی بکک بکیسی اولدی . [۱]

فقط دیوشیرمه لر دن قره خضرک بوجناتی ، ادرنده شایع اولدیغی
آنده تورککری فوق العاده سیکیرلندیردی . هر طرفده نمایشلر ترتیب

[۱] محمد پاشانک اماسیه والیدی اولدیغی وقفیه سنده مصر حدر .

ایدیلدی . تورکارله دیوشیرمه لر بربرینه کیردی . سلطان مراده تختندن اینمه سی آچیقدن آچیغه سویله ندی .

عاقبتک وخامت ی آکلایان سلطان مراد ، ۸۴۷ سنه می اوائلنده تورک رجانلک وتورکارک ایسته دکارینه قارشی قویامادی . بالضروره مغنیسان شهزاده می « سلطان محمد » ی جلب ایدهرک تختمه چیقاردی . کندیسیده اک زیاده سودیکی « اسحاق پاشا » ی آلوب مغنیسایه چکیلدی .

شعرادن بری سلطان مراده خطاباً شوقطعه ی سویله مشدر :
به کیشی هی نه طرفه ایش ایتدک ایشک آلتون ایکن کوموش ایتدک
کتیروب اون ایکی یاشار طنه ی کچروب یرکه کوموش ایتدک [۱]

شهزاده علاءالدین بکک اخناقنده قاضی مصلح زاده « نظام الدین عبدالرحمن چلبی » معزول اولوب یرینه قره سنان زاده « محی الدین محمد چلبی » بن یوسف امامسیه قاضیسی اولدی . مفتی « سنان الدین یوسف چلبی » ده فتوادن محجور اولوب یرینه « ابن مداس ، پاشماقچی اوغلو » دیمکله مشهور مولانا « حسام الدین حسین چلبی » مفتی اولدی .

شهزاده نك معلمی اولان خطیب زاده « تاج الدین ابراهیم افندی » ازینقده اورخانیه مدرسی اولارق امامسیه دن قالدیریلدی . شهزاده نك شیخی اولان « السید صدرالدین محمد خراسانی » ده امامسیه جوارنده

[۱] کومش ، آنادولوده عربی کاف ایله قوجه ارکچ اوکوزه ، ماندانک ارککنه ومطلقا ماندایه دینیر . بونک معربی (جاموس) در . کوموش دیمکدر . بوکا (کاموش) ده دینیر . جاموسک محرفی دکدر .

يکيجه کوينه کونده ريلى . شهزاده نك امراسندن هر برى بر طرفه
ميرلوا اولدى .

۸۴۷ سنه سنده صدر اسبق خليل پاشا زاده کبار امرادن « محيى الدين
محمد بك » بن اسكندر بك ، ياپدير ديفى تربيه مى مصالحنه املا كنى
وقف ايتدى . تسجيل ايدن اماسيه قاضيسى مشاراليه « محيى الدين
محمد چلبى » نك امضاسى وقفه مى بالاسنده كورولمكده در .

لا كن قره سنان اوغلنك لماسيه قاضيلكى مصالح زاده لرى غيرته
دوشورمشدى . ۸۴۷ سنه مى شعباننده « محيى الدين محمد چلبى » توقاده
نقل اولونوب يرينه مصالح زاده « جلال الدين عبدالغفار چلبى » اماسيه
قاضيسى اولدى . بوكاده « منلا بكلك » دينيردى .

سلطان محمد خان ثانى ، تحتہ چيقوب « اسحاق پاشا » كيتد كده
يرى طوتان « زاغنوس پاشا » شهزاده يه حلول ايدەرك توركلرى
كوجنديريوردى . وزير اعظم « خليل پاشا » ايله وزير ثلث برغوسلو
« خليل پاشا » ديوانده « زاغنوس پاشا » دن چكىنمكه باشلامشلىرى .

زاغنوس [۱] پاشا ، مهتديلك كوزده مى صاييليردى . بوكامقابل
جاندارلى زاده « خليل پاشا » ده توركلرك كوزده سیدی . برغوسلو
« خليل پاشا » جاندارلى زاده يي استخلاف ايدەجك موقعده ایدی .

زاغنوس پاشانك احوال واطواری ، سلطان مرادك اداره سنى
آرانديريوردى . بوحاله واقف اولان سلطان مراد ثانى ، مغنيسادن

[۱] زاغنوس ، تورك ديده ير نوع دوغان اسميدر . زاغه ، يعنى
قارغه يه بکزر . خالص تورکجه در .

خلیل پاشایه کوندردیکی مکتوبلرده کندیسنگ ادرنه یه جلب واجلاس ایدیله سنی یازیوز ، قوتلی تأمینات ویریوردی .

بوندن باشقه هنوز چوجوق صاییلان « سلطان محمد » ك جلوسيله ادرنده حاكم اولان تفرقه اوروپایه ، قرمان و جاندار اوغللرینه جرأت ویرمش ، بونلر متفقاً تورکیه دولته قارشى اعلان حرب ایتشلردی .

وزیراعظم خلیل پاشا ، دول متفقهنك حربى كوزل بر وسیله اتخاذا ایتدی . درحال « سلطان مراد » ی کتیردوب تحته چیقاردی . شهزاده « سلطان محمد » ی زاغنوس پاشاسیله برابر مغنیسایه کوندردی . اسحاق پاشانكده آدی باتدی .

سلطان مرادك ايكنجی دفعه جلوسنه هرايكي طرفده ممنون اولمشلردی . چونكه اعلان ایدیلن حربك قانلی اولاجنى آكلاشیلوردی . ماهر بر قوماندانه احتیاج واردی . سلطان مراد ، آزادقلری قوماندان ایدی . سلطان مراد ، ايكنجی دفعه جلوسنی متعاقب اوردوی آلوب حربه کیتدی .

عثمانلی تورککری اوروپا حربیله مشغول اولدینى ائاده قسطنمونی حاکمی جاندار زاده ابراهیم بکک اوغلو « قیزیل احمد » بکله قارداشی « خضر بک » اماسیه ولایتنه تابع جانیک وبافره طرفلرینه تجاوز ایتشلردی .

اماسیه وتوقاد بککری بکیرلی محمد وبلبان پاشاالر برلکده اولاراق قوتلریله خضر وقیزیل احمد بکارک اوزرینه کیتدیلر . حرباً بونلری پریشان ایدهرک هرايکيسنی ده طوتوب اماسیه قلعه سنده حبس ایتدیلر .

وارنه محاربه سنده الك زياده فدا كارانه چاليشان ودهشتلي ضايعات ورن ، صوكرا محاربه ني قازانان ده توركلردى . بو محاربه ده اماسيه ليلردن حاجى شاد كلدى اولادندن بوسنه فاتحى عيسى بك زاده اسحاق ، شادى بك زاده بوراق ، يوركچ پاشا زاده خضر ومصطفى بكر شهيد اولمشلردى .

وارنه محاربه سنده انهزامه رmq قالمش ، سلطان مراد فراره مجبوريت كورمى . مشار اليك آتاك ديز كنى طوتوب كيرى چويرن ، مظفريته باعث اولان ، يوركچ پاشا برادري خضر پاشايدي . خضر پاشانك غيرتى سايه سنده «۸۴۸» سنه سنده وارنه محاربه مي قازانيلمى . وارنه محاربه سندن عودته س-پاهيلرله يكيچرلر ، يعنى توركلارله ديوشيرملر اسكى جداله عودت ايتديلر . ادرنه ده بوچوق تپه وقعه سنده «سلطان مراد»ى بركونده ايكي دفعه خلع واجلاس ايدرك مسئله بويودي . نهايت اركان دولتك اوزلاشاسيله ، يعنى خليل پاشانك همتيله سلطان مراد ، يولدن چويريلهرك اوچنچى دفعه جلوسنده دائم اولايدي . بويوزدن جاندارلى زاده « خليل پاشا » سلطان محمدك وغيرتوركلرك خصومت شديده سنى قازانمش اولدى [۱]

۸۴۸ سنه مي اوائلنده اماسيه قضا سندن معزول بولونان مصلح زاده « نظام الدين عبدالرحمن چلبى » ، اماسيه قاضيلكنه اعاده و برادري

(۱) سلطان مراد نائيك دفعه لرله خلع واجلاس-ه سبيت ورن وقعه مهمه ، اشته بو عصيت مليه در . بو عصيت غيرتوركلره (۸۲۹) سنه سندن اعتباراً يكيچرى اغالغى ، بكر بكيلك ، وزارت و برلم سندن حاصل اولمى . توركيه تاريخنده بو قدر مهم وقعه لر افغان بر اشارت بيله بو قدر عاجزلى تحريات ائاسنده اند ، ايتريكم وئان واوران عتبه دن اكلايه يلد .

اولان اماسیه قاضی « عبدالغفار چایی » سیواسه نقل ایدیلدی .
فقط اماسیه بکار بکیسی شاهین پاشازاده محمد پاشا ، خضر وقیزیل
بککرتک تجاوزاتنه میدان ویردیکندن دولایی مدخول اولمشدی . بونی
ادراک ایدن محمد پاشا ، بولی داخلنده پادیردینی زاویه ومسجدی مصالحه
املاک وعقاراتنی اماسیه محکمه سنده وقف ایتدی . حاکم مسجل ،
عبدالرحمن المصاحی ایدی .

محمد پاشانک اختیارلای ، بویوک بر معذرتدی . بومعذرته بناءً
تقاعد ایدیلدی . سلطان مرادک جلوسنده خدمتی سبق ایدن بیچگری
آغایی سکبان باشی حسن آغا زاده « خضر آغا » اماسیه بکار بکیسی
اولدی . دباغلر شیخی « پیرصنع الله الخلوتی » بوئانده وفات ایدوب
سراجخانه جامعی شرق طرفنده کی حضریه دفن ایدیلدی . یرینه
« زکریای خلوتی » کچدی .

(خیرالدین خضر پاشا)

اماسیه ده سکبان باشی اولان حسن آغانک اوغلودور . اماسیه ده
سلطان مرادک سراینه کیدوب تفیض ایده رک یکچیری آغایی [۱]
اولمشدی . ۸۴۸ سنه سنده اماسیه بکار بکیسی اولوب ادرنه دن کلدی .
وصولنه قدر حاجی خلیل پاشازاده « ممی بک » والی قائم مقامی اولمشدی .
۸۴۹ سنه سنده وقعه معلومه دن دولایی توقادقلعه سنه حبس ایدیلن تورکلرک
مشاهیر امراسندن یکیت پاشا زاده « طورخان بک » عفو واطلاق ایدیلهرک
[۱] یکچیری آغایی عنوانی ، یکچیری اوجاغنک احداثدن اعتبار
موجود اولدیقمی قیود ایله مشتملدر . سکبان باشی ، آغاده باشقادر .

اماسیه کلدی. توقاد بکیر بکیسی «بلبان پاشا» ایله برابر موره حربنه مأموراً روم ایلته کیتدی .

۸۵۰ حمادی الاخره سنک اوچنجی کوننده اماسیه امراسندن اولوب روم ایلی حربنه مأمور اولان آیدین بک زاده « علی بک » اماسیه داخلنده تاییوغا آلاکی و امیر حسن آلاکی چقتلکیرینی اولادینه وقف ایدوب کیتدی . [۳]

بو وقفیه نك شاهدلرندن اولان «کمال بن الحاج ابراهیم» ایله «محمد بن علی القرا حصاری» شایان دقت سمالردندر. برنجیسی شهزاده لککنده سلطان بایزید ثانی یهوزیر اولان «کمال پاشا» در. ایکنجیسی صدور علمادندر. اماسیه بکیر بکیسی «اغاخضر پاشا» ، دولقادر اوغلونك شهزاده سلطان محمد ترویج ایدیلن کریمه سنی مغنیسیایه قدر ایصالنه حلیله سیله برابر مأمور اولوب کیتدی. یرینه قوجه محمد پاشا زاده «سلیمان بک» بکیر بکی قائممقامی اولدی . ایکی آی قدر دوام ایتدی .

۸۵۱ سنه سی اواخرنده یاقوت پاشا زاویه سی شینخی اولان کبار اعیاندن دیوریکلی زاده « شمس الدین مؤید چلبی » وفات ایتدی . محمدوملری عبدالواسع ، عبده ، علی « چلبیلره «مؤید زاده» دیتدی . ۸۵۲ سنه سی حمادی الاخره سنک اوچنجی کونی مرزیفونده قطب العلما اولان سلطانیه مدرسی مولانا «شجاع الدین الیاس» بن یحیی المرزیفونی وفات ایدوب یرینه مولانا کمال القریمی تیلیدی «شمس الدین

[۲] بو وقفیه ده وقف ایلدیی کویلرک حاصلاتی اولادینه «وبدالانقرض فعلى حفاظ الجامع المنسوب الى پروانه بك المبنى ظاهر مدينة اماسيه بقرب تربة جامودار» ديه مسطور اولان عبارده شده (جامودار تربه سی) شایان دقتدر .

احمدالقریمی «سلطانیہ مدرسی اولدی .

۸۵۳ سنه سنده اماسیه قاضیسی «عبدالرحمن چایی» ظهور ایدن بر حادثه حقوقیه دن دولایی علمانك اصرار یله عزل ایدیلوب توقادی «جمال الدین یوسف افندی» اماسیه قاضیسی اولدی . فقط عبدالرحمن افندیك حکمی قاضیسی بکرك تصویبینه اقراران ایلدیکندن «۸۵۴» سنه سی محرمنده (عبدالرحمن افندی) یته فاضیلیکه انتخاب ایدیلدی . ۸۵۵ سنه سی محرمك اوچنچی کونی «سلطان مرادخان ثانی» ادرنده وفات ایدوب شهزاده لری «سلطان محمد خان ثانی» مغنیسادن ادرنه یه کیتدی . ایکنچی دفعه عثمانلی تختیه جلوس ایتدی . اماسیه ده ارسلان رسملی ماقرلرک ضربنه امر ویریلدی . یکیکچر اغالغندن عزل ایدیان قازانچی «طوغان بك» مغیا اماسیه یه کلدی .

۸۵۶ سنه سنده اماسیه مفتیسی اولان توقادی پاشماقچی زاده «ابن مداس» «حسام الدین حسین افندی» فتوان حجر اولونوب یرینه مشسایر علمادان خطیب زاده مولانا (زین الدین خلیل چایی) اماسیه مفتیسی و فتوایه مأذون اولدی .

۸۵۷ سنه سی محرمنده اماسیه بکربکیسی (اغا خضر پاشا) ویورکچ پاشا (برادری «خضر پاشا» و سائر اماسیه بکری استانبول فتحنه مأمور اولدقلرینه بناءً اماسیه بکربکیلیکنه توقاد سنجاغی بکی ارتنا زاده «علی بك» تعیین ایدیلدی .

علاءالدین علی پاشا

اماسیه زعماسندن کوچوک ارتنا بك زاده عبده بك مخدومیدر .

وارنه حربنده كورولن يارارلنى اوزرينه توقاد بكي اولمشدى . ۸۵۷
سنهسى محرمنده اماسيه ولايتى بكار بكيلى اولاراق كلدى .

۸۵۷ سنهسى جمادى الاخره سنك يكرمى يدينجى صالى كوني
رسالتپناه افنديمك توركاره اشارت بويوردىنى «قسطنطينيه - استانبول»
فتح ايديله يكندن بوتون توركيه ده اولدينى كبي اماسيه ده بويوك
شلكلر ياپيلدى . هر طرف دوناندى . شلكلر كونلرجه دوام ايتدى .
آنجاق وزير اعظم جاندارلى زاده «خليل پاشا» حقمده غير توركلرك
برطاق اخبارات كاذبهسى ، جلوس وقعه سندن دولاي ذاتاً قيزغين اولان
«فاتح سلطان محمد» ى فنا حالده قيزديرمشدى .

بو قيزغيناقلره بناءً خليل پاشا ، اكسزين يدي قنيه محقرانه
سوروكله ندى . اوراده باشى كسيلدى . برادري سليمان چلبى قاضى عسكر لسكن ،
اوغلو «ابراهيم چلبى» ادرنه قاضى كىندن عزل اولوندى . جمله سنك
اموال و املاكى مصادره ايديله رك غير توركلرك خيىنچلرى آلنشدى .
سلطان محمدك بو حركتى ، توركلره ، خاصهً علما و مشايخه
فوق العاده تاثير ايتمشدى . بونى تقدير ايدن سلطان محمد ، وزير ثانى
اولان برغوسى (خليل پاشا) بن احمدى [۱] وزير اعظم و استانبول
محافظى تعيين ايدوب نشانچىلقدن وزير اولان «ابراهيم پاشا» ايله ادرنه يه
كيتدى . ابراهيم پاشا وزير ثانى اولمشدى .

۸۵۷ سنهسى ذى الحجه سنده «قوبالى اوغلو» ديمكه مشهور اولان

[۱] بو خليل پاشا ۸۵۸ سنهسى محرمنده تنظيم ايديلن «طورخان»
بن پاشا يكيك وقفه سنده . ضامى واردر . استانبولده زندان قاپيسى جوارنده
مخله سى اولديقى فاتحك وقفه سنده ، اوراده حبس خانه سى اولديقى پيرى محمد پاشا نك
وقفه سنده . مسطور و محله سنده مسجدى اولديقى ده قيوداً مشهور .

کبار صاحبان قاضی مشهور «السید حسام‌الدین حسین چلبی» اماسیه‌ده «قوبا» دینلن موقعه بنا ایتدیکی مسجد و مدرسه و تربیه‌سی مصالحه املاک موجوده‌سی وقف ایتدی . بو مدرسه ، «حسامیه مدرسه‌سی» دیمکله مشهور ایدی .

ابراهیم پاشا [۲] دیوشیرمه‌لردن دیندار ، فاضل بر ذات ایدی . فقط خلیل‌پاشانک اعدامنده مدخول اولمشدی ، بویوزدن سلطان فاتح ، «۸۵۸» سنه‌سی شعباننده بونی تقاعده سوق ایدوب هرکسک مدوحی اولان بوسنه‌لی «محمود پاشا»یی وزیر اعظم یاپدی . بویوک شهزاده‌سی سلطان ، مصطفی‌یه مغنیا ، کوچوک شهزاده‌سی «سلطان یازیده» . اماسیه والیکلرینی ویردی .

(سلطان یازید خان نان)

فاتح سلطان محمد خانک ایکنجی شهزاده‌سیدر . والده‌سی «کلبهار خاتون» اولدیغی وقفیه‌سیله ثابتدر . ۸۵۱ سنه‌سی ذی‌القعدة‌سنده دوغدی . یدی باشنده ایکن اماسیه والیه‌سی اولدی . اماسیه بککربکیسی «علی پاشا»ده لالاسی اولاراق اماسیه محافظه‌سنده قالدی . اماسیه‌لی کال پاشا زاده شمس‌الدین احمد افندی «تاریخ آل عثمان»ک دفتر سابعنده «۸۵۸» سنه‌سی وقایعنده دیورکه :

«سلطان جهانکشای وخاقان فرمان فرمای بخت سعید و دولت

[۲] ابراهیم پاشا بن عبداللهک ادرنده جامع و عمارتی ، اوقاق ، وقفیه‌سی واردر . وزیر اولدیغی وقفیه‌سنده مذکور . تورکیه تاریخنده نه بونک وزارتی ، نه‌ده برغوسی خلیل پاشانک صدارتی یازیلماشدر .

مزیدله اول سرای جدیده کیردی. دارالملک ادرنه‌نی پای تخت کردون
ایدنوب سایه‌ هاپونیه اول طرفه شرف ویردی. مغنیسایه‌ که تختگاه
قدیمی‌دی فرزند کریمی سلطان مصطفی‌یه ارزانی کوردی.

« پوردلپسندی و فرزند ارجمندی، یعنی شاهزاده رشید و تاجدار سعید
سلطان بایزیدی اماسیه‌ که سلاطین عظیم‌الشان آل عثمانک دارالملک قدیمی‌دی در
کوندروب دیار رومه شهر یاراتدی.

« مذکور مقام مبارک و متین در که حوادث ایام دن انامه مأمّن
اولی کلش در و عثمانی‌لردن صاحب سریر اولان جهانگیر لره آتالری
زماننده مسکن اولی کلش در. مقیم اولماغه آنی اختیار ایتدی.

« اماسیه‌ که تواریخ قدیمه‌ده، خرجنه آدیه یاد اولور. ایچنه غم‌کین
کیررسه دلشاد اولور. و بند غم دن جانی آزاد اولور. نادره عصر
و شهره‌دهر اولمش مشهور بر شهر در. غیرت مصر کنندوبی ورشک نیل
اوکنده کی نهر در.

نظم فارسی

نکوم که هم حشم مصر است و نیل	بهشت است و رودش در و سلسبیل
لب‌رودش از هر طرف کشته زار	بر و چرخها چون فلک بیقرار
ده و من رعش هر طرف بی‌کران	کین مرز بر کشت او مرز فان

نظم ترکی

جوینک صوبی آب کوثر در	خاک پاکی عبیر و عنبر در
کل سوادیه سینی سیرایله	قصر عطرا چره کورنه منظر در

مردم بین عالم و یاخود خال رخسار هفت کشور در [۲]

سلطان یازیدک اماسیه ورودنده ایلك لالاسی علی پاشا ، ایلك
نشانیجیدی اماسیه عاماسندن حاجی ابراهیم زاده « کمال الدین احمد
چلبی » ، ایلك دفتر داری حاجی محمود چلبی زاده « سعد الدین چلبی »
ایلك کتب دیوانی اخی سابق الدین اولادندن « سعدی چلبی » ، اولدی .
قاضی نظام الدین عبدالرحمن چلبی ، مفتی مولانا زین الدین خلیل
چلبی مقلد امرلرینی محافظه ایتدی . احمد بك زاده حمزه بك ، معیت
امراسندن اولوب اماسیه نك محافظه سنه مأمور اولدی .

۸۵۸ سنه سنده قاضی عبدالرحمن چلبی کریمه سی اولوب فاضلات
نسادن بولونان « سلامت خاتون » قوش کوپری جوارنده اولان زاویه
وتر بدسی ا کمال ایدوب مصالحه املاک وعقاراتنی وقف ایتدی .

۸۵۹ سنه سنده اماسیه دن خیلی ذوات استانبوله نقل خانه ایلدیکی
اشاده کبار علمادن « ابن مداس » دیمکله مشهور سابق اماسیه مفتیسی
« حسام الدین حسین افندی » استانبوله کیدوب اون قبانی جوارنده
« ابن مداس » دییه شیمدی یه قدر مشهور اولان محله سنده اوطوردی .

۸۶۰ سنه سی محرم نده اماسیه قاضیسی مصلح زاده نظام الدین
عبدالرحمن چلبی وفات ایدوب یرینه مخدومی « شمس الدین محمد چلبی »
اماسیه قاضیسی اولدی . دیگر برادرلری « بدر الدین محمود » و « سید الدین
احمد » چلبیلردر .

[۲] علامه . شارایه کمال پاشا زاده نك اماسیه لی اولدیفنه ، اماسیه نك
سوادیه محله سنده دوغدیغه ، مسقط رأسنه بك صمیمی محبتله مربوط بولوندیغه
شو حرارتلی سناشلمی ، قیمتلی یازیلری ده برر دلیل باهردر .

۸۶۱ سنه سنده شهزاده « سلطان بايزيد » ارنيه جلب ايديلوب معظم سنت دوكوني ياپيلدي . لالاسي علي پاشا » ده برابر كيمتيكندن يوركچ پاشا برادري « خضر پاشا » اماسيه والي قائمقامي اولدي . شهزاده اوچ آي صوكرا كلوب « خضر پاشا » انا بكي واماسيه محافظي اولاراق تعين ايتدي .

۸۶۲ سنه سي اوائلنده كبار مشايخ صوفيه دن يكيجه قريه سنده مقيم اولان « السيد صدرالدين محمد » بن حسين بن علي الخراساني وفات ايدوب اوراده كي زاويه سي حظيره سنه دفن ايديلدي . محمدوملري « حسين ، عبده ، ابراهيم » افنديلر اماسيه ده مدرسلردى .

۸۶۳ سنه سي محرمي اوائلنده مرزيفونده ارشاد سالكين ايله مشغول اولان خلفاي زينه دن « الشيخ نظام الدين عبدالرحيم المرزيفوني » وفات ايتدي . مرزيفونده تره مخصه سه سنه دفن ايديلدي .

۸۶۴ سنه سنده توركيه مورخلرينك پير واقدمي اولان فاضل مشهور اماسيه لي « شكره چلبى » بن شهاب الدين احمد بالي چلبى استانبولده وفات ايتدي . اماسيه ليلردن عيسى بك زاده « اسحاق پاشا » بن ابراهيم بك آناطولى بكار بكيسى اولاراق آقره يه كيتدي .

۸۶۵ سنه سنده اماسيه مفتيسى « زين الدين خليل چلبى » وفات ايدوب يرينه مشاهير مدرسيندن « كرچك اوغلو » ديمكله مشهور « مصلح الدين مصطفى افندي » بن منتشا چلبى اماسيه مفتيسى اولدي . نشانچي كمال چلبى استانبولده قالوب يرينه مؤيد زاده علي چلبى نشانچي اولاراق تعين ايتدي .

كذلك اماسيه ضريحخانه سنده اون ييلدن برى ضرب ايديلن آرسلان

رسمی مانقیرلرک ضربی الغا ایدیلوب نام پادشاهی یه ضربی امر ایدیلدی .
اماسیه لیلردن معلم سلطانی « خواجه حیراندین خضر افندی » قاضی عسکر
اولدی .

۸۶۶ سنه سنده اماسیه اعیانندن کده غره لی حاجی بك زاده « خلیل
بك » بن غازی محمد بك معیت امراسندن اولوب یکنی « تاجی بك »
دیمکله مشهور « تاج الدین ابراهیم چلبی » بن صفی چلبی شهرزاده به انتساب
ایتدی .

۸۶۷ سنه سنده اماسیه قاضیسی مصالح زاده « شمس الدین محمد
چلبی » حقنده شکایتلر توالی ایتشدی . سابق ادرنه قاضیسی جاندارلی
زاده وزیر خلیل پاشا مخدومی « تاج الدین ابراهیم چلبی » اماسیه
قاضیسی اولاراق استانبولدن کلدی . شهرزاده « سلطان عبده » دوغدی .
۸۶۸ سنه سنده اماسیه محافظی شرابدار « حمزه بك » حقنده بعض
سوزلر تکیون ایتدیکنندن توقاد سنجاغی بکی اولوب اماسیه امراسندن
« الحاج حمزه بك » بن احمد بك اماسیه محافظی اولاراق تعین ایتدی .
اماسیه لیلردن « کمال الدین احمد پاشا » دیوان هابونده وزیر ثالث ،
مصالح زاده « بدرالدین محمود افندی » قاضی عسکر اولدی .

۸۶۹ سنه سنده سابق اماسیه قاضیسی مصالح زاده « شمس الدین
محمد افندی » اماسیه قاضیلکنه اعاده ایدیلدی . ۸۷۰ سنه سنده شهرزاده
« سلطان احمد » تولد ایتدی . یورکیچ پاشا برادری « خضر پاشا » کندی
محله سنده یاپدیردیغی جامع ، مدرسه ، عمارت و حمامی ختام بولدیغندن
املاک و عقاراتی بو خیراتنک مصالحنه وقف ایلدی .
بوئشاده بعض حادثات اولدیغندن خضر پاشا تقاعده سرق ایدیلدی .

کمال پاشا ، شهزاده یه لالا و مدبر امور مملکت اولارق امانیه یه کلدی .
 ۸۷۱ سنه سنده شهزاده « سلطان شهنشاه » دوغدی . امانیه لیلردن
 « اسحاق پاشا » وزیر ثالث اولدی .

۸۷۲ سنه سنده قونیه آلدی . اها لیسندن بر قسیمی امانیه یه نقل
 و اسکان ایدیلدی . بونلردن امانیه ده حاجی شاد کلدی قاضی عسکری
 اولان جمال الدین محمد اقسرای احفاندن « محی الدین محمد چلبی »
 بن احمد چلبی امانیه یه کلدی .

۸۷۳ سنه سنده قاضی سابق خلیل پاشا زاده « ابراهیم چلبی »
 نشانچی اولارق شهزاده یه تقرب ایتدی . مؤید زاده « علی چلبی »
 مصاحب شهزاده اولدی . کبار امرادن حاجی بك زاده قاسم بك ، وطنی
 اولان حقاله کوینده باشلاندینی کار کیر مدرسه سنی بوسنه اکیال و مصالحته
 املاکنی وقف ایتدی .

۸۷۴ سنه سنده مقدا فتح ایدیلن طربزون ولایتی والیلکنه سلطان
 بایزیدك شهزاده سی (سلطان عبده) تعیین اولونوب کلکراسلی
 (خیرالدین خضر پاشا) بن حسن چلبی لالاسی و محافظ ولایت اولارق
 امانیه دن کیتدیله . شهزاده « سلطان قورقود » بوسنه دوغدی . امانیه لی
 « اسحاق پاشا » وزیر اعظم اولدی .

۸۷۵ سنه سنده ایران حکمداری « اوزون حسن شاه » توقاد
 سنجاغی بکی شرابدار حمزه بکی آلداتوب توقاده هجوم ایتدی . سیواس
 و توقاد حوالیسنی غارت ایتدی . بوندن متأثراً امانیه ده شهزاده نك
 وزیر ی « کمال پاشا » وفات ایتدی .

بو وقعه لر سلطان فاتحه عرض اولندقدنه فوق العاده حدت ایتدی .

شهرزاده نك نشانجیسی اولان خلیل پاشا زاده « ابراهیم پاشا » لالاسی اولدی. یورکچ پاشا زاده « سلیمان پاشا » محافظ ولایت اولارق امامسیه کلدی. امامسیه شعراسندن « تاجی بك » نشانجی اولدی. یاوز سلطان سلیم ، بوسنه دوغدی .

۸۷۶ سنه سننده اوزون حسن شاهه قارشى تداركات حربیه باشلادی. توقاد و سیواس قاضیلرینك احوالى تفتیشه قونیه قاضیسی « مصلح الدین چلبی » مأمور اولدی. بو ائشارده امامسیه قاضیسنه توقادی یوسف چلبی زاده « محی الدین محمد افندی » نیابت ایدیوردی .

۸۷۷ سنه سننده امامسیه دفترداری « سعد الدین چلبی » وفات ایدوب یرینه امامسیه اعیانندن « حاجی بك » دیمكله مشهور « حاجی نوروز بك » دفتردار اولدی . وزیر اعظم امامسیه لی « اسحاق پاشا » بن ابراهیم بك عزل اولونوب یرینه صارى « اسحاق پاشا » بن عبده وزیر اعظم اولدی. ۸۷۸ سنه سننده سلطان فاتح محمد ، اوردوی هایون ایله آنادولویه كچدی. قسطنطونی والیسی شهرزاده « سلطان مصطفی » ، امامسیه والیسی شهرزاده « سلطان بایزید » معیت عسکریه لريله حرکت ایدوب قازاواده بدرلریله برلشدیلر .

سنه مزبورده سلطان فاتح ، اوزون حسن شاهى مغلوب ، اوردوسنى پریشان ، ارکانندن خیلی کیمسه لری اسیر ایده رك « ۸۷۸ » سنه سى جهادی الاولاسى واسطنده امامسیه یه کلدی . برابر کتیردیكى اسرادن و تیمور خان اولادندن میرزا محمد باقر ، میرزا زینل ، میرزا مظفر خانلر قلعه بالا زنداننه قوندی .

اسرا ایچنده امامسیه دن کیدوب اوزون شاهه تقرب ایده رك موقع

وزراتی احرار ایدن اولاد رفاعیه دن «سید خان» دیمکه مشهور «سید
عبداه خان» ده واردی. سیادتنه و پدری «سید نورالدین حمزه چلبی» یه
حرمت مخصوصه اولاراق عفو ایدیلدی .

سلطان فاتحک اماسیه یه ورودنده لالا (ابراهیم پاشا) معزول اولوب
اردوی هایون دفتر داری اولان فناری زاده (شمس الدین احمد چلبی)
لالا و خضر پاشا زاده «محمود پاشا» وزیر و شهزاده صاحب اولدی .

بو محاربه ده وفات ایدن اماسیه امراسندن «الحاج حمزه بك»
کیدرکن املا کئی محله سننده یاپدیردیغی مسجد و مکتبی مصالحنه
وقف ایتشدی . اوغلاری «احمد ، قاسم ، محمود» چلبیلر وقفیه سنی
یوسنه تنظیم ایتدیردیلر .

سلطان فاتح ، اماسیه ده برآی قدر قالدی . سنه مزبور جمادی الاخره سننده
اماسیه دن قالقوب استانبوله کیتدی . بو سنه نك اواخرنده
اماسیه نك قطبی صاییلان خلوتیه شیخی «پیر زکریای خلونی» وفات
ایدوب شیخنك یانه دفن ایدیلدی . یرینه قاصی زاده «پیر عبدالرحمن
حسامی چلبی» کچدی .

۸۷۹ سنه سننده سیواس قاضیسی مولانا - لیمی لطفاه چلبی ،
اماسیه والیسی شهزاده نك ارکانی سعایه سیله عزل ایدیلوب توقاده
کتیریلش ، بوراده اوچ آی قدر حبس ایدیلهرک تعذیب و مؤخرآ
تفتیش اولوناراق برائی ظهور ایتمکه اطلاق ایدیلشدر .

حلیمی چلبی ، بوندن فوق العاده متأثر اولوب عربی بر قصیده
بلیغه تنظیم ورموز ایله احوالی سلطان فاتحه عرض ایدن بیتلری

يكان ، يكان شرح و تحليل ، شهزاده سلطان بايزيدك اطرافنى آلان و كنديسنه غرضكارلق ايدنلىرى تصريح ايتمش ، شهزاده بي عيش و نوشه آليشديران بونلر اولديغنى آكلاتمشدر .

۸۸۰ سنه سنده اماسيه لى « حليمى لطفاه چلبى » استانبوله كيتدى .
اماسيه ده شهزاده « سلطان محمود » دوغدى ۸۸۱ ده حليمى چلبى قصيده معلومه [۱] سنى سلطان فاتحه تقديم و تظلم حال ايتدى . بوسنه اماسيه نك قطبى صاييلان « الشيخ محى الدين محمد » بن محمود الاقطاعى وفات ايتدى . مخدوملى بدرالدين محمود ، حسام الدين حسين ، كمال الدين احمد افنديلر قالدى .

بو ائنده اماسيه اركانى شونلردى : وزير ومصاحب خضر پاشا زاده محمود پاشا ، برادرى محمد پاشا ، لالا فنارى زاده احمد بك ، شيخ المشايخ كوموشلو زاده پير خيرالدين خضر چلبى ، معلم سلطانى صلاح الدين موسى ، طبيب خواجه نفيس الدين محمد شروانى .

اماسيه محافظى كمال پاشا زاده سليمان بك ، ناشاچى شعرادن تاجى بك ، دفتردار حاجى نوروز بك ، مقرب وشاعر آفتابى عبدالرحمن چلبى ، كريمى محمد چلبى ، قاضى مصالح زاده محمد چلبى ، مفتى كرچك زاده شمس الدين احمد چلبى ، مؤيد زاده عبدالرحمن افندى .
۸۸۲ سنه سنده سلطان فاتح طرفندن كونده ريان هيئت تحقيقاتيه اماسيه يه كلدى . حال بوكه سلطان بايزيد ، محمود پاشا ، فنارى زاده احمد بك ، مؤيد

[۱] حليمى افنديك بو قصيده سى و شرحى نسخه يكانه اولاراق فاتح كيتبخانه سنده بولونايلىدى .

زاده عبدالرحمن افندی ، تاجی بك لادیکه کیتمشلر ، مکمل بر جان صحبتی یاپیورلردی .

هیئت تحقیقه رئیس وزیران حمزه بك زاده « مصطفی پاشا » اوزون بر تحقیقدن صوکررا امامسیه دن قالقوب کیتدی . فقط تحقیقات اناسنده خیلی وقایع ظهور ایتدی . خلقك شکایاتی بر برینی بوزویور ، ارکانی بر برینه دوشورویوردی .

۸۸۳ سنه سنده کلر فرمان عالی ده [۱] محمود پاشا ، تاجی بك ، عبدالرحمن افندینك اعدامی ، دیکر لرینك عزل و تحویلی امر اولونمشدی . فرمانك مندرجاتندن مقدم خبردار اولان « تاجی بك » بغداده ، عبدالرحمن افندی ایرانه فرار ایتدی . بیچاره محمود پاشا اعدام اولوندی . فناری زاده احمد بك ، لالاقده قالب معلم صلاح الدین افندی یرینه خراسانی زاده « السید عبده افندی » ، سلیمان بك یرینه یورکچ پاشا زاده سلیمان پاشا ، تاجی بك یرینه الحاج حمزه بك زاده « احمد بك » معلم ، محافظ ، نشانچی اولدی .

قاضی محمد چلبی عزل اولونوب یرینه کبار قضاندن عزالدین زاده « حسام الدین حسین چلبی » مفتی یرینه خلفت مدرسه سی مدرسی « مولانا عبدي » دیمکه مشهور شیخ زاده عبدالکریم چلبی کلدی . آفتابی عبدالرحمن

[۱] بو فرماک تاریخی فریدون بك منشائنده (۸۸۱) و بعضاً (۸۷۳) کوستریشدر . حال نوکه ۸۸۲ ربیع الاولنده سلطان بایزیدك مؤیدزاده عبدالرحمن افندی ایله لادیکده بولوندیغی اله کچن (زیج شمس الدین) کتابك برنجی صحیفه سی ظهرنده بو کتابی لادیکده آلان مؤید زاده عبدالرحمن افندینك خطیه مقید کوردم .

چلبی مرزیفونه کوندریلیدی. کمال پاشا زاده سلیمان بك توقاد سنجاغی
بکی اولدی .

شهزاده یه بك ریاده نفوذ ایدن مؤید زاده « علاءالدین علی چابی
خانه سنده مقیم اولوب دفتردار « حاجی نوروز بك » یرینه ده اماسیه لی
اسحاق پاشا زاده (پیری بك) کلدی شاعرات نسادن « زینب خاتون
استانبوله کیتدی . خضر پاشا زاده محمد یاشاده روم ایلنده سمندر
بکی اولدی .

لا کن بوقدر هرج و مرجك سببی سلطان بایزیدك كندیسی
ایدی . احتمالكه مصطفى پاشانك تحقیقاتی ده غرضکارانه اولمقله برابر
بایزیدك تعلیماتی ایدی . هر حالده بایزید ثانی ، ذاتاً شهزاده لکنده
واوائل سلطنتنده عیش ونوشه مبتلا ، هوا و هوسنه مغلوب ایدی .
برآزده ساده دل اولوب هر سوزه قانار ، هر سویله نی دیکلردی .

بو تحقیقاتده فناری زاده احمد بك ده مدخول اولدیغندن حقنده
یاسیلان شکایتلر اوزرینه اك صوکیا ده عزل اولونوب یرینه حمزه
بك زاده « مصطفى پاشا » لالا و مسبر امور مملکت اولاراق « ۸۸۳ »
سنه سنده اماسیه یه تکرار کلدی .

۸۸۴ سنه سنده معلم تعیین ایدیلن « السید عبده افندی » بروسه ده
سلطانیه مدرسلکنه نقل ایدیلوب یرینه اماسیه لی (خطیب قاسم افندی)
معلم سلطانی اولدی . معرف زاده « سنان الدین یوسف افندی » ده
معلم اولارق استانبولدن کلدی .

کندلک شهزاده نك امامی اولان چوروملو اوغلو « علاءالدین علی
افندی » ده کورولتویه قاریشدی . امامتدن عزل اولنوب کومشده

حاجي خليل پاشا مدرسه‌سی مدرسی اولاراق اورایه کونده‌ریلیدی .
آقطاعلی شیخ زاده « بدرالدین محمود افندی » امام اولدی .

۸۸۵ سنه‌سی محرمنده بروسه‌ده مرادیه مدرسی اولان آماسیه‌لی
منلا بکک زاده (ولدان افندی) دیمکه مشهور (محیی‌الدین محمد
افندی) آناتولی قاضی‌عسکری اولاراق استانبوله کلدی . کذلک
سلانیک والیسی آماسیه‌لی (اسحاق پاشا) استانبوله جلب ایدیله‌دی .
۸۸۶ سنه‌سی ربیع‌الاولنک دردنجی کونی وفات‌ایدن فاتح (سلطان
محمد خان) ک یزینه شهزاده‌سی اولان آماسیه والیسی (سلطان‌بایزید) ی
تخت سلطنته دعوت ایچون ککلیک (مصطفی آغا) ربیع‌الاولنک
اون ایکنجی کونی آماسیه‌یه کلدی . بودعوتده (اسحاق پاشا) نک
بویوک یاردیمی اولمشدی .

عین‌زمانده قونیه والیسی اولان دیگر شهزاده سلطان جمه‌ده وزیر
اعظم قرامانی « محمد پاشا » دعوتنامه و آدم کوندرمشدی . سلطان
بایزیدک ورودینه قدر نائب سلطنت اولماق اوزره شهزاده‌سی (سلطان
قورقود) تخته چیقاریلشدی .

سلطان بایزید ، « ۸۸۶ » سنه‌سی ربیع‌الاولنک اون ایکنجی کونی
اماسیه‌دن حرکت ایتدی . یزینه بویوک شهزاده‌سی (سلطان احمد) ی
اماسیه والیکنه نصب ایدوب آیک یکر میسنده استانبوله مواصلت
ایده‌رک تخت سلطنته جلوس ایلدی .

(سلطان احمد)

ایکنجی سلطان بایزیدک ایکنجی شهزاده‌سیدر . آماسیه‌ده « ۸۷۰ »

سنه سنده دوغدى . والدهسى « بلبل خاتون » ايدى . ۸۸۶ سنهسى ربيع الاولنك اون ايكنجى كوتى اماسيه واليسى اولدى . خليل پاشا زاده ابراهيم پاشا لالا و (سليمان پاشا) ده اماسيه محافظى و خطيب قاسم افندى معلم اولدى .

وزير مصطفى پاشا ، نشانجى احمد بك ، معلم سلطانى معرف زاده سنان افندى ، امام سلطانى بدرالدين افندى ، دفتردار پيرى بك وسائر برچوق اماسيه رجالى سلطان بايزيداييه برابر وصوكر استانبوله كيتديلر .

لاكن سلطان بايزيد ، استانبوله مواصلت ايدنه قدر يكيچريلرله سپاهيلر ايكي طرف اولمشدى . اكثريت سلطان بايزيد طرفدارى اولوب « اسحاق پاشا » بونلك باشى ايدى . سپاهيلرله قرامانى « محمد پاشا » ده سلطان جم طرفدارى ايديلر .

آراقده خيلى عربدهلر اولدى . قرامانى محمدپاشا و طرفدارلرندن خيلى كيمسهلر مقتول [۱] اولوب سلطان بايزيدك جلوسنده اماسيهلى « اسحاق پاشا » وزير اعظم اولدى .

اماسيه اعيان و تجارندن شيخ حميد اوغلو خواجه سليمان چلبى ، صامان بازارنده اقامت ايتديكى خانهسى جوارينه كوزل برمسجد شريف بنا ايتمشدى . عقاراتى بومسجد شريف مصالحنه وقف ايتدكن صوكر ا

[۱] شايدن دقتدركه جاندارلى زاده خليل پاشانك اعدامنه باعث اولديغى سويله ن محمد پاشا روم محمد پاشانك ، روم محمدپاشا قرامانى محمد پاشانك سعايله لريله مقتول اولمشلردى . قرامانى محمد پاشاده يكيچرى النده جان وىردى . بشرالقاتل بالقتل بويورولمشدى .

بوسنه وفات ایلدی . مخدومی « خواجه محمد چلبی » یرینه قائم اولدی .
 ۸۸۷ سنه سی اوائلنده لالا « ابراهیم پاشا » استانبوله جلب ایدیلوب
 یرینه الحاج سنان بك زاده « عبده پاشا » شهزاده سلطان احمدك
 لالاسی و مدبر اموری اولدی . حاجی بك زاده « تاجی بك » ده
 بغداددن كلوب شهزاده نك نشاخیسی اولدی .

بوسنه دیوان هایونده وزیر ثانی اولان حمزه بك زاده مصطفی
 پاشا ، بر چوق اسباب ها ئله دن دولایي مقتول اولوب اماسیه ده یادیغی
 تحقیقات ايله ییقدیغی خامانلرك جزاسنی کوردی . یرینه اماسیه لی خضر
 پاشا زاده محمد پاشا وزیر ثالث اولدی .

۸۸۷ سنه سی اوائلنده مشهور مؤید زاده « علی چلبی » وفات
 ایتدی . اوچ ماه صوگرا مخدومی « عبدالرحمن افندی » ایراندن
 كلوب شعباننده استانبوله کیتدی . بوسنه « خواجه سلطان » دیمکله
 مشهور اولان « شمس الدین احمد چلبی » ده مرحوم اولوب یادیردیغی
 زاویه می اوکنه دفن ایدیلدی .

۸۸۸ سنه سی ذی الحجه سنده « اسحاق یاشا » صدارتدن ، خضر
 پاشا زاده محمد پاشا وزارتدن ، دفتر دار دولت اماسیه لی کوموشلوزاده
 « شمس الدین احمد بك » دفتر دارلقدن عزل ایدلدی . اسحاق پاشا
 سلانیک والیسی ، محمد پاشا شهزاده سلطان احمد لالاسی اولدی ، دفتر دار
 احمد بك ده دیمتوقه یه کونده ریلدی .

ینه بوسنه اماسیه لی فضلادن جمال اوغلو « علاء الدین علی چلبی » بروسه
 مدرسلکنندن اماسیه مفتیلکنه تعیین اولوناراق اماسیه یه کلدی . خطاطلرك

شېخى اماسيهلى حمداھ افندينىڭ برادىرى «مۇھىد چىلى» سۇلتان بايزىدنىڭ
اماسيه دە باشلاندىغى خىراتىنە بىنا مىنى اولدى .

۸۸۹ سەھىسى مۇھرىمىدە خۇسۇر پاشا پىك ياشلى اولدىغى ھالداھ وفات
ايتىدىكى كۈن اوغلو «مۇھىد پاشا» استانبۇلدىن كەلدى . بوئىنادەھ اماسيه دە
كومۇشلو اوغلى پىر خىرالدىن خۇسۇر ، ھىمال اوغلو ھىمال الدىن مۇھىد ،
قۇرامانى ھىبىب چىلىلەر «اۈچ قۇتب» دىيە ياد اولۇنۇردى .

۸۹۰ سەھىسىدە ھاجى سىنان اوغلو «عبدەھ پاشا» نىڭ صوفىلەر
مۇھلىسىدە جامىع ودارالھىدىي ، بويۇك قاپى آغاسى «ھىسەن آغا»
ۈكۈچۈك قاپى آغاسى «اياس آغا» لىك شامىلىلەر مۇھلىسىدە مۇرسەلرى
ۈاياس آغانىڭ جامىيىسى مۇھىد پاشا جامىيىسى مۇرسەسى ختامە ايروب
اماسيه شىنلىدى .

يەنە بوسىنە سۇلتان بايزىد خۇسۇر پىر اياسنىڭ تەربىيىسى ۈقافىيىسى تەنظىم
ايدوب تولىتىنى پىر مۇشار الەھك اھفادىدىن پىر خىرالدىن خۇسۇر چىلىيە
ۈاولادىنە ۈيردى . ۸۹۱ سەھىسى دىالھىجەسىنىڭ اۈن بىرنىچى كۈنى
«پىر خىرالدىن خۇسۇر چىلى» ۈفاتىلە ھىدى تەربىيىسىدە دىفن ايدىلدى . يەنە
قازى زادە «پىر ھىلال الدىن عبدالرحىم ھىسامى چىلى» قائۇم اولدى .
بويۇك آغا دىمىكلە مۇشۇر اولان ھىسەن آغا مۇرسەسىدەھ اماسيه
علماسىدىن اۈستەھ اوغلو «تاج الدىن ابراهيم افندى» ايلىك مۇرسى
اولدىغى كىيى «كۈچۈك آغا» دىمىكلە مۇشۇر اولان اياس آغا مۇرسەسىدەھ
خۇراسانىلى اوغلو «السىد تاج الدىن ابراهيم افندى» مۇرسى اولدى .
۸۹۱ سەھىسىدەھ سۇلتان بايزىدنىڭ اماسيه دە ياپدىرىدىغى جامىع ، مۇرسە ،
مىكتەب ، عمارت ۈتەلخانىسى ختام بولدى . مۇرسەيەھ اماسيه مىقتىيىسى

جمال اوغلو علاءالدین علی چلبی ایلك مدرس ، جامع شریفه کبار
علمادن محیی الدین محمد چلبی ایلك واعظ و کرسی شیخی اولدی .

بوسنه اعیان قضائدن مصلح زاده « محمود چلبی » بن عبدالرحمن
پاشا چلبی اوائل ذی الحجّه ده واقرباسندن مصلح زاده نورالدین حمزه
چلبی « ده ۸۹۲ ذی الحجّه سنده وفات ایتدیلر . امامیه محافظی لالا
محمد پاشا مصر حربنه مأمور اولوب کیتدی . یرینه کمال پاشا زاده
سلیمان بك وکالت ایتدی .

۸۹۲ سنه سنده امامیه قاضیسی کبار فضلادن « عبدالرحمن چلبی »
بن یوسف چلبی وفات ایدوب یرینه قاضی اسبق مصلح زاده « شمس الدین
محمد چلبی » قاضی اولدی . ینه مصلح زاده لردن قاضی عسکر منلا
« ولدان چلبی » ۸۹۳ ربیع الاولنده استانبولده وفات ایتدی . وزیر
محمد پاشا حربدن کلدی .

شهرزاده سلطان احمدك معلم فاضلی خلفت اوغلارندن خطیب
(قوام الدین قاسم افندی) ۸۹۴ سنه سی رمضانده وفات ایدوب یرینه
برکیلی زاده « مصلح الدین مصطفی افندی » معلم سلطانی اولاراق
استانبولدن کلدی .

سلطان بایزید ثانی امامیه خیراته وقف ایلدیکی قرا و مزارع
جسیمه سی متولیدکنه ایلك دفعه امامیه علماسندن مفتی سابق « عبدی
چلبی » تعیین ایدیلشدی . ۸۹۵ سنه سنده محاسبه سی کوروب تولیتده
قالدی .

۸۹۶ سنه سنده سلطان احمدك شهرزاده لری مراد ، علاءالدین
چلبیلره معظم سنت دوکونی ترتیب ایدیلشدی . علما و اعیان آراسنده

ظهور ایدن تصدر داعیه سی بویوکجه بر وقعه یه سبیت ویردی .
 وقعه معلم سلطانی اولان کنج برکیلی اوغلو « مصطفی افندی » نك
 کبار علما و امرا یه تصدرا یمه سندن چیقدی . اوزمان استاذالکلی صاییلان
 « مولانا عبدیء اماسی » یه طرفدار اولان ذوات ، خاصه مفتی جمال
 اوغلو « علی چلبی » شدتله اعتراض ایدهرک چکیلوب کیتدی . فتوادران
 استعفا ایتدی . مجلس داغیلدی . سلطان احمد ، بوندن فوق العاده
 متأثر اولدی .

معلم سلطانی برکیلی زاده عزل ایدیلهرک استانبوله اعزام ایدیلدی .
 اماسیه فضلاسندن پیر امام مزید اوغلو « شرف الدین یعقوب چلبی »
 معلم سلطانی اولدی . مفتی یرینه بروسه دن اماسیه لی خراسانی اوغلو
 « السید عبده افندی » کلدی . کبار علمادران اتابک مدرسه سی مدرسی
 توقادلی « اخی یوسف افندی » بن جنید استانبوله کیتدی . توقادلی
 اوغلی « محی الدین محمد افندی » بن یوسف چلبی اماسیه ناخی اولدی .
 بوتصدر داعیه سی یالکیز علمایه منحصر قالمادی . شهزاده لرک معیتلریله
 امرا قسمنده داها شدید اولدی . بو نوک حسین آغایه قارشى دوران آغالر ،
 کمال پاشا زاده سلیمان بکه قارشى آغیر سویله یئرلر واردی . بکلر و آغالر
 آراسنده عریده لر اولدی . بز چوق کیمسه نك جانی یاندی . برقاج
 کیمسه نك خانمانی سوندی .

بوندن دولایى حسین آغا ، استانبوله جلب ایدیلدی . سلیمان بک ،
 ایکنجی دفعه توقاد سنجاغی بکی اولاراق کیتدی . یرینه تشانجی
 « تاجی بک » دیمکله مشهور اولان « تاج الدین پاشا » کچدی . منلا
 جامی همشیره زاده سی دینیلن ادباده « احمد چلبی » بن قطب الدین

جامی نشانچی اولدی . بوکا « قطبی جامی » دینیردی .
ینه بووقه اوزرینه اماسیهده اولان شهزاده لردن سلطان سلیم طربزون
ایالتنه سلطان شهنشاه قرامان ، سلطان علمشاه منتشا ، سلطان قورقود
صاروخان ولایتلرینه والی اولاراق کونده ریلدیلر . سلطان احمد اماسیهده
یالکیز قالدی .

بووقه هائلدن آز اول شهزاده سلطان احمدک لالاسی وزیر محمد
پاشا املاک و عقاراتی یاپدیردیغی خیراته وقف ایتمشدی . وقفه سنی
تسجیل و تنظیم ایدن اماسیه قاضیسی مصلاح زاده فاضل (محمد چلبی) در .
بو محمد چلبی ، ختان وقعه سنده خسته لاندیغندن (۹۹۶) سنه سی
اواخرنده وفات ایدوب یرینه نا ئی اولان (محیی الدین محمد افندی)
اماسیه قاضیسی اولدی . اماسیه محکمه سی کاتبی حاجی انبیا اوغلو
(پیر احمد چلبی) قاضی اولدیغندن یرینه جمال اوغلو (پیر محمد چلبی)
کاتب اولدی . [۱]

۸۹۷ سنه سنده اماسیهده مفتی و مدرس سلطانیه اولان « السید
عبده افندی » وفات ایلدیکندن یرینه استانبولدن کریمانی « قاسم عذاری
افندی » کلدی . ۸۹۸ سنه سنده قطب الدین احمد شروانی ، شهزاده
سلطان احمد طیب خاص اولوب حلول ایتمشدی .

۸۹۹ سنه سنده مفتی قاسم عذاری افندی ، شهزاده نک بعض
لاابالیانه حرکاته تعریض ایلدیکندن شهزاده یی کوچندیرمشدی .
مفتی سابق علی افندی ، عموجه سی « جمال الدین محمد چلبی » خلیفه یی

[۱] پیر محمد چلبی ، صدر اسبق پیر محمد پاشادر . ساقی اولار پیر احمد
چلبی اوغلرینی صدارتنده قاییرمشدر .

زیارت قصیدله اماسیه یه کلش اولدیغندن ثانیاً «۹۰۰» سنه سنده اماسیه مفتیسی و سلطانیه مدرسی اولدی . قاسم عذارى افندی ده استانبوله کیتدی .

۹۰۱ سنه سنده صفویه خلفاسندن مشهور شاه اسماعیل طرفدارى اولان ماردینلی « نورالدین علی » مصردن اماسیه یه کلدی . چونکه ایران حکمداری « رستم خان » شاه اسماعیل طرفدارلق ایتدیکندن بونی اولدوره جکدی . بونیتی حس ایدن نورالدین علی ، « ۸۹۹ » سنه سنده مصره قاچدی . ملک اشرف قایتباک و قاتیلہ اماسیه الیجا ایتدی . [۱]
۹۰۲ سنه سی شعبانده ایران و عراق حکمداری رستم خانک و فاتى ایشیدن « نورالدین علی » اماسیه ده خیلی آدملى تشیع و شاه اسماعیل صفوی طرفنه زهرله دکن صوکرا کیتدی . معلم سلطانی پیر امام اوغلو (شرف الدین یعقوب چلبی) وفات ایدوب یورکچ پاشا مزارلغنه دفن ایدیلدی . یرینه « منلابزن » دیککه مشهور اولان « بدرالد محمود چلبی » معلم سلطانی اولدی .

۹۰۳ سنه سنده واقع طاعونک دفعیچون اماسیه ده خواجه سلطان زاویه سی شیخی اولان « جمال الدین محمد چلبی خلیفه » حجازه کوندریلدی . یکنی اولان مفتی « علی چلبی » ده حجازه برابر کیتمشدی . یرینه اماسیه ده استاذالکل صاییلان مولانا فاضل « عبدی افندی » اماسیه مفتیسی و سلطانیه مدرسی اولدی .

۹۰۳ سنه سی رمضانده قطب الاقطاب صاییلان کوموشلو زاده

[۱] یو نورالدین علی ، اشاغیلرده کوروله جک اولان مشهور (شاه قوی خان) در .

«پیر عبدالرحمن حسامی چلبی» وفات ایدوب یعقوب پاشا زاویه سی حجره سنه دفن ایدیلدی. مکّه مکرّمه ده «جمال الدین محمد چلبی» خلیفه ده وفات ایدوب یرینه یکنی «محبی الدین محمد چلبی» خواجه سلطان زاویه سی شیخی اولدی .

اماسیه لیلردن شیخ الاسلام افضل زاده «حمیدالدین افندی» استابولده وفات ایدوب یرینه دیگر اماسیه لی جمال اوغلو «علاءالدین افندی» شیخ الاسلام ایلدی . پیر عبدالرحمن یرینه دامادی کوموشلو زاده «پیر محبی الدین محمد چلبی» شیخ زاویه پیر اولدی .

مفتی عبدی افندی، عهده سنده اولان اوقاف سلطانیه تولیتندن فراغت ایدوب یرینه مشهور «آفتابی عبدالرحمن چلبی» اوقاف سلطانیه متوالیسی اولدی. اماسیه شعراسندن «چشمی احمد چلبی» ایله «مهری خاتون» اشتهار ایدیوردی .

بویوک اغا مدرسی تاج الدین ابراهیم افندی ده بوسنه وفات ایدوب یرینه «بروسه لی دلی برادر» دیمکله مشهور (محمد چلبی) بن طورمش [۱] آقشهردن کلوب بویوک حسین اغا مدرسه سی مدرسی اولدی . فقط یک یتیز بر مدرسی .

شیمدی یه قدر عثمان ایلنده بولونان و خارجدن کلن سادات علویه نك نسبلرینه و دعوالرینه باقائلر ، هر مملکتک قاضیسی ایدی . عثمانلی [۱] شقایقه (دلی برادر افندی) نك آدی یوقدر . شهرتی واردر . بونک ادینی بشکطاشده جامع و مدرسه سی اولان سنان پاشا وقفیه سنده بولایلدم .

دولتمنده بو خصوصاتی رؤیت ایتمک اوزره بر نقابت اشراف مسندی احداث ایدیلدی .

سلطان بایزیدک امامسیده معلمی و امامسیه مفتیسی اولان خراسانی اوغلو السید عبدالله افندیکنک مخدومی امامسیه لی «امیری محمود افندی» ایلاک نقیب الاشراف اولوب امامسیده نقیب الاشراف قائممقامی ده ۹۰۳ سنه سننده بونک عموجه سی اولان علمادان (السید ابراهیم افندی) اولدی . بوکا (قوجه امیر افندی) دینری .

۹۰۴ سنه سننده دلی برادر افندی ، طلبه سیله نزاع و مضاربه ایتدیکندن مدرسلکدن عزل اولونوب یرینه نقیب الاشراف قائممقامی قوجه امیر ابراهیم افندی بویوک اغا مدرسی اولارق تعین ایتدی . شایان دقتدرکه قوجه امیر افندی ، کندیسکنک عجم اولدیغنی ادعا ایدیور . امضاسنی (ابراهیم بن محمد العجم) دیه آتیور [۲] امامسیه یکی کان عجملرله دوشوب قالقیوردی . بونکله برابر حقیقه فاضل ، متشرع ، پاک مذهب و خطاط بر ذات ایدی .

چونکله شهزاده سلطان احمد ، عجم علماسنه ، خاتمه عجم سادانه نیک مائلدی . طیبی (قطب شروانی) ایله نشانجیسی (احمد جامی) [۳] ایران ادبیاتی ، لسانی ، رجالنی ، ملیتی شهزاده نیک نظرنده نیک یوکسک کوستریورلردی .

[۳] امامسیده اله کچن بر متن قدروی کتابک ظهرنده (۵ ۹) تاریخی کندی خطیله یازیلش عین امضایی و بویوک اغا مدرسی اولدیغنی کوردم .
[۳] تاج الدین پاشا وفقیه سننده کورولن «احمد بن قطب الدین الجای التوقی» امضاسی ، یونکدر .

بوسنه سلطان احمدك لالاسى ، وكيل سلطنتى وزير (محمد پاشا) وفات ايدوب يرينه امير ديوان اولان حاجى بك زاده (تاج الدين ابراهيم پاشا، وكيل سلطنت ، مدبر مملكت اولدى. تاجى بك ديمكه مشهور اولان بودر. قاضى عماد اوغللارندن «ابوالسعود محمدافندى» ده اماميه قاضيسى اولمشدى .

فقط تاج الدين پاشا ايله نشانجى احمد جامى چلبى كذلك قاضى ابوالسعود افندى ايله نشانجى ردورلو كچينه مديلىر . منبرى محمدچلبى، مجموعه تاريخيه [۴] سنده ديوركه : نشانجى احمد چلبى ، عالم، اديب، شاعر اولمقله برابر متعصب ، متكبر بر عجمدى .

چونكه بوسنه لرده (حب آل عبا) سوداسى اماميه و حواليسنده شاياع اولمغه باشلامشدى . اماميه ولايتى خلقى عموماً سنلردى . آزالرنده شيعيلر يوق كې ايدى. شروان و ايران طرفلرنده اسماعيل بن حيدر صفوى توره مش ، خلقى شيعيته ، حب آل عبايه مسلحاً دعوت اتمشدى.

اوتهدن رى علويلرك ، يعنى اولاد علينك برنجى سلاح دينيسى اولان حب آل عبا ، اماميه كن عجملرك وردلسانى ، درد درونى، واسطه معيشتى اولمشدى . بونلرك نظرندى حب آل عبا ، هر درده

[۵] منبرى افندى ، بو نورك رحالندن و اماميه فضلاستندن بر ذات اولوب سلطان احمد دوزينه مخصوص بو مجموعه سيله منشأت مجموعه سى واردر . مجموعه تاريخيه -نى اماميه ده شيخ على زاده عبده افنديك خانه سنده، منشأت مجموعه سنى ده استانبولده ولى الدين افندى كې خانه سنده بولمشم. حيفا كه مجموعه تاريخيه سى ياندى .

دوا ، هر دورلو كنهاهه كفارت ، باعث دخول جنت ايدى .

حب آل عبا ، حضرت على بن ابى طالب ايله اوغللىرى (حسن ، حسين) حضراتنه و بونلرك اولاد و انسالنه محبت ، يعنى حسن و حسين اولادىنى جانندن و كوكلادن سومك ديمكدر . آل عبا يى سو و نلرك كناهلىرى مغفور صاييليردى .

اسماعيل بن حيدر صفوى ، كنديسى آل عبادن صايار ، كنديسنه بيعت و محبة يلىر و بيلديزيردى . هر طرفده مريدانى ، خلفاسى ، داعيلرى ، ساعيلرى واردى . بونلرك برنجى سلاح موفقيتى ، اك بويوك پروپاگاندا سى (حب آل عبا) ايدى .

بواثناده خارجدن اماسيه يه كنن عجملر ، بك سنيانه حركت ايتمكه برابر حب آل عبادن دم اورورلر ، ايران ادبيات ولساننى پك يوكسك كورورلر ، عادتاً خلقى ايرانيلكه دعوت ايدرلر ، بربرلىنى صوك درجه طوتارلردى .

احمد جامى چلبى ، كبر و عناد يله تاج الدين پاشايى و قاضى نى قيزدير . مشدى . بونى بيلديكندن بونلرى سلطان احمده فضله سعيات ايتمشدى . بوسيدن ۸۰۵ سنه سنده تاج الدين پاشا كفه بكلر بكيسى اولوب شهزاده نك معيتندن چيقدى .

قاضى ابوالسعود افندى عزل ايدى لوب يرينه مصلح زاده « جلال الدين عبدالرحمن افندى » اماسيه قاضيسى اولدى . نشانجى احمد جامى چلبى ده عزل ايدى لوب يرينه نيسابورلى فتاحى زاده خطاط « شمس الدين احمد چلبى » نشانجى اولدى . بو ذات اماسيه ده دوغوب بويومشدى .

۹۰۶ سنه سنده شېخ اسماعیل بن حیدر صفوی ، معینه آلدیغی شیعیلرله باباسنی اولدورن شروان شاهی . « فرخ یسار » بن سلطان خلیل اوزرینه یورودی . فرخك اوردوسنی داغیتدی . کندیسنی طوتوب دیری ، دیری یاقدی . شاهلغنی اعلان ایتدی . آنادولو عجملرینه کون دوغدی .

اماسیه ده شهزاده سلطان احمد ، ذوق وصفاسیه ، خوشکوندماسیه مشغول ایکن شاه اسماعیل نامه عجملر آنادولوده پروپاغاندالریا پیورلر ، خلقی شیعیلکه دعوت ایدیورلردی .

شایان دقتدرکه شاه اسماعیل ، تورکلکه نه قدر میل و محبت کوستره رک تورکلری کندیسنه جلبه چالیشیورسه (سلطان احمد) ده بونك عکسسه او قدر ایرانیلکه میل و محبت کوستریور ، ایران ادبیاتنه ، عجمر جالنه عادتاً اعلان عشق ایدیوردی .

تاج الدین پاشانك یرینه کلن حلاله لی آباد اوغللرندن عبدالله (قاسم پاشا) ایدی . بر چوق ارباب حمیت کبی (قاسم پاشا) شهزاده نك بو حالدن ممنون دکادی . فقط شهزاده نك اطرافنی عجملر آملشردی . آنلردن تجرید ایتك ممکن دکادی .

خصوصیه (۸۰۷) سنه سنده کویا سنیلکلرینی محافظه ایچون شاه اسماعیلک قیلیجندن قاچوب اماسیه یه التجا ایدن (میرغیاث الدین محمد) بن منصور شیرازی ایله ایران شعراسندن (پناهی تبریزی) شهزاده نك مصاحبلری صیراسنه کیرمشلردی .

میرغیاث الدین محمد چلبی ، سادات حسینییه دن صاییلردی . منیری

افندی دیورکه میرغیاث الدین ، غایت مشکل ، برازده عالم ، غایت
نطوق ، مزاجکیر بر آدمی . اماسیه کلدکده بویوک حرمت کوردی .
اوچلر محله سنده کی بالی بکک محشم قوناغی اقامته تخصیص ایدیلدی .
کبار علمای سنده دن (حافظ عجم) نامیه مشهور اولان (حافظ الدین
محمد) بن احمد بن عادل چلبی ده بوسنه اماسیه یه کلمش ، رعایتلر کورمش ،
درس عام اولمشدی . بو ذات ، حقیقه سنی ، فاضل ، متفنن ، متشرع
بر ذات ایددی . بونکله برابر صوکرادن بوده تر دامن صایلمشدی .
۹۰۷ سنه سنده اماسیه مفتیسی علامه (عبدی افندی) ، اوقاف
سلطانیه متولیس (آفتابی چابی) وفات ایتمشلردی . اماسیه لی
(شمس الدین احمد ماشی افندی) اماسیه مفتیسی و سلطانیه مدرسی
اولاراق استانبول دن کلدی . امرادن (یولار قیصدی) دیمکله مشهور
(سنان بک) ده اوقاف سلطانیه متولیس اولدی .

ینه بوسنه حسین آغا مدرسی قوجه امیر ابراهیم افندی، مدرسه
خاتونیه مدرسی اولاراق توقاده کوندریلدی . فقط یرینه علمای
اعجامدن شروانی «ابوالخیر افندی» [۱] حسین آغا مدرسه سی
مدرسی اولاراق تعین ایتدی .

چونکه بو ائشاده سلطان بایزید جامی واعظی محیی الدین محمد
چلبی ، عجملرک نشر ایتدکلی (حب آل عبا) دن مطلقا بر مقصدلری
اولاجغنی ، اهل سنت آراسنده ذاتاً بو محبتک موجود اولدیغنی ، آل

(۱) بو ذاتک کندی یازسیله «ابوالخیر بن محمد بن احمد المعجم الشروانی.
المدرس بمدرسه حسین آغا باماسیه» دییه ۹۰۸ سنه سنده یازیش بر کتابه کوردیم .

عبادن هر فردك مقدس ومطهر اولامايافنى ، بونلردن ده ناپاك وارزل
آدملك ظهورى ممكن اولديغنى ادله سيله وعظنده آكلاتمشدى .
قوجه امير افندى ، نقيب الاشراف قائمقامى اولديغى مناسبته
ساداتى وساداتى مدافعه ايتمش ، آزالرنده سوء تفهمى موجب بعض
حادثه لظهور ايتمشدى . وكيل سلطنت قاسم پاشانك متانتيله قوجه
امير افندى توقاده كونده ريلدى . فقط ابوالخير افنديك مدرسلكنه
مانع اولامادى .

حال بوكه اماسيه ده ابوالخير افنديدن علماً و سناً يوكسك بك چوق
علما و فضلا واردى . بوندن دولايى ابوالخير افنديك مدرسلكى اولدقجه
ديدى قوديلر دوغوردى . شهزاده سلطان احمد عليهنده تاثير لريپدى .
۹۰۸ سنه سنده شاه اسماعيل صفوى ، ارزنجان حواليسنه قدر
كلوب اورالرى غارت ، خلقى مذهب شيعيته دعوت ايديور ، قريباً
بوتون بلاد رومى استيلا ايدجكنى ده آچيقدن سويله يور ، ارزنجان
اهالىسى فرياد و استمداد ايديورلردى .

وكيل سلطنت قاسم پاشا ، بونلرى بلا پروا شهزاده سلطان احمد
عرض ايدهرك عجلره يوز ويريله سى موافق اولماديغنى ، آتيا تهلكه لى
برحركت اولديغنى سويله مشدى . فقط عجلر قاسم پاشايى شدتله تكذيب
ايدهرك بيچاره يى اعدام ايتديرمكه چاليشورلردى .

بونى حس ايدن قاسم پاشا ، ۹۰۹ سنه سى اوائلنده اماسيه دن فرار
ايدوب شاه اسماعيل صفوى يه قارشى مكمل بروضعيت آلان طرزون
واليسى سلطان سليمك يانه كيتدى . اوراده لايق اولديغى مكافاتى

کوردی . یولار قیصدی «سنار، پاشا» ده شهزاده سلطان احمد وکیل سلطنت اولدی .

سنان پاشا، عهده سنده بولونان اوقاف سلطانیه متولیاکنی علمای اعجامدن «هبة الله افندی» یه ویردی . قاسم پاشانک فرازی ، خیلی اعیانی دوچار ازعاج ایتدی . اعیانی عادتاً صیندیرمشدی . عجملر اولدقجه کنیش بر میدان بولایلر . حب آل عبادن دولانی بعض اصحاب رسول الله ده طعن و لعنت مسئلهسی تدریجاً جانلانیوردی .

۹۱۰ سنه سنده معلم سلطانی « بدرالدین محمود چلبی » ، بعده مصاحبلردن نشانچی « شمس الدین احمد چلبی » وفات ایدوب خطیب قاسم زاده امامسیه لی « محیی الدین محمد افندی » معلم سلطانی اولاراق استانبولدن کلدی . امامسیه نك کبار فضلا و ادبا سندن « منیری محمد چلبی » بن یوسف چلبی ده نشانچی اولدی .

معلم سابق محمود چلبی زاده « شمس الدین احمد افندی » ، مؤید زاده (شمس الدین احمد افندی) بن محمد، چقال قاضی زاده «شمس الدین احمد افندی» بن محمود چلبی شهزاده سلطان احمدك مصاحبلی اولدیلر . بونلره «شمس لر» دینیردی . شعرابونلری «کونش لر» دینه مدح ایدرلریدی . بونلره مقابل ، عجملردن طیب سلطان قطب شروانی ایله استاده موسیقی خواجه «قطب الدین محمود چلبی» ، مدرسلردن «قطب الدین عیسی چلبی» واردی . بونلر ده «قطب لر» دینیردی . کونش لر ده مقابل «قطب لر» شعرانك اشعارنده خیلی مضمونلر دوغورمشدی . بوانلارده معاویه و امثالنه طعن و لعنت مسئلهسی اورتایه چیقدی .

خضر پاشا مدرسه‌سی مدرسی و جامعی واعظی اولان سیخ شادیلو «بحر الدین محمد افندی» دایانامدی. اولانجه قوتيله بونی رد و تزییف ایدهرک شهزاده سلطان احمد حقنده دو قاناقلی سوزلر صرف ایتدی. بو سببدن یچاره مدرسلکدن عزل ایدیلرک مؤخرأ قسطنمونی ده اتا بک مدسه‌سی مدرسی اولوب « ۹۱۱ » سنه‌سی اوائلنده اماسیه‌دن چیقاریلیدی. علمای اعجامک نفوذی ، یرلی علمای صوصدورویور ، فقط سلطان احمدک نفوذینی کسر ایدهرک تورکلری (سلطان سلیم) طرفنه اماله ایدیوردی .

۹۱۱ سنه‌سنده شهزاده سلطان احمد ، پدرندن آلدیغی مأذونیت وزیرنه ادریس بدلیسی مرحومک «هشت بهشت» نده تفصیل ایدیلدیکی اوزره کینج شهزاده‌لرینه بر سنت دوکونی یاپدیردی. امرای اطرافی دعوت ایدهرک معظم بر دیرنک اولدی. مکمل بردونماشکنی آلدی. آماسیه شهری جنت کبی بزه‌ندی .

بو ائشاده اماسیه‌ده تورک شعراسندن چشمی ، شرمی ، فغانی ، کامی ، ملیحی ، منیری ، مهری و عجم شعراسندن بصیری ، پناهی ، قطبی بک معروف ایدیلر. بونلرک ایچنده اک عیاشی توقادلی ملیحی ، اک تربیه‌لیسی شرمی ، اک فاضلی ده منیری افندیلردی. اک شایان دقت «مهری خاتون» دی .

بو شاعرلر جوشدیلر. کوزل قصیده‌لر یاپوب سور ختانی تبریک ایتدیلر. آغیر جائزه‌لر آلدیلر. عجملر سلطان احمدک کوزینه وکوککنه کیرمک ایچون اولانجه قدرتلرینی ، صنعتلرینی کؤستریدیلر .

اماسیه سازنده و خواننده لرینک اک مشهوری اولان « بابا محمد چلبی » بن الیاسک عودی ، صوفی اوغلو « عبدی چاوش » بن حسینک طنبوری ، بکلی اوغلو (سنبل احمد بک) بن خضر بکک سازی ، هله مراغی احفادنن (خواجه قطب الدین محمود) بن عبدالعزیزک نغمات لطیفه سی ، (سایان دده) نک داودی سسی جانلره جان قاتیور ، آماسیه بی چینلاتیوردی .

مولانا ادريس بدلیسی بیله (هشت بهشت) نده بوسور ختانی یازارکن جوشمش ، بر قصیده ربیعه یازمشدی . شو بیتلر ، او قصیده دندر .
خاصه این دم که اشارت شده از عالم غیب
که درین فصل کند شاه جوان سورختان

بشکفد غنجه درین سورختان ازشادی
کل سوری بکنند تهنیت شاه جوان
قیصر عصر فلک مرتبه سلطان احمد
که بود نور خلافت ز جبینش رخشان

غنجه بخت که باشد خلف مسعودش
خسرو ملک لطافت شه خورشید رخان
شهو شهزاده (مراد) انکه رخ فرخ او
هست مرأت سکندر ز برای اعیان

بایزید آن شه عالی که دلوای ظفرش
اصل راسخ شد در کلشن ملک ایمان
کوکب برج علاشاه (علا دین) که زحق
نور اقبال شد از نور جبینش تابان

دره التاج خلافت شرف ملت و دین
کز سما سم (سلیمان) شده اورا عنوان

وانکه باجد سعید است و سمی جدش
زنده زو کشته دگر ذکر شریف عثمان

مولانا بو قدرلده قلامش ، سور ختانی تعریف و سلطان احمدی
توصیف ایچون محیفه لر تسوید و انشا ایتدکدن صوکره ایکنجی بر
قصیده ترتیب ایدهرک اقتدار منشیانه سنی کو سترمشدر . بو قصیده سنده
بر چوق ثنا و دعالر ایدیور . صوکر اسنده شونی یازیور .

صبا در بزم عیش و کامرانی به سلطان احمد این تحفه رسانی
چونکه سلطان احمد ، ولی عهد سلطنت ایدی . مولانا بونی « هراینه
اولا اشارت پر بشارت سلطانی بجانب ان ولی العهد مسند جهانبانی ، اعنی پادشاه
عالی مقدار ، و خلف خلیفه پروردگار ، ظهیر الخلافه فی الزمان سلطان احمد
خان . » عباره سیله آ کلاتیوردی .

مولانا ناک قصیده ربیعیه سندن آ کلاشیلدینی اوزره سلطان احمدک ،
مراد ، علاءالدین ، سلیمان ، عثمان آدلی دورت شهزاده سی واردی .
مولانا بونلر دن هانکی سنک سنت ایدیلدیکنی یازمیور .

یوقاریده عرض ایدیلدیکنی اوزره مراد و علاءالدین سور ختانی
وهاآله سی یازیلشیدی . بونلر بو ائنده متأهل ایدیلر . سلیمان و عثمان
بکدرک و مراد بک زاده (محمد ، قاسم) و علاءالدین بک زاده (اورخان)
بکدرک سنت ایدیلدیکری ظن اولونور .

عجملرک بوقدر شاد و خندان اولمالرینک اک بویوک سببی ، سلطان
احمدک ضعف و سفاهتی ایدی . سلطان احمد ، سلطان روم اولدینی

آندە بوتون آنادولو عجملرك نظرندە اك سودكارى و پروپاگانداسنى پادقلىرى (شاھ اسماعيل) طرفندن استيلا ايديله جكدى .

سلطان احمد ، اماسيەدە كونلرجه دوام ايدن دوكونلر ياپاركن ، شاھ اسماعيلك مظالم غدارانە سندن حدود بويندە كى توركارقان اغلايورلردى . آنلره امداد ايدن ، يالكيز طر بزون واليسى (سلطان سليم) ايدى . عجملرك بو قدر جوش و خروشى بوش دكدى . شاھ اسماعيل ، انادولى يى استيلا ايتمكه عزم ايتمشدى . شرقى انادولونك هر بر طرفندە ، خاصەً اماسيە و حواليسندە مكمل تشكىلاتى و آدملىرى واردى . بونلر شاھ اسماعيلك نه بايدىغندن ونه ياپاچىغندن هر زمان خبر آليورلردى . سلطان احمد ، اماسيەدە دوكونلرله ، ذوق و صفالره مشغول اولدىنى ائنادە شاھ اسماعيل ، ارزنجان حواليسنه قدر صوقولمشدى . ارزنجانه هجوم ايدىوردى . ارزنجان سىنجاغى بكى توقادلى (عبدالرحمن بك) بن اداعمر سلطان احمدە احوالى عرض واستمداد ايتمكدە ايدى .

عبدالرحمن بك ، قوۋە امدادىەنك و رودينه قدر مدافعه دە نابتقدم اولدى . فقط كلن قوت غيركافى اولدىغندن بچارە شهيد اولانە قدر چاليشدى . شاھ اسماعيل ، غلبه ايدوب ارزنجانى آلدى . سيواس التندن توقادە دوغرو يورودى .

شاھ اسماعيل ، انادولو توركارى و خاصەً سىنيلر ايجون طوپال تيموردن داها ظالم بر آفت ايدى . سلطان احمدك اطرافنى آلان عجملر ، بويله بر آفتك يارداقلىرى ايدى سلطان احمد ، بونلرى آكلایاجق ياراديليشدە دكدى .

توقاد سىنجاغى بكى اماسيەلى محمد پاشا زاده على بك ، آلدىنى تازە

قوتلرله شاه اسماعیلی کوچ حال ایله توقیف ایده بیلدی . توقادی شاه اسماعیلک قتل عامندن ، تخریب ویاغماسندن قورتاردی .

عجملر وشیعیلر ، ایشته بونک سوینجندن جوش و خروش ایتدیلر . بو جوش و خروش ائناسنده خیلی عربده لر اولمش ، خیلی تورکلر حقارت کورمش ، حسیات دینه رنجیده ایدیشدی . بو حاللردن سلطان احمد شکایت ایتک فائده سزدی . چونکه دویورماق کوچدی . مشاهیر شعرادن امامسیه نك اصیل بر خاندانی اولان طورومطای احفادنن شهزاده مراد بکک مصاحبی (فغانی اسحق چلبی) بن محمد چلبی سلطان احمد بو حالاری دویورماق مقصدیه شیعیلری ، عجملری طعن ایدن هجویه قیلیقلی بر دستان یامیشدی . خلق آراسنده بودستان اوقونور ، شیعیلر قیزدیریلیردی .

عجملربونی هضم ایده مدیلر . سلطان احمدك اك زیاده اعتماد ایتدیکی برزات ایله فغانینك شهرزاده مراد بک زاده یه علاقه سی وسوء نیتی اولدیغنی ایجاد وافترا ایده رك سلطان احمدی ایناندرمشلردی . بیجاره (فغانی) بلا تحقیق (۹۱۲) سنه سی شوالنده صلباً اعدام ایدیلدی .

امامسیه ده الهه کچن بر تذکره شعراده امامسیه لی (چشمی چلبی) نك شو قطعہ سی ، هر حالده بو (فغانی) حقنده اولاجا قدر :

حزینم طورمیوب آغلر دو چشمم بوغوب آغم کلومی مقطع ایتدی .
بو قلبک ناله سی آغلانندی خلقی فغانی کوکلره یوکسلدی کیتدی .

امامسیه قاضیسی مصلح زاده عبدالرحمن افندی ، بر طرفدن کندیسنه قرابت صهریه سی اولان فغانی وقعہ سندن ، دیگر طرفدن بو بادره نك اوکنه دورامادیغندن دولای دلیکیر اولان خلقک آجی سوزلرندن

خسته‌لندی . سلطان احمد حقنده خلی سوله‌ندی . صوگرا وفات
ایتدی . یرینه مؤید زاده (شمس‌الدین احمد افندی) اماسیه قاضیسی
اولدی . بوسنه اقطاعی شیخ زاده شیخ حسام‌الدین حسین افندی
زاویه‌سنه اقطاعده الایسه قریه‌سنی وقف ایتدی

فقط قاضی^۱ مرحومک اوغلری (محمد ، محمود ، سیدی) چلبیلر
اماسیه‌ده دورامادیلر . قاچوب طربزونده سلطان سلیمک یانه کیتدیلر . (۱)
فغانی وقعه‌سی‌ده سلطان احمدک موقعی ، نفوذنی خلقتک نظرنده خلی
کوچولوب قیردی . عجملری بو نسبتده دیشلندیردی .

لاکن فغانینک اقربا وتعلقاتی چوق اولدقجه صاحب نفوذ ایدیلر .
بو افتراپی سلطان احمده عرض ایدنک مفتی عجم سنان افندی اولدیغنی
ظن ایتدیلر .

۹۱۳ سنه‌سی اوائلنده اماسیه مفتیسی وسلطانیه مدرسی مومی‌ایه
(عجم سنان افندی) برکیجه یاتاغنده فجأة وفات ایتدی اولدیغنی
آکلاشیلدی . یرینه توقادده خاتونیه مدرسی اولان نقیب‌الاشراف
قائمقامی قوجه امیر (ابراهیم افندی) مدرس ومفتی اولارق کلدی .
یدیلره قاریشدی .

بو ائنده اماسیه‌ده برده (یدیلر) واردی . یدیلر ، یدی امیرلر
دیمکدی . برنجیسی (امیر غیاث‌الدین شیرازی) اولوب پک نافذ‌الکلم
ایدی . سلطان احمد بونک سیادتخانه‌سنه احیاناً کلیر ، احسانلرویریدی .
ایکنجیسی مفتی قوجه امیر اولدی .

یدیلردن نیکسارلی «امیر حسین چابی» بن السید علی افندی ،

(۱) بو قاضی زاده‌لر ، سلطان سلیمه بویوک خدمت‌لر ایتدیلر . اوچیده
باشاقله نائل اولدیلر .

فضلاى سنيه دن بر مدرسى. قوجه اميرك عمزاده سى «امير على چلبى»
بن السيد حسين چلبى ايله سىدى حسام اولادندن «امير شرف الدين
حمزه چلبى» بن امير شمس چلبى ده يديلردندى .

بوسنه حسين اغا مدرسى شروانى «ابوالخير افندى» مدرسه دن
معزول اولوب يرينه استانبولدن طاشكوپرولو «مصلح الدين مصطفى
افندى» مدرس اولاراق كلدى. متعاقباً اياس اغا مدرسه سى مدرسلكنه
مفتى افنديك تليذخاصى «شمس الدين احمد افندى» تعيين ايديلدى .
بوكا «امير قولى» دينيردى .

شاه اسماعيل صفوى ، بوسنه ارزنجان و حواليسنى تاماميله استيلا
ايتمش ، سلطان احمدى برطاقم طاتلى اميدلرله اويالاماق ايچون ماردينلى
«نورالدين على صوفى» يى امامسيه يه كوندرمشدى .

۹۱۴ سنه سى اوائلنده «شاه قولى» دينلن (نورالدين على) امامسيه يه
كلدى. سلطان احمد شاه اسماعيلك مکتوبنى وهديه سنى تقديم ايتدكدن
صوكر شاهك شيعيلره ويرديكى تعليماتى ده «ميرغياث الدين شيرازى» يه
تلقين ايدرك عودت ايتدى .

بو ائنده امامسيه ده عجم على زاده لردن «بالى بك» بن مصطفى
چلبى بن خواجه عجم على اغا و برادرى «حمزه بك» سلطان احمدك
مشاهير امراسندن و مقررلردن اولمشدى . بالى بك ، امامسيه ده عجم
على محله سننده بر جامع شريف بناسنه باشلامشدى .

۹۱۵ سنه سننده سلطان احمدك ارکان ديوانى شونلردى : وزير
يولار قيصدى سنان پاشا ، ناشاچى منيرى چلبى بن يوسف ، سلحدار
محمود بك بن عبدالله ، قوجى باشى فرخ بن عبدالله ، چاوشباشى عبدى

آغا بن عبده ، عزبلر آغاسی خواجه دده بك بن عوض ، سپاهیلر
آغاسی حاجی شادی بك بن عبده ، دفتردارى محمد چلبی بن حاجی
عبدالحی چلبی ، دفتردارامینی محمد چلبی بن خواجه یوسف چلبی .

بالی بك ، امیر دیوان اولوب « حمزه بك » ده آلاى بكی ایدی .
سلطان احمدك اك كوزده سی شهزاده سلطان عبدالله دامادی اماسیه لی
یحشی بك زاده « احمد بك » اولدیغی خالده عجلره و شیعیله اك زیاده
بغض ایدن ده بو (احمد بك) له عموجه سی (اسكندر بك) دی .

۹۱۵ سنه سی اوائلده اماسیه ده سنیلر ، شیعیلر آراسنده قانلی
برعربده چیقدی . شیعیلر ، تجاوزاته قیام ایدرهك بعض اعیان خانهلری
یاغما ایدیلدی . اماسیه محافظی اولان (بالی بك) بو عربده یی بك کوچ
دوردوردی . ایکی طرفدن ده خیلی آدملر اولوب کیتدی . یارالانانلرده
چوقدی .

بو عربده نك باغی ، میر غیاث الدینك كتخداسی (خلیل آغا)
ایدی . خلیل آغا ، جل وصفین رجالی حقنده اوزون ، قیصه سوزلر
صرف ایتشدی . سنیلر بوكادایانامدیلر . بوندن قانلی برعربده چیقدی .
میر غیاث الدین چلبی ، بو وقعهی ترسنه چویردی . سلطان احمد
ترس خبر ویردی . شیعیلر ، هم غوغایی چیقاردیلر . همده اوستون
چیقیدیلر .

لاکن سنیلردن قاضی زاده لر له عزبلر آغاسی خواجه بك ،
میر غیاثی تكذیب ایدرهك شیعیلرک تجاوزاتی دیوانده آجیقلی بر
لسان ایله آكلاتیدیلر . داماد سلطانی یحشی بك زاده احمد ، عجم علی
زاده بالی بکلرده بونلره یاردیم ایتشلردی . خلیل ایله آزیلی شیعیلر

طوتولوب حبس ایدیلدی. تحقیقاته باشلاندی .

قائلی عربده اثناسنده خواجه سلطان تکیه سی شیخی جمال اوغلو (محیی الدین محمد چلبی) وفات ایتدی . یرینه چلبی خلیفه زاده (شمس الدین احمد افندی) شیخ اولدی . شیخ محیی الدین محمد افندی ، تکیه جوارنده مقسم اوکنده قبر مخصوصنه دفن ایدی .

خلیلک و دیشلی شیعیلرک حبسنی و تحقیقاتی دو یان شیعیلر ، کویلرده کی طرفدارلرینی تحریک ایدهرک امامسیه ده تشکیلاتی اداره ایدنلری تخلیص اتمکجه چالیشدیلر . میر غیاث الدین ، قطبلریله برابکرده برطرفدن سلطان احمدی قاندرمشلر ، دیکر طرفدن امامسیه حوالیسنده اولان قیزیلباشلری ایاقلاندرمشلردی .

بویوزدن علما و اعیان ایله خلق ایکی طرف اولشلردی . اوز تورکلرله علما ، عجملرک دفع و طردینی طلب ایدیورلردی . چونکه تورکلر آراسنده قیزیلباشلغی نشر ایدنلر بولردی نشریات ، کیزلی طوتولویور . قیزیلباشلغی قبول ایدنلرده کندیلرینی سنی کوستریورلردی . قطبلر ، ایشک دوغروسنی سویله میورلر ، خواجه ، احمد ، اسکندر بکلری وقاضی زاده لری سلطان احمدک کوزندن دوشورمکجه چالیشورلردی . کندیلرینک مفتریاته معروض قالدقلرینی کورن قاضی زاده لرله خواجه بک ، قاچوب لمر زونه کیتدیلر . سلطان سلیمه دخالت ایتدیلر . حاجی فرهاد بک ، عزبلر اغاسی اولدی .

۹۱۶ سنه سنده شاه قولی خلفاسندن اوغلا نشورلو مهتدی . (جلال خلیفه) عربکیر ، واریلی (ذوالنون خلیفه) امامسیه حوالیسنده قیام ایدهرک بوزوق و چوروم حوالیسنده قیام ایدن (نورالدین علی ،

شاه قولى) ايله اورتالغى آلت اوست ایدیورلر ، آچقندن هرکسی شیعیلکه دعوت ایدرک قبول ایتمه نلری یاقیورلردی .

اماسیه والیسی سلطان احمد ، تهلکه یی هنوز کورمکه باشلامشدی . حال بوکه طربزون والیسی سلطان سلیم ، اماسیه و حوالیسنده جریان ایدن احوالی وشاه اسماعیلک سیاست وتشکیلاتی لایقيله تقدیر وتعیب ایدرک شاه اسماعیلک نه مدھش بر آفت اولدیغنی چوق اول آکلامشدی . شاه اسماعیل ، کندیسینی جنکیز و تیموره معادل بر صاحب خروج بیلیوردی . صورت ظاهرده شیعی ایدی فقط حقیقت حالده سنیلک (رافضی) دیدکاری آدمدی . روابطدینیه ايله علاقہ سی یوقدی . مرحمت دینیلن خاصه انسانیهدن عادتاً مجرد ایتمشدی .

سلطان احمد ، اماسیه ولایتی حوالیسنده کی شیعه اشقیاسنک کثرتی مدھش تشکیلاتی کوردیکی حالده بو تشکیلاتی اداره ایدنلرک اماسیه ده و سراینده اولدیغنی بر دورلو آکلا یامیوردی . حال بوکه اماسیه نك اعیان و خلقندن یوکسه لن فریادلر استانبوله قدر عکس ایدیوردی .

استانبوله ارکان حکومت ، علمیه صنفندن قطع نظر غیر تورکلردن عبارت ایدی . وزرات ، روم ایلی و اناطولی بکلر بکیلیکی اندرونندن یتیشمه کوله لرہ حصر ایدیش ، خاصه وزرات جاندارلی زاده ابراهیم پاشادن صوکر ا غیر تورکلره ویریلہ سی قانون اولمشدی .

روم ایلی قاضی عسکری اماسیه لی مؤید زاده (عبدالرحمن افندی) سلطان احمد طرافداری اولدیغنی حالده ناشیجی اماسیه لی تاجی زاده (جعفر چلبی) و دفتر دارثانی اماسیه لی جمالی زاده (پیری محمد چلبی)

سلطان سلیم طرفداری اولمشلردی. عبدالرحمن افندی، غایت اختیار ایدی. فقط بریکلر حقایق احواله وافف ذوات ایدیلر. سلطان بایزید، سلطان احمدی تحته چیقارماق ایسته یوردی. فقط یکجیریلر، اماسیه حوالیسند-کی اشقیا پریشان ایدیلدکجه اولماز دیورلردی. حقیقه اشقیای جلالیه نك حرکاتی پك مهلکدی. نهایت وزیر اعظم (علی پاشا) نك اناطولی سرداری اولاراق اماسیه یه کونده ریله سی قرار کیر اولدی. چونکه سلطان احمد، وزیر ی سنان پاشا، اماسیه محافظی بالی بک، سپاهی لر اغاسی حاجی شادی بک، یکرمی بیک نفر دن متشکل اردو سیله اماسیه دن قالقوب اشقیا اوزرینه کیتمشلردی. اماسیه ده شهزاده مراد بک، وکیل سلطنت اولوب آلا ی بکی عجم علی زاده (حزه بک) محافظ ولایت اولاراق قالمشدی.

سلطان احمد، معیتله برابر فداکارانه حرب ایتدکلری حالد ه اون بیک قدر اشقیایه مغلوب اولاراق دوندی. بوتون آغیر لغی یا غما ایدیلدی. شاه قوی، اماسیه نك خارجه حاکم کسیلدی. اماسیه نك اعیان و خلقنده بر یأس و نومیدی حاصل اولدی.

شهزاده نك بو انهم و عودتی ایشیدن آناطولی بکلر بکیسی محمد پاشا، قوتنه مغرور اولاراق بر قاچ بیک معیتله اشقیا اوزرینه یورومش، بوده مغلوب اولاراق رزیلانه دونمشدی. خلقده حاصل اولان امید سزلک، بویوک بر قورقویه منقلب اولدی.

۹۱۶ سنه سی ذی القعدة سنده صدراعظم «خادم علی پاشا» اردو سیله برابر استانبول دن حرکت ایدوب آنجا ق «۹۱۷» سنه سی اوائلنده

اماسیہ جوارنده کلدکلان صحرا سنہ ایندی . خلق ، علی پاشایی و اوردوسنی
خلاصکار اولماق اوزره بویوک برتھالک و هیجان ایله قارشیلانمشلردی .
آناطولی و قرامان بکربکیلری ده قوۂ موجوده لرله گلشلردی .
بونکله برابر اماسیہ ده خوف و خلیجان زائل اولمش دکلدی .
سلطان احمد ، تختہ جلوس ایتک سوداسیله ، اعیان و خلق ایسه
جان و مال قورقوسیلہ یانیورلردی . کلن خلاصکار اوردونک ایچنه
دالان شیعیلرده اوردوی افساد یدیورلردی . خلق ، عادتا باشلرینه
کله جک فلاکتی کورور کی اولمشلردی .

۹۱۷ سنه سنک صفری اوائلنده « اقتحار الوزراء الکرام ، مختار
الکبراء الفخام سنان پاشا بن عبدالحی » [۱] اماسیہ ده کائن حمامی ،
جوارنده کی سرانی ، چوقور باغچه نی ، خواجه صالح زاده ملکنه
متصل سد باشی باغچه سنی ، سلطان بازید جامعی حرمی اتصالنده
کول یری نام باغچه سنی ، حاجی حمزه ناحیه سننده کائن چقتلکلرینی
اوراده کی جامع و عمارتنه وقف ایلدی . اماسیہ ناٹی « هبة الله افندی » ایدی .
سنان پاشایی متعاقب سلطان احمدک والده سی « بلبل خاتون » بنت
عبدالحی ، اماسیہ ولادیکده یاپدیردینی جامعلری ، مکتبلری ، عمارتلری
مصالحنه املاک و عقاراتی وقف ایتدیکی کبی عجم علی زاده « بالی بک »
املاک و عقاراتی هنوز ختامه ایرمدیکی جامعی مصالحنه وقف ایتدی .
۹۱۷ سنه سی ربیع الاخرنده سردار علی پاشا ، شاه قولی قومانده سننده
حرکت ایدن اشقیا اوردوسیلہ بوزوق (بوزغاد) جوارنده (کوک چای)
[۱] وقفه سننده عیناً بویه توصیف ایدی شد .

دنیلن یرده قارشیلانیدی . شاه قوی ، علی پاشا اوردوسنك نصفه مساوی بر قوتله تعرض ایدی . برکون ایچنده علی پاشانك اوردوسنی بوزوب داغیتدی .

چونکي علی پاشا اوردوسنده شیعه تشکیلاتنه داخل پك چوق نفرات واردی . حرب باشلادیغی آنده بونلر شاه قوی اوردوسنه التحاق ایدهرک علی پاشانك انهزامنه باعث اولمشلردی . بوتون اوردونك آغیرلغی یاغما ایدیلدی .

حیدر پاشا کبی پك چوق امرا شهید اولدیلر . انادولی بکلر بکیسی محمد پاشا آلازغه دوردیغندن کندیسى ومعیتی قورتولدی . سردار (خادم علی پاشا) فنا حالده یارالاندى . محفه ایچنده اماسیه کلدیکندن برقلاچ کون صوکرافات ایدوب قوردبوغان تربسینه دفن ایدیلدی [۱] شایان خیرتدرکه سلطان احمد ، بوانهزام اوزرینه تهاکهیه دوشن اماسیه ولایتی مدافعه وتحکیم ایده چکی یرده اماسیه والیدکنی بویوک شهزاده سی سراد بکه ووروب تخته جنوس ایتک سوداسیه اماسیه دن بویوک بر قوت آلوب استانبوله یوللاندی .

چونکه برادری سلطان سلیم ، استانبول جوارینه گلش ، یکیچر- یاری الده ایتمشدی . یکیچر یلر سلطان احمد طرفدارى اولانلرک قوناقلرینی باصوب اشیارینی یاغما ایدیورلر ، سلطان سلیمی ایسته یورلردی . روم ایلی قاضی عسکری اماسیه لی مؤید زاده عبدالرحمن وانشانجی اماسیه لی تاجی بک زاده جعفر افندیلرک قوناقلرینی یاغما ایتمشلردی .

[۱] خادم علی پاشا ؛ استانبولده (عتیق علی پاشا) دیمکله مشهور اولوب اماسیه ده سیل آغزی جوارنده کارکیر بر مکته ی واردرد .

سلطان احمد ، استانبولك بو احوالى دويونجه دورامادى .
استانبوله قوشدى . حال بوكه شاه قولى و اشقيا وقعه لرندە بر موفقيت
كوسترمديكندن دولايي پدريئك و يكيچريلر كوزلرندن دوشمشدى
شهرزاده نك معينده ايكنجي شهرزاده سي «علاء الدين بك» ده برابر كيتمشدى .

(سلطان مراد)

اماسيه واليسى شهرزاده سلطان احمد بن سلطان بايزيد خان ثاني
شهرزاده سيدر . پدريئك استانبوله عزيمتي ائناسنده طرفندن «۹۱۷»
سنه سي ذى الحجه سي اوائلنده اماسيه واليسى اولدى . لالاسى ، مدبر
امورى يخشى بك زاده «احمد پاشا» اولوب «بالى بك» ينه محافظ قالدى .
لاكن شيعه باش قوماندانى ماردينلى «شاه قولى» بو غلبه اوزرينه
بوتون آنادولويي ضبط ايتمش قدر بر وضعيت آلمشدى . آنادولو
قزيلباشلرندن و كوردلردن مركب اوتوز بيكدن زياته بر قوته صاحب
اولمشدى . توقاد حواليسنى اورويور ، ايلرى كيتمكجه قارچيني كي
اوردوسي و جمعتي بويويوردى .

بر طرفندن ده «ذوالنون خليفه» ديدكلرى وارايلى بر موغول
طورونى واراى ، مجيد اوزى ، تورحال قضاالرينه حاكم اولاجق
درجه ده نفوذ و قوت بولمشدى . اماسيه يي ائ زياته تهديد ايدن بو
«ذوالنون بك» دى . بوكا «اجه سلطان اوغلو» دينردى .

ذوالنون بك ، واراى حواليسنده ساكن جافارلو عشيرتي
رؤساسندن وزعمادن خليل بكك اوغلودر . كنديسنى موغول امراسندن .

اجایتوبایک اولادندن صایاردی. هر حالده «جافارلو» عشرتی، یوقاریده ماهیتلری عرض ایدیلن «جاون قار، چونقار» تاتارلردن اولاجقدیر. مجید اوزی جوارنده تربهی اولان و «ذوالنون مصری» دینیلن، بو اولمایدور.

اماسیه قاضیسی مؤید زاده «شمس الدین احمد افندی» و مفتی قوجه امیر «ابراهیم افندی» ایدی. اماسیه نائب «هبة الله افندی» شهرت ونفوذینی محافظه ایدیوردی. ذی الحجه نك صوکلرنده ایکنه جی زاده صفی الدین خلوتی مخدومی مشایخ صوفیه صلحاسندن «پیر محیی الدین محمد چلبی» وفات ایتدی. پدرینک یاننه دفن ایدیلدی.

۹۱۸سنه سی محرمنده اماسیه حوالیسندنه «آین ماتم» اجر ایدیلهرک سنیلره آجی بر کوستریش یاپیلدی. سنیلردن بر قاچ کیشی قوربان ایدیلدی. اماسیه خلقنه و اعیاننه بر قورقو مستولی اولدی. شاه قولی امریله حرکت ایدن «ذوالنون خلیفه» معیتنده اون بیک قدر شیعه سیله محرمک اوننجی کونی اماسیه نی آکسزین باصدی.

سلطان مراد و یخشی بک زاده احمد پاشا وار قوتلریله اماسیه نی مدافعه ایدهرک قورتارمغه چالیشیورلردی. لاکن اماسیه نك ایچنده تستر ایدن، سنی شکلنده کورونن شیعیلر بردن میدانه چیقوب ذوالنون خلیفه یه ایچدن یاردیم ایتدیلر.

بالضروره اماسیه مدافعلری، اعیانی، سنیلری شهری بر اقوب اطرافنه چیقیدیلر. ذوالنون خلیفه، بویوک بر غرور و عظمتله اماسیه یه کیردی. شیعیلره بر عید مسرت یاپدیردی. شاه قولی ده نیکسار و حوالیسینی باصدیردی.

(ناصرالدین ذوالنون شاه)

واری زعماسندن خلیل بن قباد [۱] بکک اوغلور . ۹۱۸
سنه سی محرمک اوز یشنجی کونی اماسیه شهرینه حاکم اولدی .
اماسیه یه کیردیکی زمان ، خلقه امان ویرمشدی . برکون صوکرابوتون
خانلر یاغما ایدیلدی . مراسم شیعهدن اولاراق ابوبکر ، عمر ، عثمان
کی اصحاب رسول الله لعنلر یاغدیریلدی .

بو ورطه هولنا کده حضرت حسینک عشق و انتقامی اوغرینه
چوق سنیلر قیلیچدن کچدی . صاغ قالانلرده کندیلری شیعی کوسترمکه
مجبور اولدیلر . محبت علی ، سنیلری آتش کی یاقوب قاووردی .
ذوالنون ، بو وحشتلریله اماسیه تاریخنک برنجی دوره سنی ختامه ایردیردی .
شایان دقتدرکه بوراده اولدورنلرده ، اولنلرده تورکلردی
بونلرده نه شعور ملی ، نه ده عرفان دینی یوقدی . شعور ملی اولسایدی ،
تورکلک نامنه کندی ملتداشلرینه قیامایا جقلردی . عرفان دینی
اولسایدی ، اخوت دینی نامنه کندی . دینداشلرینه آجییا جقلردی .
حیفا که دو یغوسزلق ، تورکلکی و مسلمانلنی پارچالادی . بو
دو یغوسز تورکار ، شیعیلک نامنه محبت علی اوغرینه عجملرک بازیحی
اولدی . کندی ملتداشلرینی قویونلرکی بوغازلادی .

[۱] مجید اوزی حوالی جنوبیه سنده مسکون اولان شیعه آراهنده
دولاشدیغم ائنده المه کچن (ذوالنوننامه) ده «مرقم امیر المؤمنین ناصر الشریعة
والدین ذوالنونشاه بن امیر خلیل بن امیر قباد الجفاری» دبه یازیلش ، و تون
غزوات و حکایاتی بطالنامه شکنده ضبط ایدیلشدر .

ذوالنون دینیلن آدم ، سرسری بر تاتاردی بونک اذیرانی، یعنی شیخی ده (جلال بابا) دیدکاری دونمه برارمنی بویکی سرسری ، تام اون بش ییل انادولو تورکلرینی بر برینه قیردیریلر . پک چوق تورکلرک او جاقلریتی سوندوردیلر .

اماسیه ، بو برنجی دوره سنده وحدت ملیه سایه سنده اقبالک الک یوکسک ذروه سنه صعودایده رنک الک یوکسک رفاه و مدنیت کورمش ، الک بویوک فاتحله ، الک شانلی قهرمانلره وطن اولمش ، کرک علما و کرک اقتصادا الک یوکسک عرفان و سعاده ایرمشدی .

اماسیه ، بو دوره سنده یوکسک مدرسه لریله ، فاضل مدرسه لریله ، عالم شاعر لریله ، حاذق طیبیلریله متفنن استادلریله ، ماهر خطاطلریله محتشم یر دارالعرفان ، شانلی بر دارالفنون ، معظم بر مرکز مدنیت اولمشدی .

اماسیه نک بودوره ده ده یتیشدیردیکی فاتح پادشاهلری ، وزیر اعظم لری ، وزیر لری ، قاضی عسکر لری ، بکر بکیلری ، نشانجیلری ، منالری ، ولیلری ، فاضلری ، کاملری ، عالم لری ، استادلری ، خطاطلری بوتون تورکیه تاریخنک مدار افتخاریدر . بونلرک تراجم احوالی «باب ثانی» ده عرض اولونور .

ایکینجی دوره

عثمانلی حکومتنده اماسیه تاریخنک ایکینجی دوره سی ۹۱۸ سنه سندن

باشلايوب (۱۰۱۱) تاريخه قدر طقسان اوج ييل دوام ايدر . بو دوره يي آچان ، اماسيه نك اسكي خانداني اولان سنقور اوغللرندن يخشى بك زاده (احمدپاشا) در .

چونكه اماسيه دن بالضروره خارجه چيقان سلطان احمد شهزاده سي مراد بك ، اماسيه احوالي پديرينه يازوب استمداد ايتمشدى . يخشى بك زاده احمد پاشا ، وطنى تسلط اشقيادن قورتارمق ايجون اماسيه دن چيقان عسكرك باشنه كچدى .

اماسيه امراسندن بوراق بك زاده حسين ، حاجى بك زاده محمد ، يوركچ پاشا زاده انيس ، محمد پاشا زاده محمود ، عيسى بك زاده حسن بكثر ، احمد پاشانك اطرافنده برلشديلر . فدا كارانه چاليشديلر .

صامسون سنجاغى بكى يوركچ پاشا زاده محمد بك ، سنجاغى عسكريله احمد پاشانك اوردوگاهنه كلوب التحاق ايتدى . لاديك بكلرندن يكي بك زاده داود ، كوپرى بكلرندن طاشان زاده شاهين ، مرزيفون بكلرندن امور بك زاده عثمان بكلرده معيت عسكريه لر كلديلر .

احمدپاشا ، ذوالنوشاه ايله عونيه سنك احوالي تعقيب ايديوردى . ياغمادن لذت آلان ذوالنون عونيه سي ، طاقم ، طاقم اماسيه دن خارجه چيقوب كويلرى ياغما ايجون داغيلورلردى . ذوالنوشاه دينيلن سرسرى بونلك ياغما ايتدكارى اشيانك تقسيماتيله مشغولدى .

۹۱۸ سنه سي صفرينك يدنحى كوني استانبولده (ياوزسلطان سليم خان) تحتة چيقدى . بوتون اركان دولت ويكيچرى كنديسنه بيعت ايتدى . برادري سلطان احمد ، كرك بوني وكرك اماسيه احوالي

دویدیغی آنده فوق العاده متأثر اولدی . ایکنجی شهزاده سی علاءالدین بکی روسیه والی براقوب اورنوسیه له اماسیه ده دوندی .

یئنجی بك زاده احمد پاشا ، هر طرفه داغیلان ذوالنونولوری تحقیق ایدهرک معیتنده اولان بکاره طاقم طاقم عسکر ترفیق ایدهبوب تعقیبه قویولدی . کویولورده کندیلرینی مدافعه ایچون بونلرله برابر اولدی . لاکن یاغمارله اشتراك ایتک ایچون ذوالنونولورله بك چوق سرسریلر التحاق ایدهرک آنلرک هر طاقمی کثافت پیدا ایتمشدی .

بونک ایچون احمد پاشا ومعیتنده کی بکله خیلی اوغراشدیلر . بك چوق مشکلاته دوشدیلر . بونکله برابر ذوالنونولوری هر طرفه تپه له دیلر . احمد پاشا ذوالنونوی اماسیه ده باصدیرماق ایچون بر طرفدن اطرافه داغیلان ذوالنونولوری کوندردیکی مفرزه لريله مشغول ایتدی . دیگر طرفدن طوپلو بر قوتله اماسیه اوزرینه یوروپوردی .

ذوالنونوشاه ، عاقبتک فنا اولدیغی آکلایوب اطرافه داغیلان عونیه سی جمع ایتکه چالیشدی . امکانی کورمه مدهی . صوکر شاه قولی « دن ومجید اوزی حوالیسند اولان شیعه دن استمداده مجبور اولدی . اولورده فوق العاده مشغولدی . نه یاپاجغنی شاشیرمشدی .

احمد پاشا ، ذوالنونک بو احوالی آکلادیغی آنده آنسزین اماسیه بی صاردی . قانلی بر محاربه دن صوکر ربيع الاولک غره سنده غالبانه اماسیه به کیردی . بوتون ذوالنونولوری قیلیچدن کچیردی . اماسیه بی اشقیا تسلطدن ینه اماسیه لی قورتاردی . ذوالنونوشاه ، بك آز قالان عونیه سیله قاچا بیلدی .

بو اثناده ياوز سلطان سليم طرفندن اماسيه بكار بكيلىكنه تعيين ايديلن « مصطفى پاشا » بر قوه كافيه ايله كلوب ايريشدى . احمد پاشا وبكار درحال مطاوعت ايدوب اماسيه وقعه سنى تسليم ايتديلر . شهزاده مراد بك ، جان قورقوسيله پدرينك ياتنه قاچوب كيتدى .

(مصطفى پاشا)

صدر اسبق داود پاشانك اوغلودر . سلطان سليمه كوچوكلىكنده انتساب ايتمش . اعتمادنى قازانمشدى . ۹۱۸ سنه بى صفرينك اوننده اماسيه بكار بكيسى اولدى . ربيع الاولنك اوچنچى كوني اماسيه يه كلدى . يوز كچ پاشا زاده « مصطفى بك » اماسيه آلاى بكيسى اولدى . سلطان احمد ، انقره يه وصولنده ابتدا قونيه يه كيدوب انادونوي استيلا اينده رك اعلان سلطنت ايتمه سنى قوردى . قونيه يه دوغرو يورودى . فقط كنديسنى تعقيب مأمور اولان مالقوج اوغلو « طور على بك » نئشدرتله هجومى كورونجه بونك ممكن اولمايىنى آكلادى اماسيه يه دوندى .

طور على بك ، ينه تعقيباتنه دوام ايدوب سلطان احمدك پشى صيرا اماسيه حواليسنه قدر كلدى . سلطان احمد ، مصطفى پاشانك اماسيه يه اولديغنى آ كلايجه سيواسه دوغرو كيتدى . طور على بك ده دونوب روم ايلنه مأمور اولدى .

سلطان احمد ، طور على بكك عودتنى دويدقه نيكسار اوزرندن

كلوب اماسيه يي آنسزین باصدی . قلعہ وشہرک محافظلرینہ کوز آچد-
یرمادن اماسیه یی ۹۱۸ ربیع الآخرندہ ضبط ایدہرک اعلان سلطنت ایتدی .

(سلطان احمد خان)

ایکنجی بایزید خانک ایکنجی شہزادہ سیدر . ۹۱۸ سنہ سی ربیع-
الآخرینک اواسطنده اماسیه ده اعلان سلطنت واستقلال ایدہرک بیعت
مراسمی یاپدیردی . کوموشلو زاده محیی الدین محمد چایی ده عایتدیردی .
نامنه خطبه اوقوتدی .

خلق آراسنده یولار قیصدی دیمکله مشهور اولان « سنان پاشانی »
وزیر اعظم ، کندیسنه بالمجبوریہ عرض انقیاد ایدن بکلربیکی « مصطفی
پاشا » یی عفو وتلطیف ایدہرک وزیر ثانی یاپدی .

سلطان احمدک اک فاحصاتی ، خلقک کندیلرتدن نفرت ایتدکلری
عجملرک طاتلی دیللرینہ الدانوب انلره لزومندن زیاده قیمت واهمیت
ویرمکدی . اعلان سلطنت ایتدکده تبریزلی « قطب الدین عیسی افندی » یی
اماسیه قاضیسی ، شیرازلی « میرغیاث الدین چلبی » یی نقیب الاشراف
تعیین ایتدی . نشانجیانی ده « عجم هبة الله افندی » یه ویردی .

حال بوکه قطب و غیاثک پایهلری خلق نظرندہ پک آشانی ایدی .
اشقیایی اماسیه ده دعوت ایدنلرک بونلر اولدیغی ظن اولونوردی .
هبة الله افندی ده اوقاف سلطانیہ تولیتندہ مدخول اولمشدی . هله
طیبی « قطب شروانی » سلطان احمدی خلقک کوزندن دوشورن آدمدی .

سلطان احمد، اشقیانك ییقدیغی سرایی و قلعه‌یی در حال اعمار
ایده‌رك بندگانندن مصطفى بکی قلعه دیزداری نصب ایتدی . [۱]
سینجاقلره، ولایتلره‌کندی طرفندن میرلوالر، بکلبکیرلر تعیین ایده‌رك
انادولو حکمداری اولدیغی آکلاتماق ایسته‌دی .

شایان دقتدرکه استانبوله سلطان سلیمك صدراعظمی اولان
آرناوود «قوجامصطفی پاشا»، سلطان احمده تقدیم ایتدیکی مکتوبلرنده
صداقتندن بحث ایدیور، کندیسنه هر دورلو خدمتله حاضر اولدیغی
عرض ایده‌رك استانبول اوزرینه حرکتیه تشویق ایله‌یوردی .
سلطان احمد، قوجا مصطفى پاشانك وسائر بعض منتسبلرك صداقت
مکتوبلرینی آلدقجه استانبوله ارکان حکومتك کندیسيله برابر
اولدیغنه ذاهب اولدی .

بو مکتوبلره اعتماداً عسکر جمعنه باشلادی . اماسیه ولایتی اعیانی
وزنکینلرینی طوپلایوب اشقیادن قاچیرا بیلدکاری تقدلرینی ده استقراض
صورتيله آلدی . بو مبالغ مستقرضه ایله تداركات سفریه‌سنی کوردی .
سلطان احمد، کندیسنه هر یازیلان مکتوبلره ایناتماق غفلتنده
بولوندی . بو مکتوبلر ایچنده سلطان سلیمك تعلیماتیه یازیلان مزور
مکتوبلرده واردی . بولردن بری کندیسنی تحتہ اجلاس ایچون
استانبوله دعوتی مشعردی .

سلطان احمد، بو مزور مکتوب و دعوتیه آلدانوب معیت

(۱) بو مصطفى بکك نامی و قلعه‌یی «۹۱۸» سنه‌سنده تعمیر ایتدیردیکی
قلعه قاپسینك ایچ یوزی کنارنده محکوکدر .

عسکریه سیله برابر ۹۱۸ شوالنك یکر میسندہ اماسیہ دن حرکت ایتدی .
بویوک بر امیدایله یکیشهر حوالیسنه وصولنده برادری «سلطان سلیم»
ایله قارشیلانندی .

بوراده ایکی قارداش ، قانلی بر محاربه ایتدی . سلطان احمد ،
مغلوب اولاراق فرار ایدرکن آتندن دوشوب اسیر اولدی . سلطان
سلیمک یاننه کتیریلدیکی آنده کندی یاینک کیریشیه ۹۱۸ سنهسی
ذی الحججهسی اواسطنده بوغولدی . جسدی بروسده سلطان مرادثانی
تره سنه دفن ایدیلدی . [۲]

سلطان احمدک اوزرنده صدراعظم قوجا مصطفی پاشانک صداقت
مکتوبی و تعلیمات مخصوصهسی ظهورایتدیکندن درحال «قوجا مصطفی
پاشا» اعدام و اماسیه بکدر بکلیکنه «شادی پاشا» تعیین ایدیلدی .
شهرزاده «مرادبک» ایرانه علاءالدین ، قاسم بکدر مصره فرارایتدیلر .

« شادی پاشا »

حاجی شادکلدی پاشا احفادنن صدراسبق آماسیهلی «اسحاق
پاشا» بن ابراهیم بکک اوغلودر . سلطان سلیمه طریزونده انتساب
ایدهرک اعتمادینی قازانمشدی . ۹۱۸ سنهسی ذی الحججهسنده اماسیه

(۲) تورکیه تاریخنده حرب و اخناقک (۹۱۹) سنهسنده اولدیمی یازبایدیر .
حال بوکه بروسه سجلاتی تدقیقه مأمور اولدیم ائشاده سلطان احمدک نمشی
« ۹۱۸ سنهسی ذی الحججهسنک اون مقوزنجی کونی بروسه کلدیکی مقید کوردیم .

بکربکیسی اولدی. ذی الحجه نك يکرميسنده اماسيه کادی .

شادی پاشانك اماسيه کلدیکی کون اماسيه ده بولونان شهزاده لر،
خاصه سلطان احمدك شهزاده سی «عثمان بك» اخناق ایدیلک صورتيله
دار جنته سلطان احمدك قیزلری ، قادینلری ، جاریه لری ده بروسه یه
کونده ریلدی . سلطان احمدك ایکی دامادی واردی : نصوح بك
زاده سلیمان بك ، سنان پاشا زاده مصطقی بك [۲]

شادی پاشانك وصولنده اماسيه قاضیلکینه یکان زاده «شمس الدین
احمد افندی» بن یوسف چلبی، اوقاف سلطانیه متولیدکینه فناری زاده
«زین الدین محمد افندی» تعیین اولونوب کلدیلر . اماسيه ده شیعیلرک
و اوچلرک احوالی تحقیقه مأمور اولدیلر .

اماسيه نك استخلاصنده بویوڭ خدمتلری سبق ایدن احمد پاشا ،
طربزون بکربکیسی، یورکیچ و حاجی بك زاده لر میرلوا اولوب بوراق
بك زاده «حسین بك» اماسيه آلا ی بکیسی و سپاهی صوفی زاده
«محمد اغا» اماسيه سپاهی لری اغاسی ، یعنی کتخدا یری اولدی .

اماسيه یه کلن قاضی ، مفتی، متولی اماسيه ده جریان ایدن احوال
و فجایی تحقیقه مأمور اولمشلردی . بو هیئت کونلرجه تحقیقات اجرا
ایتدیلر . یابدقلری تحقیقات اوراقنی برکتاب شکنده دوغرودن سلطان
سلیمه کوندردیلر .

۹۱۹ سنه سنده کلن فرمان عالیده الیدن زیاده جانیلرک و خاصه

(۲) بویکی ذاتک سلطان احمد و احمد پاشانك سلطان عبدالله داماد
اولدقلری ایاصوفیه طبقه سنده موجود اوراق عتیقه نك تدقیقه مأمور اولدیقم
[ناده کوردیکم «۹۲۷» تاریخی اندرون دفترنده یازیلدر .

قطب شروانی ایله میر اغیاشك كىتخداىى قوجا خلیلك اعدامى ،
میر غیاثك امامییه قلعەسى زنداننده حبسى خیلى ذوانك بلاد مختلفه یه
اعزامى امر ایدیلشـدی . قطب شروانى ایله قوجا خلیل ، جانیلرله
برابر آصیلدی . قطب تبریزی ده عزل و اخراج ایدیلدی .

سلطان احمدك شیخی اولان کوموشلو زاده پیر «محی الدین محمد
چلبی» ایله سابق مفتی و نقیب الاسراف قائم مقامی قوجا امیر «ابراهیم
افندی» استانبوله ، یکنی حسین چلبی زاده «امیر علی افندی» ایله
بویوک اغا مدرسی طاشکوپرولو «مصلح الدین افندی» بروسه یه ،
نیکسارلی «امیر حسین چلبی» ادرنه یه ، سلطان احمدك معلمی «شمس الدین
احمد افندی» اسکلبه ، مصاحبی دیگر «شمس الدین احمد افندی» ده
تیره یه بردعی زاده «محی الدین افندی» آقشهره اعزام ایدیلدیلر .

سلطان احمدك بویوک معلمی خطیب قاسم زاده «محی الدین محمد
افندی» استانبوله کیتدی . سابق امامییه قاضیسی مؤید زاده «شمس الدین
احمد افندی» امامییه باصقینده زهره سی چاك اولاراق وفات ایتشدی .
نشانجی «منیری افندی» ده تحقیقات اناسنده قورقوسندن وفات ایتدی .
عالی بك ، بوکوموشلو زاده نك ترجمه سنده «کنه الاخبار» نده
دیورکه : «شادی پاشانك آدملری شیخی طوتوب کتیرمك ایچون
خانه سنه کلیرلر . حجره سنده نماز قیلارکن پنجره دن کورورلر ، ایجری
کیررلر ، فقط شیخی کوره مزلر . بو حال ایکی دفعه تکرر ایلر .

اوچنجی سنده اولوالامرہ اطاعت ایتمه سنی تکلیف ایدره ك تکرار
ایجری کیررلر . بوسفر کوروب طوتارلر ، محقرانه شادی پاشایه .

کوتورزلر. اوده شیخی باغلا یوب استانبوله اعزام ایدر . وصولنده
یدی قله زندانه حبس اولونور .

۹۱۹ شوالنده اماسیه مفتیسی یکان زاده « رکن الدین افندی »
ترفعاً ادرنه قاضیسی اولوب یرینه بروسهده قبلوجه مدرسی اولان
اماسیه لی (حسام الدین حسین افندی) بن عبدالرحمن افندی اماسیه مفتیسی
وسلطانیه مدرسی اولارق کلدی . بوکا « توقادلی زاده » دینیردی .

۹۲۰ سنه سی محرمنده اماسیه لی جمالی زاده (پیری محمد) چای
باش دفتردار «مالیه ناظری» اولارق مهمات حریبه و ذخائر عسکریه
جمع و تدارکنه مأموراً اماسیه یه کلدی . بوندن صوکرآ آنادولوی
استیلایه عزم ایتمش اولان شاه اسماعیله حدینی بیلدیرمک ایچون
(سلطان سلیم) اوردوسیه رابر سیواسه واصل اولمشدی . پیری چیده
اماسیه دن تدارک ایتدیکی ذخائر و مهماتیه رابر سیواسه کتیدی .

شادی پاشا ، آلا یکی حسین بك ، سپاهی کتخدایری محمد اغا
ایران حربنه مأمور اولدقلری جهته کبار زعمادن دیاربکرلی « یکیت
احمد بك » اماسیه محافظی اولوب قالدی .

فقط سلطان سلیم ، کوک چای وقعه سندن عبرت آلدیغی مناسبتله
سیواسده اوردوی هایونی کوزلجه یوقلادی . اوردو ایچنده قیرق بیک
قدر بولدیغی شیعیلری آیقلا دی . صوکرآ قالقوب چالدیران صحرا سنه
واردی . بوراده شاه اسماعیلک اوردوسنی ۹۲۰ رجبیک یکر میسنده
تارومار ایدوب مظفرانه تبریزه کیردی .

سلطان سلیمک مقصدی ، بویوک تورک ملتک وحدتی اخلاله

چالیشان ایرانی اورتادن قالدیروب تورکستان ایله برلشمکدی. حیفاکه ذخائرک قاتی، یکیکچریلرک آزغینلانی بویوکسک مقصدی عقیق بر اقدی. سلطان سلیم، تبریزدن دونوب شوالک آلتنجی بازارا یرتسی کونی اوردوی هایون ایله برابر اماسیه یه کلدی. معظم احتفال ایله قارشیلاندی. سلطان سلیمک اماسیه یه وصولنده کونلرجه دونمالر، شنلکلریاییلدی. اماسیه زنداننده محبوس اولان «میرغیاث الدین شیرازی» سلطان سلیمک معلمی اولان قسطمونی فضلاسندن مولانا «حلیمی چلبی» یه دخالت ایدهرک انک شفاعتیه عفو و اطلاق ایدیلدی.

۹۲۰ سنه سی شوالک یکرمی اوچنجی کونی، محاربه ائاسنده سبق ایدن بویوک خدمتلیرینه مکافه باش دفتر دار (پیری محمد چلبی) یه وزارت و یریلدی. حال بوکه وزارت، بازید ثانی دورنده سربایی دیوشیرمه لره خاص بر مسند عالی اولدیغنه دائر بر قانون اراده سی آئمشدی. پیری پاشانک وزارتی بو قانونه مخالفدی.

صدر اعظم سنان پاشا، استانبول قائممقامی اولاراق استانبولده بولونوبور، دوقه کین زاده وزیر «احمد پاشا» ده معیت سلیم خانی ده صدارت وظیفه سنی کورو یوردی. پیری پاشانک وزارتی احمد پاشا ایله یکیکچریلرک غیرتلیرینه دوقوندی.

یکیکچریلر ابتدا آغلاری «اسکندر اغا» یه بوده نزد پادشاهیده غایت مقبول و معتمد اولان اناتولی قاضی عسکری «جعفر چلبی» یه و معلم سلطانی «حلیمی چلبی» یه مراجعت ایتدیلر قیوجیلر کتخداسی (ارناوود احمد آغا) ایدی. [۱] اسکندر اغا ایله جعفر چلبی، پادشاهک [۱] بو احمد اغا، مصر و الیمی ایکن عصیان ایدهرک اعدام ایدیلن مشهور «خانی احمد پاشا» در.

او امرینه قارشى اعتراض ایتمه‌مه‌لرینی تنبیه ایدهرک یکچیریلری تسکینه چالیشدیلر .

فقط : وزیر احمد پاشانک و کتبخدا بکک تحریکاتیه یکچیریلر ایاقلانیدیلر . ۹۲۱ سنه‌سی محرم‌نک یکرمی سکزنجی کونی « پیری پاشا » ایله « جعفر ، حلیمی » چلبیلرک خانهلری یاغما و منتسبلرندن بش اون کیمسه‌ینی تلف ایتدیلر . خیلی کیمسه‌لرده مجروح اولدی . او زمان بو وقعه‌نک اسبابی بر درلو آ کلاشیلامدی .

سلطان سلیم ، بو تحریکاتک حس استرقاب‌ایله دوقه‌کین زاده‌وزیر « احمد پاشا » طرفدن اولدیغنی آ کلادیغنی آنده « احمد پاشا » یی و کتبخداسی « حسن اغا » یی درحال آصدیردی . احمد پاشانک جسدی تام برکون آصقیده قالدقین صوکر ا ایندیریلوب اشاغی پیرلر جوارنده کمال پاشا تربه‌سنه دفن ایدیلدی .

۹۲۱ سنه‌سی صفرنده ایران حکمداری « شاه اسماعیل صفوی » طرفندن صلح رجاسنه مأموراً « امیر عبدالوهاب » تبریری ، « قاضی اسحاق » شیرازی ، « شکرالله » مغانی ، « حمزه حلیفه » دن مرکب بر هیئت سفارت اماسیه‌یه کلدی . سلطان سلیمه دخالت ایدهرک رجا ایتدیلر .

سلطان سلیم ، صالحی رد ایدوب میر عبدالوهاب ایله قاضی اسحاق اماسیه قلعه‌سنده حبس ایتدی . دیکرلرینی ده دیمتوقه قلعه‌سنه اعزام ایلدی . یکچیری وقعه‌سنک اسباب ولدنیاتی ا کلامغه اوغراشدی . بک چوق تحقیقات یاپدیردی .

۹۲۱ سنه سی ربیع الاولنك بشنچی پنجنه کونی سلطان سلیم خان
اوردوی هایون ایله برابر اماسیه دن قالقوب کلدکلان حوراسنه کیتدی .
اماسیه نك ارکان و خلقی معظم بر تشییع احتفالی یاپدی . بورادن
قالقوب استانبوله کیتدی .

سلطان سلیم ، پك زیاده مراقنه دوقونان اماسیه وقعه سنك اسبابی
ومسبیلرینی آرایور ، یکیکچری رجال وضابطانی فوق العاده صیقوردی
احمد باشنك صلباً اعدامدن تیره دین کتخدا « احمد اغا » کندیسینی
بلادن قورتارماق ، همده کوزه کیرمك ایچون یکیکچری اغاسیله ناطولی
قاضی عسکرینه افترا وبر قالج خذله یی : ه اشماد ایتدی .

۹۲۱ سنه سی رجینك سکیزنجی کونی حضور سلیم خان یه جلب
ایدیلن « جعفر چلبی » ایله « اسکندر آغا » اوفاق بر مشافهه دن
صوگرا اعدام ایدیلدی .

بر توركك وزارتى اوغرنده ایکی بویوك رجل فدای جان ایتدی
بو وقعه یه رغماً تورك اوغلو تورك اولان معرف زاده نشانچی « محمد
پاشا » یه وزارت ویریلدی .

بو سنه اوائلنده شادی پاشا و آلاى بکی یکیت احمد بك ،
دیاربکر حربنه مأمور اولوب کیتدی . اماسیه آلاى بکیسی اولان
حاجی بك زاده « میرزا بك » اماسیه محافظی واسبق آلاى بکی بوراق
بك زاده « حسین بك » ایران حربنده کوستردیکی یازارلقلره بناء
میرلوا اولدی .

اماسیه بکک بکیسی شادی پاشا ، دیاربکر حربنده مردار بیقلی

« محمد پاشا » يە محالفت ومعتيله عودت ايلديكندن در حال ۹۲۱ سنه سى شعبانده عزل اولونوب استانبوله جلب ويدى قله زندانده كينديسنىك سوقايتديكى كوموشلوزاده « محمى الدين محمد چلبى » يە رفيق ايديلدى .
اماسيه ولايتنه « احمد پاشا » تعيين اولوندى .

(احمد پاشا)

اماسيه نك خلاصكارى اولان بخشى بك زاده در ۹۲۱ سنه سى شعبانده شادى پاشانك عزل وجبسنه بناءً اماسيه بككر بكيسى اولدى .
اماسيه وحوالىسنده اولان شيعه نك احوالى تحقيقه مأموراً كادى .
احمد پاشا ، وقايع سابقه يي بك اعلا بيلديكى جهتله ذوالنونك افعال مكروهه سنه اشتراك ايدنلرى تحقيق وئاديبده شدتلر كوستردى .
ارباب اشتراك ده باشلرينه كله جك فلاكتلرى آ كلامالريه شكايترلر ياغديرديلر .

بو شكايترلر سببى ، احمد پاشانك عجولانه كوستردىكى شدت ظن ايديلدى . بونك ايجون (احمد پاشا) ترحاله واليككنه كونده ريلدى .
بولى متصرفى اولان (محمد پاشا) ده اماسيه بككر بكليككنه تعيين ايديلدى .

(محمد پاشا)

سلطان بايزيد نائينك قهرينه اوغرايان حمزه بك زاده وزير

(مصطفی پاشا) نك اوغلودز بروسه سيجلنده كورولديكي اوزره
« ۹۰۳ » ده بروسه و « ۹۱۸ » ده بولى متصرفى اولوب « ۹۲۱ »
سنهسى ذى القعدة سنده اماسيه بکک بککسى اولارق کلدی .

۹۲۱ سنهسى ذى الحجه سنك اون برنجى كونی اماسيه نك مشاهير
علماسندن بالى زاده « عبدالرحمن افندی » وفات ایدوب حاجى حمزه
بك جامعى خطيره سنه دفن ایدیلدی . پدرينه « جم بالى چلبى » دينيردى .
۹۲۲ سنهسى صفر نده بکک بکک بکى « محمد پاشا » مصر حربنه مأمور
اولوب معیت عسکريه سيله برابر کيتدی . اماسيه محافظه سنه کبار امرادن
بوراق بك زاده حسين بکک برادری (حاجى احمد بك) وسپاهی
کتخداری صوفى زاده « محمد اغا » مأمور اولدی .

بواننده ايرانه فرار ایدن شهزاده مراد بك درویش قياقتيله اماسيه
كلوب اغنيادن صابونجى اوغلى (ابراهيم چلبى) خانه سنده بر مدت
قالدی . صوگرا کيزليجه چيقوب کيتدی . سلطان احمد ليله کوروشوب
خيلي مذاکره لريتدی .

مقدما فرمانلى اولان قطب الدين عيسى افندی ، بر يولنى بولوب
کندیسنى عفوايتديرمش ، اوسته لك اولاراق بولى قاضيسى اولمشدى .
محمد پاشا بولیده ايکن عزل ايديلديکنندن و محمد پاشاده مصر حربنه
کيتديکنندن اماسيه يه كلوب اسكى يولداشلرينه قاووشميشدى .
احوال حربينه دن دولايى اماسيه ولايتنك قوه عموميه سى مصر
اوزرينه کيتمش اولماسندن بالاستفاده معهود جلال و ذوالنون بابالر ،
ينه آياقلانديلر . باشلرينه طوپلادقلرى اون بيک قدر حشر اتله اماسيه
حواليسنى اورمغه باشلاديلر .

۹۲۲ سنه سی شعبانك اون بشنچی جمعه کیجه سی استانبولده
روم ایلی قاضی عسکری اولان اماسیه لی مؤید زاده «عبد الرحمن افندی»
وفات ایدوب ابویوب انصاری تربیه سی جوارنده قبر مخصوصه
دفن ایدیلدی .

بو ائاده اماسیه ده اوچلردن قطب و غیاثک مفسدتی یوزندن
جلالیلر ، اماسیه نك حوالیسندده شدله تخریباته دوام ایدهرک اماسیه نی
ایکنجی دفعه باصاق اوزره فرهاد بوغازینه قدر کلوب چاتدیلر .
فقط بوغازک هرایکی طرفنه یرلشدیریلن طوپلرله تیراندازلراشقیانی
شهره کیرمکدن منع ایدیور، اماسیه محافظی «حاجی احمد بک» کوچی
یتدیکی قدر چالیشیوردی . خلق رمضان بویوک بر هیجان ایچنده
کچیرمشدی .

اماسیه محافظی حاجی احمد بک ، اطراف امراسندن استمداد
ایتمکله برابر الی سلاح طوتانلری سلاحلاندیرمشدی . چونکه جلالیلر ،
اماسیه نك غرب و جنوب طرفلرندن تعرض ایتمکله باشلامشلردی .
بورالرده قوت یوقدی .

۹۲۲ سنه سی شوالنك اواخرنده جلالیلر شهره قدر کیردیلر .
شهرک مدافعلری و خلقی مقاومت ایدهرک قارشى دوردیلر . خارچدن
کلوب امداده یتیشن کیوان اغازاده رستم ، حاجی بک زاده میرزا بکر
اولانجه قوتلریله اشقیا اوزرینه صالیدریدلر .

اماسیه نك ایچنده جریان ایدن قانلی بر مجادله دن صوکر جلالیلر ،
بویوک ضایعات ویردیلر . نهایت قاچوب کیتدیلر . فقط شهرک طرفی
تالان و خراب ایتدیلر . بو ائاده اماسیه بکر بکیسی محمد پاشا ، مرج دابق

محاربه‌سنده شهید اولدی.

سلطان سلیم ، اماسیه وقعه‌سینه شامده مطلع اولدوقده درحال عفو واطلاق ایتدیکی «شادی پاشا» نی ایکنجی دفعه اماسیه بکلی بکیلکنه و تحقیقاتده دفتردار اماسیه لی قاضی زاده «محمد چلی» نی نصب وارسال ایتدی.

(شادی پاشا)

صدر اسبق اماسیه لی اسحاق پاشا زاده در ۹۲۲ سنه سی ذی الحجه سنک غره‌سنده اماسیه والیمی اولدی . سرعتله کلوب ذی الحجه او اخرنده اماسیه کیردی . محمد چلی ده تحقیقاته باشلادی .

چونکه جلالیلرک اماسیه کوروب خساراته جرأتلری ، یالکیز چوق اولدقلرندن دولای دکلدی . بلکه شهرک ایچنده کیزلی ایش کورن قیزیلباشلردن نشئت ایتشدی .

فقط تبریزی قطب ، بکلیکی و تحقیقات مأموری شادی پاشا و محمد چلبینک کله جکلرینی ایشیتدیکی آنده فرار و اختفا ایتشدی . یاپیلان تحقیقاتده قطب و غیاثک و اوشاغی اولان کنجه لی ابراهیمک جلالیلری دعوت و کیزلی شیعه نك فعلاً یار دیمایتدکلری آکلاشیلدی .

۹۲۳ سنه سی محرمک اونجی کونی اون بش ییلدن بری اماسیه ده وقورانه عظمت کوسترن ، سلطان احمدک توجهاتی سایه‌سنده سلطنت سورن قوجا میرغیاث‌الدین شیرازی ، اوشاغی ابراهیم و پک چوق جانی شیعه‌سیله برابر اعدام ایدیلدی .

تبریزی قطب‌الدین عیسانی تعقیبه مأمور اولان درگاه عالی قیوجیلرندن

حسین و اسکندر بک کر کوچ حال ایله مرزيفونده بر قیزیلباشک خانه سنده بولوب چیقاردیلر. مرقوم رزیلانہ اماسیه کتیریلدی. یادیغی خباثتلرندن دولای جانی یانان خلک کوزلری اوکنده « ۹۲۴ » سنه سی ربیع الاخرنده آصیلدی. ایرانده تحصیل علوم ایدن اماسیه لی « سیدی علی افندی » ده کوملجنه قاضیلکنه کونده ریلدی .

شادی پاشا ، جلالی اشقیاسنک اک چوق یری اولان « وازی » و « تور حال » طرفلرینه کیدوب اشقیایی باصدیردی . چوقلرینی افنا و آغیرلقلرینی یاغما ایتدیردی . بوتون اماسیه اطرافنی داراما یادی . اشقیادن اولانلری آصدیردی .

بو ائنده اماسیه ده خیلی فضلا واردی . بونلردن « بخشی خلیفه » اتابک مدرسه سی مدرسی اولوب حسن حالیه ، فضل و کالیله بوتون خلق نظرندۀ محترم بر فاضلدی . یورکچ پاشا مدرسی اسکلی « جعفر افندی » ، یویوکاغا مدرسی اماسیه لی « مصلح الدین افندی ، کوچوک اغا مدرسی شروانی « عبدالحسن افندی » درسعام ایدیلر .

اماسیه قاضیسی « ایهم » دیمکه مشهور « شمس الدین احمد افندی » معزولاً استانبوله کیتدی . یرینه مؤید زاده « عبدالکریم افندی » اماسیه قاضیسی اولدی . اماسیه مفتیلکنه آق شمس الدین افندینک برادر زاده سی اولان « پاشاچلی » دیمکه مشهور « غیاث الدین ابراهیم چلی » تعیین ایدیلرک استانبولدن کلدی .

۹۲۴ سنه سی صفرندۀ سلطان احمدک شهزاده سی « سلطان مراد » ک ایراندن کلوب قره حصار شرقی حوالیسندۀ اعلان سلطنت و پک چوق .

خلقك كندیسنه بیعت ایتدیکی شایع اولدی . بو شایعه سلطان سلیمی خلی تلاشه دوشوردی .

سلطان سلیم « سنه مزبورده نك ربیع الاولنده اماسیه بكار بکیسی « شادی پاشا » یه قره حصار شرقیه قوه موجوده سیله بالذات کیدوب شایعه نك اصلی تحقیق ایتمه سنی امر ایتدی . شادی پاشا ، سلطان مرادی بك ای طانیان صوفی زاده محمد اغانی آلوب قره حصار شرقیه کیتدی . قره حصار بکی قاسم بکله برلشدی .

صوفی زاده محمد اغا ، اماسیه ده سلطان احمدك چاوشباشیسی اولان عبدی اغانك مخدومی و سلطان مرادك همدمی ایدی . سلطان مرادی کوزل طانیردی . شادی پاشا ، بك چوق اشقیایی طوتوب محمد اغانیه کوستردی . بر بکیزینی بولوب باشی کسیدی استانبوله کوندردی . سلطان سلیم ، شهزاده مرادك باشی کوروب طانیانلردن تحقیق ایتدکن صوکر اسکدارده قره جه احمد مزارلغنه دفن ایتدیردی . فقط سلطان مرادك بر حیات اولدینی شایعه سی هر طرفده سویله نیوردی . صولاق زاده تاریخنده دیورکه « شهزاده مراد ، ایرانه فرارندن دورت ییل صوکر اماسیه درویش قیافتنده کلوب خسته لندی . بر نعلبند واسطه سیله سلطان احمد منسوبلرندن و اماسیه اغنیاسندن صابونچی اوغلی ابراهیم چلبی حمایه سنده شفایاب اولدقدن صوکر اسکداره کیتدی . اوراده وفات ایتدی . »

هر حالده سلطان سلیم ، شایعه دن پیره لندی شهزاده مرادك قبرینی بیلنری بولوب باشی چیقاردی او نعلبندی اماسیه دن جلب ایدوب کوستردی . نعلبند ، غالبا پادشاهی تطمین ایچون اولاجق که باشک

شهزاده مراده عائد اولديغنى تصديق ايتدى . صوفى زاده « محمد اغا »
جلب ايديلوب چاشنيكلر زمره سنه الحاق ايديلدى . بوكا « بلالى محمد
اغا » ديتدى .

نجه شهزاده مراد بك ايراندن « ۹۲۲ » سنه سى اماسيه كلديكى
صابونجى اوغلو « ابراهيم چاي » دن حمايه كوردىكى ، قره حصار شرقى
حوالى سنده ادعاى سلطنت ايتدىكى هر حالده دوغرودر . فقط ۹۲۴
سنه سنده طوتولوب باشى كسيلدىكى ، ياخود اسكدارده وفات ايتدىكى
خلاف حقيقتدر . سلطان سليمك شهبه سى پك يرنده در .

چونكه ايكي جهت ، سلطان مرادك قتلى ، ياخود وفاتنى تكيذب
ايدى جك ادله تاريخچه دندر . برنجيسى عثمانلى حكومتك بو قدر شدتلى
تعقيباتنه قارشى شيعه نك « ۹۲۲ » حتى « ۹۴۰ » تاريخنه قدر سورن
عنودانه صولت وشوكتيدر . بونلرك باشنده نافذالكلام برشهزاده اولما
سايدى . صولتلىرى بو قدر سوره مزدى .

ايكنجيسى المهكن بر قيد تاريخيدر . فاتح كتيبخانه سنده « ۱۱۸۹ »
نومروده مقيد « مصابيح » كتابنك صوكنده شو قيد تاريخى نى دقتله
اوقويكيز !

« تم كتاب المصباح على يد العبد الضعيف التحيف المحتاج الى
رحمة الله ابن مولانا خضر لطف الله بلغهما الله غاية ما يتمناه في يوم الخميس عشرين
من شهر ربيع الثاني سنة ثلثين وتسعمائة هجرية لاجل الامير الاعز الاكرم
سلطان مراد بن الاجل المغفور المرحوم غيب الله بن المغفور المبرور ظاهر بن
طاهر ديوزاناوى »

شو قيد تاريخى كال صراحتله كوستريبوركه بو مصابيح كتابى

یازان ، علمادن خضر افندی زاده « لطف الله » در . سلطان مراد
 ایچون یازمشدر . ۹۳۰ سنه سی ربیع الاخرینک یکرمنجی پنخشنبه کونی
 بیتیرمشدر . وراده تعمیه ایدیلدیکی اکلایشلان دورت جهت واردر .
 ۱ - سلطان مرادک باباسی کوستریلن « غیب الله » کیمدر ؟
 ۲ - بونک باباسی دینیلن « ظاهر » کیمدر ؟ ۳ - بونک باباسی اولدیغی
 اکلایشلان « طاهر » کیمدر ؟ ۴ - نسبت ایدیلن « دیوزاناوی »
 نره سیدر ؟

بیم آکلادیغه کوره شو اسملر ، سلطان مرادی طانیتماق
 ایچون قصداً یاییلمش برر کنایه و تعمیه در . « غیب الله » ، مرحوم دیمک اولان
 « سلطان احمد » دن کنایه اولاجقدر . بوکا « الاجل المغفورالمرحوم »
 دیمشدر .

غیب اللهک پدری کوستریلن « ظاهر » ، ایکنجی سلطان بایزیددن
 کنایه اولاجقدر . چونکه اسان شریعتده سلطان « ظاهر » اولاجقدر .
 محتفی اولمایاجقدر . بوکاده « المغفورالمرحوم » دیمشدر .
 ظاهرک باباسی کوستریلن « طاهر » ، فاتح سلطان محمد ثانی
 کنایه اولاجقدر . چونکه اسان شریف نبوی ده قسطنطنیه فاتحی
 « نعم الامیر ، نعم الحیش » دیه مدح و ثنا بویورولمشدر . توصیف نبوی به
 مظهر اولان طاهر ، مقدس ، مغفورالهی صابیلر .

دیوزاناوی ، اماسیه شهرینک جوارنده و شرق شمالی جهتده
 الیوم « ظانا ، زانا » دیمکله مشهور اولان کویتک اسکی آدی « دیوزانا » در
 بوراده سلطان احمدک وقتيله چفتلکی وجامعی اولدیغی قیود وقفیه ایله
 مشبتدر . بورایه نسبت ایدیلن کیمسه به « دیوزاناوی » دیمش اولابیلر

بو کتابی یازان « ابن مولانا خضر لطف الله » بکا بو کنایه لری
آ کلاتان بر شخصیت تاریخیه در . بو ذات ، اماسیه ده ایکن سلطان مراد
بن سلطان احمدك معلمی اولان «مولانا خضر بن ادریس» ك انحدومی
اولا جقدر . « بلغه ما له » تعیرندن آ کلا شیلیر که خضر افندی ، « ۹۳۰ »
سنه سنده بر حیات ایش .

نم شو آ کلا شلر مك دوغرو لنی تقد برنده شهزاده سلطان مرادك
۹۳۰ سنه سنده بر حیات اولدینی و ۹۲۴ سنه سنده کیسان باشك بو شهزاده یه
عائد اولما دینی ثابت اولور . بوندن آ کلا شیلیر که « ۹۲۲ » سنه سنده اماسیه یه
هجوم ایدن ، کیرمکه معنده نه چالیشان ، اشقای جلالیه نك باشنده
« سلطان مراد » واردی .

شهزاده مراد ، اماسیه یه کیروب تحصن ایتك ممکن اولما دینی
کورونجه قره حصار شرقی و سیواس حوالیسنده جولان ایتمش ، اورالده
ادعای سلطنت ایدر ك کندیسنه طرفدار بولمه چالیشمش ، شاه
اسماعیلدن آلدینی قوتله حرکت ایلهمش دیمك اولور .

ارمنی جلال خلیفه نك اتباعی ، داها دوغرو می شهزاده مراد
بكك طرفدار لری سیواس ، دارنده و عربکیر حوالیسنده تکائف ایدر ك
اجرای حرکات و ایقاع خسارات ابتدکاری جمته « سیواس » اهمیت
قازانمشدی .

بو اهمیت بناء رومیه ولایتك مرکزی سیواسه نقل ایدیلر ك
اماسیه بکربکیسی « شادی پاشا » « ۹۲۴ » سنه سی جمادی الاولاسنده
سیواس بکربکیسی اولدی . اماسیه ولایتی بر لوا مرکزی اولاراق
سنباق بکلیکنه « اوزون رستم بك » تعیین ایدیلدی .

(اوزون رستم بك)

اماسیه لی اتابك زاده خضر پاشانك كوله سی کیوان اغانك اوغلودر .
 بونك ایچون رستم بکه اماسیه ده «کیوان اوغلو، دینیردی سلطان سلیمه
 شهزاده لیکنده اتساب ایدرك میرلوا اولمشدی . وقعه سابقه ده شایان
 تقدیر خدمتی سبق ایلدیکندن «۹۲۴» سنه سی جمادی الاولاسنده اماسیه
 سنجاغی بکی اولدی . سنوی دورتیوز اللی بیک آقچه معاش ویریلدی .
 اسبی محاسبه دفترلرنده کورولدیکی اوزره اماسیه ، مرکز ولایت
 ایکن میرمیرانك تخصیصاتی بشیوزاوتوز بیک آقچه ، حاصلات خزینه سی ده
 بشیوز اللی یدی بیک آقچه اولوب اون طقوز زعامتی ، دورتیوز
 یکر می طقوز تیماری واردی .

اماسیه مرکز لوا اولونجه یالکیز معاشده اوفاق بر تناقص اولوب
 حاصلات خزینه ایله زعامت و تیمار اولکی حالنده قالمشدر . بناء علیه
 اماسیه ، مرکز لوا اولدقده برنجی سنجاق اعتبار ایدیشدر .

ارباب تیمار ، هریرده « سپاهی ، سواری » لر دیمکدی . سپاهی لرك
 ضابط و قوماندانه اماسیه ده « کتخدا یری » دینیردی . بوتون لوارلرده ،
 مرکز ولایتلرده کتخدا یری ، سپاهی قوماندانی دیمکدی . ارباب
 زعامت ، بونلردن یوکسکدی . بونلرك قوماندانه « آلا ی بکی » دینیردی ،
 تیمار وزعامت ، تورکلره ویریلیردی .

اماسیه ده یکچیری اوجاغی ده واردی . یکچیریلک ، اسلام ایدینش
 خرستیان اولاندندن تشکیل ایدیلن بر اوجاقدی . بو اوجاق ، ایلک

دفعه سلطان اورخان زماننده «۷۴۱» سنه سنده تشکيل ايدیلدی .
تورکلردن ايلک يکيجرى اغاسى « جلال الدين محمد بك » بن غازى
عبدالرحمن بك اولدی . بوكا « آغا بك » دینیردی .

يکيجريلرک ايلک تشکلندن «۸۲۹» سالنه قدر آغابکلری ، تورکلردن
سچيلیردی . خرستيان اولادينه تورکلک و مسلمانلق روحى آغابکلرله
ويريلیردی . بونک ايچون آغابکلکه غير تورکلردن تعين ايدیلزدی .
بکيجرى اوجاغندن آنجاق قول کتخداغنه قدر ترقى واردی . قول
کتخداغلى يارارلق کوستردکجه ميرلوا اولورلردی .

اماسيهده ايکي بولوك يکيجرى واردی . هر بولوك بر علمدارى ،
بر اوطه باشيسى اولوردی . بونلرک هپسنه قوماندا ايدن ضابطه ابتدا
« ضابط » دیندی . صوکرا « سردار » لقبى ويریلدی . اماسيه يکيجرى
سردارى اماسيه يکيجريلرينک قوماندانى ، ضابطى ديمکدى .

بونلردن باشقا ، اماسيهده درگاه على قوجيلرى و چاووشلى واردی .
بونلر ، پادشاهک ياورلرى حکمنده اولوب اوزمانلرده بوتون اوامر سلطانيه يى
بونلر تبليغ و انفاذ ايدرلر ، تحصيلاته و سنجاقلرک اداره ملکيه سنه
بونلر باقارلردی .

بکلر بکي شادى پاشانک اماسيه دن سيواسه قالقدیغنى ايشيدن .
« ذوالنون بابا » نيه اميده دوشدى . واراى ، مجيد اوزى ، تورحال
طرفلرنده قيام ايدهرک کويلرى ازعاجه باشلادی . کويلردن شکايتلر
يوکسلدی .

اوزون رستم بك ، ارکان لواندن حاجى نوروز بك زاده «ولى بك»
وساثر زعما و سپاهيلردن يانه آلدیغى بر قوتله ذوالنونک اوطوردیغى

رلری باصدی . اغیراقلرینی آلوب عونہسندن خیلی کیمسهلری بردار ایتدی . ذوالنوفی صیندیردی .

بو ائاده یولار قیصدی « سنان پاشا » عثمانجق نواحیسندن « حاجی حمزه قصبه سی » دیمکه مشهور اولان پرده اقامت و حاجی حمزه ناحیه سی اشقیانک تعرضاتندن محافظه ایتکه مامور ابدی . سنان پاشا ، اوراده جامع ، عمارت ، مکتب یاپدیرمش ، قصبه یی شنه تمشدی .

۹۲۵ سنه سی مارتندن اعتباراً اماسیه ضربخانه سی تجدید ایدیلهرک التون اجه ضرب ایدیله سی امر اولوندی . اشقیانک تعقیباتنه شدتله دوام ایدیلدی . فقط شدید الشکیمه ، نافذ الکلم بر ذاتک اماسیه دم بولونما سی ضرورتی حاصل اولدی .

چونکه اشقیا ، یاخود سلطان مرادک عونہ سی اماسیه یی پک زیاده صیقیشدیریوردی . بناءً علیه حاجی حمزه دربندی محافظه سنده بویوک همتلری کورولن (سنان پاشا) ، ۹۲۵ سنه سی اولاننده اماسیه متصرفی و محافظی اولاراق کلدی .

(سنان پاشا)

سلطان احمدک وزیر ی اولان یولار قیصدی سنان پاشادر . بوده خضر پاشانک کوله لککندن تفیض ایتشدیر . ۹۲۵ سنه سی صفرنده اماسیه محافظی اولدی . کلوب اشقیایی تعقیباته قویولدی .

بوسنه چوقدن بری یدی قله زنداننده اونوتولوب قالمش اولان کوموشلو

زاده «پیر محیی الدین محمد چلبی» سلطان سلیم خانك امر مخصوصیله عفو واطلاق ایدیلهرك آرزوسیهله حجازه کیتدی . اثنای خروجنده سلطان سلیمه آغیردعالر ایتدیکنی عالی چلبی «کنه الاخبار» نده یازیور.

۹۲۵ سنه سی اواسطنده اماسیه مفتیسی «غیاث الدین پاشا چلبی» قدس منلاسی اولدیغی مناسبتله یرینه سابق سلطان احمدك معلمی اولوب ادرنده چفته لر مدرسه سی مدرسی اولان اماسیه لی خطیب قائم زاده «محیی الدین محمد افندی» اماسیه مفتیسی و سلطایه مدرسی اولدی .

محیی الدین افندیك كلدیكندن آرزو کرا اماسیه قاضیسی مؤید زاده «عبدالکریم افندی» وفات ایتدی . یرینه ابراهیم افندی زاده «عثمان افندی» اماسیه قاضیسی اولدی . عبدالکریم افندی ، کبار علمادان بر ذات ایدی .

۹۲۶ سنه سی . شوالنك طقوزنجی کونی «سلطان سلیم اول» وفات ایدوب یرینه بویوک شهزاده سی «سلطان سلیمان خان» عثمانلی تختنه جلوس ایتدی . کوموشلو زاده «پیر محیی الدین محمد چلبی» ده اماسیه یه بوسنه کلوب اولاد و عیالنه قاووشدی .

اماسیه متصرفی سنان پاشا ، اشقیانك استیصالنه حصر همت ایدهرك سنجاغك هر طرفی دولاشوب قورودی . فقط ۹۲۷ سنه سنده مجید اوزی جوارنده تنکیلاتنه دوام ایدرکن بر پوصویه دوشوب اشقیا طرفندن شهد ایدیلدی . یرینه قره حصار شرقی بکی «محمد بك» تعیین اولوندی .

(محمد بك)

يورکچ پاشا زاده علي بكك اوغلودر. ۹۲۷ سنه سي ربيع الاولنده اماسيه سنجاغي بكي اولدى. قره حصار شرقيدن كلوب اشقياي تعقيبنه كيتدى. چاوشان درگاه عاليدين «چاوش محمد اغا» ميرلوا قائمقامى اولدى. بو ائزاده سيواس واليسى «شادى پاشا» قونيه ولايتنه نقل ايديلوب طرزون بكلربكيسى لالا «سنان پاشا» بن محمد سيواس واليسى اولدى. طرزوندن سيواسه كيدر كن اماسيه يه كلوب اون بش كون قدر او طور دى. اماسيه بكي محمد بك، ذوالنون محارب اتنده بويوك يارار قلر كوستردى. توقاد بكي حسين بكه بذل مساعى ايدهر ك ذوالنونى فوق العاده صيقشدير دى. صوكننده ديور بكي طرفلرينه قاچير دى. كنديسى ده دونوب اماسيه يه كلدى.

۹۲۸ سنه سي محرم نده اماسيه قاضيسى عثمان افندي نك يرينه سابق كردستان قاضى عسكرى عنوانيله ديار بكر قاضيسى اولان مؤيد زاده «عبدالحى افندى» اماسيه قاضيسى اولارق كلدى. جمادى الاولاسنده «محمد بك» آلمان حربنه مأمور اولديغندن يرينه «سنان بك» اماسيه بكلكنه تعيين ايديلدى.

(سنان بك)

مير علم يعقوب اغا نك برادري اولديغى ولى الدين افندى كتبخانه سنده موجود اولان مجموعه منشأته كورولدى. ۹۲۸ سنه سي جمادى الاولاسى

غره سنده اماسیه بکی اولوب کلدی «اماسیه سنجاغنه امیر تعیین ایدیلن
غیر تورک بکلرک ایلکیدر .

۹۲۹ سنه می شعباننده صدر اعظم اماسیه لی «پیری محمد پاشا» استغایه
مجبور اولوب غیر تورک اردن روم ایلی بکلر بکیلیکیله وزیر ثالث اولان
فرنک «ابراهیم پاشا» مسند صدارته یوکسه لدی . وزرات قاپیسی
تورک لک یوزینه قاپاندی . اندرون مکتبندن تورک لک آیاتی کسیدلی .

۹۲۹ سنه می شوالنده اماسیه مفتیسی و سلطانیه مدرسی «محی الدین
محمد افندی» استانبولده ایاصوفیه مدرسلکنه ترفیع ایدیلدی کتدن
یرینه «اوج باش» دیمکه مشهور اولان «نورالدین حمزه افندی» اماسیه
مفتیسی و سلطانیه مدرسی اولدی . بواننده اماسیه نقیب الاشراف
قائمقامی «السید محمد چلی» ایدی .

۹۳۰ سنه سنده جلالیلر ، باخود سلطان مرادک عونیه می سیواس
ولایتی فنا حالده صارمش ، سنان پاشایی پک زیاده صیقیشدیرمشدی .
بونک ایچون طربزون بکلر بکیسی اماسیه لی «اسلندر پاشا» سنه و اخرنده
سیواس والیسی اولدی . سنان پاشاده بعده امیرالج اولوب حجازه کتیدی .
مفسر مشهور آماسیه لی نجشی خلیفه بوسنه وفات ایتدی . آق سیک دیمکه
مشهور ایدی .

۹۳۱ سنه سنده ذوالنون بابانک عونیه می ده اماسیه نک هر طرفنده
شدت لر کوسترمکه باشلادی . بونلرک تعقیباتنده «سنان بک» یارالاندی .
یرینه بروسه سنجاغی بکی «قوچی بک» تعیین اولوندی .

(قوچی بك)

شیخ الاسلام کمال پاشا زاده احمد افندیك عمجه زاده سی خلیل بك بن کمال پاشا ك اوغلودر. سلطان سلیمه انتساب ایدوب دائره سنده تفیض ایدرك «۹۳۱» سنه سی رجبنده اماسیه سنجاغی بکی اولارق كلدی. بكا اويله كليوركه بر حیات اولدیغی ا كلاشیلان «سلطان مراد» طرفندن اجرا ایدیلن شیعه تشکیلات خفییه سی بوتون آنادولویي دائره شموله آلمش بر حالده اختلال اربابی «۹۳۲» سنه سنده و هر طرفده بردن حرکتیه كمشلردی. بو ائشاده بوسنه بكار بکیسی حسین پاشا سیواسه واکندر پاشا طرزونه نقل ایدیلدی

سلطان سلیمان قانونی مجارستان سفرنده اولدیغی ائشاده اختلال حیلر، ایکی بویوك قوماندانك اداره سی آلتنده بردن قیام ایتمشلردی. بونلردن برنجیسی «ذوالنون شاه» دینیلن واریلی ذوالنون خلیفه ایدی. اداره سی آلتنده قرق بیک قدر شیعه سی واردی. ۹۳۳ سنه سنده یوزغاد ایله توقاد آراسنده اجرای حرکات ایتمكه ایدی. بونك هدفی قونییه و اماسیه ایدی.

ایکینجیسی حاجی بکته اش اولادندن اولدیغی ادعا ایدن «نفس اوغلو» دیمكه مشهور «قلندر شاه» بن حبیب افندی بن اسکندر بن بلم سلطان بن رسول چلبی ایدی. اداره سی آلتنده اوتوز بیکدن زیاده شیعه سی واردی. آنقره حوالیسنده اجرای حرکات ایتمكه ایدی. هدفی اسکداردی.

ارباب اختلال يالكيز بونلردن ده عبارت دكلدى . اطنه داخنده
«ولى شاه» دينلن آدمك، طرسوس لواسنده «يكيجه بك» ك آچدقلى
اختلال بايراقلى آلتنده بيكلرجه شيعه ده ينه بوسنه قيام ايتشلردى .
هر حالده باشلرنده عايت ذى نفوذ ومدبر آدم واردى .

ذوالنوشاهك قوماندا ايتديكى اختلالچيلرك اوزرينه ابتدا قرمان
بكلربكىسى اسكندرپاشا زاده خرم پاشا سردار اولوب خيلى ميرلوالرله
برابر حربه كيردى . سردار ايله ايجايلى قيصرجه بكلرى شهيد و اوردو
منهزم اولدى .

ذوالنون، بوندن قوت بولوب توقادحواليسى اوردى . قاز اووايه
قدر كلدى . اوكنه كلن قصبهلى خراب ايتدى . بوراده سيواس
بكلربكىسى حسين پاشا اماسيه ، توقاد ، عربكيز ، ملاطيه بكلريله
برابر اووب ذوالنون اوردوسيله حربه كيردى .

ذوالنون ، ابتدا غلبه ايدوب ملاطيه بكى يولار قيصدى سنان پاشا
زاده اسكندر، اماسيه بكى قوچى بكلر شهيد اولدى . ايكنجى هجومده
حسين پاشاقولى غلبه ايدوب «ذوالنوشاه» اورولدى . اوردوسى داغيلدى .
فقط اختلالچيلر ، حسين پاشانك اوردوسنه بر كيجه باصقيني
ياديلر . حسين پاشا يارالاندى اوردوسى داغيلدى . متعاقباً ديار بكر
بكلربكىسى خسرو پاشا يتيشدى . ارباب اختلالى قيليچدن كچيردى .
فقط حسين پاشا، سيواسه وصولندن برقاج كون صوكرا وفات ايتدى .
قلندر شاهك قوماندا ايتديكى ارباب اختلال اوزرينده صدراعظم
ابراهيم پاشا سردار اولوب آناطولى بكلربكىسى، بهرام، قرمان بكلربكىسى
محمود پاشالرله خيلى سنجاق بكلرى برابردي . بونلرده ابتدا منهزم

و محمود پاشا ایله علائیه بکی مصطفی پاشا شهید اولدی .
بعده قلندرک قوت بولان اتباعندن چوقلری تنویرات و انعامات
مخصوصه ایله الده ایدیلدی . بقیه لری اوزرینه « بلالی محمد آغا » ایله
« دلی پروانه بك » مأمور اولمشدی . بونلر بوتون قوتلریله چالیشوب
ارباب اخلاالی تارومار ایتدیلر . بلالی محمد آغا ، قیوجیلر کتیخدا بی ،
دلی پروانه متفرقه اولدی . اماسیه سنجاغنده « عبده بك » تعیین ایدیلدی .

(عبده بك)

اسفندیار اوغللارندن قیزیل احمد بك زاده اولوب بولمیدر .
۹۳۳ سنه سی ذی القعدة سننده اماسیه سنجاغی بکی قوچی بكك شهادته
بناءً اماسیه بکی اولوب کلدی . سیواس بکار بکیلیکنده نانیاً طربزون
بکلیر بکیسی « اسکندر پاشا » تعیین ایدیلدی .

لاکن اختلاجیلرک حربندن دولایی اماسیه ده ینه اوفاق ، تفك
حادثه لر اولدی . قوچی بكك شهادتیه لوانك اداره سی مشکلاته اوغرا دی .
چونکه اماسیه نك اوز ناحیه سننده بك چوق اشقیا واردی .

اماسیه مفتیسی نورالدین حمزه افندی ، بو مشکلاتدن دولایی
استعفا ایدوب استانبوله کیتدی . اماسیه فضلاسندن حسینیه مدرسی
وسلطان بایزید کتبخانه سی حافظ کتبی مشهور (مصلح الدین موسی
افندی) اماسیه مفتیسی وسلطانیه مدرسی اولدی .

خسرو پاشا ، دیاربکره عودت ایتدکن صوکره اختلاجیلرینه
طوپلانو ب ذوالنولشاه اوغلی « خلیل بك » ریاستنده اختلاله

دوام ایتدیلر . ذوالنونک خلیفه سی اولان مشهور « خوبیار بابا » خلیل بکک مستشاری ایدی .

بونلر ، تور حال اوزریدن کلوب « واری » طرفلرند تمکن ایدهرک اماسیه یی تهدید اتمکله باشلادیلر . اماسیه بکی « عبده بک » معیتنه آلدیغی قوتله واری ناحیه سننده حرباً بونلری تعقیب ایدهرک آرتق آباده قدر کیتدی . اوراده واقع اولان محاربه ده بوده شهید اولدی . ولی بک اماسیه بکککنه تعیین ایدیلدی .

(ولی بک)

اماسیه امراسندن حاجی نوروز بک زاده الیاس بکک اوغلودور . ۹۳۴ سنه سی ربیع الاخرنده عبده بکک شهادتنه بنه اماسیه سنجاغی بکی اولدی . اماسیه آلا ی بکیلکندن نشئت ایتدی ، سیواس والیسی اسکندر پاشاده طربزونه اعاده ایدیلوب « فیل یعقوب پاشا » سیواس بککر بکیسی اولدی .

ولی بک ، آرتق اووا وقعه سننده فدا کارانه چالیشاراق نام آلمش بر بهادر دی . سنجاغی کوزل قورودی . ۹۳۵ سنه سننده مجید اوزی حوالیسنده ظهور ایدن اختلالی کندیسسی استیصال ایدهرک اشقیایی ییلیردی . بو سنه بودون حربنه مأموراً روم ایله کیتدی .

۹۳۶ سنه سی محرمک صوکلرند اماسیه مقتیسی کبار فقهادن « مصلح الدین موسی افندی » وفات ایتدی . اوچلر محله سننده کاشن خانه سی باغچه سنه دفن ایدیلدی . یرینه اماسیه علماسندن « یازید افندی »

مفتی و مدرس سلطانیہ اولدی. ولی بک دہ دیکر لوائیہ نصب ایدیلدیکنندن
« ابراهیم بک » اماسیہ سنجاغی امارتنه تعیین اولوندی .

(ابراهیم بک)

اسحاق پاشا زاده شادی پاشانک مخدومیدر . بروسه بکی ایکن
۹۳۷ سنه سی محرمی صوکلرنده اماسیہ بکی اولدی . فقط روم ایلی
محارباتنه مأمور اولدیغندن اماسیہ آلائی بکیسی قاضی زاده « سیدی
احمد بک » وکیل اولوب اماسیہ بی اشقیان قورودی .
۹۳۷ سنه سنده مشاهیر اتقیان و خلوتیه مشایخندن صونسالی
« حستام الدین افندی » وفات ایدوب اوق میدانده خضر پاشا محلہ سنه
کیدن یولک صاغنده قبر مخصوصنه دفن ایدیلدی . ابراهیم بکک
تمادی ایدن غیوبتنه و سنجاغک اهمیتنه بناءً « سیدی احمد بک » میرلوا
اولدی .

(سیدی احمد بک)

اسبق اماسیہ قاضیسی مصلح زاده عبدالرحمن افندیکنک مخدومی
اولوب قاضی زاده دیمکله مشهوردر . محمد و محمود پاشالارک کوچوک
قارداشیدر . اماسیہ سنجاغی آلائی بکیسی و محافظ و کیلی ایکن « ۹۳۷ »
سنه سی شعبانده اماسیہ بکی اولدی .
چونکله اماسیہ حوالیسینده اکسک اولمایان اشقیایی تعقیب ایدهرک

ذوالنون اوغلو خلیل بکی یالکیز باشنه معیتنده کی قوه موجوده سیله استیصال ایتمه موفق اولدیغنه . کافه میرلوا اولمشدی . خلیل بك ، بك آزبلی بر شقی ایدی . بونك استیصال اولدقجه بر وقعه مهمه اولمشدی .

۹۳۸ سنه سنده سیدی بك عراق حربنه مأمور اولاراق کیتدی . بوندن جرأت آلان اختلال اربابی اماسیه اطرافنده ینه باش قالدیرمغه باشلادی . بو ائنده ظهور ایدن حادثه لر اوزرینه اشقیا حربنده بویوك یارارانی کورولن نیکبولی بکی محمد بك ، اماسیه سنجاغی بکلکنه تعیین ایدیلدی .

«محمد بك»

کده غره لی زعمادان حسن بك اوغلودر . دلی پروانه دیمکه مشهوردر . اشقیا حربنده شهرت آلمش امرادن اولقله «۹۳۹» سنه سی ربیع الاخرنده اماسیه بکی اولاراق روم ایلندن کلدی . اماسیه مفتیسی «نقیضی» دیمکه مشهور «بایزید افندی» عزل ایدیلوب یرینه ام ولدزاده «عبدالغزیر افندی» کلدی .

وزیر اعظم ابراهیم پاشا ، نادولو قوای عمومیه سنی آلوب عراقه کیتیمشدی . شیعه گروهی بوندن جرأت آلدی . ذاتاً میرلوا محمد بکه خصم یی امان اولان شیعه ، خارجه لازم کان ترتیباتی آلدقدن صوکر «۹۴۰» ذی الحجه سنده صباحه قارشی آکسزین اماسیه یی باصدیلر . بن اوپله صانیورم که سلطان احمدك شهزاده سی سلطان مراد ،

صوك بر حركت اولماق اوزره اماسيه ي بالذات باصدى . اماسيه نك بوتون مواقع مستحكمه سنى الده ايتدى . ميرلوا محمد بكك خانه سنى محاصره ايدوب آنى تسليمه مجبور ايتدى . محمد بك ، كمال شجاعته اشقيايه قارشى كنديسنى مدافعه ايدرك شهيد اولدى .

اشقيا ، ياخود سلطان مرادك عونيه سى كنديلرينه معارض اولانلرى افنا ، ماللرينى ياغما ايدرك خيلى خسارات ياپديلر . اماسيه قلعه سنى الده ايتكمه بك زياده چاليشديلر .

قلعه ديزدارى محمد اغا ، سپاهى كتخدا يرى روميه لى حسين اغا ، مشاهير زعمادن جبهه جى اوغلو ديمكه مشهور «حسن بك» بن دولتخان بك شدتله مقابله ايتديلر . كده غره ويوده سى چاوشان درگاه عاليدين عبدالغنى اوغلو «محمد اغا» بوتون قوتيله اماسيه قوشوب كلدى .

بونلرديلرانه چاليشديلر . اشقيادن خيليسنى قيليچدن كچيرديلر . بقيه سنى ده فراره مجبور ايدرك اماسيه ي قورتارديلر . غالبا سلطان مراد ، بوهنكامه اناسنده مقتول اولمايديركه اشقيادن بردها اثر ظهور ايتدى . اماسيه محافظه سنه ده آنقره بكر بكي سى «ولى پاشا» تعيين ايديلدى .

نم آكلايشمه كوره «۹۳۳ اختلالى» ، مدافعه حقوق ايچون ترتيب ايديلش بر وقعه مهمه در بونى دوغوران سبيلرك باشليجه سى ، عثمانلى دولتنك توركلره قارشى آلدیغى وضعيتدر . دينه بيلير .

چونكه مقبول ابراهيم پاشا دينيان فرنك ابراهيم پاشا ، مسند صدارته كلديكى كوندن اعتباراً توركلره قارشى بر وضعيت آلمش ، توركلرك يوزينه وزرات قايسنى قاپامشدى .

صولاق زاده تاريخنده ديوركه «توركلرك الارندن تيمارلرى

آلتمش، دیرلککری چالغش، دیکرلرینه ویریلشیدی. بونلر امرمعاشدن عاجز قالدقلرندن اشقیا رؤساسنه عرض ایتمشلردر. «
 بو تلخیص ایدیلر افاده آکلاتیورکه تورککوردن آلینان تیمارلر، چالینان دیرلککری غیر تورککریه ویریلش اولدیغندن اختلال چیقدی. تورککری، کنددی دیرلککرینی، وارلقلرینی مدافعهیه قالدیشیدی. ینه صولاقزاده آکلاتیورکه تورککری بو حقکری ویریلدیکی کون اختلال باصدیریلدی. ایستر شیعه باشلری اولسون، ایستر سلطان مراد اولسون حقوقنی مدافعه ایده جک بر قوت و استناد کاه آرایان تورککری کندیلرینه جلب ایده رک قیام ایتمشلر دیمک اولور. تورککری حقوق تسلیم ایدیلدیکی آتده شیعه باشلری اوچدی. نفوذلری زائل اولدی.»

(ولی پاشا)

اماسیه امراسندن حاجی نوروز بک زاده الیاس بکک اوغلودر. بوکا «حاجی بک زاده» دینیردی. ۹۴۱ «سنه سی» محرمده اماسیه متصرفی اولاراق آنقره دن کلدی. وقعه یی تحقیقه یی مأمور اولدی. سیواس والیلکننده وزرادن اماسیه لی «محمد پاشا» تعین ایدیلشیدی. بو وقعه هائلده اماسیه قاضیسی مؤید زاده عبدالحی افندی، اماسیه مفتیسی ام ولدزاده عبدالعزیز افندی مدخول اولدیغندن هر ایکسی ده عزل ایدیلرک استانبوله کونده ریلدی حسین آغا مدرسی «قره باغی محمد افندی» اورخانیه مدرسی اولاراق ازنیقه اعزام ایدیلدی. برادری «ولی افندی» بن عبدالکریم بو وقعه ده وفات ایتدی.

کبار قضاتدن لطفاه زاده « فخرالدین محمد افندی » اماسیه قاضیسی اولاراق استانبولدن کلدی. یورکچ پاشا مدرستی و نقیب الاشرفیه قائم مقامی اولان آنقره لی السید سیرک محیی الدین محمد افندی « اماسیه مفتیسی اولدی . قراباغی ولی افندی زاده « عبدالحیار افندی » ده استانبوله کیتدی .

رومیله حسین آغا آغیر زعامتله تلطیف ایدیله رک مکافات کوردی . جبه جی زاده حسن بک اماسیه آلا ی بکیسی اولوب دیزدار محمد آغایه آغیر زعامت ویریلدی . افکار عمومیه یی تشویش و افساد ایدن سیاحلره درویشلر اماسیه تکیه لرندن سورولوب خارجه چیقاریلدی .

۹۴۲ سنه سننده ولی پاشا ، بوتون سنجاغک هر طرفنی کزدی . اشقیا حقنده داراما یاپدی . بولدیغی شقیلری در حال تنکیل ایده رک اماسیه سنجاغنده امنیت عمومیه یی تقریره همت ایتدی . بعده ثانیاً آنقره بکربکیسی و آناتولی محافظی اولدی . موصل بکربکیسی « سیدی احمد پاشا » اماسیه متصرفلغنه تعیین ایدلدی .

(سیدی پاشا)

یوقاریده تعریف ایدیلن قاضی زاده در ۹۴۳ سنه سی واسطنده اماسیه متصرفی اولاراق موصلدن کلدی . عثمانلی تورکلردن ایلک موصل بکربکیسی اولان بودر .

۹۴۴ سنه سی شوالنده اماسیه قاضیلکنه اماسیه لی زنبیلی علی افندی زاده « جمال الدین محمد چلبی » تعیین اولونوب استانبولدن کلدی . بوسنه

سیواس والیسی اماسیه‌لی وزیر محمد پاشا وفات ایدوب یرینه جاندارلی
زاده «عیسی پاشا» سیواس بک‌لر بکیسی اولدی .

اماسیه سنجاغ‌نک هر طرفی اشقیادن تاماميله تیزلنمش ، حضور
و امنیت تامه حاصل اولمشدی . بناءً علیه : ۹۴۵ سنه‌می اوائلنده
صاروخان والیسی اولان شهزاده «سلطان مصطفی» اماسیه والی‌لک‌نه
نصب ایدیلهرک اماسیه‌نک اسکی شرفی اعاده ایدیلدی .

(سلطان مصطفی)

قانونی سلطان سلیمان خانک بویوک شهزاده سیدر . ۹۲۱ سنه‌سنده
دوغدی . ابتدا صاروخانه والی اولمشدی . ۹۴۵ سنه‌می ربیع الاولنده
یکرمی دورت یاشنده اماسیه والیسی اولوب کلدی [۱] لالاسی «قاسم
بک» دی . اماسیه محافظی «سیدی احمد پاشا» اولدی .

[۱] اماسیه ولایتی ، سیواسدن ارتباطی کسدی . مستقل بر

[۱] تاج التواریخ کی تورکیه تاریخلرینک چوغنده شهزاده سلطان مصطفی نک
اماسیه والی‌لک‌نه داتر صراحت یوقدر . فقط نشانجی جلال زاده مصطفی بک
«طبقات ممالک» آدلی اثرنده سلطان مصطفی نک صاروخان اماسیه والی‌لک‌نه
تاریخ منبرورده نقل ایدیلدیکی مضرحدرد . نصوح مطراق تاریخنده داهای آجیق
یازیلشدر .

کمال‌الدین ابراهیم افندی‌نک اسعد افندی کتبخانه‌سنده موجود اولان
«مضارف بیت‌المال» آدلی اثری دیباجه‌سنده اماسیه امیری سلطان مصطفی
نامه یازیلدیغی و سروری افندی‌نک مطبوع کستار شرحی آخرنده سلطان مصطفی
معلمی ایکن اماسیه‌ده اکال ایتدیکی یازیلیدر . بوتون قیود مایه و احکام
دفترلرنده بو تاریخندن وفاته قدر اماسیه والیسی سلطان مصطفی نامی مقیددر .

ولایت اولدی . چوروم ، جانیک ، قره حصار شرقی سنجاقلری
اماسیه ولایتیه مربوط اولوب توقاد وویوده لغه قلب ایدیلدی . فقط
مالیه اعتباریه توقاد امانتی سیواس و اماسیه بی شاملدی .

شهزاده نك اماسیه یه وصولنده اماسیه مفتینسی «سیرك محیی الدین
محمد افندی» معلم اولوب اماسیه مفتیلکنه و سلطانیه مدرساکنه
کده غره لی کوپر یجک زاده «سنان الدین یوسف افندی» نصب ایدیلدی .
چقال قاضی زاده «الحاج محمود چلبی» مصاحب و لطفای مشهوره دن کلایی
اغا ندیم اولدی .

بو ائنده دیوان هایونده ناشیجی اولان اماسیه لی امت زاده «محمد
چلبی» کوزدن دوشورولدیکی جهته سیواس بکار بکیسی اولارق
اوزاقلاشدیریلدی . چونکه قانونی سلطان سلیمانک کوزینه کیرمش ،
عقل و عرفانیله کندینی بکندیرمشدی . غیر تورکارک غیرتنه دوقوندی .
۹۴۶ سنه سننده مشاهیر فضلادن بخشی زاده (کمال الدین ابراهیم
افندی) بویوک آغا مدرسی اولارق تعین ایتدی . درسه عام مشهور
« جمعه افندی » کوچوک آغا مدرسی اولدی . فضلادن « مفسر احمد
افندی » اتابک ، زاره لی « جعفر افندی » طورمطای مدرسه لرینه
سایه صالدی .

بو ائنده سلطان یازید جامعی واعظی « یماق شیخ » دیمکه مشهور
عباد چلبی زاده « محی الدین محمد چلبی » و محمد پاشا جامعی واعظی
مشاهیر خلوتیه دن « الشیخ سنان الدین یوسف افندی » پک مشهور
ایدی . شیخ سنان افندی ، حبیب قرمانی خلیفه می اولان « سیدی
چلبی » نك خلیفه سیدر .

۹۴۷ سنه سنده شهزاده معلمی « السید محیی الدین محمد افندی » وفات ایلدیکندن یرینه کبار مدرسیندن مرزیفونی « خیرالدین خضر افندی » معلم سلطانی اولدی . اماسیه قاضیسی « جمال الدین محمد چلبی » مراقیدن ، یاخود شهزاده تحکمندن استعفا ایدوب دیاربکر قضااسندن معزول اولان مؤیدزاده « عبدالحی افندی » ثانیاً قاضی اولارق کلدی .

۹۴۸ سنه سنده سیواس بکربکیسی « محمد پاشا » کمال غمندن وفات ایتدی . یرینه حلب بکربکیسی رومیه لی « حسین پاشا » سیواسه کلدی . فقط شهزاده نک مسرفانه حرکتی منلا بخشی زاده کمال الدین ابراهیم افندی نک نظر دقتنی جلب ایتمه باشلادی .

۹۴۹ سنه سی جمدی الاخره سنده سیواس والیسی « حسین پاشا » وبعده اماسیه محافظی « سیدی احمد پاشا » وفات ایتدی . سیواسه اماسیه لی صوفی زاده « محمد پاشا » بکربیکی و اماسیه یه آناتولی محافظی و آنقره بکربکیسی حاجی بک زاده « ولی پاشا » کلدی .

ارباب جریرزه مشاهیرندن کوموشلو « خواجه سولیمش چلبی » شهزاده مصطفی نک مستشار خاصی اولوب قیوجیلر کتخداسی « کلابی . آغا » ايله هم عیار وهرایکیسی ده مرجع امور اولارق تعین ایتدی . سولیمش خواجه ، کلابی آغادن باصقین چیقدی .

۹۵۰ سنه سی صفرنده قاضی مؤید زاده « عبدالحی افندی » وفات ایدوب یرینه پیر صنعاه خلوتی احفادنن « محیی الدین محمد افندی » اماسیه قاضیسی ویورکچ پاشا مدرسی حقالی « السید محیی الدین محمد افندی » حسین آغا مدرسی اولدی . محمد پاشا جامعی واعظی کبار

صلحادن « الشبخ سنان افندی » شهزاده احوالنه اعتراض ایلدیکندن مجبور استعفا اولارق چریباشی محله سی اوستنده کی موقعنه چکیلدی . کندیسنه « شهره کوسدی » دیندی .

چونکه شهزاده مصطفی ، ادبیاته پک زیاده میل ایدردی . عالیجناب ، ذوق و صفایه دوشکون اولقله برابر کریم ، شجیع ، مدبردی . باشنه ارباب علم و ادبی جمع ایدرهك آنلرله مصاحبه ایدر ، کوزلری سوهردی . شهزاده نك نشانجیسی علوان چای احفادن « نفیس اوغلو » دیمکله مشهور تاج الدین افندی مخدومی « حمدی حمدالله چلبی » ، دفترداری لطف الله لطفی بك ، « کاتب دیوانی » فضلای چلبی « شعرادن ایدی . قضادن زنبیلی علی افندی برادری قاضی محمد افندی مخدومی « کامی محمد چلبی » ، طیب زاده « لطفی افندی » سیرك زاده « آنی احمد چلبی » ، اعیان زاده لردن حاجی بك زاده « ادایی بك » ، زمره کتابدن « زمانی محمود چلبی » و « امانی محمد چلبی » مصاحبیریدی .

بونلر مشاهیر شعرادن ایدیلر . بونلردن باشقا شهزاده نك دیوان قالدی . غنچه کیوان ، کول محم ، چیکده علی ، لاله عذا ، حسن ، سبیل احمد ، رانباتی بالی بکتر کبی آفتلره واردی . بونلرک هربری ناموس وعفت ، علم و ادب اربابندن ایدیلر .

بوزمانك اڭ دکرلی علماسندن قوجه حسام الدین حسین ، منلا بخشی زاده کمال الدین ابراهیم ، کوپریجک زاده سنان الدین یوسف حقاله لی سید محیی الدین محمد ، مفسر شمس الدین احمد ، کوچوک محیی الدین محمد ، جمعه و جعفر افندیلر ، شهزاده نك زیاده محبت .

وصحبتلرندن استفاده ايتديكي ذوات ایدی. کوچوک محیی الدین افندی
« مئک چایی » دیمکه مشهور ایدی .

کبار مشایخدن « منلا شیخ » دیمکه مشهور « شجاع الدین الیاس
افندی » ، ايجادی دیمکه مشهور امام زاده « خیرالدین خضر افندی » ،
یماق شیخ دیمکه مشهور محیی الدین محمد افندی ، شهزاده نك پك زیاده
حرمت ایتدیکی ذوات ایدیلر .

۹۵۱ سنه سنده کمال الدین ابراهیم افندی « شهزاده نك اسرافاته
تعریض ایدن « مصارف بیت المال » آدلی اثرینی مشارالیهک نامه تالیف
وتقدیم ایتدیکی زمان ، التفات ومکافاته نائل اولمشدی .

۹۵۲ سنه سنده مشاهیر فضلا دن امامیه مفتیسی سنان افندی وفات
ایتدی . یرینه استانبولده صحن ثمانیه مدرسلرندن آقشهرلی « سعدی
افندی » امامیه مفتیسی وسلطانیه مدرسی اولارق کلدی .

۹۵۳ سنه سنده معلم شهزاده مرزیفونی « خیرالدین خضر افندی »
وفات ایتدی . یرینه استانبولدن کلیبوللی « سروری مصطفی افندی »
کلدی . امرای لواندن « صنع الله بك » شهزاده یه لالا اولوب کلمشدی .
کذلک سلام زاده دیگر « محیی الدین محمد افندی » امامیه قاضیسی
اولدی .

۹۵۴ سنه سنده امامیه محافظی و شهزاده نك مدبر اموری « ولی
پاشا » وفات ایدوب یرینه مغنیسالی « جعفر پاشا » امامیه محافظی اولارق
استانبولدن کلدی . شهزاده نك وزارتنی مقامنه قائم اولدی .

۹۵۴ سنه سنه شی شعباننده امامیه لی « محشی سنان افندی » دیمکه
مشهور اولان شیخ حسام الدین افندی زاده سنان الدین یوسف افندی ،

استانبول قاضی‌لغندن آناتولی قاضی‌عسکری اولدی . بوسنه دیگر
اماسیه‌لی سیدی علی افندی زاده « عبدالرحمن افندی » ادرنه قاضیسی
اولشدی .

۹۵۵ سنه‌سی ربیع الاولنده « سلطان سلیمان » ایران حربنه کیدرکن
سیواسه گشدی . اماسیه‌والیسی اولان شهزاده‌سی « سلطان مصطفی » پدرینی
زیارت ایچون اماسیه‌دن قالقوب سیواسه کیتدی . ربیع‌الآخرده پدرینک
مساعده‌سیله اماسیه‌یه عودت ایتدی .

سنه‌مزبوره جمادی‌الاولاسنده هرشیئه‌اعتراض ایدن اماسیه‌مفتیسی
« سعدی افندی » عزل ایدیلوب صحن مدرس‌لرندن « ملا جرجان »
دیمکله مشهور « محبی‌الدین محمدافندی » اماسیه‌مفتیسی و ساطانیه‌مدرسی
اولدی . متعاقباً اماسیه قاضیسی ده کیدوب یرینه شعرادن مغنیسالی
« ثنایی محمد افندی » اماسیه قاضیسی اولارق کلدی .

۹۵۶ سنه‌سنده ایرانک تحریکاتیله کورجیلر ارضرومه هجوم‌ایده‌رک
بکربکی « موسی پاشا » بی شهید ایتملردی . سلطان مصطفی بوندن
فوق‌العاده متأثر اولدی . کورجیلری تأدیب ایچون صدراعظم آرناوود
« رستم‌پاشا » یه عرض‌کیفیتله استیدان ایتدی . فقط اسعاف ایدیله‌مدی .
بوسنه سیواس بکربکیسی بالطه‌جی « محمد پاشا » بغداد محافظه‌سنه
مأمور اولدیغندن یرینه اماسیه‌لی یحشی بک زاده « احمدپاشا » سیواس
بکربکیسی اولارق اماسیه‌یه کلدی . شهزاده سلطان مصطفی یه مسافر
اولوب بر قاج کرن صوکره سیواسه کیتدی .

۹۵۷ سنه‌سنده ایران اشقیاسی یه حدودی تجاوز ایده‌رک قصابات
و قرانی یاغما و خلقی صوکه‌درجه ازعاج ایتملردی . شهزاده مصطفی ،

بونلری ده تفصیلاتیه رستم پاشایه یازدی. امداد ایدیله سنی رجاواستیدان ایتدی. بوکاده بر جواب آلامدی. بوسنه اماسیه لی ابراهیم افندی زاده «علاءالدین علی افندی» اماسیه قاضیسی اولدی.

۹۵۸ محرمده ایرانیلر اکمال ماتم ایچون کربلا وقعه سنی حدود اوزرنده کی کویلرده ، قصبه لرده اجرا ایتدیلر. شهزاده سلطان مصطفی ، بوندن فوق العاده بحضور اولوب سروری افندینک انشاسیه ۱۹ محرم ۹۵۸ تاریخی وسوزشلی بر فریادنامه داها کوندردی . [۱] رستم پاشا ، بوکاده آلدیریش ایتدی .

فقط : بوفریادنامه نک وصولنده رستم پاشا ، شهزاده نک وزیر اولان « لالا جعفر پاشا » یی استانبوله چاغیردی . یرینه کوستندیل بکی اولان « بوشناق احمد بک » ی بکربکی پاپه سیله کوندردی . احمد پاشا ، شهزاده نک وزیر مقامنه قائم اولدی .

شهزاده نک معلمی سروری افندی ، کلستان شرحی شهزاده سلطان مصطفی نامه اماسیه ده تألیف و « ۹۵۸ » سنه سنده اکمال ایده رک تقدیم ایتدی . سروری افندی ، شهزاده نک هم معلمی ، همده محرم اسراری یدی .

احمد پاشا ، سرای تربیه سی کورمش ، عاقل ، مزاج کیر ، ایشکدار بر آدمدی . شهزاده نک قلبنی تسخیر ایده جک حرکتلرده بولنه رق امنیتنی قازانمشدی . بونک ایچون « ۹۵۹ » سنه سنده سلطان مصطفی ،

(۱) شهزاده نک شومکتوبلرینی بایزیدکته خانه عمومیه سنده بر مجموعه ده کوروب عیناً استنساخ ایتشدم حیفا که یادی . او مجموعه نک نومروسی ده خاطرمدن چیقدی تاریخاً قیمتدار برر وثیقه اولان او مکتوبلری مع الاسف بورایه درج ایده مدم .

بويوك كريمه-سى «فاطمه سلطان» ى احمد پاشايه ويردى . پاشايى
نديسنه داماد ايتدى .

حال بويوك بوضهرىت ، رستم پاشايى شهبهيه دوشورمىشدى . رستم
پاشا ، تخت سلطنتى قاين برادرى سلطان بايزيده تاامين ايتمك ايسته يوردى .
متصل شهزاده سلطان مصطفى نى كوزدن دوشورمكه چالشيوردى .
چونكه سلطان بايزيد ، كندى زوجه-سى اولان مهرماه سلطانك
لابوين قارداشى ايدى . شهزاده سلطان مصطفى نك مطلوبى اسعاف
ايتدىكى تقديرده شهزاده نك كوزه كيره جك شجاعتر ، لياقتلر كوستره .
جكنى بيليردى . رستم پاشانك شوخا ئانه حركىتى يوزدن ازضروم
خلقى بويوك ضررلره گرفتار اولمشلردى .

رستم پاشا ، شهزاده نى خروج وعصيانه حاضرلق كورمكه ، احمد
پاشايى ده مشوق اولمقله اتهام ايدىور ، بويوكى مدھش افسانلر ايجاد ،
بونلرى ده اوردو لسانيله اعلان ايدرك سلطان سلمايى فوق العاده وهمه
دوشورمش بولونويوردى .

سلطان سلمايى ايله رستم پاشا ، اوزون مذاكره ومشاوړه دن صوكر
رستم پاشا سلطان سلمايى بچاره شهزاده نك اعدامنه اقناع ايتدى . بوجنايت
مدھش نى سهولتله وبرحادثه ميدان ويرمكسزىز اجرا ايده بيلمك ايچون
ايران سفرى اعلان وشهزاده «سلطان مصطفى» ده اوردوسيله برابر دعوت
ايدىلدى .

شهزاده سلطان مصطفى ، پذيرينه كندىنى بكنديرمك ايچون قرق
بيك كيش-يلىك اوردوسنى مكمل بر صورتده ترتيب وتجهيز ايدرك
«۹۶۰» سنه-سى رمضانى اوائلنده اماسيه دن حركت ايتدى . يرينه لالاسى

« صنع الله » بکی والی قائم مقامی بیراقدی . وزیر ی « احمد پاشا » ده برابر کیتدی .

سلطان سلیمان ده بوتون وزراسیله ، اوردوسیله برابر رمضانک اون سکیزنده اسکاردن حرکت ایدوب قرامان ارکلیسنده « آق اوپوک » آدلی محله ایندی . شهزاده سلطان مصطفی ده بورایه کلدی . پدرینک مساعده سی اوزرینه محشم بر دبده ایله اوطاغ هایونه کیردیکی آنده پدرینک حضورنده « زال محمود » دینلن جلد [۱] معرفتیه شوالک یکرمنجی جمعه کونی بونی اورولدی .

بوندن صوکر ا بیچاره « احمد پاشا » ایله شهزاده نک میراخوری « محمود آغا » و برقاچ خدمه سی اعدام ایدیلرک رستم پاشانک جنایتلری قتلرندی . نهایت اوردو ایچنده قویان و اوپلا اوزرینه « رستم پاشا » صدارتدن عزل اولونوب قارداشی اولان وزیر ثانی « قره احمد پاشا » صدراعظم اولدی . شهزاده نک شهادته « مکر رستم ۹۶۰ » تاریخ دوشدی .

کلشنی زاده فتح الله عارف افندی « شهنامه عثمانی » ده شهزاده سلطان مصطفانک تاریخ شهادتی شویله آکلاتیور :

چودر روز جمعه بوقت صلا	شد آن شاهزاده بداربقا
پی انکه کویندر حمت شهان	بکیر ند عبرت زکار جهان
هان « روز جمعه بوقت صلا »	ازومانده تاریخ فرخ بجا
چو آن جمعه ماه شوال بود	که شهزاده راتن بخون آل بود

(۱) بوجلد ، ۹۷۵ سنه سنده وزیر و داماد اولان زال محمود پاشادر . زال .

اقتنی بووقه ده سلطان سلیمان ویرمشدی .

حسامی که تاریخ آن سال شد همان جمعه شهر شوال شد
 شهزاده سلطان مصطفانك « سلیمان چلبی » آدلی بر شهزاده سی
 واردی . آماسیه ده بوغولوب شهزادكان تربسه نه دفن ایدیلدی « ۱ »
 فاطمه سلطان ، راضیه سلطان آدلی ایکی ده قیزلری واردی . بونلرده
 استانبوله نقل ایدیلدی . مشهور (راضیه قالدین) بودر .
 ۹۵۸ سنه سی شعباننده آماسیه لی محشی سنان افندی ، اناطولی
 قاضیه کرا لیکندن معزول اولوب شوالنده آماسیه لی عبدالرحمن افندی ،
 روم ایلی قاضیه سکری اوندی . کذلک مرزیفونی رمضان زاده
 « محمد چلبی » ده دقتدار امینی اولمشدی .
 شهزاده سلطان مصطفانك شهادتیه منحل اولان آماسیه سنجاغی
 ینه سیواس ولایتنه ربط ایدیلوب بکلیکنه مومی الیه دفتر امینی « محمد
 چلبی » نصب ایدیلدی . بوشهداتی دویان آماسیه قاضیه سی « علاالدین
 علی افندی » « اختیار تقاعد ایدوب کبار قضاتدن « مصطفی افندی »
 آماسیه قاضیه سی اولاراق کلدی .

(محمد بك)

دیوان هایون کتاتبندن مرزیفونی رمضان چلبی بن علی چلبی اوغلودر .
 استانبولده دفتر امینی اولوب شهزاده ایله مخبره سی اولدیغندن « ۹۶۰ »
 « ۱ » شهزادكان تربسه سنده تاریخمزا اولان (سلیمان چلبی بن مصطفی) لحدی بونکدر
 قیزارینی و فاطمه سلطانك زوجی مقتول احمد پاشایی روم ایلی صدارتک « ۹۶۳ »
 تاریخلی سبجنده بولا یلدم تورکیه تاریخمخنده بونلره دأر اشارت بیله یوقدر احمد
 پاشا بن عبدالشکورک برادری مؤخرأ بستاجی باشی اولان (علی اغا) دد .

سنة سی شوالنده اماسیه سنجانی بکی اولدی . عفونی چوق رجا ایتدینسه ده « ۱ » امکانی اولمدیغندن اماسیه سنة مزبور ذی القعدة سی اواخرنده کلدی .

شهزاده مشارالیهک شهادتندن سیواس والیسی یحشی بک زاده « احمد پاشا » ده متأثر اولوب عزل و تقاعده سوق ایدیلدی . یرینه « محمد پاشا » بکربکی اولدی احمد پاشا ، شهزاده یه هدیلهر تقدیم ایدر ، مکتوبلر یازاردی .

کذاک اماسیه خاصلری امینی و شهزاده نک ندیمی اولان طور و مطای زاده لردن طورسون بک « ده عزل اولونوب یرینه کوموشلو زاده (مصطفی افندی) بن محمد چلبی خاصلر امینی و « عبدی چلبی » ده کاتبی اولوب شهزاده لالاسی سنن پاشا زاده « صنع الله بک » و نساخچیسی درویش « حمدی چلبی » اماسیه ده مأمور اقامت اولدی .

شهزاده نک بک زیاده حرمت ایتدیکی اماسیه مشایخ کرامتندن شیخ زاده « الشیخ نوح افندی » و برادری « الشیخ عبدالرحم افندی » شهزاده یه بک زیاده آجیدیلر . رستم پاشایه بد دعلر ایتدیلر .

فقط صنع الله بک مدار معیشی اولمادیغندن بیچاره کرفتار دیون اولمشدی . اماسیه بکی محمد بک « بونک و کندیسینک پریشان حاللری یازیور ، صنع الله بکه بر مدار معیشت احسانتی و کندیسینک عفونی استرحام ایدیوردی .

(۱) بو ذاتک اوزمان بک ناهذا الکام اولان باب السعاده اغایی محمد اغایه عفونی استرحام ایدن اوزون بر مکتوبنی امیری افندی مرحومک مجموعه سنده کوروب استخاش ایشدم .

۹۶۱ سنه سی ربیع الاخرنده محمد بکک دولت باش دفتر داری اولدیغی تبشیر ایدیلوب یرینه میرلوا « قیا بک » نصب اولوندی .
ضلع الله بکهده بایبورد سنجاغنده یغمور دره سی مزرعه لر ی خاص
تعیین ایدیلهرک بچاره سویندیرلدی .

(قیا بک)

اماسیه اعیانندن وطیر ورمطای اولادنن قیا پاشا زاده قیا چلبی
ین محمد بکک اوغلور ۹۶۱ سنه سی ربیع الاخرنده اماسیه سنجاغی
بکی اولارق کلدی .

سلطان سلیمان ، بوسنه روان ونخجوان سفرینه عزیمت ایدوب
اوردوی هایونده برابر بولونماق اوزره شیخ زاده « نوح افندی » یی
دعوت ویک التونده احسان ایتشدی . شیخ افندی ، دعوتیه بیان
معذرت ایده رک التونلری رد ایتدی .

سلطان سلیمان ، شهزاده نک قتلندن دولای خلقک وخاصة اماسیه
علما و خلقکک نظرندن دوشمشدی . ایران سفرندن عودتنده « ۹۶۱ »
سنه سی ذی الحجه سنک اوچنجی کونی بویوک اوردوسیله برابر بویوک
آلایلره اماسیه یه کیردی . بککر سراینه ایندی . انادولو اوردوسنی
طاش آباد صحرا سنده ، روم ایلی اوردوسنی ده قرامان ولایتنده استراحتیه
اذن ویردی .

سلطان سلیمان ، اماسیه ده آلتی آیدن زیاده اوطوردی . اماسیه نک
علما و اعیانی احسانلریله ، التفاتلریله سویندیردی . خلقه قارش ی بویوک

توجهلر کوسـتردی . بر سـنه لك ویرکیلرینی عفوایتدی . شهزاده یه منتسب اولانلری حمایه ایدهرک دیوان هایونه آلدی .

اماسیه بکی قیابك ، کوزه کیرمک ایچون چوق چالیشدی . لوا داخنده اوفاق بر شکایت ، او یغونسزلغه میدان ویرمدی . ایران ایلچیسـی « فرخزادخان » اماسیه ده درگاه سلیمانی یه کلوب صلح ایچون یالواردی . رجاسنه مساعدده وعسکر ترخیص ایدیلدی .

۹۶۲ سنه سی شعبانك غره سنده سلطان سلیمان ، وزراسیله برابر اماسیه دن قالقوب استانبوله کیتدی . علمادن قوجه حسام الدین ، عبدی زاده حسن افندیلری ، شعرادن ادایی . چقال قاضی زاده سنال بکـرله تاج زاده محمد چلبی وقوجیلر کتخداسی « کلانی اغا » کبی ذواتی برابر کوتوردی . اماسیه بکی « قیابك » ده برابر کیدوب یرینه « محمود بك » اماسیه امارتنه تعیین ایدیلدی .

« محمود بك »

دور سلیم اولده دفتردار اول اولان فناری زاده شمسـی بك بن محمد بكك اوغلودر . معیت سنیه ده اوردو دفتردارای ایکن « ۹۶۱ » سنه سی غره شعبانده اماسیه بکی اولدی . محزوناً اماسیه ده قالدی . قیابك ده ترقی کوردی .

شایان دقتدرکه رستم پاشا ، موقع صدارتی الدهایتک ایچون کندی اوز قارداشی اولان صدراعظم « قره احمد پاشا » بی چیرکین افتـرالر ایحاد ایدهرک « ۹۶۲ » سنه سی ذی القعدة سنده قتل ایتدیروب یرینه

کچدی . حتی دیگر قارداشی اولان قبودان « سنان پاشا » یی ده قتل ایتدیرمشدی .

۹۶۲ ذی الحجه سی غره سنده اماسیه قاضیسی مظفر افندی عزل ایدیلوب یرینه اماسیه لی محشی سنان افندی زاده « حسام الدین حسین افندی » اماسیه قاضیسی اولاراق کلدی . بوکا « قره حسین افندی » دینیردی . قاضی سابق ده اماسیه ده محمد پاشا مدرسه سیله تقاعد ایتدی . ۹۶۳ سنه سنده اماسیه فضلاسندن حقاله لی السید محیی الدین محمد افندی وفات ایتدی . مومی الیه نقیب الاشراف قائم مقامی ایدی . وفاتنده بغداددن کان علمای ساداتدن « السید محیی الدین محمد حوزوی » اماسیه نقیب الاشراف قائم مقامی اولدی . بوسنه « علی پاشا » سیواس بککر بکیسی اولوب کلدی . فرح بک ده اماسیه سنجاغی بکی اولدی .

فرخ بک

مهتدیلردن اولوب « ۹۶۴ » سنه سنده اماسیه سنجاغی بکی کورولدی . اماسیه قاضیسی حسین افندی ، جمادی الاخره ده ادرنده اوچ شرفه لی مدرسه سی مدرسه لیکنه ترفیعاً تعیین اولونوب یرینه ردوس قاضیسی قتالی زاده « مسلم افندی » اماسیه قاضیسی اولاراق کلدی . بوسنه شهزاده لردن سلطان بایزید ، کوتاهیه و برادری سلطان سلیم ، مغنیسا ایالتلرنده اجرای حکومت ایدیورلردی . ایکی برادر آراسنده رقابت واردی . یکدیگرینه یاقین اولدقلری مناسبتله آراق ، آراق حادثه لر ظهورینه باعث اولویورلردی . بوسبدن « ۹۶۵ » سالنده

سلطان بایزیده اماسیه ، سلطان سلیمه قونیه ولایتلری ویریلدی .
بربرندن اوزاقلاشدیریلدی .

سلطان بایزید

قانونی سلطان سلیمانك شهزاده سیدر . ۹۶۵ سنه سی محرمنده اماسیه والیسی اولدی . فقط کندلیسی ولی عهد سلطنت اولدیغی مناسبتله مرکز سلطنتدن اوزوقلاشماق ایسته میوردی . بویوزدن اماسیه کلدی . کیده میه جگنی ده پدرینه بیلدیردی .

سلطان سلیمان ، شهزاده سنی اقتاع ایچون دردنجی وزیر اولان « پرتو پاشا » یی کوتاهیه یه کوندردی . پك چوق اوکودلردن صوکره شهزاده بایزید ، یوله کلدی . صفراواخرنده کوتاهیه دن حرکت ایتدی . آناتولی بکلبکیسی « جنابی احمد پاشا » آنقره جوارنده و سیواس بکلبکیسی « علی پاشا » ده چورومده استقبال ایدرک محشم بر آلايله ربیع الاولده اماسیه یه کلدی .

اماسیه بکی فرخ بك ، قاضیسی مسلم افندی ، مفتیسی محیی الدین محمد افندی ، نقیب الاشراف قائممقامی السید محیی الدین محمد چلبی ، شیخ المشایخی خیرالدین خضر ایجادی افندی ، خاصلر امینی مصطفی افندی ، قاعه دیزداری قاسم آغایدی .

شهزاده نك دامادی اولان « مظفر پاشا » وزیری مقامنده محافظ ولایت ، « فرخ بك » لالاسی اولدی . « عبدالحیار » افندی معلم اولارق استانبولدن کونده ریلدی . اماسیه علما سندن حسین آغا

مدرسی رجب زاده « بیرام افندی » اما سیه ده رئیس العلما صایلیردی .
 شهزاده اما سیه یه کلد گدن صو کرا طور غود او غلو « حسین بک »
 سلحدار آغاسی ، دولقادیر او غلو « احمد بک » قوجیلر کتخدا سی ،
 آق پوکارلی عبدالنی زاده « محمد آغا » چاوشباشی ، قرامانلی دلی
 « سیف الدین بک » عزبلر آغاسی ، بندکندن « علی آغا » سکبان باشی ،
 قودوز « فرهاد آغا » سپاهیلر آغاسی ، طریزونلی « محمد آغا » ده
 میراخور اولمشدی .

کذلک شهر دهنک وصولی متعاقب بویوک شهزاده سی « اورخان » بکه
 چوروم ، « مراد » بکه جانیک ، « عثمان » بکه ده قره حصار شرقی
 سنحاقلری ویریلدی . لالالرینه اللیشریک ، دفتردارلرینه اوتوزریک
 آقچه ترکیلر احسان ایدیلدی . اورخان بک لالاسی جاندارلی زاده
 خلیل بک بن عیسی پاشا ومعلمی عبدالرحمن غباری افندی ایدی .
 فقط شهزاده نک مدار استنادی اولان والده سی « خرم سلطان »
 اولمش ، صدراعظم رستم پاشا سلطان سلیم طرفه دونمشدی . کذلک
 قره حصار صاحبه میراخوری اولان « قره مصطفی آغا » برادری
 سلطان سیمه یامانوب « بریری » قره مصطفی پاشا « اولمشدی .

سلطان بایزید ، کوتاهییه ده فرمان پادشاهییه قارشى دوردیغندن
 دولایی پدرینه بر نیازنامه کوندرمش ، استغفا ی قصور ایتمشدی .
 رستم پاشا ، قره مصطفی پاشایه تعلیمات مخصوصه ویرمکه برابر شهزاده نک
 بونیازنامه سنی پادشاهه تقدیم ایتدی . شهزاده مصطفایه اوینادیغی
 اوپونی تکرار ایدیوردی .
 اوج آی قدر نیازنامه سنک جوابنه انتظار ایدن سلطان بایزید ،

بر داهای استرحامنامه کوندردی . بوکاده قره مصطفی پاشانک تعیین
ایتدیکی کوزجیلری حائل اولدی . استرحامنامه نك شکل و مفادی تمامیه
دکیشدیریلدی . مزور استرحامنامه پادشاهه تقدیم ایچون اولانجه ساخته کارلق
ارتکاب ، پادشاه اغصاب ایدیلدی .

سلطان بایزید ، اماسیه مفتیسی منلا محیی الدین افندی ایله شیخ -
المشایخی ایجادی خیرالدین افندی یی استانبوله کوندردی . بونلر ،
شهزاده نك احوالی ، استرحاماتی پادشاهه عرض ایده جکلردی . رستم
پاشا ، بونكده اوکنه دوردی . بیچاره لرك ایکیسینی ده یدی قله یه حبس
ایتدیردی . حبس ایدن پادشاهدی .

۹۶۶ محرمده شهزاده نك قیوجیلر کتخداسی « احمد بك » دیوان
امراسندن اولوب بندکانندن « محمود آغا » قیوجیلر کتخداسی اولدی .
بوندن صوکر کوندردیکی ایلچیلرینک حبس ایدیلدیکنی دیوان
شهزاده ، بوتون کوپوردی . برادری سلطان سلیمه قارشى وضعیت
آلدی .

سلطان بایزید ، صید و شکار بهانه سیله (۹۶۶) سنه سی اولانده
قازآباده دوغرو کتیدی . مقصدی سیواسی ضبط ایتمکدی . سیواس
سیواس والیسی علی پاشا ، شهزاده نك مقصدینه واقف اولدوقده مدافعه یه
قیام ایتدی .

۹۶۶ بیع الاخرنده اماسیه قلعه سنی تحکیم ایدوب اماسیه ، چوروم ،
جانیک ، توقاد ، سینوب قره حصار شرقی و ملحقاتندن اون بش بیک
قدر عسکر طوپلادی . ۹۶۶ شعبانده معیت موجوده سیله اماسیه دن

حرکت و برادری سلطان سلیمه اعلان حرب ایدہ رک قونیہ صحرا سنہ
دوغرو یورودی .

بو اثناده شہزادہ معتمدی اولان اماسیہ اعیانندن عباد اللہ زادہ
« محمد چلبی » مخدومی مصطفی افندیله برابر حربک وقوعندن اول
حجازہ کیدوب اورادہ مجاورتله قالدی . شہزادہ نک معلمی « عبد الحجاز
افندی » یہ نزول اصابتیله وفات ایتدی . شہزادہ نک یرینہ دامادی
« مظفر پاشا » اماسیہ محافظہ سنندہ قالدی .

اناطولی بکدر بکیسی « احمد پاشا » مرعش بکدر بکیسی « علی پاشا »
اطنہ بکدر بکیسی رمضان رادہ « پیری پاشا » قرمان بکدر بکیسی
صولاق « فرهاد پاشا » قوہ موجودہ لریله برابر سلطان سلیمہ معاونت
ایتمکہ مأمور اولدیلر . محاربه دہ طبعی « سلطان بایزید » مغلوب اولدی
شہزادہ سی « سلطان اورخان » ایله اماسیہ یہ کلدی .

سلطان بایزید ، لالامصطفی پاشانک کندیسنہ یابدیغی غدروخیانی
پدرینہ یازوب عفوی نیاز ایتدی . فقط نہ استحصا عفوہ ، نہ دہ
اماسیہ دہ آرامہ امکان کورہ مدیکندن دورت شہزادہ سی آلوب دائرہ سی
خلقیاہ برابر « ۹۶۶ » غرہ شوالندہ علی الصباح اماسیہ دن چیقوب
ایرانہ کیتدی .

چونکہ سلسترہ بکدر بکیسی آرنارود « سنن پاشا » نک اماسیہ بی
ضبطہ مأموراً اسکدار دن حرکت ایتدیکنی خبر آلمش ، سیواس بکدر
بکیسی علی پاشانک دہ کندیسنی اخذہ مأمور اولدیغی دویمشدی .
بناء علیہ : اماسیہ دہ فضله قالماسی حیاتنک تہلکہ دہ اولدیغی آ کلاتیوردی .

(سنان پاشا)

بستانجی باشیلقدن سلسیره بکیر بکیسی اولان سرایدن یتشمه بر دیوشیرمه در . ۹۶۶ سنه سی رمضانده اماسیه سنجاغی متصرفی اولارق شوالنده اماسیه یه کلدی . شهزاده نك بوتون آغیرلغنی ضبطه مأمور درگاه عالی چاوشلردن محمد اغاده ذی القعده سنده کلدی .

شهزاده بایزیدك آدملرندن چوقلری کنندیسیله برابر ایرانه کیتدی . آماسیه ده قالان خلیل خواجه ایله هکیم باشیسنی سنان پاشا استانبوله اعزام ایتدی . شهزاده نك دامادی و اماسیه محافظی « مظفر پاشا » اماسیه قلعه سی زندانده محبوس و « سنان اغا » دیزدار اولدی .

۹۶۶ سنه سی ذی القعده سنك غره سنده محیی الدین محمد افندی اماسیه قاصیسی و اموال میره ناظری اولدی . شهزاده نك قپوجیلر کتخداسی « محمود اغا » طوتولوب حبس ایدیلدی . فقط امیر دیوانی اولان « محمود بك » باشنه طویلا دینی شهزاده اوردوسی نفراتیه چوروم ونیکسار حوایسنده عسبان وقض طریق ایتکه قانغیلمی . [۱]

۹۶۷ سنه سی محرمك غره سنده اماسیه مقیمدی و سلطانیه مدرسلدی یومی سکسن آچه ایله سلطان سلیم مدرشی اولان حمیدلی کوچوك « تاج الدین افندی » یه توجه وارسال ایدیلدی . و واسط محرمده یدی قلعه ده محبوس اولان سابق اماسیه مفتیسی منلا جرجان محیی الدین و شیخ خیر الدین ایجادی افندیلر عقو واطلاقه مظهر اولدیلر .

[۱] بو محمود بك ، مقدا سلیمان یاشانك قپوجی باشی سی ایدی .

كذلك محرم اوائلنده طورسون بكدن انحلال ایدن اماسیه خاصلری
امانته دیاربکر دفتردارى « محمدچلبی » تعیین اولوناراق کلدی . اسکی
کاتبی اولان شعرادن « عبدی چلبی » مقامنی محافظه ایتدی . بعده
سنان پاشا کیدوب یرینه « احمد بک » کلدی .

(احمد بک)

یولار قیصدی سنان پاشا زاده اسکندر بک اوغلورد . زعما
آراسنده « یولار قیصدی اوغلو » دیمکه مشهور اماسیه لیدر . اماسیه
آلای بکیا کندن تفیض ایدوب « ۹۶۸ » سنه سی محرمنده اماسیه
سجانی بکی اولدی .

۹۶۹ده اماسیه اعیان علماسندن رجب زاده « الحاج بایرام افندی »
وفات ایتدی . مخدوملری « شعبان ، محمود » افندیله حاجی بایرام زاده
دیندی . بو سنه « مظفر پاشا » عفو واطلاق ایدیلدی . مؤخرأ بغداد
بکری بکیسی اولمشدر .

۹۷۰ غره شعبانی کیجه سننده سلطانیه واعظ مشهوری محیی الدین
افندی زاده « علی چلبی » وفات ایتدی . یرینه « مفسر احمد افندی »
دیمکه مشهور اولان فاضل سلطانیه واعظی اولدی . شوانده اماسیه
بککنه « محمد چلبی » تعیین ایدیلدی .

(محمد بک)

اماسیه خاصلر امانتندن سیواس دفتردارى اولان ذاتدر . ۹۷۰
سنه سی شوانده اماسیه بکی اولوب . کلدی . لالی احمد افندی ده اماسیه

قاضیسی اولمشدی. بونلرک زماننده قاعه بالادیزداری «سنان اغا» ایدی.

(قیا بك)

اماسیه لی قیا پاشا زاده قیا چابی اوغلوردور. ایچ ایل سسینجاغی بکی ایکن « ۹۷۱ » سنه سننده اماسیه بکلکننه نقل مأموریت ایده رک کلدی. بونک زماننده اماسیه متسلمی سپاهی چاووشلرندن « علی اغا » ایدی . ۹۷۲ سنه سی محرمنده اماسیه قاضیسی شعرادن « لالی احمد افندی . وفات ایتدی یرینه « مظفر افندی » ایکنجی دفعه قاضی اولارق کلدی . ینه محرم اواسطنده کوچوک « تاج الدین افندی » فتوادر استعفا ایدوب یرینه محمود پاشا امامی زاده « محمد افندی » نصب ایدیلدی . فقط کلدیکندن ذی الحجه سننده بغدادی زاده « السیدشمس الدین احمد افندی » اماسیه مفتیسی وسلطانیه مدرسی اولدی .

ینه بوسنه اماسیه متسلمی علی اغا ، اماسیه حوالیسنده ظهورایدن اشقیانک تشکیل واستیصالنده یارارقلر کوستردیکنه بناء دورت بیک ایکیوز اجهلق زعامته بیک بشیوز اجه ترقی ویریلدی .

کندلک بو سنه قیا بك اماسیه ده تمنا محله سننده بنا ایلدیکی مسجد شریف و معلم خانه سی اکمال ایلدیکندن ایکیوز اوتوز التون نقودیه املاکنی وقف ایدوب حسن قلعه دیزداری اولان مخدومی محمد بکی متولی نصب ایتدی .

۹۷۲ ذی الحجه سننده فاضل مشهور یورکچ پاشا مدرسی « جمعه افندی » وفات ایتدی . ۹۷۳ سنه سی اوائلنده اماسیه سنجاغی بکی قیا

کلیس سـنـجـاـغـه نقل مأموریت ایتدیکنندن یرینه « محمد بك : اماسیه بکلکنه تعین ایدیلدی .

(محمد بك)

کیم اولدیغی آکلاشیلامدی . انجاق ۹۷۳ «سنه سی ربیع الاولنده اماسیه بکی «محمد بك کورولدی . بو ائاده اماسیه الای بکیسی «محمد بك» اولوب سکتوار حربنه مأمور اولدی . کوستردیکی یارارلغه سناء اون اتی بیک بشیوز اقلهلق تیمارینه بیک ایکوز اقلجه ترقی ویریلدی . ۹۷۴ سنه سی صفرینک یکر می ایکنجی کیجه سی قانونی «سلطان سلیمان خان» وفات ایلدیکنندن مغنیسادن کلن شهزاده سی «سلطان سلیم ثانی» عثمانی تختنه او طور دی . شهزاده سی «سلطان مراد» ی ایلک دفعه اماسیه والیدکنه کوندردی .

(سلطان مراد خان ثالث)

ایکنجی سلطان سلیمک شهزاده سیدر . ۹۷۴ سنه سی اوائلنده پدرینک جلوسندن صو کرا اماسیه والیسی اولوب کلدی [۱] امرادن «فرح بك» لالاسی ، اماسیه لی یولارقصدی زاده «احمر پاشا» مقام وزارتنده قائم اولدی . قیصریه لی «زین العباد افندی» ده مفتی اولوب کلدی .

سلطان مراد ، ۹۵۳ سنه سی جمادی الاولاسنک بشندی دوغدی . یکر می بر یاشنده اماسیه والیسی اولدی . انجاق سیواس و اماسیه

[۱] مشارالیمک اماسیه والیدکی (جامع الدول) ده بکاریکی محمد پاشا ترجمه سنده مضبوط و احکام دفترده مقیددر .

حوالیسنده شقاوت حادثه‌لری شهزاده‌یی بی‌حضور ایدیور؛ عادتاً بونالئیوردی .

بو سببدن اماسیه‌ده انجاق بر بوچوق ییل قدر اوطور اییلدی .
 ۹۷۶ سنه‌یی ربیع‌الآخرنده مغنیسیایه نقل ایدیلدی . احمد پاشا، (۱)
 سیواس بک‌لر بکیسی و «الیاس بک» اماسیه سنجاغی بکی اولدی .

(الیاس بک)

اماسیه‌لی حاجی بک زاده ولی پاشانک اوغایدر . شهزاده سلطان
 مرادک مغنیسیایه نقلنده «۹۷۶» سنه‌سی ربیع‌الآخرنده اماسیه بکی
 اولدی . بوسنه خلوتیه مشایخندن «الشیخ عبدالرحیم افندی» وفات ایتمدی .
 الیاس بک ، اماسیه حوالیسنده ظهور ایدن ارباب شقاوتی تشکیل
 ایتمکده یارار قلقلر کو ستردیکندن «۹۷۷» سنه‌سی رجبنده کفه بک‌لر بکیلیکنه
 ترفیعاً تعیین اولونوب [۲] یرینه «قاسم بک» اماسیه میرلواسی اولدی .

(قاسم بک)

مهمتیلردن اولوب «۹۷۷» سنه‌سی رجبنک اوائلنده اماسیه سنجاغی
 بکی و صاغیر «بهرام پاشا» ده سیواس بک‌لر بکیسی اولدی . بهرام پاشا ،
 [۱] ۹۷۶ ده مشارالیمک سیواس بک‌لر بکیسی اولدییی و پدرینک یولار قیصدی
 سنان پاشا زاده اسکندر بک و کریم‌سی کوهر خان اولدییی روم ایلی صدارتی
 سبجنده کورولدی .
 (۲) احکام دفتری

رمضان اوائلنده سفره مأمور اولدیغندن «قاسم بك» سیواس ولایتی محافظی اولدی .

خلوتیه مشایخی بویوکلرندن «الشیخ نوح افندی» اماسیه ده وفات ایتدی . جنازه سی معظم بر احتفال ایله قالدیریلدی . چونکه خلقل نظرند پک یوکسک بر موقعی واردی . کندیسنه « ولی الله » دیه اعتقاد ایدیلردی .

۹۷۹ سنه سنده «مراد بك» ، «۹۸۰» ذی الحجه سنده «محمود بك» ، ۹۸۲ ده «سنان بك» اماسیه سنجاغی بکی اولدقلری احکام دفترلرند . کورولدی . فقط کیم اولدقلری و ترجمه لری آکلاشیلامادی . یالکیز مراد بکک قویوخی « مرادپاشا » اولدیغی ظن اولونور .

۹۸۲ سنه سی شعبانک یکر می سکزنجی کونی « صاری سلطان سلیم » وفات ایلدیکندن شهزاده سی « سلطان مراد ثالث » مغنیسادن کلوب عثمانی تحته اوطوردی . ۹۸۳ سنه سی اوائلنده «شہسوار بك» اماسیه میرلوالغه تعیین اولوندی .

(شہسوار بك)

دیوشیرمه لردندر . سلیم ثانی بندکانندن ایکن « ۹۸۳ » سنه سی صفرند اماسیه میرلواسی اولوب سرایدن چیقدی . سنه مزبورده نك ربیع الاولنده روم ایلی قاضی عسکری اماسیه لی « قیزیل منلا » دیمکله مشهور « عبدالرحمن افندی » وفات ایتدی . امیر بخاری تکیه سی جوارنده یاپدیردیغی مکتبی ساحه سنه دفن ایدیلدی .

شہسوار بك ، اماسیہ دہ بر بوچوق ییلدن زیاده امارت ایتدی .
 زمان امارتندہ « ۹۸۴ » سنہ سی اوائلندہ علمادان و مشاہیر حفاظدن
 « درویش محمد افندی » اماسیہ دہ سلطان بایزید جامعی خطیبی اولدی .
 سسی غایت کوزل بر ذات ایدی . شوالندہ شہسوار بك ، نیکبولی یہ
 کیتدی . قیا پاشا اماسیہ متصرفی اولوب کلدی .

(قیا پاشا)

آماسیہ لی قیا پاشا زاده در . اماسیہ والیسی ایکن شہید ایدیلن
 شہزاده « سلطان مصطفی » نك کریمہ سی ومقتول احمد پاشانك زوجہ
 متروکہ سی « فاطمہ سلطان » ی تزوج ایدوب بکلربکیلردن اولدی .
 ۹۸۴ سنہ سی شوالندہ اماسیہ متصرفی اولوب کلدی .

ماہ مذکورده اون ییلدن بری اماسیہ مفتیسی و سلطانیہ مدرسی
 اولان قیصریہ دہ مدفون اماسیہ لی « شیخ ابراہیم تنوری » احفادندن
 « زین العباد چلبی » وفات ایدوب یرینہ بالیکسرلی « یعقوب افندی »
 اماسیہ مفتیسی و مدرسی اولدی . بوکا « یعقوب بچہ افندی » دینپردی .

۹۸۵ سنہ سندہ « قیاپاشا » یاپدیردینی جامع شریفی و مکتبہ تی رصین
 و او قافی توسیع ایتدی . بوسنہ اماسیہ فضلاسندن « مفسر احمد افندی »
 دارنعمہ کیتدی . یرینہ تلید خاصی لالا زاده « کمال الدین محمد افندی »
 قائم اولدی . زعمادن مشہور آرناوود « ذوالفقار بك » آماسیہ آلا ی
 بکیسی اولارق تعین ایتدی .

(بالی بك)

آرناوود اولوب دیوشیرمه لر دندر . ۹۸۷ سنه سنده اماسیه سنجاغی
بکی کورولدی . ایکی ییل قدر اماسیه ده اوطوردی . بونک زمانده
تیمار وزعامت عادتا دیوشیرمه لره ، دوئمهره منحصر دی . سیواس بک
بکیسی « مصطفی پاشا » ده آرناوودایدی .

۹۸۸ سنه سی جمادی الاول سنده مفتی « یعقوب افندی » عزل
اولونوب یرینه صاروخانی کوچوک « محمود افندی » اماسیه مفتیسی
وسلطایه مدرسی اولارق کلدی . فقط ذوالفقار بکه برله شن بالی
بکک عصیت ملیه سی یوزندن بعض حادثه لر اولوب کیتدی . آرسلان
بک کلدی .

(آرسلان بك)

چرکس بك دیمکه مشهور بر میرلوا در . اماسیه زعماسندن ایکن
محاربه لرده کوستردیکی یارار قلر اوزرینه ترقی کوردی . ۹۸۹ سنه سی
اواژانده اماسیه سنجاغی بکی اولوب کلدی .

آرسلان بکی متعاقب اماسیه قاضی لکنه تعیین ایدیلن سلانیکن
منفصل « وازقولی افندی » کلدی . اماسیه مفتیسی کوچوک محمود
افندی اماسیه یه کلکدن استغنا ایتمکه یرینه آیدینلی « ایاس افندی »
اماسیه مفتیسی وسلطایه مدرسی اولارق کلدی .

۹۹۰ سنه سنده حقاله اعيانندن و آباد اوغللارندن ميرزا بك زاده « محمد بك » اماسيه ده قوجاچق حمامنك غرب طرفنده يول اوزرنده كوزل بر خان ياپديردي . بوني حقاله ده بنا ايلديكي مدرسه سي مصالحنه وقف ايتدي .

برادري مصطفى بك ده « ۹۸۵ » سنه سنده حقاله ناحيه سنه مربوط قوشجيلر قريه سنده كوزل بر جامع شريف و مكتب ياپديردي . قريه مربوطه كائن چفتلكيني بونلرك مصالحنه وقف ايتمشدي . كذلك پدرلري اولان ميرزا بك ده « ۹۳۵ » سنه سنده حقاله ده بر مسجد ياپيرمشدي .

كذلك كلدكلان ناحيه سي اعيانندن عبدالله اغا زاده مشهور سپاهي « رضوان اغا » ده ايليجه كوي جوارنده ايليجه صو اوزرينه باشلا تديني حمامي « ۹۸۷ » سنه سنده اكمل ايدوب اولادينه وقف ايتدي . كلدكلان حمامي ديمكله مشهور اولان بو حمام خرابه سي شيمدي يه قدر باقيدر . مخدومي « فيض الله » بك كننديسندن اول فوت اولوب حفيدي « عباس بك » بن فيض الله بك بو ائنده حمامه متصرفدي .

كذلك كچي بك زاده لردن مشهور « علي اغا » ده بو سنه لرده بر جامع ، مكب ، حمام ياپديردي . املاكني خيراتنك مصالحنه وقف ايدرك زياره يي بك كوزل شنلديردى . زياره ، بو كبي ارباب خيرك همتميله پارلاق بر قصبه حالي آلدى .

فقط ارباب تيمار و زعامت اراسنده ديدى قوديلر چوغالور ، توركار هر طرفده سيكي ره نيوردى . چونكه خارجدن كان ميرلوالر ، زعيملر ايچنده توركچي بيلمه ين غير توركار واردى . ديوشيرمه لرك

نفوذ و اقتداری هر طرفه کندی کوستریوردی .
 بك محتملدرکه توركلرك عصبیتی نظر دقتی جاب ایتدکندن اماسیه
 سنجاغنه « ۹۹۱ » سنهسی محرمنده یولی امرادن « محمد بك » کوندریلدی
 سیواس بکلر بکیلکنده « حیدر پاشا » تعیین ایدیلدی .

(محمد بك)

اماسیهلی حاجی بك زاده ولی پاشانك اوغلودر . اورفه بکی ایکن ایران
 محاربه لرنده یارارقلر کوسترمشدی . اماسیه سپاهی کتخداسی « حسین
 اغا » اماسیه متسلمی اولوب « محمد بك » داغستان محاربه سیله مشغول
 اولدیغندن کلهمدی .

۹۹۱ رجبنده اماسیه داخلنده انحلال ایدن یکریمی دورت بیک
 اچهلر زعامت توركلره ویریلک اوزره ایکن بصره بکلر بکیسنك
 عرضیه مهتدیلدن خسرو بکه ترقی ویریلدی . توركلر قیزدیریلدی .
 ۹۹۲ سنهسی صفرنده اماسیه مفتیسی (ایاس افندی) وفات ایلدیکندن
 صاروخانی کوچوك (محمود افندی) ایکنجی دفعه اماسیه مفتیسی اولاراق
 کلدی . سلطانیه مدرسلکی ده عهد سنه ویریلشدی . حال بوکه اهلی دکلدی .

(مصطفى بك)

سلطان سلیم ثانی چاشنکیر باشلیغندن مخرج و « شامی » دیمکه
 مشهور اولان شعرا دن بر میرلوا در . ۹۹۳ سنهسی ربیع الاخرنده

« محمد بك » بکتر بکی اولدیغندن یرینه امامسیه سنجاغی بکی اولارق
کلدی .

مصطفی بك ، اهل دل بر ذات ایدی . امامسیه شعراسندن کلامی ،
ترابی ، سکوتی چلییلری مجلسنه ادخال ایدهرک مشاعرلر ، علمایی جلب
ایدهرک مذاکرلر یاپاردی . خوش صحبت ، اداره سی منصفانه ایدی .
بو زمانلرده کلامی ایله سکوتی آراسنده کی مطایبلره مرزیفونی « بزمی »
چلی شکر قاتاردی .

بزمی یه نسبت ایدیلن شو بیت لطیف « تذکره عبدی افندی » ده
کورولوب خاطرده قالدیغندن بورایه نقل ایدیلدی . هر حالده معینداردر

« کلامی » سویله نور اما « سکوتی » بخش ایدر التون

صاقین بوش صانمه « بزمی » طینمه نک ده ثروتی واردر

۹۹۳ سالنده امامسیه علماسندن طاشکوپرولو « طورسون افندی »
وفات ایتدی . مخدوملری « عبده ، عبدالباقی ، محمد » افندیلر امامسیه نک
یتشدیردیکی فضلادندز .

۹۹۴ سنه سنده استانبولده شیخ القرا اولان امامسیه لی بخشی زاده
« عبدالقادر افندی » بن محمد افندی ایوب جامع شریفنه امام و خطیب
اولدی . سسی واداسی غایت کوزل ویانیق اولدیغندن صوکرالری
سلطان محمد ثالث و احمد اوله امام اولمشدی .

۹۹۵ سنه سی ربیع الاخرنده دوئما محاربه سنه دعوتی متضمن اولان
فرمان عالی چاوشان درگاه عالیدن لادیکلی یکی چاوش اوغلو سنان بك
وداعتیله میرلوا مصطفی بکه تبلیغ وخلق مواجهه سنده قرائت اولوندی
سنه مزبورده جمادی الاولاسنده استانبولده روم ایلی قاضی عسکر -

لكندن متقاعد امامسيه لي مؤيد زاده « عبدالقادر شيخي افندي ،
شيخ الاسلام ومفتي الانام و حاجي بك زاده « محمد پاشا » مرادپاشانك
يرينه سيواس بككر بكيسي اولدى .

۹۹۶ سنهسي محرمنده امامسيه ، مرزيفون ، لادبك ، كده غره ،
جانيك قضايرينه يومورطا شكلنده وهربرى متفاوت ثقلتده « طولو »
ياغديغندن بك چوق مواشى ، طيور وحيواناتى ، انسان ونباتاتى تلف
وچوق خانهلرى ، طاملرى ويران ايتدى .

متعاقباً بادصرصر كې دهشتلى بر فورطنه قوپدى خسارات عظيمه
ياپدى . جسيم آغاچلرى كوكندن سو كوب چيقاردى . اخشاب
خانهلرى اكثرته دويردى طاملردن كيره ميدلرى اوچوردى . طولونك
ياريم براقدېنى شيلرى تاملادى .

كذلك امامسيه مفتيسى كوچوك « محمودافندي » نك متون واصوله
مخالف اولارق ويرديكى فتوالرى وعجائب احوالى شيخ الاسلامه عرض
واعلام ايديلشدى . سنه مزبوره محرمنده عزل اولتوب يرينه سیدی
غازى مدرسلىكندن معزول اولان امامسيه لي « تاج الدين افندي » ۹۹۶
سنهسي صفرينك اون بشنده امامسيه مفتيسى وساطانيه مدرسى اولارق
كلدى .

فقط محمود افندينك ياكليش فتوالرى يوزندن امامسيه نك علما
وطلبهسي آراسنده شايان دقت كورولتولر چيقدى . بوكورولتولر ،
زعا وارباب تيماره سرايت ايتك اوزره ايكن ميرلوا مصطفى بكك حسن
اداره سيلاه اولدقجه ياتيشدى . بونكه برابر « مصطفى بك » ده كيتدى .
يرينه « خسرو بك » كلدى .

(خسرو بك)

کورجی امراسندن بر مهتیدر . ۹۹۶ سنهسی صفرنده اماسیه
یکی اولوب کلدی . فقط خلق آراسنده چقان کورولتورلر باصدریش
دکلدی . بو ائاده طوب عربه جیلر باشلغندن متقاعد اولان «محمود آغا»
اماسیهده اقامت ایدیوردی .

اماسیه طوب عربه جیلری کتخداسی مشهور اماسیهلی «طوبچی
محمد آغا» عربه جیلر آراسنده چقان نزاعی محمود آغانک مداخله سندن
نشئت ایتدیکنه زاهد اولمش ، عربه جیلری و اماسیهلی اختلاله
ویریور دیه یازمشدی . فقط محمود آغا قالدیر یلامشدی .

یکی کلن مفتی تاج الدین افندی، حقیقه فاضل ، خوق، دوغرو
سوزلو بر ذات ایدی . علمانک آراسنه کیرن برودتی قالدیردی . فقط
مهتیدلر آراسنده تکون ایدن کفتکو بر دورلو ازاله ایدیلهمدی .
تورکلر فنا سوزلرله رنجیده ایدیلوردی .

تورکلر میرلوا خسرو بکه شکایت ایتدکجه فنا جوابلرله اسسکات
ایدیلکه باشلانندی . سیواس والیسی محمد پاشایه و مقام صدارته شکایتلر
توالی ایدهرک «۹۹۶» سنهسی شوالنده کورولتو تازه لندی تورکلرله
غیر تورکلر ارده سنده عریده لر چیقدی . اماسیهده تحصیلده بولونان
تورکلردن «محمود افندی» تورکلک بایراغنی ایلك دفعه آچدی .

محمود افندی ، مجید اوزی قضاسنه تابع «کلیک» دینلن کوبدن
اولوب اماسیهده محمد پاشا مدرسه سنده تحصیل علوم اتمکده ایدی .

کندیسنه « قالین دوداق » دینیردی . چارشیده بر مهتدی یکچیری طرفندن ملیتی فنا حالده تحقیر ایدیلهرک ضرب ایدیش ، سوختهلر طرفندن قور تاریلشدی .

غوغا ، بوتون یکچیریلره ، عربه جیلره ، حتی سپاهیله سرایت ایدهرک سپاهیلهک سوختهلری التزام ایتمه سندن بویومش ، قامالر اوینامشدی . سپاهی کتخدایری مشهور « دلی ذوالفقاراغا » آرایه کیرمش ، سوختهلره یکچیریلری تألیف ایتمکه غیرت ایتمشدی .

میرلوا خسرو بکه محموداغا ، یکچیریلری التزام ایتمکه غوغا قاتمرلندی . ذاتاً قیزغین اولان سپاهیلهده ایشه قاریشدی . قور فونج بر غوغا اولدی . سیواس بکربکیسی « محمد پاشا » کلوب کوچ حال ایله عربده بی تسکین ایتمدی . فقط خیلی نفوس تلف اولوب کیتدی .

۹۹۷ سنه سی محرمی اوائلنده میرلوا « خسرو بک » عزل ایدیلدی . طوب عربه جیلر باشی « محموداغا » استانبوله فالدیریلدی . (۱) مسئله یی تحقیقه مأموراً اماسیه علاماسدن ایجادی زاده « الشیخ محیی الدین محمد افندی » استانبولدن کلدی . سیواس بکربکیلکنه مشهور « دلی خضر پاشا » واماسیه بکلیکنه ده « احمد بک » تعیین ایدیلدی .

(احمد بک)

مشاهیر زعمادان ایکن میرلوا اولان اماسیه نک اوچلر محله سنده ساکن دواتدار پاشا زاده لردن یحیی بکک اوغلودر . کندیسنه « آلاجه آتلو »

[*] بونک حقنده ویریلن فرمانت خلاصه سی یوفاریده یازیلدی .

دینیردی . ۹۹۷ سنه سی محرمی اوائلنده اماسیه سنجاغی بکی اولدی . سوخته لرك باشی اولوب فرارایدن محمود افندیك اخذوكرفته مأموراً سپاهی « علی آغا » كلدی .

احكام دفترنده كورولن شو فرمانی حاملدی : « اماسیه ، مجید اوزی ، اورته یازه ، ذوالنون آباد ، چوروم ، اسكب ، صورقون ، حوضه ، قواق ، لادق ، كمش قاضیلرینه حكم كه بوندن اقدام مجید اوزی قضاسنه تابع كليك نام قریه دن قالین دوداق دیمكه معروف اهل فساد محمود سوخته نك اخذ اولمسیچون ارباب تیماردن علی نام كمسنه مأمور اولمشدر بیوردمكه ... محرم ۹۹۷ »

سوخته لری الترام ایدن یرلی یکیچریلرده واردی . بونلردن التمش یدنجی جماعت نفراتندن « مصطفی » ده فرار ایتشدی . بونك دردستنه مأمور اولان صو باشی « سنان آغا » ده كلدی . فرمانی شودر : « اماسیه بكنه حكم كه امنسیه ده یکیچریلردن وعجمی اوغلنلردن مصطفی اهل فساددخی سوخته لره اویدیغندن خاصه سكبانلردن سنان صو باشی بونلرك دردستنه مأمور اولمشدر بیوردمكه . محرم ۹۹۷ »

چكن سنه کی كورلتولردن دولای اموال میریه بر دورلو تحصیل ایدیه مه مشدی . سابق سیواس دفترداری محمودافندی ، اموالی بقایاسنی تحصیله مأمور اولدیغندن بواننده اماسیه یه كلدی . بقایانك تحصیلنه باشلادی . میرلوا « احمدبك » شروان محاربه سنه مأمور اولدیغندن سوخته لر تفتیشنه مأمور اولان سپاهی « علی آغا » ومیرلوا قائممقامی دلی « ذوالفقار آغا » خلی صیقینتی كچیردی . لاكن سوخته لرك شدتلی تفتیشاتی هر طرفده توركلك لهنه تاثیرلر اویندیر بیوردی .

۹۹۸ سنه سنده خار جده كايكلى محمودك اويانديزديغى تورك اوجاغنه بك چوق كويليلر ، سپاهيلر كيرمش ، هر طرفه سرايت ايتمشدى . سنه مزبورده رجبك ايكنجى كوني آرناوود اياس پاشا زاده « مصطفى پاشا » سيواس بككر بكيسى اولوب كيشدى . مصطفى پاشا ، صدراعظم قوجا سنان پاشانك برادر زاده سیدی .

مصطفى پاشايه كونده ريلان فرمانده اشقيايي شديله تشكيل ايمهسى امر اولونويوردى . فرمان شودر : « روم بككر بكيسنه وبوزوق وشرقي پاره قاضيلىنه حكم كه بوزوق يوركلىرندن وسليمانلو ساكنلرندن متفرقه بهرام وهابل وهنول وغفار وحسن ورسول وولى وداوود وخليل توابعليله بيللرده مسلمانلوك يولنه واروب ايعاب ! » واقچهلرين غارت ايدوب « يازيليور . بونلك شديله تاديي بيلديريليوردى .

بوئانده اماسيه شهر كتخداسى « الحاج منصور چلبى » ايدى . شهر كتخداسى ، اماسيه بلده سنه عايد اولان بوتون ايشلى كورن بلديه رئيسى ، شهر اميني ديمكدى . شهزاده لر زماننده « شهر اميني » دينيلن بلديه رئيسلىنه بعده « شهر كتخداسى » عنوانى ويريلمشدى . ينه بوصيرالرده اماسيه آلاى بكيسى بوداق بك زاده « حسين بك » شروان محاربه سنده خيلى يارارلقلر كوسترمش ، ترقيلر كورممشدى . دلى « ذوالفقار آغا » بونك معيتده فداكارانه حرب ايدىوردى . بوندن دولاي « حسين بك » ارضروم قلعهسى محافظى اولمشدى .

۹۹۸ شعباننده اماسيه سنجاغى بكى « حسن بك » كورولمش ايسنده تاريخ نصبي وهوتى آكلاشلامدى انجاق « ۹۹۹ » محرمنده ارضروم

قلعه سی محافظی اولان « حسین بك » اماسیه بکی اولوب « ذوالفقار
اغا » متسلم کلدی .

(حسین بك)

اماسیه لی بوداق بك زاده در . ۹۹۹ سنه سی محرمنده اماسیه میرلواسی
اولوب ارضروم محافظه سنده قالدیغندن « ذوالفقار اغا » اماسیه متسلمی
اولوب کلدی . شوالنده سیواس والیلکنه « محمدپاشا » تعیین اولونوب
ذی القعدة سنده [۱] اماسیه ولاحقاتنده مدهش بر زلزله اولدی . اون
کون قدر دوام ایتدی . بوتون اهالی میدانلره چیقوب چادرلر آلتنده
ایکی آی قدر قالدی .

زلزله نك دوامی خلق آراسنده موعود قیامتك بیک تاریخنده
قوپاجنی شایعه سنك ظهورینه باعث اولدی . هرکسه عمومی بر قورقو
چوکدی . فقط کوزی آچیلر بوندن استفاده تأمین ایتدی . ساده
دللری اغفال ایدرک ثروتلر ایدیندی .

بو شایعه، شاعرلری بیله حرکتیه کتیرمش ، لطیف مضمونلره
کوزلردن زکات ایسته مکه یول ویرمشدر . تذکره عبدی ده محرر
اولان کلامینک شو بیته نه کوزلدر .

زکات حسینی لطف ایت بوکون بکا جانا

یارین قیامت اولورسه سکاده قالیه حق

اماسیه ده ضرب ایدیلن آلتون و کوموش فیائی یوکسه لمش ،

[۱] بعض تاریخلر زلزله نك سنه مذبوره محرمنده وقوعی قید ایدرلر .

آلیم ، صاتم خصوصاً تنده احتسار چوغاشدی . بونك ایچون « ۹۹۹ »
 ذی الحجه سنده بر فرمان کلوب « التون یوزیکرمی و کومش یتش آچه »
 اولدینی و بوندن فضله آلوب ویرنلرک جزا کوره چکی اعلان ایدیلدی .
 چونکه آلتون اماسیه ده یوزیکرمی دورت آچهیه ، کومش ده
 یتش سکنز آچهیه قدر ارفع ایتشدی . خالق بوندن چوق زیان
 کور ووردی . فرمانك ورودی ، احتسارک اوکنی اولدجه آلمش ،
 خالق زیاندن قورتارمشدی .

۱۰۰۰ سنه سی محرمنده خلوتیه مشایخی بویوکلرندن قطب العارفین
 صاییلان « الشیخ عبدالله افندی » وفات ایدوب پیرالیاس تربه سی
 جوارنده یاپدیردینی زاویه سی باغچه سنه دفن ایدیلدی . بوندن صوکر
 فضالان « قره یحیی افندی » ده وفات ایتدی . شعباننده « قوچی
 بك » اماسیه امارتنه تعیین ایدیلدی .

(قوچی بك)

کورد بکلرندن بیلان بكك اوغلودر . محاربه لرده کوستردیکی
 یارارلقلره بناءً ۱۰۰۰ سنه سی شعباننده اماسیه بکی اولوب دلی « ذوالفقار
 آغا » سپاهی کتخدایری و مشهور « طوراق آغا » ده کوپری
 و یوده سی ایدی .

۱۰۰۰ سنه سی رجبنده سرای هایونده حرم کتخداسی اوزون
 « جانفدا قادین » ك برادری اولان « دلی ابراهیم پاشا » سیواس
 بکلر بکیسی اولارق اماسیه یه شعباننده کلوب سیواسه کیتدی .

دلی ابراهیم پاشا ، ملاطیه ارمنی دوغمه لرندن بر نادان ایدی .
 هر وارديغی ولايتلرده بئک ظالمانه وسفیهانه حرکاتيله مطلقا قوغولوردی .
 محبی « خلاصه الاثر » آدلی اثرنده بونک احوال غریبه و ظالمانه سنی یازار .
 دیار بکر خلقنک هجوميله مقتول اولديغنی قید ایدر .

تورکلری اڭ زیاده یولدن چیقاران ، حکومته قارشى عصیانیه سوق
 ایدن بو « دلی ابراهیم پاشا » اولمشدر . چونکه دائره سنده ملاطیه
 ارمنیلرندن خیلی آدمیر واردی . بونلر سیواس و ماحققاتنده اسلام
 آدلریله ایشلر کورو یورلر ، دوشن تیمار وزعامتلیری پایلاشیورلر ،
 تورکلری تحقیر ایدیورلردی .

۱۰۰۱ سنه سی محرمنده « قوچی بک » روم ایلی حربینه مأمور
 اولوب اماسیه عسکريله برابر کیتمش ، سپاهی کیتخدایری « دلی ذوالفقار
 آغا » ده متسلم اولمشدی . صوکره سنه مزبور شعبانه بوده حربه
 کیدوب مشهور « قاکلی علی آغا » اماسیه ده متسلم اولدی .

تورکلر ، بودوغمه ارمنیلردن استانبوله شکایتلر یاغدیردقلری حالدیه
 « جانفدا » نك تاثیر نفوذيله بر فائده کورده میورلردی . نهایت دباغ
 اوسسته لرندن « یراماز احمد آغا » دیمکه مشهور بر ملتزم ، کوردیکی
 حقسنزلقلره تحمل ایده مدی . ملتزم لردن « دلی مصطفی آغا » ایله
 برلشدی .

بونلر صاییلی فورطنه لر دندی . یانلرینه یوره کی یانیق تورکلردن
 بر قاج یوز « آتلو » بولدیلر . اماسیه دن چیقوب اطرافنده بولونان
 کویلری اورمغه باشلا دیلر . بونلرک دفع و تنکیلی حقسنده سیواس

وقسطمونی بکربکیلیکنه واما سیه ، چوروم ، جاییک بکاربینه متعدد فرمانلر کونده ریشدر .

کذلک دونمه ارمنیلر ، اما سیه ضربخانه سنده کسیان سکه لری تغشیش و قلیز نلک ایتمکه وایتدیرمکه قالدیشدیله . بوقلیز نلکده تورکلرله روملری آلت ایتدیله بونلرک حقنده متعدد فرمانلرک صدورینه باعث اولدیله .

قلبز نلر ، فرمانلردن آکلاشیلدینی اوزره شونلردی : « اما سیه ساکنلرندن قره نفس اوغلو احمد ، قغاله لی امیر ، حلاج همت اوغلو حاجی پیری ، دمیرچی رسول ، حاجی حاجی محمد و ذمی طائفه سندن توزونا ، تودری ، سویک » .

بونلر ضربخانه ده ایشلرلردی . قلیز نلکده قالدیشدقلری آکلاشلماغله اما سیه قلعه سی زندانه حبس ایدیشلر ، صوکره زندانی یاروب چیقمشلردی . بناء علیه : ارمنیلر یوزندن اما سیه ضربخانه سی دائمی بر شیه آتنده بولونویوردی .

دلی ابراهیم پاشا ، سیواسده و ملحقانده ظلم و سفاهتی پک آرتیر-مشدی . آلدینی طیاره لرک ، باد هوالرک ، جریمه لرک حدودی یوقدی . قانون دولت ، آنک نظر نده انحق کندی فعل و اراده سندن عبارت کی اولمشدی . هر طرفه فوران ایدن خلقک شکایاتی اوزرینه بوسنه نک صوکنده کوچ حال ایله عزل ایدیله بیلدی .

۱۰۰۲ سنه سی محرمنده فرهاد پاشا زاده « محمد پاشا » سیواس یکربکیسی اولاراق کادی . فقط دلی ابراهیم پاشانک ظلم و سفاهتی

اشقیانك وارباب اختلالك عددینی آرتیرمش ، سیواس حوالیسندده
قیاملر چوغالمشدی .

۱۰۰۳ سنهسی حمادی الارلاسنك بشنجی کیجهسنده « سلطان
مراد ثالث » وفات ایدوب یرینه شهزادهسی « سلطان محمد ثالث »
مغنیسادن کلدی . عثمانلی تحتنه جلوس ایتدیکی هر طرفه بیلدیریلدی .
عقیب جلوسده قبه آلتی وزراسندن داماد پادشاهی « جعفرپاشا »
سیواس والیسی واماسیه ضربخانهسنی تفتیشه مأمور اولاراق کلدی .
ضربخانه امورینی و ضربخانه جیلری تحقیق و یوقاریده آدلری یازیلان
آدلری تأدیپ ایدوب سیواسه کیتدی .

۱۰۰۳ سنهسی رمضاننده کلن فرمانعالیده اماسیه ضربخانهسی
رفع و تعطیل ، اماسیهده سکه ضربی الغا ایدیلدی . بوضربخانه « ۹۲۵ »
سنهسندن بری ایشله مکده ایدی . ینه بوئانده اماسیه بکی « قوچی بك »
اوستورغون حربنده شهید اولدیغندن یرینه « عالی بك » تعیین ایدیلدی .

« عالی مصطفی بك »

کلیولیلیدر . ارضروم دفتردار لغندن معزول ایکن « کنه الاخبار » نده
کندیسنك یازدیغی اوزره سلطان محمدده تقدیم ایلدیکی قصیده جلوسیه
سنك بر جائزهسی اولارق « ۱۰۰۳ » سنهسی شوالنك غرهسنده اماسیه
سینجانی بکی اولوب کلدی .

یوقاریده یازیلان « یراماز احمد آغا » نك جمعیتی کیتدکجه نظر
دقتی جلب ایتمه باشلادی . کوپری ویودهسی « طوراق آغا » بونلرک

دفع و تسکینه مأمور اولدی . طوراق آغا ، سپاهی چاوشلارندن اولوب قبله لی دوراجان چاوش « دیمکه مشهورایدی .

۱۰۰۴ سنه سی رمضانک غره سنده امامیه مفتیسی « تاج الدین افندی » انفصال ایلدیکندن یزینه ملغره لی « کوسه احمد افندی » امامیه مفتیسی و سلطانیه مدرسی اولوب کلدی . دیار بکر بکار بکیدی (خسرو پاشا) ده سیواس بکر بکیدی اولدی . چونکه شقاوت هر طرفه آرتمشدی .

بو شقاوت دکل ، قوتلی بر اختلالدی . ۸۲۹ تاریخده « روم ایلی و قعه سی » دیمکه مشهور اختلالدن دایاهاشید اولاجنی آکلاشیلیوردی . چونکه بوتون تیمار وزعامت ، تورکلردن زیاده غیر تورکلره و بریلکده ایدی . تورکلره وزارت ، قانوناً ممنوع کبی اولمشدی .

بوتون مقام اقتدار غیر تورکلره منحصر دی . تورکلر ، انجاق اوزاق ، یاخود کوچوک ولایتلره بکار بکی اولایلیلیوردی . دیوان هایونده بر تک تورک وزیر یوقدی . دفتر دارلقدن ، نشانیلقدن یتشن تورک وزیرلر ، اندر اولقله برابر صدارتدن محروم ایدیلر .

فرنگ ابراهیم پاشانک صدارتدن بو زمانه قدر مقام صدارتی ، وزارتی احراز ایدنلر ، غیر تورکلردی . تورکانک علیمنده سویله نیان هذیانلرک ، اویلدورولن افسانه لرک هپسی ده غیر تورکلردن صدور ایتمش ، ریاکارلرک غیرتیه رواج بولمشدی .

انادولوده تورکلر ، غیر تورکلرک بو تحکملرینه قارشى قیام ایدیورلر ، طرف ، طرف اختلال بایراغنی آچورلردی . بکه نیلمه یی

صوفتالار ، ايشته بو ملی اختلالك علمدارى اولمشاردى . كليكى محمود قيام ايدن صوفتالرك باشبوغى ايدى .

شاين دقتدركه انادولو سنجاقلرينه ، ولايتلرينه ميرلوا ، بكار بكي اولاراق غير توركار ايجنده توركجه يي بيلمه ين ، عقائد اسلاميه دن بخبر ، قويو جاهل آدملرده واردى .

چونكه ديوشيرمه لردن وزير اولانلر ، خريستيان بابايرنى ، قارداشلىرى ، خصملىرى قبول اسلام ايتدكلى كوندن اعتبار اميرلوا ، بكار بكي پايدى ريورلردى . بونلر ، انجاق متسلملىله اداره امور حكومت ايدرك پك چوق يولسز قلقلر ياپيورلر ، توركارلى صوكدركه قيزدير ريورلردى .

هله زعيملر ، سپاهيلر اكثريتله غير توركلردى . حال بوكه تيمار وزعامت ، انادولوده توركلره خاص بر ديرلىكدى . غير توركلرك نظرند توركلر ، رعاياندى . توركلرك اك زياده كوچنه كيدن غير توركلرك تحكيم واستبدادى ايدى .

وقتيله قرآن كريمك امر ايتدىكى مساواتى ، خدمتلى مقابلنده مكافآتى طلب ايدن ، بو اوغورده يوكسك سسلىله باغيران غير توركلر مقام اقتدارى الده ايتدكلى كوندن اعتباراً توركلره مساوات يرينه تحقيرات ، مكافات يرينه معادات ايله مقابله ايتديلر .

بوندن دولاي توركلر ، غير توركلره قارشى عصيان ايتمشلر ، اختلال بايراغنى آچمشلردى . غير توركلره بو قدر يوكسك مقاملر ورن عثمانلى خاندانى ده قيام ايدن توركلرك نظرند كوچولمشدى .

حتی عثمانلی خاندانی بیله غیر تورکلرک بو تحکم و استبدادن بیزار اولمشلری .

اماسیه بکی عالی بك ، عالم ، فاضل ، مؤرخ بر ذات ایدی . فقط هن طرفده ظهور ایدن ارباب اختلاله قارشى عاجز قالمشدى . بونك ایچون « عالی بك » ۱۰۰۵ سنه می اوائلنده قیصریه یه نقل ایدیلدی . یرینه « بالی بك » کونده ریلدی .

(بالی بك)

غیر تورکلر دندر . ۱۰۰۵ سنه می ربیع الاولنده اماسیه بکی اولوب کلدی . کو پریده مقیم سپاهی لردن آرن اوود « حسین » اغایی متسلم نصب ایدرک اشقیا اوزرینه کیتدی . فقط بر شیئه موفق اولامدی . متسلم حسین اغانك بارزانه حرکاتندن منفعل اولان مفتی « کوسه احمد افندی » استغایه مجبور اولوب یرینه قرامانی خواجه « تاج الدین افندی » اماسیه مفتیسی و سلطانیه مدرسی اولوب استانبولدن کله بیلدی . چونکه یوللر پایاغی مسدود ایدی .

« حسین پاشا »

اماسیه لی بوداق بكك اوغلودر . حبش بکلر بکیلیکندن منفصل ایکن اشقیانك کثرته ، اماسیه سنجاغنك اهمیتنه بناءً « ۱۰۰۵ » سنه می شوالنده اماسیه سنجاغی متصرفی و اناطولی مفتشی اولدی . اماسیه سنجاغنه دلی « ذوالفقار اغا » یی متسلم نصب ایدرک دور و تفتیشه کیتدی .

شهر کتخداسی « الحاج منصور چلبی » متسلم سابق حسین اغایه
مماشات ایتدیکندن عزل ایدیلوب یرینه « الحاج پیری چلبی » شهر
کتخداسی اولدی . بوکا « همت اوغلو » دینیردی . سابق اوقاف
سلطانیه متولیسى « حسن بك » آلاى بیى ، زعمادن « محمود بك »
اوقاف سلطانیه متولیسى اولدی .

۱۰۰۶ نهسی اوائلنده دلی ابراهیم پاشانك برادری اولان « ارمنی
محمود پاشا » سیواس بکربکیسی اولوب کلدی . بوکاده « دلی محمود پاشا »
دینیردی . دلی محمود پاشانك کتخداسی « ارمنی مصطفی اغا » ،
ساحمداری ده غیبی اوغلی « احمد اغا » دیمکله مشهور ظالمردی .

انسانك دییه جکی کلیورکه عثمانلی حکومتی ، انادولوده تورکلی
قیام واختلاله مجبور ایتک ایچون بویله دلیلری ولایتلره قصراً تسلیم
ایدیور ، غیرتورکلك تحکیم واستبدادینه بر نهایت ویرمک ایسته یوردی .
فقط جریان احواله کوره بوده دینه مزدی .

انادولو مفتشی حسین پاشا ، اوز تورکلردندی . تورکلك دردینی و
اسباب اختلالی بك کوزل بییردی . هر طرفده شقاوت و اختلالی
تزییده باعث اولان غیر تورک سپاهی قودامانلرینی ، یکیکچری آزمانلرینی
وبونلره دایانوب خلقه ظلم ایدن اعیانلرینی تادیبه قویولدی .

ارباب اختلالك باشوغلرینی تلطیف و سنجاقلره میرلوا نصب
ایدهرك دیرنکارینه کیرن افراده قودامانلردن انحلال ایدن دیراکلری
توزیع ایتدیرمش بونلردن ، ماده استفاده ایده جک چاره لره توسل
ایدهرك اختلالك اوجاغنی سوندورمکه چالیشدی .

بو جمله دن اولاراق اصلاً کوپرولو اولوب اماسیه ده اقامت

وصوگرا عصیان ایدن « یراماز احمد آغا » یه قره حصار شرقی میرلوالغنی و اماسیه‌لی « دلی مصطفی آغا » یه‌ده ارزنجان میرلوالغنی و یردیرمش ، باش‌لرنده‌کی نفراته دیرلککر توزیع ایتدیرمش ، اولدقجه اختلالی باصدیرمشدی .

۱۰۰۶ سنه‌سی ذی الحجه سنده « قوجا تاج‌الدین افندی » ده استعفا یه مجبور اولدی . ملغره‌لی « کوسه احمد افندی » ایکنجی دفعه اماسیه مفتیسی و سلطانیه مدرسی اولاراق بویوک بر ابرام اوزرینه اماسیه‌یه کلدی .

۱۰۰۷ سنه‌سنده جانیک بکی کیوان ، چوروم بکی مراد بکلردی . بونلرک ایکیسی ده غیرتورک ایدی . سیواس بکلر بکیسی ارمنی محمود پاشانک دلی بکی سیواس و ماحققاتی خلقنی بیزار ایدیوردی . حسین پاشا ، محمود پاشانک عزانی و آدم‌لرینک تأدیننی عرض ایدرک پارلامغه باشلایان اختلالی باصدیر مق ایسته‌دی .

لاکن باشده محمود پاشا اولدینغی حالده سپاهی و یکچیری قودا - مانلری ، بونلره دایانان بلاد و قصبات اعیانلری « حسین پاشا » ظلم ایدیور دینه شکایتلر یاغیدیردیلر . یاغارانی باصدیردیلر . ایشک ایچ یوزینه واقف اولامایان باب‌عالی بونلره ایناندی . بیگ یدی شوالنده « حسین پاشا » نی تفتیش و تصرفدن عزل ایدرک « ذوالفقار آغا » سیله برابر اماسیه قلعه‌سنده حبس ایدیلدی . یرینه « ابراهیم بک » اماسیه بکی اولدی .

(ابراهيم بك)

سيواسك ييلديز ايلندن وييلديز خاندانندن محمد بكك اوغلودور .
ييلديزلى ابراهيم بك ديمكه مشهوردر . غيرتوركلردن جاني يانمش
توركلردن اولوب سربازلقدن حسين پاشانك عرضيله ميرلوا اولمشدى .
۱۰۰۷ سنه بى شوالنده اماسيه بكى اولوب كلدى .

بونك زماننده حاجى محمد افندى ، ولى الدين افندى ، كوپرىلى
الحاج محمد افندى ، مشاهير محدثيندن زيله لى عبدالرحمن افندى ، الحاج منصور
چابى ، الحاج پيرى چابى ، نقيب الاسراف قائم مقامى السيد مصطفى صافى
چابى ، چابى محمد افندى ، زعمادن عبدالباقي بك ، حاجى بك زاده الياس
بك غايت نفوذلو اعياندىن ايديلر .

سيواس بكار بكسى دلى مجرود پاشا ، حسين پاشانك عزل و حبسندن
صوكر اداها زياده آزديردى . فقط عصيان و اختلال هر طرفده
پارلامش ، غير تورك ظلمه هر طرفده ازيلكه باشلامشى .

تام بو صيراده اماسيه قلعه سنده محبوس اولان « حسين پاشا » ايله
« دلى ذوالفقار اغا » اماسيه بكى ابراهيم بكك يا قصداً اهمالى ، يا خود
ويرديكى تعاملى يوزندن فرجه بولمشلر ، قلعه ديزدارى « ابراهيم اغا »
ومستحقظلىر باغلايوب « ۱۰۰۷ » دى الجه سنده قاجمشلر و ارباب
اختلاله التحاق ايتمشلردى .

ارباب اختلالك باشوغلرى شونلردى : اورفه لى عبدالحليم ،
برادرى دلى حسن ، اماسيه لى دلى ذوالفقار ، ملاطيه لى قره قاش احمد ،
انقره لى قلندر اوغلو محمد ، كاوور مراد ، تسكه لى محمد ، توقادلى آغا جدى

پیری ، سیواسلی قره سعید و حسین اوغلو اسحاق ، اطنه‌لی سوندک ، بغدادلی اوزون خلیل ، قالین دوداق محمود ، کوپرولو صاری شعبان .

بونلردن هر برینک اداره‌سنده اوچر ، بشر بیک اشقیاواردی . ارباب اختلالک قوهٔ عمومیه‌سی یتیش بیکدن زیاده ایدی . باش‌قوما - ندانلری اورفه‌لی « عبدالحلیم بك » دی . تاریخ نعماده بونلرک احوالی اولدجه مفصلدر . یالکیز ارباب اختلالک مقاصدی یازینامشدر .

ارباب اختلالک مقاصدی ، جریان ایدن احواله باقیلیرسه ایکی شیدن عبارت اولدینی کورولور : برنجیسی او زمان دولت مکتبی دیمک اولان اندرونه تورکلرکده قبولی ، ایکنجیسی غیر تورکلردرجه‌سنده تورکلرکده مناصب عالیّه دولتی اشغالی .

آنادولوده مکمل تشکیلاته مالک اولان ارباب اختلال ، کندی غایه‌لرینه ایرمک ایچون کیمسه‌ینی دیکله‌میوزلر ، عثمانلی خاندانی طانیمورلردی . باب‌عالی ، حسین پاشانک اماسیه قلعه‌سندن فراریله فوق‌العاده تلاش واضطراب ایچنده ایدی . بونی الده‌ایتمک ایچون هر درلو فداکارلنی کوزه آلدیزمشلردی .

حسین پاشا ، غایت عاقل ، مدبر ، نفوذلی بر ذات ایدی . بونک ارباب اختلال ایچنده وجودی باب‌عالیجه نه قدر مضر تلقی ایدیلیمورسه اختلال‌چیلرک باشی اولان (عبدالحلیم) ایچونده او قدر مضر دی . چونکه ریاست ، حسین پاشایه انتقال ایده‌جکدی .

اماسیه بکی ابراهیم بك ، ارباب اختلالی تشویق ایدن رؤسادن ایدی . کیمسه‌ینی طانیموردی . بونک ایچون باب‌عالی ، کمندیسنه‌التحاق

ایدن « حسین پاشا » بی استانبوله اعزام وتسلیم ایتک شرطیه عبدالحمیمه
اماسیه سنجاغی بکلیکنی توجیه ایتدی .

(عبدالحمیم بک ،

اورفه داخانده ساکن قیلجیلو عشیرتی افرادندن علینک اوغلور .
سکبان بولوکنک یازینجیسی اولدیغندن « قردیازیجی » دیمکله مشهور
اولدی . کتخداسی اولدیغی غیر تورک بکارک و پاشالارک تحقیراتی یوزندن
باشنه طوپلادیغی آدمیرله قیام ایتشدی .

۱۰۰۷ سنهسی ذی الحججه سنهده انقره جوارنده چوبوق اوواده
اعلان عصیان ایدهرک باب عالی رجائی صیاصدی . ییلدیزی ابراهیم
بکک عزالته بناءً ۱۰۰۸ سنهسی محرمنده اماسیه سنجاغی بکی اولدی .
دلی ذولفقار آغایی طرفندن متسلم یاپوب اماسیه یه ، حسین پاشایده
استانبوله کوندردی .

عبدالحمیم بک ، انقره آلتندن چوروم یولنی طوتدی . بورادن
اماسیه یه کیده جکدی . چوروم بکی « مراد بک » کندیسنه کلن
اخذ وکرفت فرماننه رغماً عبدالحمیمی طنطنه لی برصورتده استقبال
ایتدی . عبدالحمیمک شیخ الاسلامی مقامنده قیصریه لی « الشیخ
عبدالرحیم افندی » دورمش ، وزارتنی قلندر اوغلو محمد یاپوردی .
ارباب اختلالک هدفی سیواس بکار بکیمی « دلی محمود پاشا »
ایدی . عبدالحمیم بک ، کلدیکلان صحراسنه کلوب شاهانه چاییرنی
قورمش ، هرطرفه فرمانلر ویریور ، کندیسنه « حلیم شاه » عنوانی
ویروب طوغرا چکیوردی . حال بوکه ارباب اختلالک مقصدی ،

عبدالحليمك شاهلخی ، سلطانلخی دكلى . شورانك ویردیكى قراری
انفاذ ایدەكك بر مقام ریاستدی .

فقط عبدالحليم بك ، ۱۰۰۸ سنه یی ربیع الاولنده امامسیه نك
كلدیكلان ناحیه سنده كاش اورتە كویی مركز سلطنت اتخاذ ایتشدی .
بورادن هر طرفه ائمه و خطباتعین ایدیور ، فرمانلر ، براتلور و ریوردی .
كندیسنه بومقصدی آكلاته حق آدملى « عثمانلى » دیه اولدور یوردی .
عبدالحليمك بردن پارلایان نفوذی مدهشدی .

دلى محمود پاشا ، عبدالحليمك نفوذندن فنا حالده اوركدی .
درحال ارمینلکی طوتوب عثمانلیقدن تجرد ایدەرك عصیان ایتدی .
عبدالحليمه بیعت ایدەرك طرفندن سیواس بكار بکیسی اولدی . باب عالی
طرفندن ده قرمان بكار بکیسی دارنده دلى « نوح پاشا » یه بونلرك هر
نه صورته اولورسه طوتوب اعداملى امری ویریلدی .

امامسیه مسلمی دلى ذوالفقار اغا ، معیتنده بش بیك پیاده ، اوچ
بیك سواریدن مرکب فرقه سنی آلوب كلدیكلان صحرا سنه کیدهرك
عبدالحليمك اوردوسنه التحاق ایتدی

باب عالی ، محمود پاشا ایله ذوالفقار اغانك التحاقی خبر آلدقده
سیواس بكار بکیلکینه چركس (محمود پاشا) یی نصب ایتدی بوده عاصی ودلى
چیقدیغندن سیواسه « آلاجه اتلو » دیمکه مشهور « احمد پاشا » یی ، امامسیه
بکاکلکده قره حصار شرقي بکی « احمد بکی » تعیین ایدەرك کوندردی .

« احمد بك »

اصلنده کوپرولو دباغ محمد اغانك اوغلودر . امامسیه دباغخانه سند .

چالشوب ملتزملردن اولدی . دلی ابراهیم پاشانک ظلم و سیئاتی یوزندن عصیان ایتمکه « یراماز احمد » دیندی . صوگرا مقش حسین پاشانک عر ضیله میرلوا اولدی . ۱۰۰۸ سنه سی شعبانده عبدالحلیمه چوروم سنجانی ویریلدکه اماسیه بکی اولوب کلدی .

آلاجه آتلو احمد پاشا ، مشاهیر شجعاندن بر ذات ایدی . دائره سی مکملدی . دیاربگردن سر عتله کلوب سیواسی صاردی . محمود پاشایی قاچیردی . جبراً سیواسی ضبط ایتدی . یراماز احمد بکده بو عیارده بر آدمدی . معیتله کلوب اماسیه یی ضبط ایتدی .

احمد بک ، اماسیه نک اعیان و علماسنه استناد ایدهرک عبدالحلیمه کلایکلان صحراسندن قالدیردی . ایکی طرفدن محاربه لر اولدی . اماسیه سپاهی لری احمد بکه معین اولارق عبدالحلیمه غلبه ایتشدی . ارباب اختلال آراسنده حقیقه شقیلرده واردی . احمد بک ، اماسیه یی اک زیاده بوشقیلردن قورودی .

۱۰۰۹ سنه سی ربیع الاولنده مفتی « کوسه احمد افندی » اشقیا قورقوسندن ایکنجی دفعه استعفا ایدوب درحال استانبوله کیتدی . یرینه مناو حسن افندی زاده « عبدالله افندی » اماسیه مفتیسی اولدیغی حالده کلکه جیسارت ایده مدی . بونکده یرینه حمادی الاولاسنده ایوبلو « امیر علی افندی » تعیین ایدیلدی .

علی افندی ، امیر صاحب تاج دیمکه مشهوردی . علمی و قلبی ضعیف آدمدی . استانبولدن قالقوب کمی ایله صامسونه چیقدی . بورادن کوچ حال ایله لادیکه قدر کلدی . فقط یوللرک قاپالی اوناسی حسیدیه لادیک و یوده سی « طیار مصطفی آغا » ایله آماسیه یه کلدی .

۱۰۰۹ سنه سنده باب عالی حلب والیسی وزیر الحاج ابراهیم پاشانی
ارباب اختلال اوزرینه سردار تعیین ایدوب کوندردی . حاجی ابراهیم
پاشا فنا حالمده بوزولوب قاچدی . اوردوسی یاغما ایدیلدی . ارباب
اختلال ، بوندن فوق العاده قوت آلدی .

۱۰۱۰ سنه سنده باب عالی بغداد والیسی صوقوللی محمد پاشا زاده
« حسن پاشا » یی سردار کوندردی . فقط عبدالحلیم ، تمامیده آیتمش ،
ارباب اختلالک مقاصد اصلیه سنی بیراقوب کندی نفوذ و سلطنتی هوا سنه
تابع اولاراق ارباب اختلالک رؤیاسنی طانیماز اولمشدی .

حال بوکه ارباب اختلال ، جمهوری بر شکل و طرزی قبول ایدرک
غایه لرینه ایرمک ایسته یورلردی . عبدالحلیمک طرز و طور ی ارباب
اختلالی قیزدیردی . ۱۰۱۰ سنه سی رجبنده ارباب اختلال اراسنده
چیقان مخالفت و نزاع اوزرینه عبدالحلیم افنا ایدیلدی .
بونک اوزرینه ارباب اختلال ، اوزون مکالمه و مجادله دن صوکر احیمک
برادری « دلی حسن اغا » یی رئیس یاپدیلر . توقوده قدر کلن
سردار « حسن پاشا » یی محاصره ایدوب ۱۰۱۰ سنه سی ذی الحجه سنده
شهید ، ومعیتنی پریشان ، اوردوسنی تالان ایتدیلر .

دلی حسن ، بوندن فوق العاده قوت بولدی . آنادولوی
استیلایه قیام ایدوب اماسیه سننجاغنه « دلی ذوالفقار اغا » یی تعیین
و اعزام ایلدی . فقط توقاد شهری یانوب کول اولدی . پک چوق
آدملر قیلیچدن کچدی . چونکه کندیلرینه اویمایانلری « عثمانلی » ديه
اولدورویورلردی .

توقاد شهرينك فلاكتى ، اماسيه نك اعيان وخلقى فوق العاده
 اور كوتمشدى . هر نه يه مال اولورسه اولسون اشقياني اماسيه يه ياشد ير -
 مامغه عهد ايتمشلردى . بو ائاده اماسيه ميرلواى يراماز احمد بك ،
 قاضيسى بايرام زاده محمود افندى ، مفتيسى صاحب تاج امير على افندى ،
 نقيب الاشرف قائم مقامى « السيد صافى مصطفى چلبى » ايدى .
 اماسيه نك اعيان علماسندن شيخ زاده ولى الدين افندى ، زيلهلى
 عبدالرحمن افندى ، كوپرولو الحاج محمد افندى بك مشهور ايدى .
 اك زياته صاحب نفوذى سابق سيواس دفتردارى كوموشلو زاده
 « شمس الدين افندى » ايله حاجى محمد ، چلبى محمد افنديلردى . حاجى
 محمد افندى يوقارى بازارك افديسى ، چلبى محمد افندى ده اشاغى بازارك
 افديسى صايليردى .

اماسيه قلعه سنك ديزدارى مى بك ، طوپچيلر كتيخداى طوپچى
 محمد اغا [۱] آلاى بكيسى ميرزا بك زاده قلندر بك ، كبار زعمادن
 عبدالله پاشا زاده حاجى كريم بك ؛ سپاهى كتيخدا ىرى آيدىن اوغلو .
 قاكلى على اغا ، يكيچرى ضابطى « سردارى » چقال اوغلو حسين اغا ايدى .
 دركاه على چاوشلرندن هيكسلى مصطفى اغا ، قيوچيلرندن الماحى
 محمد اغا ، زعمادن كسك محمد ، سيدى بك زاده مصطفى ، قلندربك
 زاده باقى ، حاجى بك زاده الياس ، مظفر پاشا زاده سفر بكرده مشهور
 ايديلر . اماسيه يى مدافعه ايدنلرك باشلرنده بونلر واردى .
 دلى ذوالفقار اغا ، سوارى و پياده سكر بىكدن زياته معيتيله
 برابر آماسيه اوزرينه يورومش ، قاينار موقعه كلوب چاديرىنى قورمشدى .
 [*] بو محمد اغا ، بوكون اماسيه اشراقى اولان طوپچى زاده لك جداغلا سيدرم .

اماسیه مدافعانریله خیلی محاربه لر ایتدی . سوله شدی . اوچ آی قدر اوغر شوب دوردی . مدافعلری بر دورلو اینادیرامدی . چونکه باشته کی حشراتی شر آدملردی . ۱۰۱۱ سنه سی رجب نك غره سنده دلی ذوالفقار اغا ، کتخداسی سرخوش محمد اغانك ومعیتنك اجاریله اماسیه جه برآ کیرمکه عزم ایدهرک قاینار موقعندن اوردوسنی قالدیروب اماسیه بی هر طرفدن واردی .

اماسیه نك اعین وخلق ، قادین وچوقلرینی قلعه بالایه قالدیردیلر ماللرینی ، تقدلرینی لرله کوموب ، مغاره لره کیزله یوب اماسیه بی فدا کارانه مدافعه ایتمکه قویولدیلر . خیلی اوغراشدیلر . فقط کندیلرندن فضله اولان اشقیایه قارشى عاجز قالدیلر .

۱۰۱۱ سنه سی رجب نك بشنجی کونی اشقیا ، دلی ذوالفقار اغانك ساکن اولدینی « زیاره » طرفدن اماسیه جه برآ کیردیلر . شندکلر یاپار کی اماسیه نك اشاغی بازار طرفنی کاملاً یاقدیلر . اوکلرینه کلن یچاره لری کسدیلر [۱] اماسیه نك ایکنجی دوره تاریخنه نهایت ویردیلر . اماسیه — ایکنجی دوره تاریخنه سنده قیمت ملکیه سندن بر از غایب ایتمش ، بویوک بر ولایت مرکزی ایکن سه جاق اولمش دینه بیلیر . انجاق ولایت حالنده حاوی اولدینی قضالر اعتباریله اسکی شان وشرقی محافظه ایتشدی .

ایکنجی دوره نك تاریخی ، باب عالی و اوقاف اداره سی و ملقا مشیخت اوراق مخزنلرنده مطامه ایدیلن احکام ، مقاطعه و محاسبه دفاتریله محاکم سجلات و تورکیه تاریخلریله شقایق ذیللرندن طویلانان معلوماتک بر خلاصه سیدر .

اماسیه ولایت ایکن شو قضالری شاملدی : طاش آباد ، لادیک ، حوضه ، کوموش ، مرزیفون ، کلکراس ، مجید اوزی ، طانون ، « ذوالنون آباد »، واری ، تورحال ، کلدکلان. شو ناحیهلرده اماسیه نك مشتملاتندن ایدی . اقطاع ، یکینجه ، حقاله ، ارغوما ؛ اینه پازر ، اوز ، اولوس . اماسیه اولدینی برکوندن بری شو قضالر و ناحیهلر کندیسنك بر عضوی ، کندیسندن انفکاککی ممکن اولمایان بر جزؤ خاصی ایدی . بو قضالره اماسیه نك امتیازی ، بو قضالركده اماسیه ایله شرف واعتباری واردی . حوضه و کوپری ، اماسیه نك بر محله سی قدر یاقین ، ایکی کوزی، قدر لازم برر عضو قیمتداریدی . یوزلرجه ییللردن بری بو قضالر اماسیه ایله افتخار ایدزدی .

ایکینچی دوره تاریخیه سنده اماسیه نك عرفانی ، اسکی پارلاقلیغی حائزدی . بلیکه بر از : اها یوکسه لمشدی . مؤید زاده عبدالرحمن ، تاجی زاده جعفر وسعدی ، جمالی زاده علی ، کمال پاشا زاده احمد ، محشی سنان ، سیدی علی زاده عبدالرحمن ، مؤید زاده عبدالقادر شیخی افندیلر کبی تورکلردن امثالی نادر یتیشیر صدور علما و مشایخ اسلام ، اماسیه نك عرفانی پك پارلاق کوسترن رجالیدر .

تورک وزرای عظامنك خاتمه سی صابیلان اعلم علما ، سردفتر فضلا « پیری محمد پاشا » کبی بر صدراعظم ، بالی پك زاده محمد پاشا ، امت چاوش زاده محمد پاشا ، رمضان زاده محمد پك کبی پك دکرلی نشانجیلر ، یکینجه لی زاده اسکندر ، صازی قاضی زاده محمود چلبیلر کبی یوکسك دفتردارلر ، اماسیه نك یتیشیدریکی اذ کیای ملتدر .

هله اماسیه نك شان و شرفی ، فضل و کمالی ترنم ایدن شاعرلری

برنجی دوره کماله فائق دبنه جک قدر چوقدر . بونلردن چشمی ، مهری ، کامی ، جلیلی ، معیدی ، فکری ، خضری ، رمزی ، آتی حیاتی ، ثیابی ، آهی پک معروف ایدیلر .

ایکینچی دوره سنده اماسیه نك عمرانی ، عرفانیله برابر دی . قیا پاشانك جامع ومکتبی ، سیدی علی زاده عثمان افندی نك دارالحدیثی ، عبده افندی نك دارالتوحیدی کبی مؤسسات دینییه و علمیه نك علاوه لری ده واردی . حیفاکه اختلال ارباب نك هجوم و عصیانی خیلی مؤسساتی خراب ویباب ایتدی .

عثمانلی قانون اداره سنك تورکلیکه مدهش ضربه لرایندیره ن بر قاچ ماده سی علمیه نده بوتون انادولوده قالدیریلان اختلال بایراغی ، اماسیه تاریخنده الی ییلاق بر فترت دوغورمشدی . بو فترت ، ایکینچی دوره نك منتهاسیله اوچینچی دوره نك مبتداسی آراسنه کیرمش بر فاصله تاریخیه در .

تاریخی فترت

اماسیه تاریخنك ایکینچی دوره سیله اوچینچی دوره سی آراسنده حاصل اولان بر تذبذب اداره دیمکر . اماسیه سنجاغنده الی ییل دوام ایدن بو تذبذب زماننده اماسیه نك اداره سنه بعضاً عثمانلی دولتی بعضاً ارباب اختلال حاکم اولشلردر .

شایان دقتدرکه زمان فترده ارباب اختلالدن بعضیلرینك اعلان استقلال ایده رک ناملرینه سکه ضرب ایتدیردکری اله کچن فرمانلرده

احکام دفترلرنده مذکور اولدیغی حالده ارباب اختلاک کندی ناملرینه خطبه اوقوتقلری مسکوتدر فترت زماننده آماسیه بی اداره ایدن بکدر شونلردر :

(دلی ذوالفقار بك)

اماسیه نك زیاره محله سی اها لیسندن « بال اوغلو » دیمکله مشهور سپاهی محمد اغا بن بهلولک اوغلودر . اماسیه لی بوداق بك زاده حسین پاشانك کتخداسی و اماسیه متسلمی اولمشدی . حسین پاشانك فلا کتنده منکوب اولقله ارباب اختلاکله قاریشدی . ۱۰۱۱ سنه سی رجب نك بشنده اختلاخلیل طرفندن اماسیه بکی اولدی .

دلی ذوالفقار بك ، غایت ملیتپرور ، فعال ، جسور ، منصف آدمدی . معیتنده بولونان ارباب اختلاک باشبوغلری شونلردی : زعمادن طاهر بك ، سپاهیلردن بوداق اوغلو علی اغا ، چریباشی اوغلو سرخوش محمد اغا ، دونداز اوغلو مصطفی اغا ، شیطان اوغلو ابراهیم اغا ، یاردم اوغلو سفر اغا .

طاهر بك ، کدکلانلی دیمکله مشهور بر آلا ی بکی ایدی بوداق اوغلو علی اغا ، حسین پاشانك برادری اولوب ذوالفقار بك کتخداسی و متسلمی اولمشدی . یوز اون اوچنجی سلحدار بولو کتنده مقید اولوب « ۱۰۱۱ » سنه سی رجب نك اون اوچنده کوموش قصبه سنده کائن حاجی خلیل پاشا مدرسه سی اوقافنه متولی اولدی . [۱] بوکا « علیج بك » دینمشدی .

[۱] قیود اداره سنده وزیر محاسبه عتیق دفترده بویه مقیددر .

یازدم اوغلو سفر اغا ، سفر شاه دیمکه مشهور اولان سپاهیدر .
چرباشی اوغلو محمد اغا ، اوچنجی سلاجدار بولوکنده مقید اولوب
« ۱۰۱۱ » سنه سی رجب تک اون ایکینده اماسیه ده یازید پاشا اوقافنه
متولی اولمشدی . اشاغلرده « سرخوش محمد پاشا » دینلن بکربکی بودر .
بونلره قارشی اماسیه یی مدافعه ایدنلر ، قلعه یه قاپانوب دایامشلردی
قضالرك اعیانلری ایچنده ارباب اختلاله قارشی عثمانلی دولتی التزام وقضالری
مدافعه ایدنلر چوقدی . بونلردن لادیک وویوده سی « قائمقامی » یکی
اوغلو « طیارمصطفی اغا » بن حسین اغا پک مشهور ایدی .

کوپری وویوده سی « طوراق اغا » ده پک مشهور ایدی . کوپری
اعیانندن مفتی اوغللری « احمد ، محمد » اغالره سنان اوغلو « مصطفی
بک » بن علی بک ، مؤذن اوغلو حسن اغا ، کذلاک مصطفی بک
دامادی « ارنود حسین اغا » و برادری « حسن اغا » طوراق اغایه معین
اولمشلردی . کوپری یه مسلط اولان تورکمن صاری (شعبان اغا) یه
قارشی کوپری یی مدافعه ایدیورلردی .

مرزیفون وویوده سی خصم اوغلو « یحیی اغا » بن عمر چلبی و « چایر
کویلو » دیمکه مشهور « احمد اغا » ، حوضه وویوده سی « حسن اغا »
و کوموش وویوده سی « ابوبکر اغا » ارباب اختلاله قارشی وطنلری
مدافعه ایدیورلردی . فقط کرک مدافعه ایدنلر و کرک مسلط اولانلر
تورکلرک بر موقع ویرمک دعواسنده برابر دیلر . مدافعه ایدنلر ارباب
اختلاله قاریشان اشرانک نهب و غارنلرندن وطنلری قورتارمغه
چالیشانلردی .

کوپری سپاهیلردن ارنود حسین اغا [۱] ابتدا طوراق اغا طرفداری اولدینی حالدہ صوکرادن ارباب اختلاله اویوب دی ذولفقار بکک معیتندہ تورککک دعواسنه اشتراک ایتشدی . ارنود حسین اغا ، برنجی سلحدار بولوکنده مقید اولوب « ۱۰۱۱ » سنه سی رجبکک یدیسنده اماسیه ده بویوک حسین اغا اوقافنه متولی اولشدی . [۲]

ارباب اختلالک آرناوود سنن پاشا زاده وزیر محمد پاشایی ، بوشناق خسرو پاشایی وزیر ثالث الحاج ابراهیم پاشایی منہزم وصوقوللو محمد پاشا زاده وزیر حسن پاشایی شهید ایتدکن صوکر قائم مقام صدر عالی آرناوود وزیر حافظ احمد پاشایی قاجیروب اوردولرینی پریشان و آغیرلقرینی یاغما ایتدکاری اوچنجی سلطان محمدلہ غیر تورک وزیرلرینی صارصمشدی .

ارکان دولت ، بو جمعیت اختلالیہ یی برآن اول انحلاله اوغراتماق چارہ سنی دوشوندی . تورککرہ وزارت ، اجتلال باشبوغلرینہ بککر بکیلک ، میرلوالق ویرہ رک ، داغیمایی تجربہ ایتدی . قرمان بککر بکیسی دارندہ لی « نوح پاشا » یہ وزارتله اناطولی والیلکنی ، میراخور زین العابدین اوغلو « نصوح پاشا » یہ سیواس بککر بکیلکنی ووروب کوندردی . ۱۰۱۱

نوح پاشا ، دفتردارلقدن یتشمہ ر تورک ایدی . ۹۲۹ تاریخندن بری بو آنہ قدر تورککرہ وزارتله اناطولی والیلکی ویریلدیکی یوقدی کذلک نصوح پاشا ، خالص تورک ایدی . ارمنی دونملرندن دکلدی .

[۱] صدر اسبق کوپرولو محمد پاشانک پدری اولدیفی قیداً مثبتدر .

[۲] عتیق محاسبہ دفترندہ بویله مقیددر .

غير توركلره اميرخورلقدن وزارت ويريلديكي حالده بوكا وزارت وعديله
سيواس بكار بكليدكي ويريلشدي .

دلى ذوالفقار بك ، اماسيه مدافعلىنه امان ويروب ارباب اختلالك
مقاصدينى آكلاندى . دلى ذوالفقارك سوزلىرى بوتون اعيان لوانى
تسخير ايتدى . هر كس كنديسنه حق ويريور ، برابر چاليشاجقلىرى
تعهد ايدىوردى . دلى ذوالفقار بك « تنويرات ايله بوتون اماسيه
وملحقاقتى ارباب اختلاله رام ايتدى .

شاين دقتدركه اناطولوده مسكون ارباب تيمار وزعامتدن اولان
غير توركلرده ارباب اختلالك دعوالىنه اشتراك ايتملردى . چونكه
وزارت ، صدارت ، سردارلق كې مناصب عاليه بوتون سرايلى غيرتوركلره
منحصر اولديغندن بونلرده او مزيتلردن توركلر كې محروملردى .
اندرون دينيان سراى دولت مكيتبنده انا دولو توركلرى يوق
دكلدى . فقط بونلردن نائل وزارت اولانلر يوقدى . بو توركلرك
نهایت اولاجنى متفرقه باشى ، چاوشباشى ، ايكنجى درجه ده بكار بكي
ايدى . وزارت و صدارت ، عادتاً آرناوودلرله بوشناقلره خاص بر
مسند عالي ايدى .

دارندهلى نوح پاشا ، موفق اولامادى . چونكه اوماديفى وزارت
نائل اولونجه كنديسنه غرور كلدى . توركلره قارشى جبر و شدت
استعمال ايدىدهرك ايشه باشلامشدى . حال بوكه ارباب اختلال ، بوتون
لوالره تعيين ايديلن سنجاق بكارلىنى تنوير ايدىدهرك كندىلىرىنه رام
ايتملردى . بر حمله ده نوح پاشانك جمعيتنى تارومار ايتديلر .
نصوح پاشا ، ارباب اختلالك دامارلىنى ، مقاصدينى پك كوزل

بیلردی . سیواس بکلیسی اولوب کینجه بوتون باشوغلره مقصدلری
آچیق بر صورتده سویلهملری تکلیف و آنلرله مذاکره لر عقد ایتدی .
سیواسدن قاقوب لوالری دوره چیقدی . ۱۰۱۲ سنه سی صفرنده
اماسیه یه کلدی . بوتون قضالرك اعیانی طوپلادی .

اماسیه نك ارباب نفوز و اقتدارندن حاجی و چلبی افندیلرله قاضی
یرام زاده محمود ، کبار مدرسیندن طورسون زاده محمد ، سنان زاده
شیخ یعقوب ، جمعه زاده خضر افندیلرك توسطی سایه سنده « دلی
ذوالفقاربك » عرض انقیاد ایدرلك ترفیعاً قره حصار شرقی بکار بکیاکنه
تعیین ایدیلدی . ارباب اختلالدن « دلی طاهر بك » اماسیه بکی اولدی .
چونکه نصوح پاشا ، حکومت عثمانیه طرفندن ارباب اختلالک
هر دورلو شرائطی قبوله مرخصدی . بو شرائط ، قبول ایدیلنجه
دلی ذوالفقاربك عنادومکاره سنده بر معنی قلمازدی . لادیک ویوده سی
« طیار مصطفی اغا » نك عقل و رویتی ، نطق و شجاعتی نصوح پاشانک
نظر دقتی جلب ایتدیکندن مومی الهی کندیسنه کتخدا نصب ایتدی .

(دلی طاهر بك)

دواتدار احمد پاشا بن حاجی شادکلدی پاشا احفادن اولوب اماسیه
والیسی شهراده سلطان احمدك دامادی نصوح بك زاده سلیمان بكك
برادر زاده سی محمد بكك اوغلودر . ارباب اختلال اراسنده نصوح
اوغلو « دیمکله مشهوردی . اماسیه آلا ی بکیسی ایکن ۱۰۱۲ سنه سی

ربیع الاولنک غره سنده حکومت عثمانیه طرفندن اماسیه بکی اولدی. [۱]
 دلی طاهر بک، جسور، فعال، اصیل بر ذات ایدی. فقط
 اصلتنه بک مغرور ایدی. اختلال حمایه سنده میرلوا اولماسی غرورینی
 بر ازدها آرتیرمش، عادتاً کم آلاز اولمشدی. کلدکلان ناحیه سنده
 جسیم چفتلیکلی و بک چوق عونهمسی واردی.
 فقط دلی ذوالفقار بکک انقادی ارباب اختلالی فنا حالد قیزدر -
 مشدی. اختلال باش قوماندانی قره یازیچی برادری دلی حسن بک،
 قره حصار شرقی ده ایدی. بوتون اختلال باشبوغلرینی ذوالفقار بکک
 علیه دعوت ایتدی. حال بوکه «ذوالفقار بک» قره حصار شرقی ده
 دلی حسنی اقناع ایتک اوزره ملور اولمشدی.

بو ائنده اماسیه قاضیسی محمود افندی، مفتیسی امیر صاحب آج
 علی افندی، نقیب الاشراف قائممقامی السید مصطفی صافی چلبی، شهر
 کتخداسی حاجی پیری چلبی ایدی. اماسیه کتخدایری ارباب
 اختلالدن سرخوش محمد اغا، یکیکچری ضابطی چقال اوغلو حسین
 اغا بک مشهور ایدی.

۱۰۱۲ سنهمی رجبنک ارن سکیزنجی بازارکونی اوچنجی «سلطان
 محمد» وفات ایدوب یرینه بویوک شهزاده سی برنجی «سلطان محمد
 خان» عثمانلی تحتنه جلوس ایتدی. فقط اماسیه ده دلی طاهر بکک

[۱] زعامت دفترنده اماسیه نک ارغوما ناحیه سنده قره کوی نام قره
 و غریده، دورت بیک اوچیوز اقجه تیماری (ذوالفقار محمد اماسیه) اوزرندن
 (ولی اویس اماسیه) به ۱۰۱۲ سنهمی غره ربیع الاولنده توجیه ایدیلدی
 کورولدی. اویس اوغلو ولی اغا، اماسیه سپاهیلرندن ایدی. دلی ذوالفقار
 باشنک ترفیعندن تیماری بوکا توجیه ایدیلدی.

احوال و حرکاتند سلطان احمدك جلوسندن صوگرا بر دكيشكك
حاصل اولدی .

۱۰۱۲ شوالنده بيك درلو اقناعات و تطمينات ايله اختلاجيلرك
باشبوغلری اطاعت ايتمكله دلی حسن بکه وزارتله بوسنه واليلىكى ،
ملاطيهلى قره قاش احمد اغايه روان، تکهلى محمد اغايه تبریز، قلندر اوغلو
محمد اغايه کهنجه بککر بکيلكى ویریلدی . دلی ذوالفقار پاشا مرعش
بککر بکيسى و « حسین پاشا » قره حصار شرقی متصرفی اولدی .

بو سفرده میدان اماسیه بکی دلی طاهر بکه قالدی . طاهر بك ،
بوتون سنجاغك ارباب اختلالی باشه طوپلادی . ۱۰۱۲ سنهسى
ذی الحجه سنده اعلان استقلال ایدرك « سلطان طاهر خان » عنوانی
آلدی . نامه خطبه اوقوتدی . هر طرفه « طاهر خان » عنوانيله
امر لر ، فرمانلر ویرمهك باشلادی .

۱۰۱۳ سنهسى محرمنده اماسیه مفتیسی « امیر علی افندی » ی
فوق العاده تضییق ایلدیکندن فتوادن استمفا ایتمهك محبور اولمشدی .
استانبولده اماسیه فتواسی کوموشلو « مصالح الدین افندی » کبی بر
قاج مدرسه تکلیف ایدیلدیکی حالد هیهچ بری ده قبول وعزیمته
جسارت ایدمه دیکندن بالضروره « علی افندی » ابقا ایدیلدی .

دلی طاهر بك ، سیواسلی قره سعید اغایى الد ابدرك کندیسنه
کتبخدا یاپدی . دوندار اوغلو مصطفى اغایى اختلاجیلره سردار ایدوب
قره حصار شرقی اوزرینه کوندردی . اختلاجیلر قره حصارى باصوب
بالیکسرلى حسین پاشایی قاچیردیلر . شهرى باشدن باشه یاغما ایتدیلر .
چونکه نصوح پاشا ، ۱۰۱۲ سنهسى اوائلنده حلب واليلىکنه

ترفیع ایدیلوب سیواسه یولار قیصدی زاده « احمد پاشا بکتر بکی اولمشدی . نصح پاشا ، اولدجه کندیسینی ارباب اختلاله طایتمشدی حلبه کیدنجه اشقیاینه ایاقلاشلردی .

دلی طاهر بکک حرکات باغیانہ سی استانبوله عکس ایتدکده خداوندکار امارتنه نقل ایدیلهرک اماسیه سنجاغی بکدکنه چانگیری بکی یلدرلی « ابراهیم بک » تعیین اولوندی . دلی طاهر بکی اعدامه مأمور اولدی .

(ابراهیم بک)

سیواسه یاقین یلدریز ایلی قصبه سندن سپاهی محمدک اوغلودور . سپاهی کتخدالغندن زوربالغی سایه سنده چانگیری بکی اولمشدی . اختلالچیلار اسنده بوکا « یلدریزلو ابراهیم » دینمشدی . ۱۰۲۳ سنه سی شعبانک اواسطنده ثانیاً اماسیه بکی اولوب حرکت ایتدی .

سیواس بکتر بکیسی احمد پاشایه کلن فرمانلر شایان دقتدی . بریسی شودر . « روم بکتر بکیسی احمد پاشایه حکم که سابقا اماسیه سنجاغی بکی اولان طاهر مزور امرلر یازوب طغرا چکوب النده مزور امر طوتلدوغی مسموع هایونم اولمغین مزبوری اله کتورب حقندن کلنمه سی امر ایدوب بیوردم که »

ابراهیم بکه کلن فرمانلرده قره حصاره هجوم ایدنلرک آدلری بازیش اولوب شونلردی : دندار مصطفی ، ارنود حسین ، چریباشی محمد ، قیزلباش حسین ، کدوسلی علی ، کوسه محمود ، یاردم اوغلو

سفر شاه ، شیطان اوغلو ابراهیم ، قره قرو عثمان ، حاجی سایمان «
سیواس بکزر بکیسی احمد پاشا اماسیه اوزرینه حرکت ایدوب
ابراهیم بکده چوروم بکی محمد بکله برابر اماسیه اوزرینه یورو مشدی
دلی طاهر بک ، کندیسنه ایدیلان نصیحتی دیکله دی . اماسیه دن بلا
وقوعات چیقوب قاپیسی خلیله بروسه یه دوغرو کیتدی .

ققط ارباب اختلالک مشاهیرندن قره سعید ، اوزون خلیل باشلرنده
اولان جمعیتلریله طاهر بکدن آریلوب سیواسه دوغرو کیتمشلردی .
بو ائنده سابقا چاشنکیئر باشی محمد اغا ، سیواس دفترلری کتخداسی
اولوب اماسیه یه کمتشدی . اشقیادن کیده میوب اماسیه ده قالدی .

ییلدیزی ابراهیم بک ، اماسیه یه شعبان اوآخرنده کلوب والیانه
اماسیه یه کیردی . چوروم بکی محمد بک ، توقادلی السید محمد پاشا ،
سیواس بکزر بکیسی احمد پاشا نزدنده قالمشلردی . قره سعید ایله اوزون
خلیل حربنده «محمد بک» شهیدو (احمد پاشا) مجبور فرار اولوب سیواسه راضیه
قادرین دامادی دیمکله مشهور قیا پاشا زاده . «مصطفی پاشا» تعیین
ایدیلدی . ذی الحجّه ده کلدی .

ابراهیم بک ، اماسیه و اطرافنده اولان اشقیایی باشنه طوپالایوب
دلی طاهر بکی تقلید ایتمکه قالدیشدی . کندیسنه او یان ارباب اختلال
شونلردی :

مراد چاوش اوغلو علی ، حاجی بنو کباشی ، بکزر اوغلو خضر ،
مؤذن اوغلو عالی بالی ، قورد ، ذوالفقار ، سریشمقلی محمد ، مؤذن
اوغلو احمد ، قورمان تریاکی اوغلو مصاحی ، سقا اوغلو حسن ،

پرمقسز احمد ، قره مصطفی اوغلو خلیل ، دانشمند اوغلو محمد و مصطفی و بابزید ، قپوچی موسی

بونلرک ایچنده احمد ، ذوالفقار ، خلیل ، مصطفی پک مدھش آدملردی . بو ائاده کیره سون قصبه سنده مشایخدن « محمد افندی » نامنده بر جاعل اوراده کی نفوزینه استناداً مهدیلک دعواسنه قیام ایتشدی . کندیسنه اوایلر چوقدی . قره حصار شرقیه توقادی « السید محمد پاشا » و طربزون « بالی پاشا » بکلر بکی اولمشلردی .

کذلک طربزون و ملحقانده مرادخان اوغللری مصطفی ، عبدالرحمن و علی بکلر ده تنفذ ایدهرک کیمسه بی طانیاز اولمشلر ، بکلر بکیلره قارشی قومیغه باشلامشلردی . بو سببدن « بالی پاشا » بونلرله پک مشغول ایدی ۱۰۱۴ سنه سی اوائلنده ابراهیم پک ، کندی کستخدا سی « کور یوسف اغا » بی اماسیه متسلمی نصب ایدهرک چانقیری یه کیدوب هر سنجاغه بردن متصرف اولمشدی . کور یوسف اغا ، ابراهیم بکدن زیاده ظالمانه حرکت ایدهرک هر کسی صیغدی رمشدی .

۱۰۱۴ سنه سی ربیع الاخرنده اماسیه مفتیسی « امیر علی افندی » وفات ایلدیکدن یرینه طربزون مفتیسی و خاتونیه مدرسی « شجاع الدین افندی » اماسیه مفتیلکنه و مدرسلکنه تعیین ایدیلدی .

بیچاره شجاع الدین افندی ، طربزوندن قالقوب اماسیه یه کلیرکن اشقیانک تعرضاتنه اوغرادی . نیم جان ایله اماسیه یه کلدی . فقط بر آی صوکرآ وفات ایتدی . یرینه چادی الاخره سنده مفتی تاج الدین افندی زاده « احمد افندی » اماسیه مفتیسی و « السید حیدر افندی » نقیب الاشراف قائم مقامی اولدی .

فقط کور یوسف اغانك حرکات ظالمانه سی ، جلالیلری بربرینه دوشوردی . خلقی ده شکایتلره مجبور اولدی . بوشکایتلر اوزرینه «ابراهیم بك» چاقیریدن اماسیه یه کادی . یوسف اغایی چاقیریی سنجاغنه کندیی طرفندن بك تعیین ایدره رك کوندردی . اننه برده فرمان ملو کانه ویردی . بیلدیزلی ابراهیم بك ، دلی طاهر بکدن داها دلی چیقدی . اماسیه ده اعلان سلطنت و استقلال ایتدیکی حالده کندیسینی طوتان اشقیایه قافا طوتو یوردی . شاهانه اطوار ایله هر کسی دلکیر ایدیوردی . اشقیایو بولا تحمل ایدمه یوب اوچ فرقه اولملاردی .

بر فرقه سی سپاهی کتخداسی مراد چاوش اوغلو «علی اغا» نك ، دیگر فرقه سی کوپرولو مؤذن اوغلو «احمد اغا» نك باشنده طوپلان دیلر . اوچنچی فرقه سی ده ابراهیم بکه اویوب قالدیلر . سردار نصوح پاشا ، بو حاله واقف اولدینی آنده ابراهیم بکی عزل ایدوب یرینه مؤذن اوغلو «احمد اغا» یه اماسیه سنجاغنی بکلکسینی توجیه و ابراهیم بکی تنکیلله مأمور ایتدی .

(احمد بك)

کوپری «کده غره» ده اورتا جامع مؤذنی محمد افندینك اوغلودر . قارداشلی علی بالی ، حسن اعارله برابر سپاهی ایکن ارباب اختلاله اویدی . فقط اختلالك شقاوته انقلابنده حکومت طرفداریی اولوب ۱۰۱۴ سنه سی شعباننده اماسیه بکی اولدی .

کوپرولو احمد بك ، دیگر رؤسایه نسبتله اولدجه عادل ، منصف ، معارفدن بهره دار ایدی . اماسیه اعیانی احمد بك ابراز ایلدیکی فرمانه

اطاعتله ابراهيم بکه يول و يروب احمد بکی قبول ايدهرك ابراهيم بکک
اويغونسزلغنه ميدان و يرمديلر.

اماسيه نك سابق قاضيسي خيرالدين افندی ، آلاي بکيسي صاري
محمد بک ، شهرکتخداسی حاجی پیری چلبی ، قلعه ديزداري مئی بک ،
طوپچیلر کتخداسی طوپچی محمد اغا ، سپاهی کتخدایری علی اغا ،
يکيچری مرداری چقال اوغلو حسین اغا ذی نفوذ آدملردی . حاجی
چلبی افندیلر بونلردن ده اوستوندی .

چونکه بو آنه قدر انادولو اعیانی و تورکلری يالکیز تورکلکی ،
تورك حقوق مدنيه سنی غير تورکلره قارشى مدافعه ايتمک اوزره قیام
ايتملردی . سلطان احمدك جلوسندن صوگرا تورك مقاصد اصلیه سی
قبول ایدیش ، ارکان اختلاله منصبلر ویریلشدی .

بونك اوزرينه اختلاله آرتق ختام ویرمک لازم کليز کن ارباب اختلال
آراسنه قاریشان بر طاقم شریرلر ، اختلالی شقاوته تحویل ايدهرك
انادولوی و دواتی فوق العاده اضرار ایتمکه قويولمشلر ، اشقیا نامی
آملشر ، سیواس بکربکيسي (مصطفى پاشا) یی اولديرمشلردی .

چونکه ایران حکمداری «عباس شاه» جدی شاه اسماعیل قدر
مقتدر آدمدی . آذربایجانی عثمانلی تورکلردن استرداد ايدهرك متصل
انادولویه دوغرو يورويور ، انادولو دره بکلرینی کنديسنه جلب واماله
ايدهرك اجراي نفوذ ایدیوردی .

بو دره بکلرینک اك ديشلیسی آنقره لی قلندر اوغلو محمد پاشا ،
کلیسیلی جانبولاد اوغلو علی پاشا ایله سیواسلی قره سعید بکدی .
بونلرک هر بری بيکلرجه اشقيايه قوماندا ایدیورلردی .

استانبول رجالی مسند غوغاسندن ، تعیین سوداسندن انادولو احوالی لایقيله تقدیر ایده میورلردی . نصح پاشا کبی ضابط ، مقتدر بر وزیر بوزان اشقیا اوزرینه دلی «فرهاد پاشا» کبی بر ابدالی سردار کوندردیلر . دلی پاشا « دها اشقیا ایله هنوز تماس ایدرکن بوزولوب قاجدی .

بوندن جرأت آلان ییلدیزی « ابراهیم بك » باشنه طوپلادیفی اشقیاسیله اماسیه یی اگسزین باصرب « ۱۰۱۵ » سنه سی صفرینك اواخرنده ضبط ایتدی . اماسیه سنجای بکا ویریلدی دیه بر فرمان کوستروب احمد بکی چیقاردی .

(ابراهیم بك)

سابق میلواذر . زوربازوسیله کلوب « ۱۰۱۵ » سنه سی صفرینك یکریمی برنجی کونی اماسیه سنجای بکی اولدیفی اعلان و برقطعه فرمان ابراز ایتدی . اماسیه زادکانی عاقبت حاله انتظاراً انقیاده مجبور اولدی . اون کون صوگرا ، یعنی ربیع الاولنك ایکنجی کونی طرف پادشاهیدن مأموراً بوستانجی باشی «خضر اغا اماسیه کلدی . ذات شاهانهك ایران حربنه کیده جگنی و اماسیه کله جگنی اعلان ایده رك اماسیه سرایی تعمیره ابتدار ایتدی .

برقاج کون صوگراده اوتوزیشنجی بولوکده مقید سپاهی مشاهیرندن شیطان اوغلو «ابراهیم اغا» اماسیه کتخدایری و ایکوز سکسن برنجی بولوکده مقید سپاهی متفندانندن مرادچاوش اوغلو (علی اغا) کده غرم

«کویری»، حوضه و مرزيفون سپاهلرينه كتخدا اولوب كلدى .
 اماسيه آلاى بكيسى سیدی بك زاده علی بك ، مشاهیر زعمادن
 و یكیتلردندی . بونلر ، ابراهیم بكك كوزینی اولدقجه قورقوتاجق
 آدملردی . حضر آغانك ورودی و سلطان احمدك عزیمتی خبری ابراهیم
 بکی فنا سازصدی .

ابراهیم بك ، درحال ترتیب و تقدیم ایتدیکی آغیر هدیه لرله خضر
 اغایه یاناشوب كندیسنك صادق بر دولت بنده سی اولدیغنی عرض
 ایدهرك خضر آغانك توجهاتی قازاندی . بو ائشاده سیواس والیلكنه
 «احمد پاشا» تعیین ایدیلشدی .

بوستانچی باشی خضر آغا ، آلدیغی امر اوزرینه ربیع الاولك صوكلرنده
 استانبوله كیتدی . ابراهیم بك ، اماسیه سنجاغنده موقعی تأمین ایتدكدن
 صوكلرا اسکی حالنه عودت ایدهرك ظلم وجبروتی آرتیردی .

۱۰۱۵ سنه سی جمادی الاولاسنده ابراهیم بك ، کویا سیواس
 بکربکیزی اولدیغنی ادعا ایدهرك ساخته بر فرمان کوستردی . سیواسه
 کیده جکندن بختله متسلم تعیین ایتدیکی كتخداسی باجی «سلیمان آغا» یی
 سیواسه کوندردی .

احمد پاشا ، درحال صورت حالی باب عالی یه یازدی . ۱۱ جمادی الاخره
 تاریخنده آلدیغی فرمان عالیده بونك اصل و اساسی ارلمادیغی و ابراهیم
 بكك عزلیله رینه اماسیه آلاى بكیزی علی بكك تعیین ایدیلدیکی
 بیلدیریلدی .

(علی بك)

خضر پاشا زاده محمد پاشا اولادندن سیدی علی بك زاد احمد بك
اوغلودور. برادرلری «مصطفی پاشا» ایله «قورد محمد بك» در. آلاى بكی
ایكن «۱۰۱۵» سنه سی جمادى الاخره سنك اون برنجی كونی اماسیه
بکی اولدی .

صورت خفیه نه علی بکه ویریلن فرمانده ابراهیم بكك اماسیه دن
سهولته دفعی و ممکن اولدیغی تقدیرده اعدامی امر اولوندیغی حالده
ابراهیم بکه كان فرمانده قره حصار شرقی بکله بکیسی اولدیغی و درحال
عزیمتی بیلدیریلشدی .

علی بك ، فرمانی آلدیغی آنده کیزلیجه کوپری ایمانندن میرلوی
سابق مؤذن زاده احمد بکه مرادچاوش اوغلو علی اغایه خبر اوچوردی
هر ایکسیندن ده جواب موافقت آلدی . چونکه بونلر هم بیلدیزلی
ابراهیم بكك دوشمنلریدی . همده ارباب اقتداردن ایدی .

ابراهیم بك ، فرمانی آلدقده خیلی کونلر دوشوندی . صوکر
اماسیه نك اداره سنی علی بکه ترك ایدر ك حرکت ایتدی . طاش آباه
دوغرو کیتدی . حال بوکه یولار طوتولمشدی .

اماسیه بکی علی بك ، معینه آلدیغی آدملریله ابراهیم بکی تعقیب
ایدوب اماسیه نك شرق بوغازی نهایتنده یتیشدی . ایکی قوت آراسنده
قالان «ابراهیم بك» حرباً طوتولوب اعدام ایدیلدی . معینه دن خیلی آدملر ده
قیریلدی .

ابراهيم بكك اعدامنده خدمتلىرى سبق ايدن احمد بكة قره حصار شرقى سىنجاغى ويريلدى . على اغاده چوروم سىنجاغى بكي اولدى . حد زاتنده بونلرده ابراهيم بكك عيارنده آدملىردى .

۱۰۱۵ سنهسى شعبانك سىكزىنجى كوني صدر اعظم بوسىنەلى « درويش پاشا » مفسىد و غدار اولديغىدن اعدام ايدىلوب روم ايلي سردارى مشهور قويوجى مراد پاشا صدر اعظم اولدى .

بو اثناده قلندر اوغلو « محمد پاشا » معيتنده بولونان اوتوز بش بيك قدر اشقيا ايله صاروخان ومغنىساطرفلرينه دهشتلورييوردي . رمضان آينده اناتولى بكار بكيسى حسين پاشا ، اناتولىدن معزول احمد پاشا ، صاروخان بكي حاجى كريم بك قوتلىله حرب ايدىرك غلبه كلىشى . قوجا نادولو اولكهسى دره بكارى اراسنده باياغى تقسيماته اوغرامشى . هر حالده بو عاصى دره بكارينه مرام آكلاتاجق ، انادولو توركلرينى بونلك اشكنجه لرندن قورتاراجاق قوتلى ، تدبىرلى برارلازمدى . بونك ايچون قويوجى « مراد پاشا » ۱۰۱۶ سنهسى محرمك اواخرنده استانبوله كلوب صفرنده شرق سردارى اولدى .

قويوجى مراد پاشا ، خرواد اولوب غايت شجاع ، مقتدر ، متدين ، تجربه ديده بر قوماندان ايدى . دامادى اماسيهلى قاضى زاده « على پاشا » اولوب كىتخداى صدارتى ، اشقيانك احوال و خصوصاتنه غايت واقف اولان اماسيهلى يولار قيصى اوغلو « عمر اغا » ايدى . قلندر اوغلو محمد پاشايه انقره بكار بكلىكى و بربلىشى . بونك ضدى اولان تكهلى « محمد پاشا » قسطنطينى و سابق باش دفتر دارالتى پوغاچا زاده « احمد پاشا » سيواس بكار بكيسى ايدى . قويوجى مراد

پاشا، ۱۰۱۶ سنه سی ربیع الاولنده اسکداردن قاقوب اک آزلی
 شقی اولان جانبولاد اوغلو علی پاشا اوزرینه حلبه دوغر کیتدی .
 تکملی محمد پاشا ، انقره حوالیسند، اجرای شقاوت ایدن قلندر
 اوغلو اوزرینه مأمور اولمش ، قره سی ، منتشا ، سیواس ایالتی عسکری ده
 معینته ویریلشدی . قلندر اوغلو محمد پاشا ، تکملی محمد پاشایی بوسکور تدیکی
 حالد سر دارک قوت و صلابتندن اورکوب سیواسه دوغر و یورودی .
 قلندر اوغلو محمد پاشا ، اوغرا دیغی یرلری خراب ایده رک « ۱۰۱۶ »
 سنه سی شوالنده « زیله » بی با صدی . یاننده اولان طربزن طویلر یله
 دوکمه باشلادی . زیله ویوده سی چاوشاندن « خیرالدین اغا » بر مرد
 غیور ایدی . مدافعه ایده رک زیله بی قور تاردی . بو ائنده سیواس
 بکدر بکیلمکنه جانیکلی « عثمان پاشا » تعیین اولونوب سرعتله کلدی
 ۱۰۱۶ سنه سی ذی القعدة سنده اماسیه مفتیسی کوسه « احمد
 افندی » استعفا یه مجبور اولدیغندن برقاج مدرسه تکلیف ایدیلان اماسیه
 فتواسنی انجاق سلا نیکللی « ابریز محمود افندی » قبول ایتکله ذی الحجه سنده
 اماسیه مفتیسی و سلطانیه مدرسی اولوب کلدی . حال بوکه اماسیه ده
 فضلادن مؤید زاده پیری چلبی ، خرشه لی ابراهیم افندی ، طورسون
 زاده محمد افندی کی ارلر واردی .
 اماسیه آلا ی بکیسی مراد بک ، سپاهی کتخدا یری « حیدر اغا »
 یکیچری سرداری « قره حسن اغا » ایدی . کبار زعمادن یولار قیصدی
 سنان پاشا زاده اسکندر بک ، کسک مصطفی بک ، یکیچری اعیانندن
 سردار سابق چقال اوغلو حسین اغا ، قازابولوت اوغلو « احمد اغا »
 مشهور ایدی .

قويوجى مرادپاشا ، حلب حواليسنده جانبولاد اوغلو علي پاشانك
وسا تراشقيانك جمعيتلريني تارومار ايدەرك ۱۰۱۷ سنەسى محرم نەمە سنەده
سيواسە دوغرو يورومشدى . ايچ انادولودە اشقيا ، آلا بيلديكنە
شقاوتلر ياپيورلردى . بولردن يتشمە امرادە بولنرە اويملرلردى .
اشقيانك وامرانك احوال و مظالمى آكلاتماق ايچون احكام
دفترلرنە سيواس بىكلر بكيسنە و ملحقاى قاضيلرينە خطاباً يازيلان
« ۱۱ محرم سنە ۱۰۱۷ » تاريخلى فرمان مسوده سى كورولمىكلە بورايە
درج ايدىلدى .

« روم بىكلر بكيسنە و ايالت مزبورەدە واقع اولان قاضيلرە حىكم كە
قسطمونى و كنقرى سىنجاقلرنە ناظر اموال اولان مى چاوش دركە
معلامە مكشوب كوندروب ولايت مزبورەيە بر قاچ سنەدر كە جلالى
اشقياسى ظهور ايدوب اهالى ولايتە و آيندە ورونده و تىجار وزوارە
انواع ظلم و تعديلىرى حىدن بيرون اولدوغدن غيرى اسكلب اهالىلەندن
كملى على و پيرى و ثمرەدن حاجى نام بلوكباشى كندولرينە تابع اشقيا
ايله كاه زوربە صاحبي سىنجاقبىكلرى و كاه بنفسە كندولر كزوب ايالت
مزبورە اهالىلەنك اموال و ارزاقلىرى نەب و غارت و طوارلىرى دىخى
سوروب ولايتلر نەب آلوب كيدوب دائماً حركت و طغيان اوزرە اولوب
بودفعە دىخى چوروم سىنجاغىبىكى اولان قدوة الامراء على دام عزه [۱]
كلوب اهالى ولايتە كلرلرلر باصوب اموال و ارزاقلىرى نىغمە و تالان ايدوب
بو آنە دىكن اهالى ولايتە ايلدوكلرى ظلم و تعديلىرى كوندن كونه
مشد اولمىكلە هر برى يالەكز اولدقلىرى قصبە و نواحى و قرادە احواللىرى
[۱] بو على ، مشهور مراد چاوش اوغلو على بىكلر .

یرلو یرندن حق اوزره تفتیش و تفحص اولنوب شرعه حقلرندن کلنمسنی عرض ایتمکین بیوردمکه ..»

هر طرفده اشقیا و بونلردن یتیشن امرانک احوال و مظالمی بوندن زیاده ایدی اکسیک دکلدی . بوتون انادولو بو دره بکلرک ظلمندن یزار ایدی . هیچ بر طرفده حضور و امنیت ، ویریلن فرمانلرک حکملرینی انفاذ ایدمک قوت یوقدی .

قویوجی مرادپاشا، هر کسک دورت کوزله کوزلدیکی بر خلاصکاردی . سردار مراد پاشانک اشقیا به قارشی کوستردیکی شدتلر ، اشقیانک خله قارشی ارتکاب ایتدکلری ظلم و دهشتلر یاننده ینه خفیف ایدی .

قویوجی مراد پاشانک سیواسه دوغرو یورودیکنی دویان قلندر اوغلو، قره سعید ، کپه نکلی خلیل، کورد حیدر ، توقادلی اغاجدن پیری و امثالی حرامزاده لر یکریمی بیک اشقیا ایله گوکسون یایلاغنده سرداری قارشیلادیلر .

سردار مراد پاشا ، بویوک بر اعتدال و متانت ابراز ایدمک اشقیانک جمعیتلرینی پریشان و راست کلدیکی یرده اشقیایی قهر و یدمیر ایتدی . اشقیایی قویولر فازدیروب چوقورلره کومرددی . بو صورتله انقره ولایتی دارایوب تمیزله یوردی .

انجاق کوکسون یایلاغی محاربه سنده بوزولوب قاچان قره سعید ، معیتنده اولان اون بیگدن زیاده اشقیا ایله اماسیه قلعه سنی الده ایدمک تحصن ایتک ایسته دی . قلندر اوغلو محمد پاشاده باشنده کی حشر ایتله قره حصار شرقی قلعه سنه تحصن ایتمکه قوشدی .

۱۰۱۷ نه سی ربیع الاخرنده قره سعید ، اماسیه نی هر طرفدن

صاردی . ضربن طوپلرله دو کیمکه باشلادی . فقط اماسیه اعیانی اولان میرلوا علی ، الای بکی مراد ، قلعه دیزداری می ، زعمادن مصطفی واسکندر بکله سپاهیلردن طوپچی محمد ، جبه جی اوغلو محمد ، کوسه محمد ، حیدر ، ولی و یکیچریلردن چقال اوغلو حسین ، قره حسن ، لادیکیلی قورد ، قارا بولوط اوغلو احمد اغالر و سائر افندیلر فوق العاده مدافعه ایتدیلر .

اماسیه لیلرک فداکارانه غیرتی ، سیواسلی قره سعیدی و معیتنده کی اشقیایی عادتاً چیلدیر تیوردی . چونکه کندیلرینی تعقیب ایدن سردار مراد پاشا ، چورومه کلوب چادر قورم شدی . سردارک شدته و پاشالرک قوتلرینه قارشى قویاجق متین بریردن محروم اولویورلردی . قره سعید ، اماسیه یی ضبط و تحصن ایتمکدن مأیوس اولارق « ۱۰۱۷ » سنه سی جمادی الاولاسنک لوائلنده اماسیه حوالیسنده اجرای شقاوته قویولدی . مظالم و خساراتک انواعی یاپیور ، هر طرفی خراب ایدیوردی .

انجاق اماسیه قاضیسی « مصطفی افندی » ازباب حمیتله برابر اولوب مدافعه یه اقدام ایتدیکی حالده اماسیه مفتیسی « محمود افندی » دنائت طبع وجهلنه بناءً اماسیه یی قره سعیده تسلیم ایچون اوغراشوب بر طاقم ساده دلانی اغفال ایلدیکندن « ۱۰۱۷ » جمادی الاولاسنده عزل ایدیلوب « کوسه احمد افندی » ایکنجی دفعه اماسیه مفتیسی و سلطانیه مدرسی اولدی . سردار مراد پاشا ، چوروم اوواسنده قالدیغی مدت ظرفنده او طرفلرده اجرای شقاوت ایدن چوروم بکی مراد چاوش اوغلو علی ، بکشهری بکی امیر شاه بککری واسکلب اشقیاسنی اعدام ایده رک قالقوب .

جمادی الاولاسنک یکر میسندہ سیواسہ کلدی .

اوچ کون قدر اکلہ نوب حلب بکر بکیسی « حسین پاشا » یی
سر عسکر نصب و معیتنه سیواس بکر بکیسی جانیکی عثمان پاشا ، ملاطیه
متصرفی قره قاش احمد پاشا ، قسطنیونی بکر بکیسی تیکه لی محمد پاشا و کفهدن
معزول محمد پاشا قوتلرینی ترفیق ایده رک قره سعید اوزرینه کوندردی .
کندیسی ده قلندر اوغلو اوزرینه کیتدی .

حسین پاشا ، اماسیه سنجاغنه کیردیکی آنده اماسیه مدافع لری
کندیسنه التحاق ایلدیکندن قوتلرینی ایکی قوله آیردی . جانیکی عثمان
پاشا قولنی شرقة مأمور ایتدی کندیسی غربه دوغرو یوردی بوتون
اشقیا پاشا لارک اوکارندن قاچوب قره سعیده التحاق ایدیورلردی .

حسین پاشا ، اماسیه سنجاغنی کوزل بردار اماحر کتیلہ بوتون اشقیانی
مرزیفون اوواسنه طوپلادی . جانیکی عثمان پاشا قولی لادیکدن قلقوب
مرزیفون اوواسنه کلدیکی کبی حسین پاشا قولی ده کوموش حوالیسنه
کلوب قره سعیدی بوراده بولدی .

مرزیفون اوواسنده ایکی قوت چارپیشدی . اوچ کون دوام
ایدن قانلی محاربه ده قره سعید فنا حالده بوزولدی . بیکلر جه اشقیا قیلیچدن
کچدی . قیلیچدن آرتا قالان بیک قدر اشقیا ایله قره سعید جانلرینی
کوج قورتاروب شرقة دوغرو قاچدیلر . پاشا لارده تعقیب ایتدیلر .

بو محاربه ده فدا کارانه چالیشانلر ، بویوک مکافاتلره ایردیلر .
بونلردن چقال اوغلو حسین اغا [۱] لادیکلی قورد اغا ، [۲] سپاهی
[۱] حسین اغا ، یکچیری اوچاغنده قول کتخدالغنه قدر ترق ایدوب
صوکر اسد باباشی اولمشدی .

[۲] قورد اغا ، اوچاغده ترق ایده رک قول کتخداسی اولدی . ۱۰۲۳

حیدر اغا سردار مراد پاشانك نظر دقت و توجهنی قازانقلری جهته معیتنه قبول ایدیلدیلر . برابر استانبوله کیتدیلر .

منهزم اولان قلندر اوغلیله قره سعید اشقیاسنی تعقیب ایدن سردار مراد پاشا، ۱۰۱۷ جمادی الاخره سنك اونجی کونی بایسورد جوارنده سنور اوواسنه ایندی .

سردار مراد پاشا ، طربزون ایالتنه مستولی اولان مراد خانلو دیمکله مشهور علی ، مصطفی پاشالره عبدالرحمن بك نامنده اوچ برادری برر طریق ایله اله کچروب اعدام ایدهرک . طربزون ایالتی ده تمیزله دی . سردار اعظم مراد پاشا ، ۱۰۱۷ سنه سی رجینك اونجی کونی سنور اوواسندن قالقوب اون دردنجی کونی توقاده کلدی . بوراده ایکی کون قالوب اون یدنجی کونی حرکتمله یکرمنجی کونی معظم بر احتفال ایچنده اماسیه کیردی . اماسیه سنجاغنی سنان پاشا زاده محمد پاشایه توجیه ایدهرک تاریخی فتره ختام ویردی . فسبحان من لایزول ملکه لاله الا هو العلی الحکیم

اونجی جلدك صوکی

سنه سی ذی الحجه سنده مقاعد اونوب عازم حجاز اولارق « ۱۰۲۴ » ذی الحجه سنده عودتده وفات ایتدی . صدر اسبق بیرام پاشانك باباسیدر « احکام دفتری »

خطا	صحیفه	صواب	سطر
طرافداری	۱۵	طرفداری	۱۲
من الملک	۱۹	من الملک نوط	۳
مین الدین	۲۲	معین الدین	۶
تعمین	۳۲	تعیین	۳
نوبن	۳۲	نوبن	۱۲
قلانه	۳۲	قلاونه	۱۴
البترن	۳۲	الترك نوط	۷
یایلیردی	۳۳	یازیلیردی	۳
حسنی	۳۴	حسن	۳
شدت	۳۵	شدن	۲
محبسندن	۳۷	محبسندن	۱

«بومصاهر تله هم تولى بكي كندیسنه ربط ، همده محمد بکك كندیسنه خلف

اولماسنی اولاجاق»	۳۸	سطر ۱
سعاتلرینه	۴۳	سعادتلرینه
محمد	۴۹	محمد
قووتارماسنی	۵۰	قورتارماسنی
قورتارماق	۵۳	قورتارماق
تعتیر	۹۵	تعییر نوط
اتفاق	۹۹	اتفاق
دولتاالعبد	۱۱۰	دولةالعبد
طورسون	۱۳۱	طوسون
تعییندی	۱۳۶	تعیینده
جنید	۱۴۳	جنید

خطا	صحیفه	صواب	سطر
شیخ	۱۴۸	شیخ	۱۰
اورته	۱۴۹	ادرته	۲
وبضاً	۱۵۵	وبعضاً نوط	۱
مدب	۱۶۰	مدت	۴
شهاب الدیک	۱۶۴	شهاب الدین	۱۰
قدرة	۱۶۷	قدوة	۱۹
تعیین	۱۷۰	تعییه	۲۰
معلم	۱۷۹	معلم	۱۲
زین الدین	۱۹۲	زین العابدین	۱۰
مؤبد	۱۹۳	مؤید	۱۲
باشی	۱۹۹	باشی	۲
قبل	۱۹۹	قتل	۵
اکسزینی	۲۰۱	اکسزین	۷
ویریدیلزدی	۲۰۱	ویریلزدی	۹
مریفونه	۲۰۳	مرزیفونه	۲۲
مزارنده	۲۰۸	مزارنده	۲
خضر	۲۰۹	خضر	۶
فرائد	۲۰۹	فرید	۱۸
بچکری	۲۱۸	یکیکچری	۸
عطر	۲۲۳	عصر	۲۰
ارنهیه	۲۲۵	ادرتهیه	۱
ناجی	۲۳۱	تاجی	۱۳

خطا	صفحه	صواب	سطر
ریاده	۲۳۲	زیاده	۳
ولان	۲۴۳	اولان	۱۶
شبنخ	۲۴۳	شیخ	۱
دلوائ	۲۵۰	لوائ	۱۹
شد	۲۵۰	شده	۲۰
تحفه	۲۵۱	تحفه	۹
دفتردار امینی	۲۵۶	دفترامینی	۳
ارمنی	۲۶۵	ارمنیدی	۲
یر	۲۶۵	بر	۱۱
بو دوره دده	۲۶۵	بودوره ده	۱۳
ایده وب	۲۶۷	ایدوب	۴
بیعت	۲۶۷	بیعت	۵
احمد چلی بن یوسف چلی ۲۷۲ عباره سنی			
تعقیماً « ومفتیلکه یکان زاده » رکن الدین افندی « بن محمد چلی » عباره سنی			
اولا جاقدر .			
بی امان	۲۹۸	بی امان	۱۸
سنه می	۳۰۲	سنه می	۴
صاروخان	۳۰۲	صاروخاندن نوط	۳
هکیسلی	۳۵۲	هلیکیسلی	۱۶
برنجی سلطان محمد	۳۶۱	برنجی سلطان احمد	۱۷
مصلحی	۳۶۴	مصلی	۲۱
حاجی چلی	۳۶۷	حاجی و چلی	۶
تعیین	۳۶۸	تعیین	۱
زادکانی	۳۶۸	ارکانی	۱۳

صحیفہ	اوچنجی جلدك فہرستی
۴	۷۳۶ دہ اماسیہ اعیانی و آذرینر
۷	اماسیہ حوالیسندہ کی بکھر
۱۳	جنکیز اولادندن آریاء، موسیٰ، محمد خانلرک سلطنتی و احوالی و بارامبای
۱۶	تیمور طاش اوغلرینک خروجی
۱۷	طور و مطای اوغلو یعقوبشاہک اماسیہ امارتی
۱۹	اماسیہ دہ کورت اوغلری
۲۳	آلتوباش سلجوقینک ایکنجی سلطنتی
۲۷	طوغانشاہک امارتی
۳۰	ہابل اوغلوتولی بکک اماسیہ امارتی و سلطان ارتناخان و غلبہ سی
۳۵	یعقوبشاہ ایلہ حسن بکک قتل و اخناق علی شاہک وزارتی
۳۸	حاجی قوتلو شاہک امارتی و اماسیہ اعیانی
۴۲	سلطان ارتناک و فاتی و محمد بکک امارتی
۴۴	احمد شاہک اماسیہ امارتی
۴۹	ارتنازادہ جعفر بکک امارتی
۵۰	حاجی قوتلو شاہک قرامانلیلرلہ حرب و غلبہ سی و قونیہ بی ضبطی
۵۲	التونباشک اوچنجی سلطنتی
۵۴	خلفت اوغلو سلیمان بکک اماسیہ امارتی و التونباشک خلجی
۵۵	حاجی قوتلو شاہک امیر الامرالی و قونیہ بی ایکنجی دفعہ ضبطی
۵۷	التونباشک و فاتی و اولادی و محمد بکک امارتی
۵۹	احمد شاہک ایکنجی دفعہ اماسیہ امارتی

- ۶۱ حاجی شادکادی پاشانك اماسیه امارتی
- ۶۲ حاجی قوتلو شاهك قونییه بی ضبطی و اعلان استقلالی
- ۶۴ حاجی قوتلو شاهك و مخدومی احمد شاهك مقتولیتی
- ۶۵ سنقور پاشانك انقره بی ضبطی بختیار بكك اماسیه یتیمخانی
- ۶۶ خلفت زاده علی بكك اماسیه امارتی وقاینار و قهقهه سی
- ۶۷ حاجی شادکادی پاشانك غلبه سی و بعض اعیانك و علی بكك فراری
- ۷۳ اماسیه لی حواجه علی شاهك مقتولیتی. و مخدومی ابراهیم بكك سیواسدن عزلی
- ۷۶ ارتنازاده محمد بكك مقتولیتی و اوغللری و جمال الدین محمد اقسرایینك اماسیه ده قاضی عسکرلکی و اماسیه علماسی
- ۷۸ حاجی ابراهیم بكك سیواس امارتی
- ۷۹ خلفت زاده علی بكك انقره دن عودتی
- ۸۰ حقاله ده مدفون سید یحیانك وفاتی
- ۸۱ سیدی حسام
- ۸۳ التونباش اوغلو مسعود شاهك وفاتی و اوغللری
- ۸۴ امیر شیخ نجیبك توقاد و حسن بكك قیصریه امارتی و بارامبایلر
- ۸۷ حاجی ابراهیم بكك قاضی برهانك اماسیه و رودی و قاضی برهانك قیصریه امارتی
- ۸۹ حواجه یاقوتك قیصریه امارتی و قاضی برهان ایله علی بكك حبسی
- ۹۰ حاجی ابراهیم و حسن بكك مقتولیتی و علی بكك امارتیه قاضی برهانك وزارت

- ۹۲ علی بک قاضی برهان و سیدی حسام ایله اماسیه و رودی
واماسیه قلعه سنک محاصره سی
- ۹۴ علی بک اماسیه یه هجوم و وفاتی
- ۹۶ قیلیج آرسلان بک سیواس امارتی و اماسیه امیر یله حرب وانهزامی
- ۹۹ قاضی برهانک غدریله قیلیج آرسلانک مقتولیتی و قاضی
برهانک سیواس امارتی
- ۱۰۴ اماسیه امیری حاجی شادکلدینک سیواسه هجوم وعودتی و حاجی
شادکلدی ایله قاضی برهانک حربی
- ۱۰۹ حاجی شادکلدی پاشانک مقتولیتی و ترجمه سی و مؤلفک مساعی
فوق العاده سیله میدانه چیقاریلان اماسیه حکومت مستقره سی
- ۱۱۸ دواتدار احمد بک اماسیه امارتی
- ۱۲۱ اماسیه اعیانندن بعضیلرینک اطراف بلادده عزیمتی
- ۱۲۲ قاضی برهانک اتلافنه دائر مذاکرات
- ۱۲۴ احمد بک قاضی برهان ایله حربی و جانددار اوغلو اسفندیار بک
اماسیه و رودی
- ۱۲۸ دواتدار احمد بک برنجی سلطان مراددن حمایه طلبی
واسفندیار بک اماسیه دن کیتمه سی
- ۱۳۰ اماسیه فضالاسی و اماسیه امیری حقند بر وثیقه
- ۱۳۱ جانددار اوغلو اسفندیار بک اماسیه یه ایکسجی دفعه کلشی
- و پدری بایزید بک و فاتیله کیدیشی
- ۱۳۳ بختار اوغلو قره دولتشاهک تورحالی ضبطی و سائر

- ۱۳۵ ییلدیریم بایزیدک اماسیه و رودیله اماسیه امارتنک عثمانلی
حکومتیه التحاق و اثباتی
- ۱۴۱ اونجی فصل و برنجی دوره
- ۱۴۲ ییلدیریم سلطان بایزیدک اماسیه امارتی
- ۱۴۳ ارتنازاده جعفر بکک حیات و وقفی
- ۱۴۵ دواتدار احمد پاشانک اماسیه والیلیکی
- ۱۴۶ ارتنازاده جعفر بکک وفاتی و ارتنازاده لرو سلطان مرادک شهادتیه
ییلدیریم سلطانک سلطنتی
- ۱۴۷ شهزاده سلطان ابراهیمک روسهده سلطنتی
- ۱۴۸ دواتدار احمد پاشانک قاضی برهان ایلیچینسی حبس ایتدیکی
- ۱۴۹ سلطان ابراهیم و سلیمان پاشانک مقتولیتی
- ۱۵۰ قاضی برهانک اماسیه یی محاصره سی و ییلدیریم سلطانک اماسیه یه
ایکنجی دفعه و رودی
- ۱۵۲ دواتدار احمد پاشانک وفاتی و برادر یی مصطفی بکک اماسیه امارتی
- ۱۵۴ قاضی برهانک تکرار اماسیه حوالیسنه تجاوزی و دفعی
- ۱۵۵ کوموشلوزاده پیر الیاسک اماسیه مقتیلدی و عثمان پاشانک وفاتی
و قاضی برهانک مقتولیتی
- ۱۵۶ اماسیه لی قوتلو پاشانک سیواس والیلیکی
- ۱۵۷ چلبی سلطان محمدک اماسیه و شهزاده سلیمانک سیواس والیلیکی
- ۱۶۱ تیمورک سیواسی تخریب ایتدیکی و چلبی سلطانک حربیه کیتمه سی
- ۱۶۲ یاقوت پاشانایله قره دولت شاهک اماسیه امارتی و سائر
- ۱۶۴ اماسیه اعیاننک اتفاقی

- ۱۶۵ تیمورزاده قره محمد سلطانك و عبدالحيارك اماسيه و رودی
و علمانك امتحانی
- ۱۶۷ ايكنجی شاد كلدی بكك اماسيه امارتی
- ۱۶۸ پیر الياسك شروانه اعزامی
- ۱۶۹ چلبی سلطانك اماسيه لیلر طرفدن دعوتی و اماسيه یه
وروديله قره دولت شاهك اعدامی
- ۱۷۲ چلبی سلطانك اعلان سلطنتی
- ۱۷۵ ایصال و كوزلر اوغلل یئك تنكیلی و تیمورك چلبی سلطانی
دعوتی و علی پاشانك وزارتی
- ۱۸۱ اماسيه لی یاقوت پاشانك وزارتی و مزید بكك عفوی
- ۱۸۳ اماسيه قاضیسی الحاج محمود چلبینك وفاتی و پیر الياسك
شرواندن عودتی و یاقوت پاشا زاویه سی
- ۱۸۵ صاری قاضی محمود افندینك اماسيه قاضیلغی و شیخ شادینك وفاتی
- ۱۸۷ پیر الياسك وفاتی و شهزاده موسی بكك سلطنتی و اماسيه لی
شاه ملك پاشانك وزارتی
- ۱۸۸ یاقوت پاشانك وفاتی و حاجی خلیل پاشانك وزارتی
- ۱۹۰ چلبی سلطان محمدك ادرنه نی اشغالی و یوركچ پاشانك اماسيه و الياسك
مزید بكك سیواس امارتی
- ۱۹۳ اماسيه ده زلزله مده شه و سلطان مرادك اماسيه و الياسك
- ۱۹۵ اماسيه لی بایزید پاشانك صدارتی و ملك غازی اسماعیل بكك وفاتی
- ۱۹۷ حمزه پاشانك اماسيه و الياسك

یورکچ پاشانک ایکنجی دفعه اماسیه والیایکی و اشقیا سرکرده لرینک اتلاقی	۱۹۸
روم ایلی و جانیک وقعه لری و یورکچ پاشانک وزارتی و اماسیه قاضیسی مصاح زاده محمد شاهک وفاقی	۲۰۱
عصیت ملیه وقعه سی و یورکچ پاشانک دوری	۲۰۳
قزاقوینو نو میرزا اسکندرک اماسیه یه ورودی و اخراجی	۲۰۵
شهنزاده سلطان احمدک اماسیه والیایکی و وفاقی	۲۰۶
فاتح سلطان محمدک اماسیه والیایکی و پیریغورتچی ده ده نک وفاقی	۲۰۸
شهنزاده علاءالدین بکک اماسیه والیایکی و شهنزاده لرله برابر اختناق و هنده فراری حکایه سی	۲۱۱
شاهین پاشا زاده محمد پاشانک اماسیه والیایکی	۲۱۳
سلطان مرادک انحلاعیله سلطان محمدک جلوسی و سائره	۲۱۴
سلطان مرادک تکرار جلوسی و واده محاربه سی	۲۱۶
اغا خضر پاشانک اماسیه والیایکی و هؤید افندیکنک وفاقی	۲۱۸
سلطان مرادک وفاقی و سلطان محمدک ثانیاً جلوسی	۲۲۰
سلطان بایزید ثانیکنک اماسیه والیایکی و کمال پاشا زاده نک اماسیه یی مدح و تناسی	۲۲۲
سلطان بایزیدک اماسیه ده ارکانی و سلامت خاتونک زاویه سی	۲۲۴
والسید صدرالدین محمد خراسانی و عبدالرحیم مرزیفونی و مفتی خلیل افندیلرک وفاقی	
جاندارلی زاده ابراهیم پاشانک اماسیه قاضیلکی شهنزاده سلطان عبداللهک طربزون والیایکی	۲۲۶

- ۲۲۷ اوزون حسنك توقادی اورماسی وکمال پاشانك وفاتی
- ۲۲۸ دفتر دار سعدی چلبینك وفاتی وحاجی نوروز بکك دفتر دارانی
- ۲۲۹ جاندارلی زاده ابراهیم پاشانك عزلی وفناری زاده احمد پاشانك
نصبی وحاجی حمزه بکك مسجد ومکتبی وسائرہ
- ۲۳۱ اماسیه وقعه سی ومحمود پاشانك اعدامی وتبدل ارکان
- ۲۳۲ حمزه بک زاده مصطفی پاشانك وزارتی وخطیب قاسمك معلمکی
- ۲۳۳ سلطان بایزیدك جلوسی وشهزاده سی سلطان احمدك اماسیه والیسی
- ۲۳۴ اماسیه لی اسحاق پاشانك صدارتی وخواجه سلیمانك وفاتی
- ۲۳۵ عبدالله پاشانك سلطان احمد لالانی ومؤید زاده علی افندیك
وفاتی وجمالی زاده علی افندیك اماسیه مفتیلکی
- ۲۳۶ کوموشلوزاده پیر خیرالدین خضر چلبینك وفاتی وسطان
بایزید جامعك اکیلی وسائرہ
- ۲۳۷ بعض اعیانك وفاتی وشهزاده لک سنت دوکونی وقعه سی
وتبدل ارکان
- ۲۳۹ قاسم عذارینك اماسیه مفتیلکی وعزلی
- ۲۴۰ معلم سلطانی پیر امام اوغلو یعقوب افندیك وفاتی وعبدی
افندیك اماسیه مفتیلکی
- ۲۴۱ کوموشلوزاده پیر عبد الرحمن ومحمد چلی خلیفه نك وفاتی وسائرہ
- ۲۴۲ اماسیه ده نقیب الاشراف قائم مقاملنك بدایت حدوئی وقوجه
امیر افندیك نقابتی
- ۲۴۳ خضر پاشا زاده محمد پاشانك وفاتیه تاج الدین پاشانك وزارتی
ونشانی احمد جامی چلی

- ۲۴۴ قاضی ابوالسعود افندینک عزلیله مصالح زاده عبدالرحمن افندینک
اماسیه قاضیلکی
- ۲۴۵ تاج الدین پاشانک کفیه اعزامی و قاسم پاشانک وزارتی
ومیر غیاث الدینک ورودی
- ۲۴۶ عبدی و آفتابی افندیلرک وفاتی
- ۲۴۷ قاسم پاشانک طرزونه فراری و سنان پاشانک وزارتی
- ۲۴۸ معمر سلطانی محمود و شالحی احمد افندیلرک وفاتی و خطیب
زاده نیک معلماکی و منیری افندینک شالحیانی
- ۲۴۹ شیخ شادیلو محیی الدین افندینک عزل و اخراجی و شهرزاده لرنک
سنت دو کوئی
- ۲۵۲ شاه اسماعیلک ارزنجانی استیلاسی و وفاتی چلبینک اعدامی
- ۲۵۴ مؤبد زاده احمد افندینک اماسیه قاضیلکی و عجم سنان افندینک
وفاتیله قوجه امیر اراهم افندینک اماسیه مقتیلکی
- ۲۵۵ اماسیه ده بدیلر
- ۲۵۶ شهرزاده سلطان احمدک ارکانی و سزیرله شیعه نیک غوغامی
- ۲۵۹ سلطان احمدک شاه قولی به مغلوب اولدیی
- ۲۶۰ سنان پاشا ایله بالی بکک و بلبل خانونک حمام و جامعلری وقفی
- ۲۶۱ عتیق علی پاشانک شاه قولی به حرب و انهرامی و اماسیه ده وفاتی
- ۲۶۲ شهرزاده سلطان مرادک اماسیه والیلکی و ذوالنون خلیفه نیک
اماسیه بی استیلاسی
- ۲۶۴ ذوالنون شاهک اماسیه امارتی
- ۲۶۵ ایکنجی دوره تاریخی

- ۲۶۷ یحییٰ بك زاده احمد پاشانك اماميه بی استخلاصی
- ۲۶۸ مصطفى پاشانك اماميه واليلىكى
- ۲۶۹ سلطان احمدك اماميه بی استيلا و اعلان سلطنتی
- ۲۷۱ سلطان احمدك اسارت و اخناق و شادی پاشانك اماميه واليلىكى
- ۲۷۲ بكان زاده ترك و قناری زاده زين الدين افنديك اماميه
- دأمریتدی و تحقیقاتی
- ۲۷۳ كوشا زاده پیر محبی الدين افنديك استانبوله اعزام
- و حبسی و خارق اعاده بر حالك حكایه سی و سائرہ
- ۲۷۵ سلطان سليمك اماميه ورودی و پیری پاشانك وزارتی
- و قعه سی دوقه كین زاده احمد پاشانك اعدامی
- ۲۷۷ ناجی زاده جعفر افنديك و اسكندراغانك اعدامی و شادی
- پاشانك عزل و حبسی و محمد پاشانك اماميه واليلىكى
- ۲۷۹ محمد پاشانك مصر حربنه كيتديكى و جلاليدك اماميه بحرمی
- ۲۸۱ شاد پاشانك ايكنجی دفعه اماميه واليلىكى و ميرغياث الدين ايله
- كنجه لی ابراهيمك و اوچلردن عيشانك اعداملى
- ۲۸۳ شهزاده سلطان مرادك ايراندن عودتی و اعلان سلطنتی و اعدامی
- ۲۸۴ سلطان مرادك بر حیات اولديغنه دائر بروشقه مهمه و تدقيقات
- ۲۸۶ اماميه بك مركز لواء اولماسی و اوزون رستم بكك امارتی
- ۲۸۸ يکینچری اوچاغنه دائر معلومات مختصره
- ۲۸۹ سنان پاشانك اماميه متصرفانى و اماميه ضربخانه سی و سائرہ
- ۲۹۱ بورکچ زاده محمد و سنان بكك اماميه امارتی و اوچ باش
- افنديك اماميه مفتيدكى و آق بيلىك

کمال پاشا زاده قوچی بکک اماسیه بککلی وشهادتی	۲۹۳
قیزیل احمدلی عبداه بکک امارت وشهادتی ومصلح الدین افندینک	۲۹۵
مفتیلکی	
ولی، ابراهیم، سیدی بککک اماسیه امارتی و ذوالنون اوغلو خلیلک	۲۹۶
استیصالی و دلی پروانه بکک امارت و شهادتی وقعه سی	
حاجی بک زاده ولی پاشانک اماسیه متصرفلغی وسیرک محیی الدین	۳۰۰
افندینک مفتیلکی وسیدی پاشا	
شهزاده سلطان مصطفی نک اماسیه والیسکی واماسیه اعیانی	۳۰۲
سیدی احمد پاشانک وفاقی و ولی پاشانک محافظلغی ومؤید زاده	۳۰۴
عبدالحی افندینک وفاقی	
شهره کوسدی سنان افندینک عزل وانزوایی وسائر	۳۰۵
مفتی کوپر یحک زاده و ولی پاشانک وفاقی وجعفر پاشانک محافظلغی	۳۰۶
منلا جرجانک اماسیه مفتیلکی وجعفر پاشانک عزلی وقعه سی	۳۰۷
شهزاده سلطان مصطفی واحمد پاشا و امیر اخورک اعداملری	۳۱۰
رمضان زاده محمد بکک اماسیه بککلی وسالطان سلیمانک اماسیه	۳۱۱
وروزی قیا بکک اماسیه بککلی	۳۱۳
فزاری زاده محمود و فرخ بککک اماسیه امارت وحقاله لی	۳۱۴
محیی الدین افندینک وفاقی	
شهزاده سلطان بایزیدک اماسیه والیسکی وارکانی ومنلا جرجان	۳۱۶
ایله ایجادی افندیلرک استانبوله ارسالی و حبسلری	
شهزاده بایزیدک سلطان سلیم ایله محاربه سی و مغلوبیتی	۳۱۹
سنان پاشانک اماسیه محافظلغی ومحمد واحمد بککک امارتلری	۳۲۰

- ۳۲۳ شهزاده سلطان مرادك اماسيه واليكي
- ۳۲۴ الياس وقاسم بكرك اماسيه امارتي وجمعه افنديك وفاقي
- ۳۲۵ شمسوار بكك اماسيه امارتي وشيخ نوح افنديك وفاقي
- ۳۲۶ قياپاشانك متصرفلي وزين العباد ومفسر احمد افنديك وفاقي
- ۳۲۷ بالي وارسلان بكرك امارتي واياس افنديك مفتيكي
- ۲۲۸ كلكلان حمامك بناسي ومحمد وشامي بكرك امارتي
- ۳۳۲ توركلرله غير توركلرك ايلك مصادمه سي
- ۳۳۳ ايجادي زاده محيي الدين افنديك تحقيقاتي واحمد بكك امارتي
- ۳۳۴ سوخته محمود ايله سوخته لرك قيامي ويكيچري مصطفىانك
اخذ وكرفتني فرماني
- ۳۳۶ بوداق زاده حسين بكك امارتي وزلزله مدهشه وقيامت حادثه سي
- ۳۳۷ شيخ عبدالله افنديك وفاقي وقوچي بكك امارتي
- ۳۳۸ دلي ابراهيم پاشانك معرفتي وراماز احمدك عصيان
- ۳۳۹ اماسيه ضربخانه سنده قلمزنلك واليقي واشقيا ظهوري
- ۳۴۰ حسين پاشانك اماسيه متصرفلي واناطول مفتشاي و ذوالفقار اغا
- ۳۴۶ بيلدزلي ابراهيم بكك امارتي وحسين پاشانك و ذوالفقار اغانك
- عزل و حبسي و انادولو توركلرينك قيام واختلالی اسبابي
- ۳۴۸ قره يازمجي عبدالحليمك اماسيه امارت و سلطنتي
- ۳۴۹ راماز احمد بكك اماسيه امارتي وسائر
- ۲۵۱ عبدالحليمك افناسي و ذوالفقار بكك اماسيه امارتي
- ۳۵۲ اماسيه مدافع لري و ذوالفقارك اماسيه جبراً دخولي

ایکسچی دورده اماسیه	۳۵۳
تاریخی فترت و ذوالفقار بکک امارتی	۳۵۵
قضالک اعیانی و نصوح پاشانک سیواس والیدکی	۳۵۷
دلی طاهر بکک امارت واستقلاللی وارباب اختلالک انقیادی	۳۶۰
یلدیزی ابراهیم بکک امارت و طغیانی	۳۶۳
کپرولو احمد بکک امارتی و اماسیه اعیانی	۳۶۶
ابراهیم بکک اماسیه بی جبراً ضبط و تصرفی	۳۶۸
علی بکک امارتی و ابراهیم بکک اعدامی	۳۷۰
قویوچی مراد پاشا واشقیا ایله حربی	۳۷۱
قره سعیدک اماسیه هجوم و فراری	۳۷۵
اماسیه نک استخلاصی	۳۷۶

میثانی ♦ ♦ ۱ غروشدو